

U. S. A. M. H. A.

\$ 675-

~~RECEIVED~~ 10. 1928.

A N N A L E S

ACADEMIAE RHENO-TRAJECTINAE,


Ann. CCCCXVII-CICCIC.

G E R A R D O M O L L,

RECTORE ACADEMIAE MAGNIFICO,

I A N O B L E U L A N D,

SENATUS GRAPHIARIO.



T R A I E C T I A D R H E N U M ,

A P U D O T T O N . I O A N N . V A N P A D D E N B U R G ,

E T I . V A N S C H O O N H O V E N ,

A C A D E M I A E T Y P O G R A P H O S .

M D C C C X X .





RECOLLECTIO
VAN LITH DE IEUDE
PROFESSORUM ET LECTORUM
IN ACADEMIA TRAIECTINA
ANNALIA
HOC ANNALIUM VOLUMINE
CONTINENTUR.

Nomina Professorum et Lectorum in Academia Traiectina. § I.

Quaestiones ad certamen literarium propositae

A. CICIOCCCXVIII. § II.

Series Lectionum habendarum. § III.

Series Disputationum publice defensarum. § IV.

Solennia. § V.

Fata Athenaei Harderoviceni. § VI.

G. MOLL, Oratio.

F. F. VAN LITH DE IEUDE, Oratio.

I. VOSMAER, Oratio.

Responsiones ad Quaestiones Academicas

*HENRICI CAROLI VAN DER BOON
MESCH, ad quaestionem Chemicam.*

*IOACHIMI SANDRA, ad quaestionem Iuri-
dicam.*

*BAVII ANTONII NAUTA, ad quaestionem
Literariam.*

*Typis mandata IOHANNIS RUDOLPHI
THORBECKE, ad quaestionem Literariam.*

ANNALES

ACADEMIAE RHENO - TRAIECTINAE:

XIXCCCLXII - XXVCCCLXII.

§ I.

*In Academia Traiectina a die xxvi Martii
A. CCCLXII ad diem xxvii Martii, A.
CCCLXIII, munus obierunt docendi,*

*MATHESIN ET PHILOSOPHIAM
NATURALEM,*

GERARDUS MOLL, h. t. Academiae Rector.

IOANNES FREDERICUS LUDOVICUS SCHRÖDER.

IANUS KOPS.

*THEODORUS GERARDUS VAN LITH DE IEUDE,
Professor extraordinarius, munus suum ingressus
est solemnioratione die xxi Ianuarii CCCLXIII.*

THE.

THEOLOGIAM,

HERMANNUS ROVAARDS.

IODOCUS HERINGA, E. F.

GABRIËL VAN OORDT.

JURISPRUDENTIAM,

CORNELIUS WILHELMUS DE RHOER.

HERMANNUS ARNTZENIUS.

IOANNES RICHARDUS DE BRUEYS.

MEDICINAM,

IANUS BLEULAND, h. t. Acad. Graphiarius.

NICOLAUS CORNELIUS DE FREMERY.

BERNARDUS FRANCISCUS SUERMAN.

IANUS ISAACUS WOLTERBEEK.

JACOBUS VOSMAER, Profesor extraordinarius,
munus suum auspicatus est oratione solemnis die
XIV Oct. MDCCLXVIII.

**PHILOSOPHIAM THEORETICAM ET
LITERAS HUMANIORES,**

PHILIPPUS GULIELMUS VAN HEUSDE.

DITH-

DITHMARUS HUISMAN.

IOANNES HENRICUS PAREAU.

ANTONIUS VAN GOUDOEVER.

ADAMUS SIMONS.

LECTORES,

PHILIPPUS FRANCISCUS HEYLIGERS, *Professor extraordinarius designatus.*

SAMUEL NYHOFF, *Linguae Graecae.*

LUDOVICUS PINO, *Literarum Italicarum.*

MARIE FRANCISCUS XAVIERIUS D'ANGELY,
Literarum Gallicarum.

CAROLUS THOMPSON, *Literarum Anglicarum.*

MAGISTER ACADEMICUS.

IOHAN SALENTYN HOFFMAN, *Equitationis.*

§ II.

*Quaestiones ad certamen literarium singula-
rum disciplinarum studiosis in Academiis, et
Athenaeis Batavis, ineunte anno CCCCCXIX.
fuerunt propositae his formulis.*

PHY-

PHYSICO-MATHEMATICA.

Exponantur leges atque formulae, quibus definiantur velocitas angularis, atque angulus rotationis, descriptus corpore rigido, sive sistente corporum rigidorum, si eiusmodi corpus aut sistema corporum, viribus quibuscunque, quarum directiones parallelae sunt, agitatum, rotatur circum axem mobilem aut immobilem. Ostendatur harum formularum usus in motu pendulorum, vectium, aliisque motibus.

CHYMICA.

Quum recentiorum Chymicorum plerique, duce eximio H. D A V Y, acidum, quod hactenus muriaticum oxygenatum dici consueverat, simplex esse principium, Chloricum nuncupandum, statuant; nonnulli tamen cum Cl. BERZELIO, veterem Theoriam Bertholettianam, hic etiamnum esse sequendam autument; quaerit Facultas: quaenam harum doctrinarum, si ipsa spectentur experimenta, si ad integræ Theoriae Chymicae analogiam adtendatur, si denique ratio habeatur baseos acidi Fluorici (phthoricum prin-

principium nonnulli dicunt) et haud ita pri-
dem detecti principii Iödici; praerogativam
mereatur?

THEOLOGICA.

Quibusnam e fontibus Lucas hausit, quae in
Actorum Apostolicorum libro tradidit? Quac-
nam ei fides habenda est, praesertim in refe-
rendis orationibus, precibus et collocutionibus,
illic obviis?

JURIDICA.

Quae videtur ratio suisse, quod Romani in
infantia Iurisprudentiae simplicitatem iuris na-
turae non aequa servaverint in negotiis stricti
iuris, atque in iis, quae bonae fidei dicuntur?
Qua ratione salvo iuris principio, iniquitatem
inde oriundam correxerunt Romani? An modus
procedendi apud Romanos vim habuit diversam
circa valorem negotiorum, circa petitionem ac-
toris, remedia defensionis et officium iudicis,
prout negotia erant bonae fidei vel stricti iuris?
An mutato procedendi modo, cessavit etiam ac-
tionum bonae fidei et stricti iuris differentia?

ME.

M E D I C A.

Quid est putredo animalis? An locum habet in corpore humano vivo? Qua ratione explicari debet actio remediorum, quae dicuntur, anti-septicorum?

L I T E R A R I A.

Ex iis, quae in libris Ciceronis de Oratore a Crasso, Antonio, Caesare, aliis, de eloquentia disputantur, ipsius efficiatur Ciceronis de perfecto Oratore sententia.

§ III.

Lectionum a finitis feriis aestivis, A. ciclopcccixviii, ad serias aestivas A. ciclopcccixix, habendarum fuit ordo propositus, quem in docendo sequerentur.

In FACULTATE MATHESEOS ET
PHILOSOPHIAE NATURALIS,
docebunt

*Elementa Matheeos I. F. L. SCHRÖDER,
d. lunae, martis, iovis et veneris, h. VIII.*

Ste-

Stereometriam, Trigonometriam rectilineam et sphaericam, adhibitam ad Astronomiam, et Geographiam Mathematicam, I. F. L. SCHRÖDER, diebus mercurii et saturni, VIII. et I.

Elementa Mechanica atque Optica I. F. L. SCHRÖDER, diebus martis et veneris, h. IX. vel alia hora, auditoribus magis commoda.

Mechanicae sublimioris alteram partem, atque nonnulla capita selecta Caleuli Integralis et Variationis I. F. L. SCHRÖDER, d. mercurii et saturni, h. X.

Physicam experimentalem G. MOLL, d. lunae, martis, iovis et veneris, h. I.

Astronomiae primas notitias G. MOLL, d. lunae, martis, iovis et veneris, h. IX. vel alia auditoribus magis commoda.

Astronomiam theoreticam et practicam G. MOLL, iisd. d. h. III.

Chemiam generalem et applicatam N. C. DE FREMERY, diebus lunae, martis, iovis et veneris, h. XII.

Botanicam et Physiologiam plantarum I. KOPS, d. lunae, martis et iovis, h. X.

Zoologiam, cum Anatome comparata coniunctam,

tain, N. C DE FREMERY, diebus lunae, mar-
tis, iovis et veneris, h. I.

Mineralogiam N. C. de FREMERY, bis
per dierum hebdomadem, hora auditoribus
commoda.

Oeconomiam ruralem I. KOPS, diebus mer-
curii et saturni, hora VIII et XII.

In FACULTATE THEOLOGICA,

docebunt

Theologiam naturalem G. VAN OORDT, d.
lunae et martis, h. XI. (d, iovis et veneris eâ-
dem horâ eiusdem doctrinae selecta tractabit).

Historiam ecclesiasticam D. HUISMAN, d.
martis, mercurii, iovis et veneris, h. III. aut
aliis, auditoribus commodis.

*Fundamenta interpretationis N. T. I. HE-
RINGA*, E. F. d. lunae, martis, iovis et ve-
neris, h. XII.

Davidis Psalmos, in temporis ordinem re-
dactos; I. H. PAREAU, interpretabitur d. lu-
nae, martis, iovis et veneris, h. I.

*Introitum in Novi Foederis libros I. HE-
RIN.*

R/NGA, E. F. diebus lunae, martis, iovis et
veneris, h. VIII.

D. Ioannis Euangelium interpretabitur H.
ROYAARDS, d. mercurii, h. XII.

Theologiam Dogmaticam docebit H. ROY-
AARDS, diebus lunae, martis, iovis et vene-
ris, h. IX.

Collocutionibus de Locis theologicis vacabunt
I. HERINGA, E. F. d. iovis, horis vespert.
a VII. ad IX. et G. VAN OORDT, die mercu-
rii vel saturni, horis vespertinis a VI. ad VIII.

Christianam morum disciplinam docebit G.
VAN OORDT, d. lunae, martis, iovis et vene-
ris, h. X.

Praecepta homiletica tradet H. ROYAARDS,
d. mercurii, h. X.

Exercitationes Oratorias Sacras moderabi-
tur I. HERINGA, E. F. die saturni, h. I. vel
alia magis commoda.

Officia nuntiorum Euangelii exponet H. ROY-
AARDS, d. mercurii, hora IX.

Puerorum doctrinae Christianae initii erudi-
endorum exercitationem instituent I. HERIN-
GA, E. F. die veneris, hora XI. et G. VAN
OORDT, die mercurii hora XI.

Ora.

Orationibus Sacris pronunciandis praeerunt H. ROYAARDS, d. martis, h. XII, I. HERINGA, E. F. die lunae, hora XII. et G. VAN OORDT, die mercurii, hora XI.

Disputandi exercitationibus praeerunt H. ROYAARDS, d. veneris, h. I.; I. HERINGA, E. F. privatim die saturni, h. VIII. vel alia commodiori: publice data opportunitate, die mercurii, hora I. et G. VAN OORDT, publice eadem die ac hora: hi vero alternis hebdomadibus.

In FACULTATE IURIDICA docebunt

Institutiones, Westenbergio duce, H. ARNTZENIUS, diebus martis, iovis et veneris, hora IX. mercurii et saturni, hora X.

Pandectas, eodem duce, H. ARNTZENIUS, diebus martis, iovis et veneris, hora X. mercurii et saturni, hora IX.

Ius Criminum et poenarum C. W. DE RHOER, diebus mercurii et saturni, hora XI., vel alia, auditoribus forte magis commoda.

Ius naturae C. W. DE RHOER, diebus lunae, martis, iovis et veneris, hora XI.

Ius

Ius gentium et publicum C. W. DE RHOER,
iisdem diebus, hora I.

Ius Belgicum I. R. DE BRUEYS, diebus
lunae, martis, iovis et veneris, hora XII.

Historiam iurisprudentiae Romanae, H.
ARNTZENIUS, d. mercurii et saturni, hora XII.

Encyclopaediam et Methodologiam Juris I. R.
DE BRUEYS, diebus lunae et iovis, hora XI.

Disputandi exercitationibus alternatim prae-
runt H. ARNTZENIUS et I. R. DE BRUEYS.

In FACULTATE MEDICA
docebunt

Anatomiam B. F. SUERMAN, quater per
dierum hebdomadem, h. IV.

Physiologiam I. BLEULAND, quater, h. VIII.

Pathologiam B. F. SUERMAN, quater, h. IX.

Praxin medicam I. I. WOLTERBEEK, die
lunae, martis, mercurii et iovis, horâ XII.

Pharmaciam, secundum Pharmacopoeam Ba-
tavam, vernaculo sermone, N. C. DE FRE-
MERY, diebus martis et veneris, h. III.

Materiem Medicam, sive *Historiam Remedio-
rum I. I. WOLTERBEEK*, enarrabit diebus
mercurii et veneris, horâ I.

Institutionibus Clinicis vacabit I. I. WOLTERBEEK, singulis diebus, in Nosocomio Académico.

Chirurgiam tradet B. F. SUERMAN, quater per dierum hebdomadem, h. VIII.

Institutioni clinicae in arte chirurgica, quovis die, vacabit B. F. SUERMAN.

Artem obstetriciam theoreticam et practicam docebit I. BLEULAND, ter quavis hebdomade, h. I.

Institutionibus Clinicis in arte obstetricia vacabunt I. BLEULAND et I. I. WOLTERBEEK.

Politiam Medicam tradet N. C. DE FREMERAY, diebus lunae, mercurii et saturni, h. VIII.

Disputandi exercitationibus alternis hebdomadibus die saturni hora I. Professores in Facultate Medica alternatim praeerunt.

In FACULTATE PHILOSOPHIAE THEORETICAE ET LITERARUM HUMANIORUM
docebunt

Philosophiam moralem D. HUISMAN, d. lunae et mercurii, h. VIII.

Li-

Literas Latinas A. VAN GOUDOEVER,
d. lunae, martis, iovis et venoris, h. XI. in-
terpretandis cum Ciceronis libris de Legibus,
tum selectis Horatii aliorumque Poëtarum locis.

*Antiquitatem Romanam A. VAN GOUDOE-
VER*, d. mercurii, h. IX. et I., die vero sa-
turni h. IX. et XII.

A. VAN GOUDOEVER, die lunae, hora IX.
et mercurii, hora I. universe de eloquentia Ro-
mana disputabit, et in primis de iis, qua ad
orationem bene Latinam videntur pertinere.

*Exercitationes Oratorias moderabitur A. VAN
GOUDOEVER*, d. saturni, h. I. vel aliâ ma-
gis commodâ.

Literas Graecas tradet Ph. G. VAN HEUSDE,
interpretandis cum locis selectis N. Foederis,
Luciani et Herodoti, die lunae et iovis, horâ X.
tum Platonis Critone et selectis Homeri et Theo-
criti locis, die martis et venoris, horâ X.

Antiquitatem Graecam Ph. G. VAN HEUSDE,
d. mercurii et saturni, h. X.

Literas Hebraicas I. H. PAREAU, ita ut
Grammaticam exponat d. lunae et iovis h. IX.
eademque hora; d. martis et venoris, quaedam
tractet capita e posteriore *Samuelis* libro.

Literas Chaldaicas et Syriacas I. H. PAREAU,
d. lunae et iovis, h. XI.

Literarum Arabicarum initia I. H. PAREAU,
d. martis et veneris, h. XII : et *carmina quae-
dam Arabica*, diebus et horis deinceps definien-
dis tractabit.

Antiquitatem Hebraicam I. H. PAREAU,
d. lunae, martis, iovis et veneris, h. IV.

Historiam universam Ph. G. VAN HEUSDE,
d. lunae, martis, iovis et veneris, h. XII.

Historiam Artium et literarum antiquarum,
Ph. G. VAN HEUSDE, die mercurii et saturni,
hora XI.

Historiam Patriae A. SIMONS, d. mercurii,
iovis, veneris et saturni, h. VIII.

Literas Belgicas et Eloquentiam A. SIMONS,
d. martis, mercurii, iovis et veneris, h. III.

Historiam Poës. Belgic. A. SIMONS, d.
martis et iovis, h. IV.

Praecepta styli, bene Belgici tradet A. SI-
MONS, d. mercurii et veneris, h. IV.

Disputandi exercitationibus praeerunt, alter-
nis hebdomadibus, die saturni, hora I. alter-
natim Ph. G. VAN HEUSDE et A. VAN GOU-
DOEVER.

Ph. F. HEYLIGERS, *morbos ossium* exponet, bis per dierum hebdomadem, diebus et horis deinceps indicandis.

Ph. F. HEYLIGERS, *artem obstetriciam theoreticam et practicam* docebit, diebus lunae, martis, iovis et veneris, hora X.

Ph. F. HEYLIGERS, *eandem disciplinam*, vernaculo sermone, obstetricibus tradet, die mercurii et saturni, hora I.

Ph. F. HEYLIGERS, *chirurgiam*, vernaculo sermone tractabit, die mercurii et saturni, hora XII.

Ph. F. HEYLIGERS, *operationes chirurgicas* in cadavere humano publice demonstrabit, tempore hyemali, earumque encheirismum rationem, vernaculo sermone exponet, quater per dierum hebdomadem, hora X.

L. PINO, *Literas Italicas* docebit diebus martis et veneris, hora IV.; horis vero deinceps indicandis historiam earum literarum sermone Gallico et Italico tradet.

Literas Gallicas tradet F. M. D'ANGELY, diebus lunae et iovis, hora IV.

Literas Anglicas tradet C. THOMSON, diebus lunae et iovis, hora V.

*Bibliotheca Academica, in Aede D. Iohannis, diebus Lunae et Iovis, ab hora I. in II. et diebus Mercurii et Saturni ab hora II in IV, et, fe-
riarum tempore, singulis diebus Iovis ab hora II, unicuique patebit.*

§ IV.

*A die xxvi. Martii, Anni ccccxviii, ad diem xxvi Martii, A. ccccxix, disputatio-
nes publice defensae sunt hoc ordine.*

Anno ccccxviii.

*xv. Iunii, Dissertationem de secunda epistola Io-
hannea pro gradu Doctoris Theologiae, in
auditorio maiore defendit JOHANNES IACOBUS
RAMBONNET, Campensis, Doctrinae Christianae
interpres in vico Eemnes Binnendyk.*

*xvii. Iunii, De vi Legis novae in ultimas volun-
tates ante conditas, post eam morte confirma-
tas pro gradu Doctoris Iuris Romani et ho-
dierni in auditorio maiore, defendit HARMEN
HIDDINGA, Heerenvena Frisius.*

*Eodem die Specimen Varii Argumenti pro gradu
Doc-*

*Doctoris Iuris Romani, et Hodierni defendit
CONSTANS SIGISMUNDUS WILHELMUS IACOBUS
VAN NAGEL, Vada Gelrus.*

xix. Junii, Specimen Hermeneutico Theologicum,
quo Vaticinationes Iesu Christi de p̄p̄cessiō-
nibus suis, morte, et in vitam reditu illūstران-
tūr et vindicantur pro gradu Doctoris Théolo-
giae in auditorio maiore defendit HENRICUS
EBERTUS VINKE, Amstelaedamensis, Doctri-
nae Christianae interpres in vico de Vuurschē.
xx. Junii, Specimen Iuridicum de iure accrescen-
di inter Collegatarios ex dispositione Codicis
Civilis pro gradu Doctoris Iuris Romani et
Hodierni defendit HERMANNUS GULIELMUS
IOANNES VAN LYNDEN, Arnhemensis.

Eodem die Quæstiones iuridicas, pro gradu
Doctoris Iuris Romani et Hodierni defendit
IANUS SLOET VAN TWEENYENHUIZEN, Trans-
iselanus.

x. Nov. Specimen Chirurgico Medicum, de caus-
sis, cur laesionibus capitis, quæ initio haud pe-
riculosæ videbantur, frequenter sero sympto-
mata gravia, in mortem desinentia, aliquando
accedant, pro gradu Doctoris medicinae, in
auditorio maiore, defendit IACOBUS CAROLUS
BROERS, Rheno-Traiectinus.

xii. Noyembris. *Specimen Pathologico-Therapeuticum de morbis convulsivis, pro gradu Doctoris Medicinae,* in auditorio maiore, defendit **IOANNES VAN REES**, Neomago Gelrus.

xiii. Noyembris. *Specimen Medicum, de Peritoneo eiusque inflammatione, pro gradu Doctoris Medicinae,* in auditorio maiore, defendit **DIDERICUS GULIELMUS VAN LEEUWEN**, Alcamarâ Hollandus.

xiv. Novembris. *Specimen Medico Chirurgicum, de fungoso Menyngis excrescente, pro gradu Doctoris Medicinae,* in auditorio maiore, defendit **CHRISTIANUS BERNARDUS TILANUS**, Harderoyicensis.

xvi. Decembris. *Specimen Politico-Historicum, de propria reipublicae Romanae conditione in Tribunorum plebis institutione observanda, pro gradu Doctoris Philosophiae Theoreticae et Literarum Humaniorum,* in auditorio maiore, defendit **ROELANDUS SCHEERS VAN HAREN-CARSPEL**, Neomago-Gelrus.

Anno CCCCCXIX.

xxvii. Ianuarii. *Specimen de diversa Iuris Romani et codicis civilis Doctrina circa culpam conductoris ex incendio praesumendam, pro gradu Doctoris Iuris Romani et Hodiegni, defendit*

dit GYSBERTUS PETRUS MARTENS, Traiectinus.

xxvi. Februarii. Specimen de conditione et iuribus
liberorum illegitimorum secundum codicem
civilem, pro gradu Doctoris Iuris Romani et
Hodierni, defendit I. F. W. VAN NES, Rheno-
Traiectinus.

xii. Martii. Specimen observationum, quibus il-
lustratur Historia iuris dotium apud Romanos,
pro gradu Doctoris Iuris Romani et Hodierni,
defendit LUDOVICUS HENRICUS RAMBONNET,
Campensis.

§ V.

Die xiv Octobris CICICCCXVIII. IACOBUS VOS-
MAER, Vir Clarissimus, designatus Professor Me-
dicinae extraordinarius in hac Academia solenne-
ius, iurandum solito more in Senatu praefitit;
deinde munus suum auspicaturus oratione so-
lemni dixit: de Medicina recentiore cum anti-
qua comparata.

Die xxi. Ianuarii CICICCCXIX. THEODORUS
GERARDUS VAN LITH DE IEUDE, vir Clarissimus,
designatus in hac Academia Philosophiae Na-
turalis Professor extraordinarius adeundi mune-
ris causa solenni oratione dixit de Ioanne Swam-
monerdamio egregio Naturae Cultoris exemplo.

Quum in annum Academicum, a natali incipi-
entem Academiae die, qui est xxvi. mensis Mar-

tii Anni CCCCCCXXIX., Rectoris Magnifici munus ex decreto Regio delatum eset HERMANNO ROYAARDS, V. Cl., atque in confessu Curatorum, Rectoris atque Adsesorum, Graphiarii Senatus partes mandatae essent PHILIPPO GULIELMO VAN HEUSDE, V. Cl., die xxviii. mensis Martii huius anni in Senatu facta est horum virorum solennis inaugratio. Qua peracta, GERARDUS MOLL, V. Cl., munere Rectoris se abdicaturus, orationem habuit: de vitanda, in astronomiae studio, singendi temeritate, et coeli observatione quam diligentissime instituenda, atque enarratis, quae ipso Rectoré, Academiae acciderant tum adversatum prospera, victoribus in certamine literario, HENRICO CAROLO VAN DER BOON MESCH, IOACHIMO SANDRA, BAVIO ANTONIO NAUTA, praemia distribuit, atque promeritis laudavit JOHANNEM RUDOLPHUM THORBECKE. Quibus omnibus rite, atque ad rem accommodate peractis, munere suo se abdicavit, et datum sibi succesorem HERMANNUM ROYAARDS, V. Cl., proclamavit Academiae Rectorem Magnificum.

§ VI.

Deletis vi Regii Decreti titulis Athenaei Harderoviceni, Professores, qui in eo docuerunt, vel alio sunt evocati, vel rude donati. Vid. Oratio G. MOLL pag. 31.

GE-

GERARDI MOLL
ORATIO

D E

VITANDA, IN ASTRONOMIAE STUDIO,
FINGENDI TEMERITATE, ET COELI
OBSERVATIONE QUAM DILIGEN-
TISSIME INSTITUENDA,

DICTA PUBLICE

die xxviii m. Martii, a. ccccxxix.

QUM ACADEMIAE REGUNDÆ MUNUS
SOLENNI RITU DEPONERET.

ЛЛОДИ ГЕРМАНО

ОЛТАЯ О

и а

одноглазый волк
один из самых злых
животных в лесу
один из самых злых

злых животных

один из самых злых

животных в лесу
один из самых злых

43

ACADEMIAE RHENO-TRAJECTINAE CURATO-
RES, VIRI GRAVISSIMI, AMPLISSIMI, MAGNIFICI !



ACADEMIAE RHENO-TRAJECTINAE CURATO-
RES, VIRI GRAVISSIMI, AMPLISSIMI, MAGNIFICI !

QUI IN REGNO BELGICO, IN HAC REGIONE,
AUT IN HAC URBE, REBUS PUBLICIS ADMINI-
STRANDIS, IUSTITIAEVE VINDICANDAE, PRAE-
ESTIS, VIRI NOBILISSIMI, SPLENDIDISSIMI !

QUARUMVIS DOCTRINARUM PROFESSORES CLA-
RISSIMI, COLLEGAE CONIUNCTISSIMI !

LECTORES ERUDITISSIMI, EXPERTISSIMI !

SACRARUM LITTERARUM INTERPRETES FA-
CUNDISSIMI !

QUARUMCUMQUE DOCTRINARUM DOCTORES,
CONSULTISSIMI, EXPERTISSIMI, ACUTISSIMI !

VOS ETIAM CIVES ACADEMICI, PARENTUM
AMOR, PATRIAEE SPES, NOSTRA CURA !

CIVES ET HOSPITES, OMNIS ORDINIS, LOCI
ET DIGNITATIS, ACCEPTISSIMI !

Omnis fere quibus contingit, in coetu il-
lustrium et doctorum virorum, publice de re-
bus gravissimis disputare, fateri solent quae-
sit animi perturbatio, quae sint curae qui-
bus agitentur. Et profecto quod suscipi-
unt negotium, est illud arduum et difficile.
Est enim Oratoris, placere, commovere, per-
suadere. Oratione utendum est pura, terfa,
eleganti; quae suavitate, gravitate, evidencia
se commendet. Eiusmodi etiam eligendum est
dicendi argumentum, quod omnibus aequae au-
ditoribus iucundum accidat, omnium captui sit
accommodatum, nec minus simplicitate quam
gra-

gravitate praestet. Quae difficultates, si saepè terreat viros in graecis latinisque literis versatissimos, quasnam esse censem A. A. H. H. illas, quibus prematur is, cuius vires in dicendo perquam sint exiguae; quiq[ue] vitae et disciplinae, quam colit, ratione, durior ad haec studia videatur.

Illi enim dulcedine tenentur continuo graecarum et latinarum literarum. Quotidie legunt, relegunt, quin in succum et sanguinem vertunt, aeterna illa veterum pulcri venustique monumenta. Vel si aliquando delectentur recentiorum studiis, illos maxime legunt scriptores, qui ad normam veterum scriptorum se totos composuerunt.

At nobis, qui severioribus doctrinis, operam navamus, longe alia ineunda est via. Praeclera sane monumenta sibi posuerunt viri incomparabiles, qui in disciplinis physicis provehendis, bene de genere humano meruerunt. Verum si opera eorum, latino sermone conscripta, evolvimus; illico barbaris vocibus terretur is, qui venustati veterum scriptorum sit assuetus. Quis enim sine taedio ferat barbarem et prolixam dictionem Kepleri, Hevelii, Gue-

rickii? Abundant propositio Newtoni scrip-
ta optimis praecepsis ratiocinandi et provehen-
di disciplinas physicas. Exempla vero stylis la-
tini frustra quaeras, in immortalibus Viri in-
comparabilis scriptis. Quid plura? Galilaei
dialogis praeclaris continentur summi Viri de
rebus gravissimis placita; sin vero orationem
spectemus, hos dialogos inter et Ciceronianos.
illos de oratore et rebus philosophicis,
quantum est discriminis! In commercio episto-
lico quod inter Newtonum, Leibnitzium
et Bernouillios institutum est, inven-
ta occurruunt, in quibus ad extremam metam
progressum videatur ingenium humanum; sed
compara has epistolas cum epistolis Ciceronianis:, in tota rerum natura vix ulla unquam
inveneris dissimiliora. Sed in legendo, et scri-
bendo non solum versantur nostrae disciplinae
studiosi, agendum etiam iis est quam saepissime.
Nova enim continuo experimenta sunt excogi-
tanda, instituenda, repetenda, ab omni parte
consideranda; quotidianis observationibus no-
tre dieque in Observatorio vigilandum est; ad-
hibenda etiam Geometria est, ut ea quae ob-
servavimus ad calculi leges adstringantur; lon-
gis-

gissimae computationes sunt ineundae, in tabulis et numeris quasi est habitandum. Dum autem frigescit astronomus in specula, incertam scilicet observationem exspectans, literator nocturna saepe manu, veterum scriptorum versat paginas, atque assidua lectione ad antiqui elegantiam aevi informatur.

Equidem scio, paucos esse, sed fortunatos mortales, quibus contigerit, raro connubio, antiquitatis studium cum mathematicis disciplinis coniungere. Sed nobilia illa exempla, quae ut digito quasi vobis indicem, vix erit necesse; exceptiones simul esse et confirmationem eorum quae dixi, sponte patet omnibus.

Intelligitis igitur A. A. H. H., quantum me commoveri par sit, quum grave hoc negotium peragere instituam: praesertim, cum insolitum sit illud mihi et novum plane. Septem iam fere exacti sunt anni, quod primum in hac musarum sede, publice mathematicas disciplinas docere coepi, et contra maiorum prudentissimum institutum, nunc primum hanc cathedram conscendo, e qua sapientissimi Viri doctores publicos iusserunt, muneris stadium solenniter intrare. Scilicet illo tempore, vi exterorum

tris-

tristis oppressa flebat patria. Alma Academia, antiquis orba^ta honoribus, non nisi umbram veteris splendoris referebat. Si nunc timidus, tenuitatis meae in dicendo conscientius, in hunc locum adscendi, tunc pestis aliquius instar, aufugi occasionem publice pronuntiandi orationem, quam nisi commixtam et inquinatam nefarii hominis laudibus, tolerare plane non potuissent diri tyranni ministri.

Disquirenti autem de dicendi materia, exproienda mihi visa est ex iis, quibus maxime delector studiis: nec a munere quo in hac Academia fungor, aut huius loci dignitate alienum iudicavi, si verba facerem, *de vitanda in astrophysica studio fingendi temeritate, et coeli observatione quam diligentissime instituenda*. Quod dum agere instituo, spero fore, A. A. H. H. ut benigno animo audituri sitis orationem tenuem homini^s, magis in computando, observando, experiundo, quam in dicendo, versati.

Est haec nobilissima, eademque prudentissima Ciceronis sententia „Opinionum com-
men-

menta delet dies, naturae iudicia confirmat. In artibus doctrinisque, gravioribus illis in primis, quae ad naturam cognoscendam pertinent, ut Physica, Chymia, Medicina, quicunque fingendi opinandique audaciae fese dederunt, moverunt illi multum, promoverunt parum, nec posteris reliquerunt nisi turpem vanitatis memoriam. Nulla autem disciplina observandi diligentiam et constantiam sibi expostulare magis videtur, quam quae ab astris observandis, principe quo fungitur inunere, Astronomia dicta est. Recludit haec enim immensum, in quem ingenium exspatietur, campum: invitat levioris indolis homines, ut alas sibi adaptent, quibus sublimes per infinitum spatium volitent. Quodsi quis, in hacce doctrina, fingendi cupiditati voluptatique indulgeat, nae ille, ut Horatiano illo utar,

— ceratis, ope Daedalea

Nititur pennis, vitreo daturus

Nomina ponto.

Nolim equidem memorare, qui antiquo ac recentiore aeyo hac temeritate tractare astronomiam ausi sunt, quorumque fama ut subito evolavit, ita subito lapsa est. Malim discipli-

nae

niae huius studiosis etiam atque etiam commen-
dare, quae commendari satis non posse videan-
tur, inquirendi diligentiam atque assiduitatem.
Quod quo certius praestem, primum percurre-
mus astronomiae historiam, ut pateat, obser-
vando illam in primis incrementa cepisse; tum
porro ex ipsa doctrinae indole demonstrare stu-
debo, nisi per observandi studium, veros eius
fructus existere atque ad vitae usum conferri
nullo modo posse.

Nata videtur Astronomia in illis regionibus,
quarum suavis et lenis aëris temperies pastores
et pegudum custodes, sponte ad coeli contem-
plationem invitare atque excitare debuit. Sere-
nitas noctium, sublime spectaculum agrestibus
illis praebuit mortalibus, eosque naturali quo-
dam impetu, ad sidera tollere vultus iussit.
Solis, lunae et stellarum circuitus, mutationes
anni et tempestatum nuntiantes, et tempora
rusticis operibus aptissima indicantes, sua spon-
te observabant homines. Ad sacra si rudiores
illae notiones fuerint translatae, non est quod
miremur, in hac scilicet humani generis infantia.
Arctum igitur fuit operum rusticorum cum sa-
cris et astronomia vinculum. Utilitas suadebat as-
tro.

tronomiae diligentem curam, sed cum notionibus
 illis, simplicitas vetustarum gentium, multa su-
 perstitiosa commiscuit. Difficultatibus illis, qui-
 bus diu laboravit, vix se extricare potuit scien-
 tia. Nuda contemplatione astrorum, praedictis
 fallacibus et yaticiniis, omnis continebatur as-
 tronomiae peritia. Tandem in Graecia, artium
 matre simul et nutrice, novam faciem scientia
 induit. Exstigit enim ibi summus Hippa-
 chus, cuius gloriam successores ut aemulari po-
 tuerunt, ita aequare aut superare non potuerunt.
 Tunc demum crebrior calculi ad observationes
 evasit applicatio. Tunc tandem creata est trigo-
 nometria sphaerica. Hipparchus enim omnia
 ea praestitit, quae illo aevo a felicissimo ingenio
 praelestari poterant. Is enim leges motuum corpo-
 rum coelestium definivit, is tabulas condidit, is
 accuratiora instrumenta invenit, is redacto catalo-
 go omnium quas observare potuit stellarum, fun-
 damenta posuit astronomiae, et opus peregit,
 quod Plinius etiam *Diis improbum* vocare
 haud dubitavit. Laudent igitur poëtae Homer-
 rum, medici Hippocratem, mathematici
 Archimedem; celebretur divinus Plato a
 philosophis, sed suo etiam iure colendus est Hip-

p a r c h u s , tanquam verae Astronomiae parens et conditor. Sic floruit disciplina in scholis Rhodiana et Alexandrina , eademque servata medio aevo ab Arabibus , tandem post renatas in Europa literas , in clientelam et fidem nothaæ sororis , *Astrologiae* se commisit. Ita languescere pergit in umbra superstitutionis , donec caput novo splendore extulit , tempore illustrium duumvirorum , Tycho n i s Brahei et Kepleri . Quorum prior perfectioni apparatu novorum instrumentorum et assiduis observationibus , inaudita adhuc accuratiorne institutis , alter vero acumine excellentissimi ingenii , in rimandis motuum corporum coelestium legibus , tantum profuerunt scientiae , ut neminem inde ab Hipparchi aevo cum clarissimis illis astronomis comparandum esse censeamus . Novas ab illo inde tempore in dies scientia vires cepit . Keplerus , veris planetarum cursus legibus detectis , tamen desperans de inventione principii , ex quo haec omnia , tanquam ex fonte , deduci possent , exclamasse fertur , „ qui haec mihi expediet , hunc Appollonio longe maiorem habebo ” . Intellexit nempe Vir acutissimus , rem iam ad mathematicos redire , atque ex perfectis et ampli-

ficitis geometria et analysi, explicationem unice peti posse. Ita via reclusa et patefacta fuit Hugènio nostrò et Newtono, quorum hic inventis Képleri et praecedentium astronomorum usus, longè maiorem se praestitit Apollonio Pergaeo illo, ex cuius de sectionibus conicis doctrinâ, solam ingentis huius problematis solutionem sperare ausus fuerat Keplerus. Ita immensis incrementis analyseos scientiam auxit Newtonus; ut inveniret tandem principium adeo simplex, adeo clarum, adeo legibus mathematicis conveniens, ut omnis astronomia facta sit *problema mechanicum*, cuius solutio e sublimiori mathesi pendeat. Sed quemadmodum, in omnibus matheseos applicatae partibus, multa sunt quae mathematici ex observatione et experientia depromere debeant, ita maxime in astronomia innumera fere sunt, quae sola vi ingenii mathematici nunquam detegere possit, nisi auxilio adiuvetur observationum. Qui mathematicarum formularum dicuntur coëfficientes, assidua et accuratissima observatione sunt definiendi. Hoc igitur molientes astronomi, in hac investigatione noctibus et diebus versati sunt, ut magis magisque

accu-

accurate definirent ea, quae fundamentum geometrarum disquisitionibus p̄aeberent. In arduum illud opus vitam impenderunt Flamsteedius, Bradleyus et Cassinorum in astronomia nobilis familia. Hoc consilium fuit Lacaillii, Maskelinii, Lemmonierii, Mechini, Lalandii. In his perficiendis occupati tenentur nostro tempore Pondius, Bodius, Herschelius, Besselius, Piazzius, Olbersius, Zachius, Orianus et Bouvardus. Hoc strenue per omnem vitam p̄aestit optimus Delambrius, quem p̄aeceptorem et amicum habere in p̄aecipua felicitatis meae parte semper posui.

In corporum coelestium motibus, multa adeo lente peraguntur, ut evolvantur duntaxat diuturnitate observationum. Patent scilicet illa tandem nostrae investigationi post longam seriem annorum. Ab anno vero 1750 ita instituere incepérunt astronomi observations, ut ad perfectiorem theoriam accommodatae haberí possent. Tum demum melioribus instrumentis uti coeperunt astronomi. Birdius enim, Grahamus, Dollondius, Shortus, Ramsdenius

nus apparatus astronomicum, horologia, telescopia, caetera, quibus splendescunt observatoria, perfecerunt, ut cum iis quibus utebantur antea Hipparchus, Ptolemaeus, Tycho, Keplerus et Hevelius, vix comparari queant. Ab illo tempore novum stadium ingressi sunt astronomi. Labores Lacailli et Bradleyi novum prorsus exemplum dederunt successoribus. Illos labores persequi, magis magisque in dies perficere nostrorum temporum annituntur astronomi. Intelligitis A. A. quam breve adhuc accuratarum sit curriculum observationum, quam latus adhuc pateat campus in quo exspatientur astronomi. Etenim spatio octoginta annorum tantum, phaenomena coelestia, perfectiori apparatu fuerunt observata. Nimis breve certe tempus ad mentiendum et computandum tam varios et tam lento motus, quorum multi tam lente peraguntur, ut non nisi diuturnitate observationum detegi possint.

Fuerunt, fateor, cum antiquo aevo, tum recentiore, qui palmaria parerent in rebus astronomicis inventa, nec tamen coelo observando se totos darent. Vaticinabantur antiquitus Pythagorei, quod vidit ac probavit seculo XVI.

Co-

Copernicus, terram hancce non in medio versari universo, sed circum solem moveri atque agitari. Erat autem nec Pythagoreus Philolaus, nec ipse etiam Copernicus observandorum astrorum magnopere studiosus. Autumavit Kantius praecedente aevo, et oraculi instar praedixit, latere etiamnuic in solari nostro syste-
mate planetam; eumque aliquando detectum iri. Et idem Kantius, quamvis menti magis hu-
manaee exploranda, quam coelo intuendo ope-
ram dederit, verissimus tamen repertus est
vates.

Valent haec exempla auditores, ut praeclarè existimemus de ingenii humani vi et sublimitate, ad refutanda ea quae posuimus non valent. Palmariis nonnullis ingenii cohcessum est, ut, vel sine adminiculis, quibus caeteri nituntur immortales, sponte pervenirent ad verum divinandum, percipiendum, cognoscendum. Nec ulla est facile ars, aut doctrina, quin excellen-
tibus huiusmodi viris et paene divinis, gravissi-
ma inventa accepta referre debeat. Verunta-
men, nisi ipsis his inventis deinceps accessisset diligens et accurata doctrina, indefessa pruden-
tium hominum naturae investigatio: felicis in-
ge-

genii foetus habita fuissent; sed arti doctrinae que vere prōdēsse, nunquam potuissent. Et vero nisi viam veluti aperuissent et munivissent antecedentium saeculorum diligenter institutae observationes, mirer equidem, primarios illos viros ad tanta peryenire inventa potuisse.

Accedamus iam porrò ad ipsam astronomiae indolem atque naturam, ut quanti quamque salutiferi sint assiduae observationis fructus, apte inde cognoscamus. Nam voces iam audire mihi video, reprehendentium et cavillantium: „Quousque tandem perges in culmine turris inutili negotio operari impendere? Quid iuvat sidera versus dirigere telescopia, de quorum effectu multa quidem mirifica praedicare solent astronomi, sed quorum ope nemo sere nisi ipsi astronomi aliquid in coelo videret potest? Quid iuvat noctu in observatorio obrigescere, vel interdiu solis observatione oculos vitiare? Quid interest ad minima temporis scrupula horologii oscillationes numerare, dum ubique locorum habeamus horologia vel solaria, vel alia, quae nobis accurate satis horarum cur-

sus indicent? Cognita iam satis est corporum coelestium theoria! Scimus omnes, observationes congruete cum tabulis! Calendaria et ephemerides omnia iam continent, quae de his rebus scire vel utile vel iucundum sit hominibus! Cui bonum iterum iterumque repetere astronomorum labores, atque continua lucubrationibus invigilare observationibus, quas a priori iam scimus cum theoria congruere? Defectus solis et lunae praenuntiari solent, in ephemeridibus et tabulis astronomicis non tantum, verum etiam in annuis illis libellis, qui omnium manibus teruntur. Inspiciendis illis libellis, si quis statibus rebus delectetur, horas immo et minuta, quibus illa sint futura, cognoscere potest. Quid igitur opus est, ut quae adeo abunde sint cognita, explorentur denuo atque investigentur? Etiam imperitus, si eiusmodi rerum curiosus paulo sit, dirigere potest telescopium versus solem aut lunam, et ea intueri perinde atque astronomus, suis cum pretiosis instrumentis. Quod si quis semel bisve inspexerit cius generis phaenomenon, difficile videtur intellectu, cur iterum iterumque cupidus sit eadem cernendi. Sol interpositione luna-

nae obtégitur, vel luna terrae umbris per ali-
quod tempus obscuratur, causam simul et ef-
fectum cognoscimus. Quid igitur necesse est,
ut ea tam intento animo, ut solent astronomi,
exspectemus et observemus? Multa quidem in
studio rerum naturalium nos latent adhuc, et
incognita sunt, cur igitur ad ea investiganda non
potius omnem impendamus curam, quam ad
observationem sive contemplationem eorum, ex
quibus nihil novi, nihil quod non diu sit cog-
nitum, sperare possumus?"

Audio equidem A. A. H. H. obiectiones,
sed quae reponam iam habeo.

Querunt solent imperiti, nec immerito, per
telescopia illa quae admodum laudant astrono-
mi, vix quidquam se conspicere posse. Sed
illa obiectio non tantum ad nostram discipli-
nam, sed ad omnia ea pertinet in quibus in-
strumenta cuiuscunque generis adhibentur. Usus
rerum atque exercitatio adsint oportet, etiam
si fabrorum instrumenta adhibere velimus; quid-
ni igitur etiam, si de astronomorum organis aga-
tur. „Quam multa, ut cum Cicerone lo-
quar, vident pictores in umbris et in eminen-
tia, quae nos non videmus? Quam multa, quae
eul

nos fugiunt in cantu, exaudiunt in eo genere exercitati? Qui primo inflatu tibicinem agnoscunt, cum id nos ne suspicemur quidem?" Igitur si quis tiro equitare tentet, vel in navi ventis quassata incedere, suo periculo disset, quid in omnibus rebus valeant usus atque exercitatio. Igitur illi, qui ipsi cognoscere cupiunt ea, quae astronomi referunt de corporibus coelestibus, adhibita exercitatione et arte, cernere iam discant, quanta sit illorum instrumentorum vis et efficacia.

Ad alteram obiectionem quod attinet, facilis mihi videtur eius refutatio. *Intueri* enim coelum, non est astronomi officium, sed *observare*. Ad minima scrupula temporis notare initium et finem phaenomenorum coelestium, atque cum iis comparare quae ex theoria in tabulis relata sunt, et in ephemeridibus praenuntiantur, in hanc rem maxime incumbit astronomus. Hinc efficiuntur et deteguntur discrimina theoriae et observatorum phaenomenorum. Sic tandem cognoscimus, quid adhuc in tabulis corrigendum, in theoria perficiendum sit. Cum illis vero hominibus qui rogant, quid referat adeo perfecta sit nostra disciplina, vix mihi ulius

lus disputationis locus relictus est. Illi enim dubitare mihi videntur, an utile sit humanae cognitionis extendere fines. Haec vero quaestio spectat non ad nostram solam disciplinam, sed ad omnem omnino philosophiam. Quid refert, eodem iure dici potest, quid refert cognitio plantarum, quae in regionibus longinquis, in ultimis terrae finibus floreant? Quid interest nostra, quaenam sit forma, vivendi ratio, animalium, piscium, immo et insectorum, quae in dissitis illis regionibus degant? Nulla enim causa est, cur exploremus tanta cura vicissitudines, quae olim hanc terrae faciem adeo mutarunt, et quarum vestigia ubique obvia sunt. Irrita et vana igitur ea sunt, quae ab acutissimis viris in his investigationibus tanta diligentia efficiuntur. Frustra tantos labores, tot itinera suscipiunt optimi naturae scrutatores. Male sanus igitur merito Humboldtius habeatur, qui vix ex campis aequatoreis redux, nova iam molitur itinera versus incognitas Asiae plagas. Nullius pretii sunt igitur Reinwardtii labores, qui quem ardorem olim eleganter et facunde descripsit, eundem nunc indefessus adhibet in Indicorum colopiarum pa-

pacificis spoliis in patria musaea deportandis. Praeterea de utilitate et necessitate doctrinarum, non est quod in hac musarum sede, vobis coram A. A. H. H. disputemus. Feruntur enim naturali quodam impetu ad haec studia, omnes illi qui semel his sacris iniciati sunt in eisque versati. „Haec enim, Tullii ut verbis utar, secundas res ornant, adversis perfugium ac solatium praebent, delectant domi, non impediunt foris, pernoctant nobiscum, peregrinantur, rusticantur”.

Sed ne illi, qui utilitatem solam in doctrinis perficiendis quaerunt, putent nil nostris disciplinis inesse, cuius utilitas oculis pateat, uno altero exemplo hanc utilitatem ostendemus.

Nemo qui mercaturaे rationem perspectam et cognitam habeat, ignorat quam utilis sit navigantibus, accurata globi quem incolimus cognitio Geographica. Geographi autem et rerum nauticarum periti sciunt quam imperfecta et rudis saepe sit illa cognitio. Pauci sunt loci, praesertim in India et America, quos ita accurate exploratos et in mappis depictedos habeamus, ut plane tollantur, vel maxime minuantur pericula, quae immincent navigantibus, velis

velis iter facientibus ad longinquas illas plagas.
 In sinu Mexicano insula est, Colonia Hispana,
 summi Columbi navigatione clara, Porto Rici
 nomine celebrata, nobilis imprimis mercatura.
 Ante paucos annos huius insulae situs valde
 erat incertus. Nam neque inter se congruebant
 mappae, neque de magnitudine erroris consta-
 bat. Hispanus Astronomus paucos ante annos
 ibi forte occultationem illius stellae quam ocu-
 lum Tauri Graeci, Aldebaran vero Arabes
 appellarunt, observavit. Diu postea cum Gallis
 et Germanis astronomis hanc suam communicavit
 observationem. Celeberrimus Zachius suas
 pervolvens observationes invenit se in speculâ
 Gothanâ eandem instituisse observationem. Hanc
 igitur cum illa Hispani observatoris compara-
 vit, et computatione facile inde deduxit verum
 Porto Rici Coloniae, immo et totius sinus
 Mexicanii, situm. Igitur Astronomus Germa-
 nus, procul ab Oceano et navigantibus remo-
 tus, auctor erat, ut accurate cognoscerent geo-
 graphi longinquaee illius insulae situm. Intelli-
 gant igitur illi, qui omnia ad utilitatem com-
 munem referunt, quid valeant nostræ lu-

cu.

cubrations, in promovendis artibus humanae societati maxime necessariis.

Obiectio denique, quam a perfecta iam satis atque expolita disciplina, ducere solent harum rerum imperiti, nullius prorsus momenti videatur. Quis enim, nisi imprudens dicat perfectam satis esse ullam cognitionem humanam? Innumera enim in theoria sunt expolienda magis et perficienda. Theoria observationibus superstruitur, cum iis crescit, ab iis vim et auxilium petere potest. Observationes, sine theoria, nullam probabilem explicationem phaenomenorum praebere possunt. Illae autem stabilire et firmare debent theoriam. Exemplo denuo illustrare, ea quae dixi, liceat.

Leges Kepleri, ex observatione depropriae, et theoria Newtoniana explicatae, indicant quidem relationes inter tempora quibus singuli planetae circuitus circa solem absolvant, et inter eorum ab ipso sole distantias, sed *relationem solam* inter tempora revolutionum et distantias a sole, his legibus cognoscimus, *veram absolutamque distantiam*, quae vulgo dicitur, singulorum planetarum non satis indicant.

Ita

Ita medio seculo praecedente, incerta adhuc erat prorsus distantia solis a terrâ. Halle yus summi Newtoni alumnus, indicavit methodum, quā ex observationibus, singulis fere aevis instituendis, demetiri possemus inter hanc terram et solem intervallum. Planetam Veneris nempe, singulis fere aevis, per discum solis transire videamus. Si accurata huius phaenomeni diversis in terrae locis instituatur observatio, calculo et theoria deducere inde possumus veram distantiam solis a terra, atque omnino dimensiones totius systematis planetarum. Igitur omnes astronomi monitum Halleyi secuti, indicato tempore difficillimum illud opus aggressi sunt. Sumtibus et patrocinio summorum imperantium, astronomi mittebantur ad oras remotissimas. Iccirco qui per totam illo tempore terram dissipati fuerant, in Indianam, Lapponiam, Californiam, Siberiam, ad mare pacificum laeti suscipiebant iter. Et sic diligentia eorum et ardore, ea tandem demonstrata sunt ac cognita, quae sola theoria nunquam eruere potuisset.

Figurae telluris investigatio, in quam tot
la-

labores impenderunt astronomi, aliud est exemplum eorum, quae theoria, nisi fulciatur observationibus, nullo modo detegere possit. Rudior quidem observatio veteres docuit, terrae figuram ad sphaeram accedere. Cognita deinde ipsius rotatione, facile erat theoretice concludere, eam in regione polorum esse planiorem. Veras autem huius, quem incolimus, globi dimensiones nullo modo theoria demonstrare potest. Ad observationes, easque accuratisimas, recurrendum est. Igitur Willebrordo nostro Snellio monstrante viam, sub zona frigida et aequatore, perinde atque in cultissimis Europae campis, iterum iterumque hoc opus tentarunt astronomi, et dimensiones et observationes instituerunt; in quibus perficiendis, perpoliendis et corrigendis, etiam nunc versantur, optimi Angliae, Galliae, Germaniae et Italiae astronomi.

Sed ne amore dilectissimae disciplinae capti, nimis haereamus in expositione eorum, quae nobis praeceteris cordi sint; paucis signisceimus quae maxime officia esse astronomi putemus. Quantum viribus et ingenio valet, in dies per-

perficit et corrigit ea, quae in theoria adhuc desiderantur. Phaenomena continuo cum illa comparat, minimas notat differentias. Omnem curam impendit ut magis magisque perficiantur instrumenta; omni modo perscrutatur errores, qui ex eorum usu et constructione nasci et observationes vitiare possint. Prae caeteris studet eam, quam profitetur, disciplinam, ad usum societatis humanae convertere. Perficit igitur quantum potest methodos, tabulas, instrumenta, quibus utuntur navigantes. Praescribit hominibus illis, matheeos saepe imperitis, observandi rationes et computandi formulas, quarum ductu in alto Oceano tuto viam invenire et sequi possint. His igitur laboribus faciliora redduntur commercia etiam inter longissime a se invicem remotas gentes. Nostrorum hominum Incubrationibus efficitur, ut Oceanus *dissociabilis*, uti voluit Horatius, non amplius sit habendus. Securi enim peragunt mercatores longissimas navigationes. Fruges longinquarum regionum commune bonum omnium populorum fiunt. Ita ubique humanitas, doctrinae, bonaë artes per totam terram disperguntur, ferarum ita gentium emolliuntur mores. Notiones denique

que immensitatis et perfectissimi ordinis quem in rerum hac universitate ubicunque cernimus, clariores purioresque fiunt. Ita enim astronomus quando silentio noctuum, sidera cuncta tacito labentia coelo notat, suum etiam consert ad expolienda et perficienda omnia ea, quae ad humanitatem pertinent.

Illas dotes astronomiae, nostro aevo, perspectas et cognitas iam habent fere omnium gentium Europearum summi Imperantes. Publicis sumtibus, ubique splendescunt observatoria. In Anglia, Gallia, Germania, Dania, Russia, Italia, publico consilio, honore et prae-miis ornatur astronomorum industria. Hoc etiam optimi Regis nostri fuit consilium, quando in Academiis Belgicis, speculas astronomicas, diu in nostra patria neglectas, exstrui et emendari, novisque instrumentis ornari voluit, quando Regio suo patrocinio excitavit ardorem et ingenium rusticorum illorum quidem, sed dexterorum Friesorum artificum; quorum industria et ingenium sperare nos iubent, fore ut aliquando aequent optima, quae apud exteros construuntur, telescopia.

Talibus notionibus instructi, si descendamus
ali-

aliquando observatorium, iam aequius forte iudicemus de iis, qui hic peraguntur, laboribus. Iam intelligimus quid sibi velint instrumenta ibi disposita, et quae tanta cura ac prudentia ab astro-nomo tractari videmus. Altum hoc loco regnat silentium, nullus nisi lenis horologii ibi auditur sonus. Nullus motus praeter illum, quo agitantur corpora coelestia, distrahere atque turbare debent attentionem astrorum peritis. Punctum enim temporis, nunquam redditum, notare cupit. Oculo ad tubum admoto, flexo saepe corpore, patientia, attentione et cura, omnem animum in organa visus quasi inten-tum habet. Figuram enim, magnitudinem, locum, motus, intervalla siderum definire eius est consilium atque propositum.

Ex lege iam mihi ennarranda sunt, quae exacto hoc anno, Universitati nostrae cum pro-

prospera tum adversa acciderunt. Et prospéra quidem quae meiorem permultā habeo; adversa vero vix illa.

Laetamur salvos esse Curatores omnes et Professores. Venerabilis etiam senex, qui Curiatorum Collegio praeest, quamvis corpore paullo infirmior, iuveniss ardore académiae proudesse, et scriptis suis ad religionis cultum, ad bonos mores adhortari omnes pergit; exemplo ita suo docens, quid vita bene peracta faciat, ad suavem illam ac leniem senectutem, quam Cicero laudavit.

Profesorum ordinem vero cum intueor, universos huc convenisse valentes gaudeo, ut unum desiderem Rhoerium, qui pedum valetudine retinetur constanter, sed constanti alacritate pergit ad summum studiosae iuventutis emolumentum, egregiis lectionibus, praceptis et consiliis munus illud sustinere, quo per complures annos in hac nostra academia, tanta gloria perfunctus est.

Ordinem hunc nostrum brevi augeri videbimus novo Collega, viro doctissimo et expertissimo Philippo Henrico Heiligers, qui artis chirurgicae et obstetriciae praecpta, lec-

toris titulo, dudum explicuit, et nuper Regia auctoritate earundem doctrinarum extraordina-
rius Professor est creatus. Auctum iam nunc cernimus Ordinem nostrum Viris Clarissimis Iacobo Vosmaer et Theodoro Gerardo van Lidth de Jeude, qui antea, dum existaret, Harderovicenum Athenaeum ornauit, sublato vero illo, huic evocati sunt, ut extra ordinem docerent, ille salutarem artem, hic historiam illam naturalem, qua merito adeo delectatur. Vos igitur, Duuniviti Clarissimi, qui munieris stadium iam feliciter intrastis, publice nunc salutare et congratulari mihi liceat. Per-
gite, ut iam diu fecistis, eruditione vestra et ingenii dotibus, gravissimis doctrinis prodesse, ad Academiae non minus ornamentum, quam ad uberrimum alumnorum nostrorum emolumen-
tum.

Antequam vero ad caetera enarranda per-
gam, grata mens mihi, nunc primum ex hoc loco dicenti, suadet, ut palam tester, quantum vobis debeam Professores Clarissimi, pro benevolentiā, qua me, inde ab illo tempore quo ordini vestro adscriptus sum, ornare voluistis. Be-
ne-

nevolentiam a vobis omnibus expertus sum,
amicitiam veram illam et sinceram, a compluri-
bus. Et tuum hic nomen reticere, amicissime
Schrödere! vetat, quae nobiscum interce-
dit, cum animorum tum studiorum coniunctio.
Laudant omnes boni tuam in philosophando,
prudentiam, in mathematicis disciplinis erudi-
tionem, in litteris humanioribus elegantiam;
quas praecelaras ingenii tui dotes, ut universi fa-
temur, mirifice valere ad Academiae nostrae
augendum splendorem, ita euidem lubentissime
addo, cumulari etiam illas humanitate tua et
modestia, quam aemuli etiam in te admirari
coguntur. Gratus ita acceptusque sis porro
omnibus, et cedant labores nostri, quos com-
muniter suscepimus, in verum Academiae, Pa-
triaeque nostrae, commodum.

Insignia hoc anno ceperunt incrementa, quae
in hac musarum sede, doctrinarum exstant ad-
minicula. Locupletata est bibliotheca Academi-
ca, cum aliis in suo genere praestantissimis ope-
ribus, tum praeclaris etiam, quae ad mathemati-
cas, physicasque doctrinas et historiam natura-
lem referuntur. Quod eo lubentius commemo-
ro,

ro, quandoquidem ante hoc triennium prorsus propemodum, iis distituta fuerat. Quod autem ei destinatum est amplum et vero magnificentum aedificium, proximo, autumamus, anno ad librorum hunc thesauro recipiendum, tum etiam ad legentium usum et commoditatem, rite erit instructum et accommodatum. Quam iuyat autem in bibliotheca invenire, quibus patet horis, egregios iuvenes legentes, libros inspicientes, pervolventes, excerptentes, et ita familiaritatem quamdam contrahentes cum optimis in quavis disciplinâ auctoribus, quos colligere possidere et legere privato homini raro, studiosis fere nunquam concessum est. Hoc sibi enim maxime proponere videtur Vir humanissimus, qui bibliothecae praestet et singularum Facultatum Professores, ut non tam iis bibliothecam exornent libris, qui se raritate, antiquitate aut pretio commendent, sed potius ut principum in quovis doctrinae genere virorum congerant scripta, quorum lectio summae sit alumnis nostris utilitatis.

Laboratorium Chemicum ornari pergit variis instrumentis ad hodiernum artis usum pertinentibus. Insignis numerus praeparatorum Che-

micorum, quam Geunsii, Viri celeberrimi, dudum collegerat diligentia, nunc auget hunc nostrum apparatus.

Zoölogicum huius Academiae Museum, multis speciminibus, avium praesertim, nonnullorum etiam mammalium et vermitum intestinalium fuit auctum. Quum publice distraheretur Cl. Geunsii Museum, permulta etiam exempla fossiliū rerum fuerant coēpta, quae in collectionibus nostris plane desiderabantur aut minus perfecta aderant.

Hortus etiam botanicus per huius anni decursum ornari et ditari pergit. Ne dicam de aditu, antea aedificiis penitus fere obstructo, nunc sublatis illis aperto et amplio, ipsius horti area, ad praesentem artis emendationem tota est composita. Rectanguli forma, quam reserebant quondam areolae et tramites, in involutam et curvatam commutata est: quo non tantum varietati ambulandique suavitati consultum est, sed aptius etiam plantarum classes, classumque extensiones distinctae sunt, et botanicum systema quasi oculis subiiciunt. Seminibus etiam et stirpibus quam plurimis ex India, America, Promontorio bonae spei, ex horto

Re-

Regio Parisino, aliisque ex locis collatis, augetur iam numerus plantarum, quae hunc locum ornant ibique coluntur.

Ad observatorium astronomicum vero quod attinet, renovatum est illud maxima ex parte, ut commodius et certius iam ibi liceat observare corpora coelestia. Pleraque instrumenta, quae ibi iam adfuerant sic reparata sunt et emendata ut quotidianis observationibus siderum inserviant. Novus tubus meridianus, achromaticus, Dollondianus, veteris telescopii culminatorii iam occupat locum. Horologium oscillatorium et compensatorium, quod ibi collocaverat iam Calkoenius, cuius intempestivam mortem luget adhuc severior musa, ab ipso Knebelio auctore emendatum, asserit optimi artificis famam.

Expectamus etiam nunc ex celeberrimis officinis Reichenbachii repetitorum qui dicitur circulum, diu iam nobis promissum, quam procrastinationem gravius quidem ferremus, nisi sciremus astronomos Parisienses per viginti scilicet annos expectasse et ab artificis successore tandem accepisse, quem Ramsde-

nus promiserat tubum culminatorium. Quae ad metereologiam pertinent instrumenta, iam posidemus, iisque utimur diligenter. Alia adhuc expectamus.

Museo instrumentorum, quae pertinent ad physicam experimentalem, multa hoc anno accesserunt incrementa, novis ex Anglia praesertim coemtis instrumentis. Ex Gallia expectabamus alia multa, quae ad nova experientia optica pertineant; sed procrastinationem illam artificis solitam, etiam hic valde dolemus. Neque reticendum hic est, liberalitate Regia, et benevolentia Curatorum, studio optimorum quorundam in hac urbe virorum, qui excolendis disciplinis physicis delectentur, brevi omnem nostram suppellectilem physicam translatum iri in locum ampliorem, magis illum et auditoribus acceptum et experimentis instituendis aptum.

Museum Anatomicum in quo peregrini perinde ac cives mirantur Bleulandii industram et dexteritatem, ornatur nunc optimi Viri imagine, qui tantos collegit thesauros indefesso labore. Et vero splendidum illud Acad-

miae nostrae orpamentum hoc anno auctum est variis speciminibus cum ad pathologicam tum ad comparatam anatomiam pertinentibus.

In nosocomio vero Academico, Medicinae Professores salutiferae artis praxin, curandis aegrotis, alumnos suos docere feliciter pergunt. Aegroti quam plurimi hic solatum malorum quaerunt et simul uberrimam occasionem praebent medicinae studiosis, ut artis paecepta in vitae usum conferant. Neque ad solos illos aegrotos qui in ipso nosocomio decumbunt, vel ibi consultare cupiunt de adversa valetudine, restringitur huius institutionis Academicae utilitas. Amplissimi Viri Consules Medicinae Professoribus, id petentibus, curam commiserunt, opem cum studiosis nostris iuvenibus ferendi egenis aegrotantibus in vico quodam huius urbis. Ita salutiferae artis alumnis copia facta est invisendi plures quam trecentos aegrotos, variis laborantes morbis, etiam iis qui epidemicci dicuntur. Quamvis utilia haec iam sint, alia, ea que maiora nobis expectare fas est, quae ut prospere cedant in emolumentum institutionis Clinicae in hac Academia, uti etiam in aegrotan-

tantium egenorum curam, etiam atque etiam optamus.

Quod autem multo etiam magis ad Academiac florem et prosperitatem confert, laudanda multis nominibus fuit hoc anno, studiosae iuventutis industria. Plerique, publicis examinibus, temporis bene acti tulerunt testimonia. Quæstiones et dissertationes, quæ sive sub praesidio, sive pro doctoratus gradu fuerunt defensæ, abunde testantur litterarum et bonarum artium in hac musarum sedē studia.

Sed alia etiam eaque non leviora explenda mihi sunt officia. Praemiis ornare oportet præstantissimos iuvenes, qui in nostro literario certamine palmam hoc anno meruerunt,

Recordamur insigni voluptati, fuisse in alumnis nostris, magistratus mei tempore, qui in inclyta Academia Groningana, literarum certamen ineūntes, rem illic præclare agerent. Nam ut proxime ad victoriae honorem accessit eximus Ludovicus Gerlach Pareau, omnium suffragiis, plenam reportavit victoriam
vic.

victor ille praecedenti anno in nostra palestra, Henricus Cock. Verum enim quo hoc nobis gratius iucundiusque accidit, eo dolemus magis, tam paucos, eodem anno, apud nos in arenam descendisse. Fuerunt qui ne hoc agerent gravibus causis vel impedirentur, vel retinerentur; sed quam plurimos absterruit rei novitas, virium suarum diffidentia, difficultas rite explicandarum, quae propositae essent, quaestionum. Utinam ex animis horum iuvenum expellere possemus timorem illum et haesitationem, praesertim cum tot in iis reperiatur, qui cum ingenio, tum progressibus suis, aptissimi videantur, qui vires periclitentur suas. Scio equidem fuisse omni tempore iuvenes, et esse etiam nunc, qui de doctrina ipsi sua et eruditione satis praecclare existimarent. Sed ut vitanda est vanitas illa et insolentia, ita non minus cavendum a nimia et intempestiva modestia, quae a tentandis magnis et praeclaris animum avocet.

Si quid mea apud vos valuisset auctoritas, haud dubitassetis, optimi iuvenes! vobiscum invicem ad summam gloriam contendere. Nam ut ardua sunt haecce, ita praeclara sunt pariter

et

et honesta et pulcra. Nec vinci turpe est. Si quis strenue pugnavit, exercitaverit etiam simul vires suas: victori autem illustris conceditur triumphus.

Sed ad vos iam accedo, qui in hoc certamine strenuos vos milites praestitistis. In vos iam omnium, qui hoc loco adsunt, oculi animique conversi sunt. Amici iam celebrant victoriam vestram. Vestris honoribus iam exsultant affines et cognati, Parentes vero, talibus se filiis felices et beatos praedicant. Quae sane paterni amoris indicia ipsis his aureis nummis longe vobis esse debent gratiora. Spero equidem fore, ut quae nunc accipietis doctrinae praemia, fausta sint omina maiorum etiam honorum, quos deinceps in vitae cursu nacturis. Et sane ipsa hac concertatione exercitati estis ad maiora etiam et praeclariora peragenda. Nam studiis hisce formantur iuveniles animi ad laboris constantiam et assiduitatem, ad interiorem rerum investigationem: cui quicunque sint assueti, nae illi ad optima quaque et gravissima aditum sibi muniverunt.

Antequam vero vobis tradam praemia, quae vestra industria meruit, legam quid quisque or-

do

do censuerit de dissertationibus sibi pro praemissis.

IUDICIUM FACULTATIS MATHESEOS ET PHILOSOPHIAE NATURALIS.

Facultas Matheos, et Philosophiae Naturalis ad quaestionem Chemicam *de principiis Chlorici indole*, superiore anno propositam, unam Commentationem accepit, hoc symbolo: *pauca sunt etc.* Wh y t e. Examine instituto non potuit non laudare maximam auctoris diligentiam, qua omnia, quae ad rem, de qua quaerebatur, pertinebant, congesta atque probaliter explicata fuerunt. Quamvis igitur nonnulla loca, praesertim doctrina determinatarum, quae vocantur, proportionum, minus accurate atque dilucide exposita essent, eam tamen commen-tationem, ex legis Academicae ratione, praemio decorandam omnino censuit. Aperta, quae ei adiuncta erat, schedula, patuit, eam compositam fuisse ab Henrico Carolo van der Boon Mesch, Medicinae Candidato in Academia Leidensi, qui deinde, causa sua feliciter

eiter defensa, et se auctorem et suam universae rei Chemicae peritiam, Facultati abunde probavit.

IUDICIUM FACULTATIS IURIDICAE:

Facultas iuridica ad quaestionem, anno precedenti MDCCCVIII propositam, tres accepit commentationes.

Prima hoc lemmate distincta:

Spe alor,

satis latina et perspicua dictione conscripta, singulas quidem partes propositae quaestiones persequitur, sed adeo leviter perstringit, ut festinationis apparere videantur vestigia, et merito dubitetur, an opusculum plane sit absolutum. Universe tamen de ingenio et diligentia commentatoris bona quaevis augurari licet.

Altera inscripta fuit dicto:

Felix qui potuit rerum cognoscere causas.

Non una sane dote commendanda est haec diatribe. Laudem meretur a perspicua et satis castigata oratione, rerum per partes iusta dis-

po-

positione, et argumenti ex legum fontibus facta tractatione. Forte tamen non in omnibus vini quaestione perspexit auctor huius scripti. Desiderantur etiam quae ad illustrandas singulas partes propositi argumenti, ex universo iure debuerant peti.

Tertia insignita fuit verbis Ciceronis:

Leges nobis carae sunt non propter literas; quae tenues et obscurae notae sunt voluntatis, sed propter earum rerum quibus descriptum est utilitatem, et eorum qui scripsierunt sapientiam et diligentiam.

Laudes, quae prioribus commentationibus sunt tributae, ad hanc in primis pertinere censuit ordo Ictorum: ceteris vero multo superior est in rerum tractatarum varietate et delectu, iisque confirmandis auctoritate veterum Ictorum et varia lectione praestantisimorum librorum: in quibus omnibus scriptor non vulgarem probavit doctrinam, et cum acumine ingenii feliciter coniunxit iudicii modestiam. Iccirco, compatis cum ea ceteris, huic præmium fuit tributum. Resignata scheda lectum fuit victoris nomen.

Ioachim Sandra,

Iuris Candid. in Acad. Traiectina,

qui

qui in examine, secundum legem instituto, industriae suaे et in iure progressuum specimena egregie confirmavit

IUDICIUM ORDINIS LITTERARUM ET PHILOSOPHIAE THEORETICAE.

Ad quaestionem: „ex iis quae in libris Ciceronis de Oratore a Crasso, Antonio, Caesar, aliis de eloquentia disputantur, ipsius efficiatur Ciceronis de perfecto Oratore sententia” quatuor accepit responsa Ordo Phil. Theor. et Litt. hum., de quibus singulis in hunc modum iudicavit.

In commentatione, cui symbolum: est facienda sua cuique vis, sua ratio, placuit nobis inquirendi diligentia, iudicandi prudentia, nec minus orationis bonitas et evidentia; desideravimus vero in ea laboris assiduitatem, quae proposito arguento esset consentanea.

Iisdem videtur laudibus celebrandus auctor disquisitionis, cui sententia adscripta: certamen praemia magna moyent; sed interior accedit Ciceroniani operis notitia. Exordium elegans est et eiusmodi refert cum ingenii vim, tum dis-

disserendi facultatem, quae perquam sit idonea ad perfectum Oratorem rite describendum. Utinam quo coepit modo, eodem perrexisset auctor! At vero ut multas argumenti partes levius adumbravit, ita postremam festinantius quam diligentius tractavit.

Quae in utraque hac scriptione desideratur laboris constantia et assiduitas, hanc minime requisivimus in disputatione, his verbis inscripta: qui verae eloquentiae dat operam, dat prudentialiae. Sic autem probavimus, imo admiratus sumus scriptoris eruditionem et vero industriam, qua ad Ciceronis illustrandos de Oratore dialogos undique omnia contulit, ut dignam censuerimus disceptationem hancce, quae typis mandaretur describenda. Caeterum scriptorem eius esse cognovimus
 Iohannem Rudolphum Thorbecke
Phil. Th. et Litt. hum. in Acad. Lugduno-Batava Candidatum.

Quominus autem doctae huic et elaboratae scriptioni praemium assignaremus, praestantia fecit dissertationis, Ciceroniana sententia distinctae: *honos alit artes, quae eruditiois sedulitatisque laude, nec vero minus distributio-*

tione, perspicuitate, orationis Latinae puritate et elegantia, ordine omnino quo singula sunt explicita et illustrata, ita se nobis commendavit, ut victoriae ei palmam tribuere nulli dubitavetimus. Eximii huius opusculi auctorem se nobis probavit

Bavius Antonius Nauta,

Phil. Th. et Litt. hum. in Acad. Lugd.

Batava Studiosus.

Ad te igitur primum me converto, Ornatisissime van der Boon Mesch! qui nunc iam quartum in honesto illo certamine palmam reportasti. Semel in iuvenilibus illis exercitiis praemium reportare gloriosum est, sed quater victorem ex hac palaestra decidere, summum decus habetur. Sed quanto laudabilius in hac disciplina versatus es, tanto plura etiam, iure quodammodo nostro, a te porro expectamus. Clara semper fuit nostra Patria inclytis Chymicis. Quae fama, ut ab omnibus qui exercitatione in hac arte, diligentia et ingenii viribus polleant, ita a te etiam tuenda est et augenda. Et vero in urbe tua natali nobile exemplum tibi

os-

ostendit quam feliciter chymiae studium cum artis salutiferae praxi coniungi queat. Aureum hunc accipe nummum, ut honoris praemium, et incitamentum simul, ad nova eaque graviora etiam in his disciplinis tentanda.

Summo gaudio, quicunque huic nostrae Academiae bene cupiunt, eriguntur, cum te hoc honorifico loco adspiciunt, Ornatisime Sandra! Ornamentum huius Academiae, exemplum commilitonibus te praebuisti. Praeceptores ut laudant diligentiam tuam, ita omnes tui familiares diligunt te ob modestiam, comitatem et raram quamdam hac iuvenili aetate vivendi agendique prudentiam. Perges igitur, ut facis, egregium te exemplum praebere alumnis nostris. Decus et honor sic eris prudentissimae matris, quae iure nunc gloriatur, se talem nactam esse filium. Laetus tibi tradidum hocce donum, industriae simul et virtutis nobile premium.

Exemplum, egregium commilitonibus praebes, Ornatisime Nauta! qui per breve adeo tempus in Academicis studiis versatus, tamen aemulis palmam praeripiusti. Et sane, quod decriptione tua iudicium pronuntiavit Ordo litera-

rarius; praeclarum est illud tibique perquam honorificum. Accipis ita igitur, tuo iure, doctrinae hocce praemium: excitet autem te porro ad gnaviter persequendam, quam laudabiliter adeo intrasti, verae gloriae viam. Ab egregiis huiusmodi initiis futuros successus; eosque praeclaros augurari, imo expectare nobis licet.

Tu Ornatisime Thorbecke! sentis, quam levis sit fortunae aura. Cuius rei experientia iuvenibus perinde atque aetate provectionibus, utilior saepe auro est. Sed quamvis non summos nunc feras honores, ut praecedente anno in Leidensi certamine, haud frustra tamen apud nos pugnasti. De tua enim scriptione, quomodo idem exstimatorum ordo, et tu audivisti et omnes iam intelligunt hoc loco praesentes. Quamobrem nec tibi deest quo laeteris, nec nobis omnibus quo te gratullemur.

Distributis ita, auditores, certaminis huius praemiis, age, ad quaestiones iam attendatis, quae in proximum annum, Academiarum et Athenaeorum Belgicorum alumnis explicandae proponuntur.

Vidistis Iuvenes, quantam ex hacce commissione gloriam reportent victores. Ne dubitetis igitur, sive primum, sive denuo, vestras periclitari in optimis his studiis ingenii facultates. Nec subverendum ne forte vincamini. Qui victi deceidunt, magnos tamen ex arena fructus reportant, virium exercitationem, quâ ad maiora praeparati sint, tum vero temporis bene acti recordationem. Quae praemia si imperitis non magnifica videantur, peritissimis tamen quibusque optimisque hominibus maxime ducuntur experenda. Agite vero iuvenes, laudis quod aperitur stadium intrate, contende vobiscum invicem strenue, naviter, feli-citer!

QUAESTIO THEOLOGICA.

Strictim discribatur librorum veteris foederis praefantia, et usus in doctrina Christiana intelligenda, aestimanda, tuenda et ad virtutis studium adhibenda.

QUAESTIO IURIDICA.

Quid statuerunt Auctores Codicis civilis de rerum mobilium vindicatione? Quibus de causis hac in re a iure Romano recesserunt? Qua tandem ratione utriusque iuris doctrina optime temperari posse videtur, ut tum in iure dominii tuendo, tum in libero rerum mobilium commercio haud impediendo, aequitatis et boni publici, quoad eius fieri possit, habeatur ratio.

QUAESTIO MEDICA.

Indicentur: 1º. labii leporini varia exempla, a praecipuis de re chirurgica Auctoribus enarrata, atque in species quasdam divisa. 2º. de huius vitii congeniti origine, in primis recentiorum, anatomico-pathologicae opinione. 3º. Belgarum merita in hocce morbo curando.

QUAESTIO LITERARIA.

Disquiratur, quaenam universe fuerit Tragoediae Graecae ratio; ad eamque exigatur

nobilissima Vondelii fabula: Gijsbrecht van Aemstel.

QUAESTIO MATHEMATICA.

Comparatio instituatur parabolae, ellipseos, circuli atque hyperbolae, ut vel ex coni sectione, vel ex earum curvarum aequatione, vel ex utraque appareat, quaenam proprietates his curvis, vel omnino, vel quadam ratione communes sint. Brevitatis ita ratio habeatur, ut coniuncta sit cum perspicuitate et accurata rerum expositione, atque ut ea, quae comparationi inserviant, diligenter congerantur. Non requiritur, ut calculus differentialis et integralis in auxilium adhibeatur, neque tamen eius usus prohibetur; dummodo quae in propinquuo sint, non ex remotioribus fontibus hauriantur.

QUAESTIO BOTANICA.

Conficiatur brevis enarratio systematum botanicorum, quae inde a Caesalpino usque ad Linnaeum in primis inclarerunt. Addatur exposicio praestantiae systematis sexualis Linnaei, qua

*non tantum perspiciatur, quibusnam in rebus
praecedentia systemata superaverit, verum eti-
am, quaenam ipsi desint, atque impediant,
quo minus perfectum dici posse.*

Explendum iam mihi est ultimum Rectionis
meae officium, ut moderamen Academiae suc-
cessori a Rege designato solemniter tradam.

Virum igitur Venerabilem et Clarissimum
Hermannum Royaards, in sequentem
annum, huius Academiae Rectorem Magnifi-
cum publice dico, pronuntio et proclamo.

Salve Magnifice Rector, occupa hanc quae
tua deinceps erit honoris sedem! Accipe fas-
ces academicos et omnia quae ad Rectionis
munus spectant, et quae tibi laetissimus cedo!

Faxit autem Deus O. M., ut Magistratus tui
tempore omnia prospere tibi cedant, ut inco-
lumis servetur cum Rege nostro dilectissimo,
universa patria; et floreant hic non tantum,
sed ubivis, in nullis non Musarum sedibus,
bonae artes atque doctrinae!

I A C O B I V O S M A E R

O R A T I O

D E

RECENTIORI MEDICINĀ CUM
ANTIQUĀ COMPARATĀ,

D I C T A P U B L I C E

die xiv m. Octobris, a. cicccccxviii.

QUUM EXTRAORDINARIAM MEDICINAE
PROFESSIONEM SOLENNI RITU AUSPI-
CARETUR,

1866-1870 1869-1870

O T T A W A

30

Map showing the location
of Ottawa and surroundings.

Scale 1 mile = 16 km.
1 km. = 0.6 miles.

Map showing the location of Ottawa and surroundings.

ACADEMIAE RHENO-TRAJECTINAE CURATO-
RES, VIRI AMPLISSIMI, MAGNIFICI!

QUI IN REGNO BELGICO, IN HAC REGIONE,
AUT IN HAC URBE, REBUS PUBLICIS ADMINI-
STRANDIS, IUSTITIAEVE VINDICANDAE PRAE-
ESTIS, VIRI HONORATISSIMI!

ACADEMIAE RECTOR, CAETERIQUE ARTIUM
AC DISCIPLINARUM PROFESSORES, VIRI CLA-
RISSIMI!

ARTIUM ET LITTERARUM LECTORES EXPER-
TISSIMI, ERUDITISSIMI!

E s

Dr.

DIVINORUM ORACULORUM INTERPRETES ET
PRAECONES DOCTISSIMI, REVERENDI!

ARTIUM DOCTRINARUMQUE DOCTORES CON-
SULTISSIMI, EXPERTISSIMI!

CIVES ET HOSPITES OMNIS LOCİ ET DIGNI-
TATIS ACCEPTISSIMI!

VOS ETIAM CIVES ACADEMICI ORNATISSIMI,
SPES PARENTUM, PATRIAЕ, HUMANITATIS!



Qui bonis abundans artibus, tantarum deli-
ciarum diligentius explorat fontes, vel invitus
etiam ad antiquam trahitur Graeciam, gratisque
innumera et prorsus magnifica agnoscit, quae
generi adulit humano. Quidquid enim poste-
riores sibi sumunt aetates, quidquid augmenti
ad rerum scientiam, suâ operâ, accessisse fe-
rant, uno id confitentur ore, quae ad humani-
tatem pertinent, artium disciplinarumque om-
nium Graecos auctores extitisse et magistros.
Antiquissimis quidem temporibus, Aegyptus,
India, Phoenicia splendida emiserunt humanae
cognitionis lumina; verum haec solers Grae-
corum industria tanquam in speculum collegit.

Atque hinc viribus illa auctis ad remotissimas aetates, terrarumque plagaſ pervenerunt. Unde universus terrarum Orbis, maxime haec nostra Europa, clarissimâ luce collustratus est. Ut illi adeo, qui disciplinae cuiusdam aut artificii primas scrutantur origines, ipsâ historiâ iudice, recte agant, si ad Graecos, tamquam ad eruditio- nis omnis, humanitatisque parentes, adſcendant.

Hinc itaque A.! religiosum intelligimus, quod multorum adeo pectora tēnet, antiquitatis studium, eiusque permagnam apud plurimos auctoritatem. Quae si ex iustâ antiquorum aestimatione oriantur, verisque ipsorum meritis metiantur, quis non laudet? Ea vero saepe tanta deprehendimus, ut nihil praeclarum, nihil absolutum habeatur, nisi quod suâ se vētustate commendet, aque primis artis aucto- ribus profectum sit. Isti quidem homines unum Homerum, quarumvis cognitionum huma- narum uberrimum extollunt fontem. Isti a Platone nihil provenisse putant, quod non penitus perfectum et perpolitum sit, omnemque adeo orationis vim atque elegantiam, cum Demosthene et Cicerone periisse. Atque ita nihil omnino probant, nisi quod magni cuiusdam

in

In antiquitate nominis auctoritate firmetur. Quam
inepte! Itane illos, quod sanum neminem fu-
git, non facile, quodcumque inchoatur, id eo
ipso perfici, raroque inveniri humani opus in-
genii, quin seculorum tantum perficiatur la-
bore? Ut adeo nihil magis alienum sit, quam
artis alicuius perfectionem a primis eius ex-
spectare auctoribus.

Hoc autem si de omni eruditionis genere
valet, praecipue de naturalium rerum valet
cognitione. Etenim in aliis doctrinis, pluri-
mum ingenio praestamus, in hac vero nihil si-
ne diligentia possumus et saepius repetita rerum
contemplatione. Hic aliorum, qui ante nos
fuerunt, labores, parum nos iuvant, nisi
nos ros addamus, quibus corrigantur illi, illus-
trentur, augeantur. Hic itaque artis augmento
nihil magis nocet, quam magni alicuius Viri
auctoritate ita teneri, nihil ut comprobemus,
quod ab eo non profectum sit, artiumque pa-
tres tam religiose colere, ut ab eorum vestigiis
recedere, summum ducamus nefas. Et vero
quam frequenter insanum hoc tenuit antiquitatis
studium naturae scrutatores non modo, verum
et ipsos adeo medicos; medicos, inquam, qui

totam artis suae scientiam ab experientia habent; qui nihil sapere se nisi natura edocti, ac penitus informati, ipsi confitentur, integra quorum vita naturae observatione atque indagatione continetur!

Evidem illorum hominum rationem vehementer laudo, qui Divi Hippocratis auctoritate percussi, aut copiosâ capti Galeni eruditione, ad antiquos illos artis magistros perpetuo recurrunt. Modo ne sic integrum se teneare artem, cuius initia vix tetigerint, putent. Modo ne iis, quae antiquorum invenit ingenium, contenti, quae recentiorum adiecit diligentia, spernant. Quoties vero hoc agunt inepti Hippocraticae, quam dicunt, rationis laudatores! Quos si audias, vix quidquam, pene immensis seculorum laboribus, medicae arti accessisse credas; immo vero quamcumque in eam nostri collocarunt operam, reperias ipsi nocuisse. Nimirum recentioris medicinae obtrectatores hanc e physicorum natam scholis, in iisque enutritam, suis stare pedibus negant; quodque peius est, ab hac suâ matre non modo non erudiri ac firmari, verum fasciis tantum vinculisque impeditam, sibi relinquaiunt. Nihil enim dum medicinam aegris

gris faciat eruditione iuvari medicum , aut naturalium rerum scientiâ ; illumque adeo usu multum valere , ratione parum .

Quo me igitur animo esse puteris , A ! cum varias disciplinae physicae partes docendo occupatus , ecce protinus ad profitendam , in hac inclytâ Academiâ , medicinam accedo . Nonne me audaciae reum facietis aut imprudentiae , qui sic meas relinquens , alienas res agere videar ? Ipsi estote iudices , A ! Absolvetus autem , si quidem demonstravero , non inutiliter medicum suam in contemplationem considerationemque naturae collocare operam . Quod equidem nescio , an melius fiat , nisi collatâ recentiorum medicorum ratione cum antiquâ , quippe apud hos parum valuit naturalium rerum indagatio , apud illos plurimum . Ergo dicam : de recentiori medicinâ , cum antiquâ comparatâ .

Quo proposito argumento , exiguae conspiciens orationis copias , ne in tantâ doctissimorum hominum celebritate deficiam , vehementer vereor . Quapropter Vos , quaeso , A ! timentem oratorem solitâ vestra benevolentia levetis , vestrumque in audiendo favorem , non meâ dicendi tenuitate , verum argumenti amplitudine metiamini .

Tria fere ad nostra usque tempora, humanitatis fasti permensi sunt aeva, quorum primum, quod antiquissimis continetur temporibus, expulsis Europâ, Barbarorum manu Musis, finem cepit, tertium memoriâ recentius, inque nostra adeo tempora porrectum, a renatis in Italâ literis initium duxit. Medium his interpositum fuit aevum, quando altissimo sepulta somno iacuere humanitatis studia. Hoc, quod ipsi proprium dixisses, vix habuit. Quod enim in somniis sieri solet, ut varia rerum apparet simulacra, ex ante actae vitae memoriâ surgentia, aut nascentis diei stimulis exfusciata, idem illud barbaris istis temporibus accidit, ut praeteritae futuraeque aetatis veluti imagines exhiberent. At reliqua duo, isto spatio a se invicem disiecta, non minus indole suâ separata sunt. Namque in illâ florentem videmus humani generis iuventutem, ingenii alacritate, tentandi audaciâ, ferventissimoque perficiendi ardore, quod experientiae deësset et labori, explentem; in hac virilem aetatem, viribus valentem, suscipiendo oneri cuivis parem, vitâ ante actâ edoc-

edoctam, prospicientem futurae. In utroqne suam, qui inclarerunt, medicis rationem fuisse, vix monitu opus est. Hanc igitur utramque secum committamus, utriusque ut ingenium, suis notis insignitnm, clarius apparere possit.

Quod in quacumque aliâ, id in medicâ quoque disciplinâ deprehendimus, duo praeferunt esse, quibus artis scientia comprehendantur, in quibusque artificis cernatur opera. Unum est, ut certum et bene finitum, quem sibi proponat, habeat laboris finem, alterum ut viam modumque cognoscat, ad eum optime perveniendi. Ut itaque ad hanc rationem, utramque exigamus medicinam, videamus A.! quosnam antiqui medici suorum sibi laborum posuerint terminos. Atque hic Celsum audiamus, sanitatem aegris medicinam promittere dicentem; quo quidem effato adcuratam artis, quae tunc fuit, tradidit descriptionem. Namque ea medicinae pars, quae sanorum curam, apud nos, suscipit, illis admodum imperfecta exstitit. Apud Hippocratem, fateor, Hippocraticosque auctores leguntur loca non pauca, quae de tuendâ sanitate egregia exhibent praecepta. Atqui haec fere sunt eiusmodi,

quae

quae morbōrum prophylaxin, corporis imbecilium spectent habitum, minus vero rationem tradunt integrā vitam ita inserviēndi, ut quam diutissime incolumis perstet. Hoc quidem solus fr̄e egisse videtur post Asclepiadem Galenus, sed suo more, doctrinae indulgens speculatiōnibus. Et, si vere dicam, maiorem corporis hac in re, antiquitus philosophi curam habuere, quam ipsi medici. Quod Pythagorica placita, scriptaque Platonis et Aristotelis (ut alios mittam) docere possint.

Quodsi dispersis per antiquorum volumina detuendā sanitate sententiis egregios committamus recentiorum labores, quibus h̄c artis medicae locum collustrarunt, verissime Gaubium dixisse putemus, quando ampliatam nobis medicinā, erga sanos quoque beneficām, pronuntiavit. Frustra enim in tōrā antiquitate tam absolutum in hac doctrinā opus quaeras, quam quod non ita pridem Hufelandii, quodque nuperrime adeo Sinclairii protulit diligentia.

At vero hic mihi, ista tam fidenter praedicanti non pauci, antiquam docti rationem, se opponere videntur. Nempe mirabundi rogant: Quid? Illine igitur Graeci atque Romani sanitatis cu-

ram

ram neglexere, quibus sua corpora, balneis, frictionibus, exercitiis imprimis gymnasticis, firmare tam solenne esset? Fuisse, quis imprudens negarit? At longe alio id illos instituto egisse, neminein, non penitus indoctum, fugere opinor. Nimirum ea faciebant omnino ad corporis cultum, liberalemque institutionem, minime vero ad medicam ipsius curam. Quapropter istis antiqui diu usi fuerunt populi, antequam medicorum obligari legibus didicissent. Quodsi Hippocrates, de hisce plurima edidit praecepta, non ideo fecisse arbitror, quia in hisce magnum secundae valetudinis poneret praesidium, verum quia multum inde malorum genus videret laete pullulare (*).

Neque eo tantum, quod sanorum quoque suscipiat curam, recentior medicina ab antiquâ recedit, verum in aliis insuper artis protulit fines. Quot matres, felici prole beatae, nostrae artis laudant auxilium, quod prisci aevi matronae frustra implorassent! Quibus inops adstaret Luccina, alienam a sacris suis opem stulte removens. Iam vero meliora sapiens, ipsa doctam

Chi-

(*) Conf. v. c. Aphor. I. 3.

Chirurgi manū exponit, quae salutari munīta ferro, exitu haerentem infantēm, illaēsis matris visceribus, vivum in lucem protrahat. Quodsi recentiorum industria antiquis artis terminis praeterēa adiecisset nihil, quis vestrum, A.! de hūmanitate illos praeclarē esse meritos, non existimet?

Verū alia addidit. Antiqua enim medicina integrum artis fructū in privatos convertens usus, publicae utilitatis vix ullam habuit rationem. Haec vero nostra populorū quoque sanitati praeesse coepit, iudicique adstare, hominū crima iudicanti. Ut adeo huius providentiā, ab omni partē immunes, interque tot nefariorum hominū beneficia, tūti vivamus.

Videtis, A.! nostrae medicinae multo ampliorē esse quam antiquae, finem, eamque adeo humanitati uberieores promittere fructus. Verū in his subsistere nequimus. Est enim cuiuscumque artificis, quod efficiendum sibi sumat artisicii claram et bēne finitam, ante oculos, sibi ponere imaginem. Quo enim quis collineandum scopum melius oculis usurpaverit, eo ipsi illum tutius ferire continget. Qua in re, antiquis non omnibus eadem fuit ratio. Alii enim, usu ex-

pe-

perimentisque, artis acquiri scientiam contenerunt, nihilque ad medicinam de naturalibus corporis actionibus, deque abditis sanitatis morborumque causis quaestiones pertinere, disputarunt. Alii, contrario prorsus instituto, in haec omnia inquisiverunt. Neque enim quemquam feliciter curaturum, nisi quem prima morbi origo non fefellerit. Morborum itaque causas cum evidentes, tum maxime abditas sedulo perscrutati fuerunt. Quas ut melius intellicherent, multa a sapientiae professoribus mutuati, rerum ortus, ingenia, natusque necessitudines, cogitatione assequi conati sunt. Cumque dolores aliaeque affectiones interiores maxime occupent partes, corpora mortuorum incidere, partium ut colores, figurae, nexusque contemplari possint, utile habuerunt. Naturam insuper, quibus sanitas constet, actionum notitiam addiderunt, multumque de modo et ratione, qua quaeque corporis pars agat, nocentibusque rerum potestatibus adficiatur, philosophati sunt. Quod tamen sere omnes admidum inpregerunt, interque hos huius rationis princeps Galenus. Etenim hicce Aristotelicam de quatuor elementis doctrinam, ad-

mor-

morborum ortus, cursus, eventusque intelligendos, remediorumque efficaciam aestimandam, audacius adhibuit. Quapropter quantum eius laboribus aucta est physiologica corporis humani consideratio, tantum ipsa impedita fuit ars medendi.

Si autem utramque horum rationem merito improbamus, qui solâ memorâ, qui que solâ ratione, artis acquiri scientiam contendunt, tertiam tanto maiori laude dignam habebimus, quae Hippocratem habuit auctorem. Hic quam longo usu, perpetuâque aegrotantium tractatione, sibi acquisierat rei medicae peritiam, naturae contemplatione et consideratione, egregie auxit emendavitque. Ne audiamus, A.! istos divi senis laudatores, qui ipsum, omni doctrinâ destitutum, divino quodam adflatum Numine, febres atque ulceras agitasse, inepte gloriantur. Quid? Heracliti discipulus, summique Democriti familiaris, ut rudis opifex, aliorum tantum artem imitando valuit? Quid? qui obscuras naturae voces, ad aegrotantium lectos, penne divinaret, operantemque eam, mirabili arte, sequeretur, penitus ab eius cognitione remotus
fuit?

fuit? Ergo Platonis capiet veneres, Graeca
vix doctus!

Haec reputanti, antiquorum merita. in profere-
rendis artis finibus, abunde apparere possint, atque
egregie agi cum recentioribus videatur, siquidem
eadem solertiâ, in hoc opere versati fuerint. Quis
in observandis aëgris, ingenii acumine Hippo-
cram; quis in extricandis rerum naturis,
doctrinae copiâ, Galenum vincat? Quis,
inquam, recentiorum? — At hi nihil actum exis-
timantes, quādū aliquod spatii relictum foret,
iis virtutib; non modo antiquos attigerunt, ve-
rum etiam post se reliquerunt? Testor morborum
epidemicorum descriptiones, a Sydenhamo
exaratas, quas nemo rerum abundantia, aut nar-
rationis veritate, Hippocraticis cedere di-
cat. Testor innumera, ad cognoscendam hu-
manam naturam, ingeniose admodum excogitata
experimenta; inventum ab Harvaeo sangu-
inis cursum, detectas, descriptasque ab Halle-
ro, Doevereno, vestroque adeo Geunsio
vitae corporeae leges; dilucide explicitam, ac
penitus ad naturæ vocem, Chemicorum labori-
bus, respirationis vim atque efficaciam. Quid
mult-

multa? Quando plurimā enumeranti plura etiam dicenda manent (*). Unum non dixisse, religio sit. Egregium summi Boerhaavii volo totque aliorum institutum, quo integrā medicām atēm, immensā inventorum copiā auctam, continuo doctrinæ corpore complexi sunt, omnesque medicae disciplinæ partes, ordine ita disponuerunt, ut a quovis, non penitus indocto, facile accipi, intelligique possint. Et profecto, si pleraque recentioris medicinae capita cum antiquâ componamus, protinus apparet, quae hiscetantum per coniecturam assequi licebat, ea nos scientiâ tenere. Ut adeo artis finem habeamus, plenâ luce collustratum, quando illi habebant diluculo apparentem. Unde etiam factūm est, ut qui ratione Hippocraticâ artem, internos, faciant, ipsique adeo empirici recentiores, ratiocinii evidentiâ capti, ab ipsis rationalibus medicis non longe distent, cum antiquitus illic, e contrario, oppositi esent.

Sed videndum est etiam de viâ ac ratione,

qua

(*) Conf. G. van Doeverten V. Cl. oratio, de recentiorum inventis, medicinam hodiernam veteri praestantiorem redditibus, L. B. 1771. 4°.

F

qua utriusque aevi medici quem sibi proponerent, laboris finem attingere conati sunt. Cum itaque sanitatis conservatio alimenta, atque aequabilem insuper aliarum rerum in corpus humanum, huiusque in illa actionem; morbi vero in sanitatem mutatio efficax remedium poscat, eorum omnium ingenia, virtutesque, maxime vim, atque actionem in hoc corpus perspiciat medicus, oportet. Quod quidem antiqui observatione egere, et ratiocinio. Observando didicerunt, quid quaeque res ad corporis habitum aut servandum aut mutandum faciat, hincque edocti, in consimili casu, similia aut dederunt, aut dari vetuerunt. Ratiocinio fere usi sunt conjecturali, multa a sapientiae professoribus mutuati, qui vero ipsi, nugis refertâ, id temporis, fabulisque Historiâ naturali, silente Chemicâ, vix boni quidquam dare poterant. Ad fictitia igitur rerum omnium, et corporis adeo humani principia cuncta revocarunt, humido siccum, frigidoque calidum respondere autumantes. Eadem ratione in ceteris versati sunt. Curta iis fuit ad sanandum supelix, quam in tres partes distribuerunt, adversae valetudinis praesidia ex alimentis, pharmacisve

fu-

sumentes, vel tandem ab ipsâ p̄tentēs m̄dici manu. Et optimi quidem artis magistri, Hippocratem secuti, maxime nutriendo aegro, aut extentiando, dein corporis frictionibus, exercitatione ḡymnasticâ, balneis, atque eiusmodi aegrotos curabant, phārmacis quidem rarius usi; qui vero uterentur, talia plerumque felicabant, quae drasticâ potestate corpus vehementissime moverent. Sique ferrum manu corpori admoveretur, id plerumque rudius erat, neque ad teneras huius compages accommodatum. Deinde ex ignoratis partium figurâ, situ, nêxuque timidi saepè ac titubantes, in curando, incedebant, sique audaciôres esent, cùdem de causâ, nimis crudeliter saeviebant, imo nocebant. Nec tamen prorsus indoctam ipsis fuisse manum intelligamus, ut potius nonnumquam digitorum dexteritate, ingenique acie, crassum et hebes instrumentum corridentes, graves morbos feliciter sint medicati.

In hisce autem omnibus, A. ! recentiores longe aliter egerunt. Nam primum quidem alimentis, et aptâ corporis tractatione, morbis mederi sere semper nimis neglexerunt, plus praesidii in remediis ponentes. At penitus inepte; magnum

enim artis auxilium, maxime in morbis longis, ita sublatum fuisse, omnes rerum gnari uno contententur ore, omnes dolent. Pharmacorum vero historiam eo maiori diligentia prosequuntur. Magno medicamentorum numero materiem medicam auxerunt, aliisque superstitionis et vanis purgarunt. Arte Chemicâ edocti, e crassis lignis, radicibus, aliisque plantarum partibus vires ac virtutes elicuerunt, inque parvum compinxerunt volumen: eque metallis penitus nova, et viribus maxime valentia remedia compararunt. Dein eorum omnium, quae natura offert, vel quae artē fiunt, diudicare bonitatem didicerunt. Denique numerosis experimentis, actionem atque efficaciam in corpus humanum mutandum explorarunt, eaque id prudentiâ et sagacitate, ut iam nullum inveniatur venenum, quod non olim laboranti aegro salutem, vel saltim dolorum attulerit lenimen.

In augendâ autem emendandâque supellectili Chirurgicâ, magnam praeferim conspicimus recentiorum industriad. Videatis, A.! quam amplum habeamus, si ferro opus sit, instrumentum! Quantâ scientiâ, quantâque elegantiâ elaboratum! Quam fidenter id corpori admove-

mus!

nius! Quām tuto in ipsa viscera demittimus; figurā, compositione, magnitudine, acie, partium fabricae, fibrarumque teneritati penitus respondentibus. Nulla non corporis pars, quin suum hic inveniat auxilium. Quot, quamque ingeniose excogitata unus oculus ad morbos suos curandos habet!

Hisce intellectis, paremne habebimus hanc nostram medicinam antiquae? — Quid? nonne auctam dicemus, purgatam, emendatam?

Neque tamen his, de quibus hucusque diximus, medicam artem absolvi sciamus, nec qui utrumque corporis habitum scientiā comprehendat, utriusque valetudinis praesidia cognoscat, proinde medicum habeamus. Etenim, cum medici officium in opere versetur; ille autem, in artis exercitio, in communibus subsistere non poscit, verum ad propria descendere debat, quam sibi comparaverit doctrinam semper paratam habeat, oportet, usique artem calleat, singulas singulorum affectiones solerter sciteque curandi.

Quā quidem in re quanti fuere antiqui! Nem-

pe

pe tribus maxime artificis ad aegrotantium lectos absolvitur opera, praesentem aegri statum dijudicando, futurum praesagiendo, denique curando, artisque subsidiis efficiendo, ut, quae mala futura intellexerit, avertat, bona promovet. In hisce igitur tribus quantum excelluerunt veteres! Docent morborum imagines, ab Hippocrate, Aretaeo, Galeno, arte penitus mirabili, ad ipsam naturam depictae. Docent divina prorsus praesagia, eventu nunquam excidentia, Hippocratis quibus inclaruit nomen. Docent curationes, ad simplicissimas et maxime evidentes regulas exactae, paucisque adeo et incertis subsidiis certae, inque difficultissimis rebus paratae opes; tanta denique in operando facilitas, ut intelligens quaeras, natura fieret an arte? Atque hanc antiquam medicinam non suspiciant omnes, non admirantur! Nemo vestrum profecto, in hisce rebus aliquantum versatus, non felices, fortunatosque medicos dicat recentiores, siquidem, passibus etiam inquis, antiquorum in hisce premant vestigia.

Illine igitur id egerunt? Egerunt A.! et quo successu, magna Sydenhami, Baglivii, Boerhaavii, Hoffmanni nomina declarant.

rent. Hisce enim, si opus fuerit, abunde patere possit, neque hac laudis parte penitus carere recentiores. Rari, fateor, fuere medici antiquis, modo excitatis, aequiparandi. Sed rarum quoque, in ipsâ adeo antiquitate, magnorum medicorum fuisse proventum; Vos, A.! latere non potest, qui de hac redditentem audivistis Dylium olim vestrum, eruditissimum virum, quemque huic academiae ostensum magis, quam datum, quantum, eheu, luxere Musae! — Atque ille quidem rarum istum proventum arti sufficere docuit, humano generi non sufficere, experientia docet. Huius itaque magni interest, quomodo vulgo se habeant medici. Quod quidem, ad descendam non solum, verum ad faciendam quoque artem longe melius erudiri et aptari, recentiori, quam antiquâ ratione, vix dubium superest. Antiqui enim medici praesertim ingenio valebant, solertiâ, atque eiusmodi animi dotibus, quibus raro instructos videmus homines, qui que iis carerent, coeco usu, a sacerdotibus artem plerumque edocti, superstitionis remediis, incantamentis, atque aliis eiusmodi modis, morbis medebantur. Recentiores vero praesertim earum rerum valent notitiâ, quae sensibus capiuntur, auctâque inde doc.

doctrinae copiâ, et naturae scrutatione firmato ratiocinio. Quae omnia omnibus, qui quidem vulgari sensu non carent, diligentia et labore, non difficulter comparantur. Illis igitur si magis admirabilis fuit ars, atque ingeniosa, his, ampliori perfectiorique supellectili instructis, certior est, atque efficacior,

Quâ institutâ utriusque medicinae comparatione, satis utique apparet, utramque, multis modis, convenire, antiquam mirabili artificum ingenio praestare, recentiorem vero, disciplinae ambitu, clarâ cognoscendarum rerum notitiâ, certâque agendi facilitate multum excellere. — Quae cum ita sint, illius diversitatis causas explorare et rationes, operaè pretium fuerit.

De praecipuis igitur quaerenti causis, quibus utriusque medicinae diversum ingenium existit, in primis disparem admodum offendimus, in antiquâ Graeciâ et in Europâ recentiori, populorum cultum. Quem quidem apud illos, rem si proprius conspicias, exiguum fuisse, ex multis intelligimus. Fabulis ple-

na

pa de Diis doctrina , superstitionibus foedata Deo-
 rum sacra ; porro a religionē eiusque caerimoniis
 separata , aque vulgo remota morum disciplina .
 Nam ne post ipsum quidem Socratem uni-
 versam fuisse sapientiam , deprehendimus . Inde
 supersticiosus populus , miraculisque inhians ,
 servili fere ingenio , non moribus , sed opinione
 regebatur . Servis etiam ingenui educati pueri ,
 saepe malitiosis et vafris , malas artes docebantur ,
 aegre dein deditas . Quibus vero bene na-
 tis , doctrinā rectique cultu , vires promotae in-
 sitae , roborataque essent pectora , illi se fere
 omnes reipublicae tradebant . Philosophicis e-
 tiam studiis , bonisque artibus instrui se curabant ,
 ad vitam ornandam magis , quam ut populari-
 bus honeste servirent . Quapropter sapientum
 vita , in contemplando magis , quam in agendo
 versabatur . Erant itaque illi , ad accipiendam
 et colendam medicam artem , minus idonei .
 Haec enim non ab iis , qui literato delectentur
 otio , multoque minus ab istis , qui nullā im-
 buti sint rerum cognitione , recte colitur , neque
 etiam inter homines , fabulis superstitionibusque
 deditos utiliter exercetur . Nam vel apud nos ,
 rustici et reliqua plebs . Cutinam non inge-
 nuo

novo nati loco!) raro rationali medico tam credunt, quam inagicis vani agyrtæ incantamentis, herbisque.

- Accedit, quod apud Graecos et Romanos, quin imo apud omnes fere antiquitatis populos, aegrorum curatio ad Deorum sacra, caeremoniasque, tantum non omnis pertineret, eorumque ad tempa sacerdotibus exerceretur. Hi vero, crebrâ licet observatione, perductisque a patre ad filium præscriptionibus, morborum remedia, corporisque aegri tractationem belle edocti, ea primo quidem non evulgabant, dein, neminem sine magno sacrificiorum lustracionumque ritu, ad curam admittebant, quae quasi a Diis profecta esset, oraculis editis. atque eiusmodi sacris videretur. Inde aegri, religione Dei, quam salutem humanae deberent arti, sacris se debere caerimoniis credebant. Quamvis autem postea, praesertim ab Hippocratis aetate, Aesculapii sacerdotes, sive Asclepiadei, sacram artem profanos docuerunt, indeque ad alios quoque homines, liberaliori instituto, artis salutaris scientia pertinuit; florentissimâ tamen Graeciâ, medicorum scholæ numquam non in Deorum fuerunt templis. Ad haec et pri-

vati

vati suae, et qui rem publicam curarent, publicae salutis causâ, semper recurrebant. Qui autem profani artem facerent, ad magistrorum præscriptiones serviliter curantes, opifices potius erant habendi, quam artifices. Neque inter liberales artes medicinae locum fuisse, constat.

Quae cum ita sint, quis vestrûm, A.! tam raram antiquitus fuisse rationalem medicinam, tamque sobrie cultam, miretur? Quae autem de Graecorum arte dicta sunt, magis etiam de eadem, apud alios antiquitatis populos, nominatim apud Romanos, valent. Huic vero vitae institutioni nostram penitus esse contrariam, quis non novit? aptiorem medicinae esse, cuiusvis sponte patere possit. Sanior nempe de Deo, divinisque rebus doctrina, a Christi discipulis pervulgata; emendati mores, ad Deique cultum relati; insima servorum conditio ubivis abrogata; popularis omnino factus animi cultus; ipsis denique medicis, per totam Europam, apertae scholae, eaeque ab omni deorum religione liberae, — en A.! recentiorum et quanta auxilia, per quae nobis salutaris professio increvit.

¶ Quae tamen an ad illud, quo eam nunc contem-

templamur, fastigium pervenisset, nisi recentioribus physicae tantopere cultae fuissent disciplinae, equidem dubitaverim. Vosqué adeo, A.! facile in eandem abituros sententiam confido, siquidem quantum naturalium rerum seruatione, medici medicinae aptiores reddantur, paucis ostendero.

Equidem ad ipsas curandi rationes, bene inventandas, initiuendasque, nihil plus conferre, experientiā fateor, parumque artem ex iis, quae non scientiā comprehendantur, sed conjecturā tantum attinguntur, perfici, scio; quandoquidem cuius rei certa non est notitia, eius opinio certum reperire remedium non potest. Verum eo ipso, certa rerum notitia quanti aestimanda sit, apparet. Hanc vero quī tibi comparabis, nisi diligenti atque ingeniosā naturae exploratione? Quī morborūm sedes cognoscas, nisi incisis morbo mortuorum cadaveribus? Quī origines, causasque intelligas, physicorum et chemicorum ignorans experimenta, per quae partium principiorū inque, unde conflatum corpus, ingenia mutuaeque necessitudines declarerentur? Quī tandem remediorūm diiudicabis vires, aestimabis bonitatem, nisi ex historiā na-

naturali, adiuvantibus ceteris disciplinae physicae partibus, scias, quid sint, unde habeantur, quibus cognoscantur notis, quâve ratione bene vel male misceantur?

Ulterius progrediamur, ipsos adeamus aegros. Illine medicorum semper operâ restituuntur? Nonne aneurysmati medelam, ex cognitis circulationis legibus, invenerunt anatomici? Nonne ingeniose excogitatis fasciis, machinisque, corporis corrigunt deformitatem, imbecillas fulciunt partes, imo amissas restituunt mechanici? Nonne ad laborantes oculos auresque, subsidia alii praestant physici? Nonne certissimum, ad têrriam luem, remedium Chemici? Nonne hi, suis miscellis, pestem domibus arcent? Tot sunt voces A.! quae nos docent, quandoquidem ratione opus est medicinae, eam e physicorum esse petendam scholis, in iisque futuros erudiendos medicos.

Hisce igitur artibus, præ antiquis, recentiores valere, doctrinarum naturalium annales luculenter ostendunt. Pulcri amore abrepti, Graeci non iis se tradere poterant laboribus, quos naturae exigit exploratio. Divinare eius mysteria ingenii felicitate, quam longo experimentorum apparatu interrogare eam, satius ha-

habebant. Speculabantur hoc rerum universum, singularum partium parum solliciti. Mirerum, si apud illos, venustatis elegantiaeque adeo studiosissimos, neglectam videmus artium certe omnium maxime incomtam, Chemiam? Qua tamen neglecta, praecipua ipsis clausa manxit, quae nobis aperta est naturae cognoscendae via. Quodque medicinae incrementis praeferenti obeset, mortuorum incidere corpora, ipsis erga hos negavit pietas. Inde doctrinam de humani corporis fabrica, erroribus habebant resertam, quibus incredibile est, quantum ipsa impeditiebatur ars medendi.

Neque tamen velim, A.! - hoc ita accipiantis, ac si omnem naturae investigationem ab illis neglectam habeam. Magnos historia memorat viros, qui arte pollebant per experimentorum vim naturam interrogandi; ut Democritus fecit, ut immortalis Archimedes, ut, post magnum tempus interiectum, in schola Alexandrinâ, instituere plurimi. Sed vel ex his quoque, quantum naturae contemplatio medicum iuvet, apparet. Quo tempore enim, Alexandriae, philosophia naturalis adeo excolebatur, laete etiam medica floriut ars.

Ma-

Maxime haec increvit per viros, ea in schola eruditos, Erafistratum, Asclepiadem, perque ipsum denique Galenum, omnium, qui rationalem medicinam, in antiquitate coluerint, facile principem. Atque huic ipsi viro tanta fuit in describendo corpore sano, morbis que eodem affecto, fides, ut, quod neque Hippocrati, neque alii cuivis medicorum evenit, ab eius auctoritate, per plura saecula, medici pependerint. Fractam eius auctoritatem novimus; sed unde fracta? Inde, A.! quod cum sagax et diligens fuisset naturae scrutator, sagaciores et diligentiores, post se habuerit, maxime autem Vesaliū atque Harvaeū, qui, religionis vinculis, quibus ligatus eset Galenus, liberi, illo audacius intima naturae penetralia sunt rimati, reconditamque veritatem in plenam traxerunt lucem.

Si iam, A.! animo reputetis, quae de causis diversae a se invicem utriusque medicinae disputavi; neminem vestrum, tantopere illas differre, miraturum amplius opinor, neminemque tanto antiquitatis studio abreptum iri,
ut

ut multis in rebus, nostram prae antiquâ valere neget. Quis non gratus agnoscat, felicia nos vivere, fortunataque tempora, cum ex multiplici medicorum et physicorum commercio, rationalem magis, multoque certiorem atque faciliorem habemus artem.

At vero hic non pauci aures arrigere mihi videntur, quasi subito expergefacti. Sentio, invisa audierunt *rationalis* medicinae laudationem. Illi igitur assurgere, atque acerbe increpare. Quid tu? tace, si sapis, istam rationalem medicinam! Quid ad nos medicos disciplinae physicae? Baglivium habemus auctorem, nihil tam iniquum esse dicentem, quam ad aliarum doctrinarum leges, morborum historias describere; habemus Hippocratem, auctoritate cuius omnes, qui sanae mentis sunt, ducuntur. Atqui ille, istarum quidem nugarum ignarus, an eo minus feliciter salutarem artem condidit? Quis accuratius protheas morborum observavit mutationes? quis felicius eventum praesagivit? quis exiguis praesidiis melius curavit? Hunc tu audi et sequere unum; aut, si quid

quid praestare velis, ex laudata tibi recentiorum ratione, ostende, quem cum hoc nostro committas.

Ad tantum verborum flumen quam facilius responsio! Non diximus de Hippocrate; de medicinâ antiquâ diximus. Hippocratem artis auctorem et nos laudamus; antiquam medicinam habemus tanto auctore prorsus indignum. Vultisne rationem ut addam? Addam; nempe nec sua tempora arti idonea invenit, neque artem suo ingenio. Ut Iovem singere posset Phidas, dignum lapidem, magno studio, quaesivit; neque enim ex inepta materia aptum artificium vel sumimus ponat artifex. Ergo quam emendare frustra gestiret, imperfectam reliquit artem Hippocrates.

Et profecto, meliorem hanc multoque perfectiorem relictum fuisse, si rerum naturalium notitia, eo tempore, maior fuisset, ex ipsa medicinae historiâ persuasum habemus; vobisque adeo A.! non difficulter persuasurum me esse, confidere audeo. Etenim, si qua vixit Divus Cœs aetate cum eâ conferamus, qua, apud nos, Boerhaavius floruit, qui recentioris medicinae, merito suo, princeps atque

deo parens habetur; vel stupidissimo cuique apparebit, naturae contemplationem, quamvis non faciat medicum, aptiorem tamen medicinae reddere. Uterque Hippocrates et Boerhaavius, in florentissimâ civitate vixit, summaque in eâ celebritatem consequutus, summis honoribus adfectus est. Uterque egregios habuit aequales, doctrinae copiâ, ingeniique acumine claros. Uterque artem invenit rudem, incomitam, hiatibus plenam. Uterque emendavit, atque ita emendavit, ut populus emendatam sentiret. Uterque tandem discipulos nactus est, suo nomine non indignos. At hic, temporis iniuria, longe deteriore forte usus Hippocrates, quam Boerhaavius, tales habuit, qui opinionibus se magis, quam experientiae et naturae explorationi traderent: unde factum est, ut quam emendasiet artem, mox iterum nugarum sordibus conspurcata appareret. Erat autem, iis temporibus, exigua rerum naturalium notitia, ipsique sapientiae professores, ipsarum causas et rationes magis conjecturâ persequabantur, quam scientiâ tenebant. At Boerhaavius eximiorum, quos aequales haberet, naturae scrutatorum inventis, suisque propriis edoc-

tus,

tus, atque a phisieis medici institutionem incipiens, ita suos informavit discipulos, ut quibus scholis erudit i essent medici, rerum naturae cognitione non minus valerent, quam artis usu. Illi igitur nominis famâ praeceptoris fere pares, perque omnem Europam dispersi, scriptis suis et scholis addendam experientiae rationem docuerunt, artemque, ita faciendo, considerunt vere salutarem.

Quo ergo iam animo me esse oporteat, ipsi estote iudices, A.! cum in tantâ doctissimorum hominum celebritate, tam praeclarâm artem docendi munus ingressurus, ei, praecedentibus studiis, non modo non ineptum redditum, verum aptiori me videam. Quapropter omnes intendam nervos, ut meâ qualicunque operâ, aliquid praestem ad hanc Batavis gloriam, Boerhaavii meritis partam, vindicandam.

Hoc Vobis in primis polliceor, amplissimi Academiae huius Curatores! Vobis, quorum auspiciis Regio placito, mihi impositum munus me gesturum laetor. Huc, fateor, moestus veni, propter relictam gratissimam mihi Har-

deryicenam urbem (quis enim non moenia amet, in quibus literis erudiri contigit!), moe-
stus propter carissimas necessitudines, ibi lin-
quendas, timidus etiam pavidusque, variis de-
causis; quas hoc quidem loco memorare ne-
fas. At Vos, Vobis novum atque incogni-
tum hominem tantâ benevolentâ, tantâque ex-
cepistis humanitate, ut, ecce, iam alacer ad no-
vum onus subeundum, accedam. Eo ut sem-
per erga me sitis animo, Vos, viri gravissimi!
oro atque obtestor, Meum erit, Academiae huius
famam vindicando, studiosaque iuventutis com-
modis inserviendo, Vestrum demereris favorem.
Mihi autem fayentem existimabo Deum, si-
quidem Vos, viri magnifici! Academiae, Patriae,
familiaribus vestris, nobismet demum ipsis
quam diutissime incolumes praefstat.

Quod optimis modo Mæcenatibus, id Vobis
etiam polliceor, viri clarissimi, collegae
coniunctissimi! omnibus me adnisorum viri-
bus, ne quam Vos ornatis, Academiae, ego
dedecori siam: nam vel sic me Vobis quam
maxime gratum futurum atque acceptum, certus
scio; Vobis autem quam acceptissimum esse,
in summis votis semper habeo. Tibi præ-
ser-

fertim, dilectissime Orditi, vir doctrinae laude non minus, quam morum integritate atque humanitate insignis, cuius innumera amicitiae monumenta, dulci affinitatis vinculo gratiora, nunquam obliviscar, quem utinam vitae ducem, in amplissimo hoc ordine, diu conspiciam! Vos ergo omnes, celeberrimi viri! quae estis humanitate, amice novum accipiatis collegam, disquidem, quibus vita suavior ducitur, artibus haud instructum, qui vero vestra suspiciens merita, Vos, qua pars est observantia, coles semper.

Vos in primis, qui celeberrimum medicorum ordinem ornatis, viri artis usu et scientia conspicui, quis ego, qui muneris ratione Vobis iunctus, Vobis me parem sistam? Evidem tuam, Bleulande! famam meritis partam, raramque Suermanni dexteritatem, et Wolterbeekii eruditionem, inque extricandis morbis sagacitatem conspiciens, vix amplius quid promittere audeo, quam me vestra vestigia, pressis passibus, fecuturum.

Tibi id me debere sentio, cl. de Fremeray! ut ad aliquam saltim nominis celebritatem comparandam, intentis adnitar viribus; tibi, a-

cuius ore discipulus haesit, cuiusque uti etiam Reinwardti mei institutione, quidquid in Chemicis possim, magnam partem accepi. Ignoscas, hac si utar opportunitate, ut gratissimum tibi animum, tuique observantisimum publice hic obtestor. Tu, quaeso, praeclarâ tuâ institutio- ne et copiosâ rerum cognitione, mihi (utinam per longum tempus!) placide adsis, ut quantum ex physicis disciplinis medico veniat auxiliî, cunctis, ex nostro etiam exemplo, patere possit. Tibi autem, discipulus magistro, palam hic polliceor, me tuum, in erudiendâ iuventute, exemplum sequentem, illud summo opere curatum, ne, meâ negligentia, tuae scholae fama detrimentum capiat.

Evidem, si hoc praestitero, Vobis, Ornatissimi Iuvenes! qui in hac celeberrimâ Academiâ medicinae operam datis, Vobis, inquam, me non defuturum confido. Quem in me doctorem habituri sitis, audire potuistis, non eum, qui examinandis aegris scribendisque formulâ, artis acquireti putem scientiam, verum qui suminorum naturae scrutatorum discipulus, futuros medicos in physicorum scholis erudiendos esse persuasum habeam. Id itaque in primis agam,

ut

ut Vobis, quantum medicam artem naturalium rerum iuvet notitia, ostendam, idque nunc quidem libentius, quoniam me auditores nacturum esse, earum rerum non imperitos, intellexi. Agite igitur, praestantissimi iuvenes! quo iam incepistis ardore, quod reliquum est spatii, ulterius persequamini, meque, in eo cursu, accipiatis monitorem, instigatorem, et si velitis, ducem; accipiatis amicum, cui nihil potius sit, quam vestris inservire commodiss. Faxit Deus, quem supplex precor, ut vestri meique labores salutari arti, huic Academiae, carissimae Patriae, universae deum humanitati utilissimi evadant!

D I X I.

cent' anni. Quindi l'autore si è detto
sopra e si è detto che non aveva sentito
nulla di più bello. Ma non è vero. Non
è stato questo il motivo perché il poeta
lasciò il suo paese. Sarebbe stato perché
non poteva più sopportare la vita dei
poeti, perché voleva fare qualcosa d'altro.
Ecco, questo è lui, questo è l'autore, che
scriveva le sue canzoni e cantava per tutti
gli altri. Ecco, questo è lui, questo è l'autore
che scriveva le sue canzoni e cantava per tutti
gli altri.

La cosa più strana è che non ha mai

THEODORI GERARDI
VAN LIDTH DE IEUDE

O R A T I O

D E

IOANNÉ SWAMMERDAMIO EGRE-
GII HISTORIAE NATURALIS
CULTORIS EXEMPLO,

P U B L I C E H A B I T A

a. d. xxi. m. Ianuarii, a. cicccccxix.

CUM EXTRAORDINARIAM HISTORIAE NA-
TURALIS PROFESSIONEM AUSPICARETUR,

Изъята изъ коллекціи
Симеона Стамболова

О Т А Я О

Създадена въ 1890 г.
отъ Симеон Стамболов
въ чест на първата
държавна награда

Създадена въ 1890 г.
отъ Симеон Стамболов

Създадена въ 1890 г.
отъ Симеон Стамболов

{

* * *

ACADEMIAE RHENO - TRAIECTINAE CURATO-
RES , VIRI AMPLISSIMI GRAVISSIMI !

QUI IN REGNO BELGICO , IN REGIONE AUT
IN URBE TRAIECTINA , VEL REBUS PUBLICIS AD-
MINISTRANDIS , VEL IUSTITIAE TUENDAE PRAE-
ESTIS , VIRI NOBILISSIMI , INTEGERRIMI !

MMAGNIFICE ACADEMIAE RECTOR !

DIVINARUM HUMANARUMQUE DISCIPLINARUM
PROFESSORES , VIRI CLARISSIMI !

SACRORUM ORACULORUM INTERPRETES , DOC-
TISSIMI , PLURIMUM VENERANDI !

H 2

QUA-

QUARUMVIS ARTIUM ET DISCIPLINARUM Doc-
TORES ERUDITISSIMI !

ORNATISSIMA IVENTUTIS CORONA , SPES PA-
RENTUM , PATRIAE , HUMANITATIS !

QUOTQUOT TANDEM HUNC ARTUM PRAESEN-
TIA VESTRA ORNATIS , CUIUSCUNQUE LOCI ET
ORDINIS !

AUDTORES HUMANISSIMI !

Inter adminicula , quibus tardius ad discipli-
nas ingenium mirifice excitatur , illustrium in
iis virorum exempla non ultimum obtinere lo-
cum , omnes agnoscent . Nimirum compertis
iis , quae qui ante nos fuerunt egerunt , ad si-
milia , quin ad maiora etiam , perficienda excita-
mur ; ut Themistocles olim , qui Miltiadis um-
bra exagitatum se aiebat , ut illum et actorum
fama et meritis erga patriam aequaret . Neque
enim quidquam bene natum aut docet magis
aut iuvat , quam laudabilis illa aemulatio , qua
ad sequendos non modo , verum etiam ad ae-
quan-

quandos magnos quosque in arte viros incitamus.

Neque haec unica existit caussa, cur in perscrutandis rebus tantopere iuvet, semper ante oculos eos sibi ponere, qui in arte quam exerceamus excelluerint; accedit enim singulatis exempli vis, quia sic suscipiendi laboris egressios nanciscimur duees, qui monstrando, quae eundum sit, viam, impediunt, quo minus vagi erremus. Quid? quod suis ipsi erroribus nobis prosunt: nempe ita evitandos scopulos docemur, ut adeo quam illi cum magno industriae et temporis dispendio sibi compararint, eam nobis multo facilius et tutius comparemus scientiam.

Quae si consideraverimus A. A.! quid mirum, summos etiam et multifaria doctrina instructissimos viros, in iis, quae ab aliis inventa, sive inchoata fuerint, sive perfecta, cognoscendis non minus quam in ipsis rebus per vestigandis detentos fuisse? Quid mirum, eos saepe iusta admiratione abreptos, summa operi egisse, ut illorum merita in clarissima ponerent luce, de sua non magis fama solliciti quam de aliena? Quid mirum, eos impen-

pense laudasse, quos et iucundissimi laboris et comparatae doctrinae, saepe etiam acquisitae celeritatis, auctores merito habebant?

Quae si de omnibus valent, qui scriptis suis et laeubrationibus humanum genus sibi devincent, quanto plus ea valere existimemus de iis, quibuscum nobis est patria communis? Quamvis enim qui litterarum studio feruntur, ex quibuscumque demum nationibus orti, studiorum vinculo coniungantur, ut unam veluti familiam faciant; negari tamen neque potest, neque etiam debet, gratissimum nobis semper accidere, si inter artis, quam colimus, magistros ex nostratisbus etiam magna nomina offendimus. Scilicet illorum gloriae ad nos quoque aliquam pertinere partem existimamus, et, quod illi perfecere, id nostras quoque vires non penitus superaturum speramus. Evidem sa- teor, naturalium rerum contemplationem vel propterea mihi tam gratam semper existisse, quod in ea ex nostratisbus tot tantosque viros non mediocriter versatos fuisse, eoque magnam sibi nominis famam comparasse viderem. Inter eos vero nescio, an non penitus excelluerit Iohannes Swammerdamius, cui equidem tum

doctrinae, quam sibi indefesso labore compara-
vit, copia, tum ingenii, quo immensam illam
copiam digesit et in suos aliorumque usus ad-
hibuit, acumine, parem vix invenio.

Cum igitur mihi hac hora disciplinae, in
qua ille tam egregium se praestitit, docendae,
publica oratione ingrediendum sit munus, et
apud vos quidem, quorum animis non ininoreni
patriae quam bonarum artium amorem inesse
confido, non plane aut ineptam mihi aut ingra-
tam vobis dicendi fore materiem iudicavi, si-
quidem dicam de *Ioanne Swammerdamio*, egre-
gii Historiae naturalis cultoris exemplo.

Dum vero ad hoc argumentum exponendum
accedo, ne in ipso orationis limine tenues mihi
deficiant vires, vehementer vereor; vestra sal-
tim A. A. et patientia in audiendo et benevo-
lentia in iudicando me magnopere indigere,
probe sentio. Quapropter A. A.! tenuem Ora-
torem, non proprio marte sed sub gravissimis
auspiciis ad vos verba facientem, ea, quae litté-
ratis hominibus propria est, indulgentia ut au-
diatis, etiam atque etiam rogo.

Illos ad naturalium rerum cognitionem felicissime pervenire certum est, qui ex celebri Baconis monito „non singunt aut excogitant, sed invenire conantur quid Natura faciat aut ferat”. Cum autem nostrae contemplationes sponte sua raro se ita offerant, ut quae ad eas intelligendas faciant, a diligentissimo etiam observatore penitus lustrari possint, audacter interrogandam esse Naturam, atque experimentis sagaciter institutis cogendam ad ea patefacienda, quae recondita teneat, summi artis magistri exemplo suo docuerunt. Ita Naturam perscrutando augetur et stabilitur, quae placida primum contemplatione acquisita fuerat, scientia. Quapropter qui naturalium rerum accuratam sibi comparare velit notitiam, non modo promptus ad videndum, verum etiam ingeniosus ad investigandum sit oportet. At vero qui in hisce subsistit, quamvis egregie agat, non tamen omnem perfecisse rem credatur. Nimirum homini id a natura datum est, ut non modo varias res rerumque formas, similitudines et differentias sensibus animadvertere, nexus conjunctionesque perspicere, verum etiam horum omnium rationem aliquam et sinem assequi cupiat.

piat. Addenda igitur Naturae contemplationi et perscrutationi interpretatio quaedam eius et explicatio, si perfecti Historiae naturalis cultoris effigiem depingere velimus.

Haec igitur cuncta in unum conveniebant Swammerdamium. Namque hic, iam a prima inde iuventute opportunitatem nactus contemplandi Naturae divitias, exinde earum insatiabilem hausisse videtur cupidinem. Nempe patre natus pharmacopola Amstelaedamensi, qui in congerendis rerum naturalium thesauris totus erat, in illis excutiendis, comparandis, ordinandis, et quae maxime memorabilia videbantur, notandis, perscrutandisque vires suas, admodum iuvenis, experiri coepit. Quibus deliciis captus et summorum in scientia naturali virorum, Harveii maxime et Graafii exemplo excitatus, aliorum Sylvii, Stenonis, Hornii familiaritate firmatus, Philosophiae naturali integrum vitam consecravit, nullamque doctrinae partem penitus negligens, maxime tamen illum Zoologiae locum, qui in minimorum animalculorum natura per vestiganda versatur summa industria pertractavit, a Plinio

nio doctus, nusquam magis quam in hisce
minimis totam esse Naturam.

Unumquemque Naturae observatorem lauda-
mus, A. A.! qui flagranti ardore in sua studia
fertur, omnem captando occasionem, qua vel
minimam Naturae particulam considerare pos-
sit. Laudamus liberum ab omni opinione,
qui que solius veritatis amore ductus, ad hoc
studiorum genus accedat. Laudamus attentum,
qui totus in iis observandis occupatus sit. Lau-
damus tandem et accuratum, qui nihil negli-
git, ea etiam quae exigua videantur summa cu-
ra prosecutus. Quae igitur probati observa-
toris notae in Swammerdamio nostro quam
egregie concinant, paucis videamus.

Quo eum fuisse ardore putetis, qui ut amata
persequeretur studia, honores opesque postha-
buit, morosum patrem tulit de quaestu faciendo
quotidie increpantem, qui paterna domo exul,
egenus adeo oberravit, ut naturales res doctor
evaderet. Cum enim arti medicae operam de-
disset, non nisi vi cogi potuit, ut medici-

nam

nam aegris faciendo rem suam ageret, praxeos taedio et laboribus consumtus, viresque fractus, sanitatem non recuperavit; nisi genio indulgendo atque ad delicias suas, minimorum observationem, redeundo.

Quo eum fuisse ardore putetis, qui Naturae cognoscendae desiderium nec imbecilla corporis valetudine nec fanaticis tristissimae mentis alucinationibus extingui passus sit. Testatur ipse, se ingentem, quem suscepit, in apes laborem, medios inter animi de aeterna salute solliciti angores, inter suspiria et lacrymas, vix persicere potuisse; viciisse tamen rerum eiusmodi ardentem cupidinem. Nec mirum igitur, viro tam diversis studiis, tanquam maris fluctibus, quassato, imbecillam fuisse sanitatem; mirum vero, eum nihilominus tanta et suscepisse et perfecisse.

Quo eum fuisse ardore putetis, qui noctes impendit diesque, quaerendis, capiendis, indagandis animalculis, qui aërem, aquam, culta, inculta perscrutabatur, ut ova, vermes, nymphas, papiliones, horumque nidos, alimenta, mores, copulas, morbos addisceret. Quam inusitata patientia iis, integros dies, adsedit,

ut

ut singulis momentis notaret gradus mutationis. Quam incredibili sedulitate, per integrum mensem, observandis, delineandis describendis, que apum partibus occupatus fuit, adeo, ut in aprico sole ad medium usque diem, capite sudoribus madente, oculos videndo fatigaret, per reliquum diem perque noctem, mentem manusque agitaret, visa et delineata accuratissime describendo.

Qui nobiscum eximium, quo in studia sua ferebatur Swammerdamius, laudant ardorem, plurimi forsan eum non adeo ab omni opinione liberum aestiment, ut solius veritatis studiosus Naturae lustraverit opera. Quippe plerosque suos suscepisse illum labores dicunt, ut nihil non ex ovo fieri ostenderet, ut partium epigenesin demonstraret, ut aliorum errores carperet, in eos acerbius plerumque, quam quidem veri studium sinat, invectus. Iis vero qui ita iudicant ipse respondeat Swammerdamius, ideo suis experimentis atque inde ductis ratiociniis niti se dicens, quoniam illa interesse adeo consentiebant, neque alii quod solide opponerent, habebant; se si posthac observaverit quae suam sententiam aut mutare, aut etiam

etiam penitus evertere possint, veritatis amore cum publico communicaturum esse atque una in eum finem auxiliatrices eorum manus implorare, qui secum diligenter Philosophiam experimentalem colant (*). Ita qui loquitur, descendusne erit aut nominis fama aut opinionibus ducrus? Num vero illi vitio vertendum, si ipsam Naturam interrogare solitus, eos non audiverit, qui ab experimentis imparatissimi, non tam philosophantur, quam sophismis indulgent?

Quomodo autem, si opinidnibus abripi se penitus passus fuisset, tam attentus ea etiam considerasset, quae nihil ad eas opiniones facerent? Neque enim ea tantum observavit, quae ad Insectorum generationem eorumque varias mutationes pertinent, verum cetera quoque quaecumque eorum naturam illustrare possent. Nullum ex hisce animalculis, quod quidem contemplatus est, obiter tantum consideravit. Figuram corporis externam, partesque interiores, minutissimas etiam, notavit, intes-

ti-

(*) *Historia Insectorum generalis in praefatione auctoris.*

tina, spiracula, per quae aer decurrit, sensus organa, nervorum apparatus, musculos. Non minus quae vitae mores adtinent, sive pastum quaerendi conficiendique modum, sive propagandae speciei rationem, sive multiplicem sibi curam spectaveris, sedulo animadvertis. Quibus factum fuit, ut plura, quae aliis neglecta sint, primus observaverit, non modo in Insectis, verum etiam in aliis animalibus, in ranis videlicet atque in piscibus. Qualia profecto non inventurus fuisset nisi omnibus intentis mentis viribus, defixisque in ea, quibus se tradiderat.

Quomodo si revera opinionum commentis, non vero Naturae iudiciis adhaesisset, adeo accuratus fuisset, ut quae ille vidit, ab aliis vix corrigi, aut augeri potuerint, adeo, ut quae de ranis scripsit, ab egregio in hisce Roefelio penitus comprobata sint, qui et ipse Swammerdamii de Scarabaeo nasicorni historiam vix mutatam fecutus est: quomodo tantam ipsius descriptiones meriturae fuissent laudem, ut oculatus omnino Needhamius in describenda sepia declaraverit: siquidem nonnulla aliter habeat ac Swammerdamius,

huic

huic potius quam sibi habendam esse fidem.
Qualem A. A.! habebimus observatorem, de
quo ipsi in eadem palaestra haemali tam egregie
iudicarint !

Quod autem modo diximus, raro interiore
naturalium rerum cognitione (quicquam valere),
qui tantummodo Naturae observatorem agens,
ad eam data opera perscrutandam non accedat,
haec Swammerdamii quoque nostri sen-
tentia fuisse videtur. Magnam enim vitae par-
tem impedit excogitandis instituendisque variis
experimentis et operationibus, quibus ad intel-
ligenda mira Naturae opera duceretur. Qua in
perscrutatione Naturae quantum adhibuit inge-
nium in inveniendo! Quantum iudicium in
discernendis probandisque iis, quaecunque in-
venisset! Quam cauta argumentatione, ex
probatis inventis ad explicandam rerum natu-
ram accessit!

Ingenium quidem et singularem prorsus sol-
lertiam ostendit in excogitando, comparando,
et adhibendo illo apparatu, quo ad subtilissima
atque abditissima Naturae opera pervestiganda
ute.

itteretur; nec minorem in iis artificiis, quibus quae invenisset, aliorum visui apertiora redderet; maximam autem in iis, quae summa arte praeparata, sed subito putredine peritura in longissimum tempus servaret. Ad subtiliorem minimorum animalculorum anatomen mensa utebatur, narrante Boerhaavia (*) , aenea, artificiofissime duobus brachiis sursum deorsumque et ad latus mobilibus instructa, quorum uni id quod exploraret, alteri microscopium affigeretur, lentibus instructum, qui quod videndum esset ad iustum magnitudinem augerent. Forfices adhibebat praecipue, dein cultellos, lanceolas, stilos adeo exiles, ut ad citem acui non potuerint, nisi adhibitio microscopio; eos prehendendis, separandis, scindendisque tenuissimis Infectorum partibus, mirabili prorsus dexteritate, et suspensa manu admovebat. Eorundem intestina, vasa (incredibile dictu) aqua eluebat, aere implebat, siccabat, quaeque visui nocevent, particulas, variis liquoribus menstruis oleo imprimis terebinthino solvebat, auferebat, alias nimis molles et fere diffluentes, ut fabrica, situs

(*) *Bibl. Nat. in vita auctoris.*

tus, nexusque melius p̄vestigari possent a ceto indurabat; ad ea omnia subtilissimis siphōnibus tubulisque usus, maxima etiam patientia, industria, dexteritate. Atque ita maiorum quoque animalium et cadaveris adeo humani vasa et viscera cera condendi, ipsorumque in situ nexusque naturali servandorum artem primus invenit, cuius artificii specimen uterum muliebrem ea methodo tractatum, applaudentibus omnibus earum rerum peritis, ad societatem regiam Londinensem dijudicandum misit (*). Ut obstupuerunt illi, ut admirati sunt egregiam summi anatomici sollertia et sagacitatem! Atque hac quidem ratione ille plurima in variis animantibus aut detexit primus, aut iam ante inventa confirmavit. Valvulas in vasis lymphaticis detexit, intestinorum situm naturale et curvaturas ostendit, partium naturalium internarum utrum viri tum foeminae fabricam, Graafii aemulus, illustravit.

Quoniam vero satis perspiciebat noster, nemini-

(*) Vid. *Miraculum Naturae sive uteri muliebris fabrica etc.* edit. 4ta prodiit Lugd. Batav. 1707.

minem vel maxime diligentem sibi relictum, ad maiora perficienda quicquam valere, nullaque re magis vel singulorum augeri scientiam, vel artis proferri terminos, quam mutuis hominum litteratorum amicitiis, studiorumque consortiis, magnorum sui temporis virorum familiaritatem modeste et asidue quaesivit coluitque sedulo. Et primum quidem in Gallia, sub auspiciis amplissimi Thevenoti, multos doctrina excellentes viros, variis institutis experimentis, sive ad Insectorum mutationes, sive ad rem anatomicam pertinentibus, sibi devinxit: exhibita pari in proponendo modestia, atque in inventiendo sagacitate. Postea in urbem patriam redux, cum nonnullis medicis, rei naturalis atque anatomes studiosissimis, societatem inivit, cuius lucubrationes dein etiam publici iuris factae sunt (*). Habentur in hisce plurima quae Swammerdamio debentur, tum ad humani corporis historiam facientia nonnulla, tum plura quae ad intelligendam piscium fabricam et naturam iuvent, maxime ad cognoscenda ho-

(*) *Observationes anatomicae Collegii privati Amstelodameris* Amstelod. apud Casparum Commelinum. Anno 1666 et 1667.

horum intestina et viscera, quibus ciborum digestio persicitur. Qua de re nonnulla etiam addidit experimenta, quae imprimis ad bilis et succi pancreatici naturam intelligendam faciant. Qui Swammerdami labores virum ostendunt, ad talia suscipienda et perficienda natum; quos sane quo minus spernamus, impedit Blumenbachii autoritas, eos in ceteris eiusmodi qui exstant summiopere laudantis (*). Maxima vero tum in rebus investigandis industria, tum praesertim in iis, quae invenisset, probandis exquisitum iudicium ostendit. Inanes, sed magnorum virorum auctoritate maxime firmatas de Insectorum metamorphosi opiniones ille, innumeris et cautissime institutis eorum sectionibus, emendavit et luculentissime, qui sensim sensimque ex verme (latvam naturallum rerum scriptores appellant) nympham, ex nympham perfectum animal fiat demonstravit. Mitto quae de ephemerae, de limacum, aliorumque animalculorum fabrica et functionibus accurate et ad rem apposite scripsit; magni quem

in

(*) Blumenbach, *Handb. der Vergleichenden Anatomie*, Göttingen 1805. pag. 175.

in describenda apum historia suscepit atque egregie perfecit laboris paulo pleniorum mentionem non fecisse nefas! Namque hic in tenui labor suimus!

Quae eo tempore non satis distinguebantur, varias apum, crabronum, vespariumque species, ille melius separavit, tum externo corporis habitu accuratius descripto, tum praesertim internis partibus diligentissime exploratis. Eadem prorsus ratione differentiam inter mares apum faeminaque et operarias ostendit; has nullius esse sexus primus fere vidit, proprius autem ipsas corporis fabrica ad foeminae accedere accurata partium anatomie monstravit. Neque hisce contentus, integram huius animalculi historiam ab ovo repetiit, singulas mutationes, quae partibus internis externisque vario vitae tempore accident, anatomica exploratione prosecutus. Atque ulterius etiam progressus est, variis saepiusque repetitis experimentis, alimenti quod e floribus herbisque pertinet naturam, quamque in apis corpore subeat illud mutationem indagavit, aliaque plurima, maxime quae ad alvearis constructionem et novae sobolis nutritionem faciant. Quibus omnibus

bus innumeros prorsus errores, dissipavit, atque integrum hunc Historiae naturalis locum clarissimo collustravit lumine.

Cum autem in eo maxime spectetur iudicium vis, ut rerum momenta juste existimemus rerumque varias coniunctiones atque necessitudines ita perspiciamus, ut exinde inventis dispositio accedat ordoque lucidus; in hisce etiam qualis quantusque habendus sit Swammerdamius iam paucis intelligatis.

Ilo, quo vixit tempore, plurimi habebantur naturalium rerum cupidi, qui in Insectorum atque eiusmodi minimorum historia ita occupati essent, ut in colligendis et coäcervandis quibuslibet harum rerum exemplis insatiabiles maxime, in miris figurarum speciebus, colorumque pulcritudine haererent, et quae inusitata magnitudine vegrandia vel aliquo formae lusu mirabilia apparerent, indefesso labore venarentur et pueriliter amarent: dein nihil non prorsus insolitum atque inextricabile in hisce, sive corporis fabricam spectes, sive mores vitae, viderent. At noster longe aliter. Namque in hisce minimis simplicem fore Naturam, ut in ceteris animalibus, sagaciter suspicatus, immensos labores non

non intermisit, priusquam penitus plana perspectaque et sibi et aliis reddidisset, quae per vulgatis opinionibus obscurata essent. Cumque ipsi nihil adeo insanum videretur, quam eiusmodi animalcula imperfectiora habere, quoniam illa tam imperfecte novimus, vitam consumsit viresque, ut ostenderet, Naturam non minori cura ea prosecutam esse, quam aut aves aut quadrupedes aut ipsum denique hominem. Quod quidem non modo de Insectis docuit, verum de ipsis adeo, quae informem saepe molem referunt molluscis. Quapropter in hisce animalibus rite investigandis, atque in egregia ipsorum fabrica iuste aestimanda, summum illum, quo Gallia merito superbit, Cuvierium inventis suis omnino praeivit. Quidni ergo A. A. H. H.! cum illum a tota Europa idque summo iure in media collocatum luce videamus, nos nostrum Swammerdamium in tenebris relinquamus? Immo vero aequiorem potius audiamus sequamurque Cuvierium ipsum nostri labores magni facientem virumque egregium laudantem saepenumero!

Et merito. Quis enim eum non laudet, qui in Zoologiae atque Anatomes comparatae infantia, tot destitutus subsidiis, quibus nunc abunda-

damus, tantum se praestitit? Qui Naturam quasi divinatus, in minimis magna molientem, in experimentis suis et sectionibus non vagus errabat, quocunque luxurians abriperet ingenium, sed iungens experientiae rationem, ab iis quae iam vidisset, ad ea quae adhuc quaerenda essent, ducebatur, atque ita immensum sibi aperuit, in quo ingenium exspatiari posset, campum, ita ex multiplicibus, quas oculis occupasset rerum formis, probabiles earum similitudines differentiasque veluti computare et fere definire potuit. Quo factum est, ut ingentem illam Insectorum copiam in ordines suos redigeret ipsi contigerit, primusque adeo extiterit, qui ex ipsa eorum fabrica et natura dispositionis rationem petierit. Quod quidem exemplum summi Historiae naturalis scriptores dein saepius secuti fuerunt.

Si igitur quae hucusque diximus reputaveritis A. A.! facile apparebit, nostrum non in iis habendum esse Naturae scrutatoribus, qui instituendis experimentis nullum ponentes finem, per diversissima inconsulto errant, postque vitam laboris plenissimam omnemque in perscruta-

tandis Naturae phaenomenis consumtam, mirantur se tam parum profecisse. Swammerdamius vero labores suos suscipiebat, ut Naturam perspiceret, rerumque oculis spectatarum rationem quoque et finem mente assequeretur. Dubitatisne de eo A. A.! an aptus fuerit his rebus gerendis ac probabilis Naturae interpres a nobis habendus sit? At nullum supersunturum dubitationi locum crediderim, siquidem boni interpretis dotes cum iis, quae in Swammerdamio nostro nitebant, conferamus.

Quod enim primum et praecipue in quocunque interprete iure poscimus, doctrinae est copia non exigua, qua ad singulas res, rerumque formas et necessitudines melius perspiciendas valeat. Etenim nisi ad rerum explicacionem accedat rerum indolem variamque coniunctionem doctus, metuendum, ne ab opinionibus magis, quam a phaenomenorum observatione et perscrutatione duci se patiatur. Noster igitur quem ducem secutus sit, ex iis quae scripta reliquit patere possit. Qui non hoc vel illud animalculum, sed centena eaque diversissima; non semel, sed decies, centies; non una, sed unaquaque parte explorare solitus erat, eum ad rerum,

rum, quas perscrutatus fuerit, naturam intelligendam prorsum ineptum habeamus? At inepta multa et ridicula protulit. Fateor, nonnulla; sed nobis haec inepta et ridicula, qui iam saeculorum laboribus meliora docti sumus; iniquum autem sit quae temporibus debeantur, hominibus tribuere, isto tempore viventibus. An vero tam penitus incongrua sunt, quibus quaeunque observaverat explicare conatus est? Nonne plura, quae ad primum animalium ortum pertinent, ex comparatis animalibus, vertebris instructis, cum Insectis vermicibusque illustravit? Nonne ex ranarum historia Insectorum metamorphosi lucem accedit? Nonne de respiracionis usu in calidi sanguinis animantibus egregia docuit? Docuit, aerem mutari et nocivos e corpore educi vapores; docuit aerem puriorem reddi sanguinem, fuscitandae vasorum actioni, corporisque totius nutritioni aptiorem. Unde autem illa petiit? ex inanibus, quas excogitarat, hypothesibus? Immo vero ex innumeris observationibus atque ingeniosis omnino experimentis, quibus difficillimum illum Physiologiae locum multo sane apertiores reddidit. Plurima quidem reliquit; cur vero reliquit? quia despe-

rabit posse eadem nitescere. Atque hoc ipso, quantum ad interpretanda Naturae opera valeret, ostendit. Cum enim nos homunciones vix Naturae particulam cognoscamus, insanum sit de omnibus audacter pronunciare velle, ac si integrum hoc universum, intellectu nostro, comprehendamus. Quapropter Naturae interpretem prudentem iure requirimus. Talem itaque omnino se praestitit Swammerdamius. Plena sunt eius scripta exemplis, quae ostendant, quam cauta argumentatione usus fuerit, cum ex inventis, rerum rationem aliquam exponere institueret. Saepius quidem ignorantiam professus, ubi aut non satis exploratam haberet rem, aut observationes non sibi invicem congruerent, maluit cohibere gradum, quam in tenebris oberrare. Cuius modestiae, tum in aliis, tum praecipue in Apum atque Ephemerae historia egregia invenimus exempla. Hic vero nonneminem mihi audire videor, dicentem: non semper talem se praestitisse Swammerdarium ac praesertim in eo, quem de respiratione conscripsit tractatu, plurima reperiri opinionum commenta deinceps ab experientia magistra prorsus repudiata. Scilicet re-

refrigerationem illam sanguinis in pulmonibus volunt et fermentationem in cordis ventriculis. Verum teneatis, quaeſo A. A.! profecta haec esse ex schola Sylvii, celebris, id temporis, Physiologi et Medici, quem adeo praceptorum suum noster valde colebat. Namque haec de respiratione Leidae disputavit (*) ut medicinae doctoris honores consequeretur, ideoque Sylviana hisce inesse, nemini mirum videatur.

Quantum autem a conjecturalibus ejusmodi, atque experientia minus firmatis alienus fuerit noster, ex ipso audiamus. Totidem declaravit verbis: non ultra experimenta esse errandum, nec quae ex iis recte efficiantur temere aliis applicanda esse phaenomenis. „ Cum enim Na-
„ turae divitiae (inquit) sint inexhaustae, et
„ multae earum adhuc coeco involucro ab
„ sconditae, nos ipsis metu, temeritate nostra ap-
„ plicandi, sine circumspectione, quaevis qui-
„ bus vis, sumus in culpa amissae veritatis,
„ imo ita nonnunquam res per se claras et in-
„ tel-

(*) Anno 1667 in tractatu de respiratione usque Pulmonum cuius tertia editio prodiit, Lugd. Bat. 1738.

, collectu' faciles ita impeditius, ut obscurae
nobis et inextricabiles evadant (*).¹⁰ Qui sic
Iojuitur, A. A. qui sic quam egregiam pro-
fert sententiam exemplo ipse suo sequitur, eum
non prudentem habemus, non plane modestum
Naturae interpretem?

Sed vel prudentissimum et maxime modestum
non ab omni erroris periculo remotum creda-
mus, nisi ad Naturae penetralia accedens sin-
cero flagret veritatis amore.

Scilicet et famae solicitude timidos homines
ab audaciore rerum retractatione saepe deter-
ret, atque in explicandis phaenomenis diffiden-
tes reddit. Quae vero ratio omnino damnanda
est, quia sic rerum cognitio parum produci-
tur. Quapropter siit Swammerdamium
laudamus, prudentem Naturae interpretem prop-
terea laudamus, quod ea prudentia non est gloriae
cupiditate, sed e veri studio proficisciatur.
Quamcunque de natura rerum proferret senten-
tiā, omni observationum atque experimento-
rum vi stabilienda operam dabat, nihil ma-
gis

(*) Vid. *Historia generalis Insectorum*, in praefac-
tione auctoris.

gis curans, quam ut vera videret. Ideoque saepius iam fere absolutum laborem ab ovo repetiit, eandemque rem alia atque alia parte aggressus est, ut veritatem ex latebris eliceret. Quam protractam, etiamsi odiosam fore hominibus intelligerer, libere ostendit. Utinam vero minus fuisset acerbus! Namque haud negamus A. A.! nostrum, hoc veritatis studio abreptum, nonnunquam nimis acriter in adversarios saevisse.

Verum demus hoc homini, qui quodcumque faceret, non languide, sed cum aliqua vehementia peragebat. Erat enim Swammerdamius vir, animo acer et propositi tenax, cui quaecunque ipsi acciderent, sive grata sive ingrata, alta mente reposita manebant. Quae quidem animi propensio cernitur in modo, quo in se ipse, falsis religionis terroribus exagitatus, saeviit. Quo fanatico furore eo abreptus fuit, ut perama penitus fastidiret studia. Quis non tam egregium virum, puerilibus angoribus consumatum, nihil curantem, sua despicientem, amicorum monita spernentem conspiciens, misericordia afficiatur? Illius autem morbi si plurima in eius scriptis inveniantur vestigia, quem

of

offendat? Quis non ea tot praeclaris rerum observationibus compensata putet?

Neque tamen hoc ita accipiatis A. A.! ac si ea in Swammerdamii scriptis, quibus, pietate in supremum Dei Numen accensus, id egit, ut ex perfectissimis operibus adorandas efficeret Auctoris virtutes, damnare velim. Evidem minime probem eorum rationem qui in sapientissimi atque optimi Procreatoris Dei locum inania ponant nomina. „ Qui enim (ut cum „ Tullio loquar) convenit, signum aut tabu- „ lam pictam cum adspexeris, scire adhibitam „ esse artem, aut navigii cursum cum videris, „ non dubitare, quin id ratione atque arte mo- „ veatur; de Mundo autem, qui et has ipsas „ artes et earum artifices, et cuncta complec- „ tatur, dubitare, casu ne sit effectus, aut ne- „ cessitate aliqua, an ratione et mente divi- „ na (*)".

Quis, hanc terram in eaque sata et generata contemplatus, et secum cogitans, quomodo quodcunque extat, suis se tueatur viribus, et permaneat, nihil autem sit, quod sibi soli natum,
sed

(*) Cic. de Natur. Deor. Lib. 2. Cap. 34.

sed omnia omnino multiplici necessitudinis vinculo in communem salutem coniungantur: quis, inquam, haec contemplatus, non divinam veneretur Providentiam, quae toti huic universo singulisque eius prospicit partibus? Et admiremur Swammerdamium, qui, cum totam in consideranda et pervestiganda Natura consumserit vitam, supremi Dei religionem tenuerit, quando quotidie tantam videret animantium varietatem, tantamque ad eam rem vim, ut in genere quaeque suo permaneant; quando quotidie enumerare posset, ad pastum capescendum, conficiendumque, in figuris animantium, quae sit et quam sollers, subtilisque descriptio partium, quamque admirabilis in minimis etiam fabrica membrorum; quando videret, omnia quae intus inclusa sunt ita nata atque ita locata esse, ut nihil eorum supervacaneum sit, nihil ad vitam retinendam non necessarium (*).

O praeclarum virum et penitus sapientem, quem divina contemplantem insolentium hominum non perturbarunt placita! qui religione Dei tactus, perscrutando Naturam, Naturae Aucto-

rem

(*) Loc. e. c. Cap. 47.

rem celebravit! Hunc non magni faciamus, non laudibus efferamus ad sidera, quem Naturae interpretem habemus non modo doctum, sed ipsa scientia prudentiorem magisque modestum, prudentemque non famae, sed veritatis amore, pli- denique atque hoc ipso laudibus nostris maiorem.

Quae quidem hactenus dicta sunt, A. A.! quamvis ad perfectum Naturae interpretem formandum egregie convenienter, minime tamen tam faciunt, qualem iure desideratis. Quandoquidem enim primam orationis dotem perspicuitatem dicit Cicero, illum, qui, interpretando Naturam aliis se doctorem offert, perspicuum esse vultis: quapropter iure a me poscitis, ut hoc quoque Swammerdamio non defuisse efficiam. Neque hic difficilis mihi labor fuerit. Ipsi modo videatis A. A.! quomo- do quae scripsit noster temporum iniquitatem superarint; quo studio legantur ab omnibus, qui rerum naturalium notitia aliquid valere existimentur, quantopere iis probentur. Raro enim reperiatis nostri aevi de hisce scribentem, quin ad Swammerdami probatissimam auctoritatem lectores mittat. Unde autem factum pu-

te-

tetis, quod cum omnia mutata sint, Swammerdamii scriptis honor manserit? quoniam quae habet verissimam, maxima perspicuitate profert, verbis bene provisam rem sequentibus non invitis. Idecirco saepe etiam, qui post eum venerunt, ab eo mutuati sunt et descriptiones et delineationes, desperantes scilicet meliora se posse dare. Namque summus profecto in historia Insectorum Reaumurius, ut sua illustrare posset, Swammerdamii iconibus usus fuit. Quo quidem exemplo docemur quanta in ipsis sit et veritas et perspicuitas. Taceo quippe iam mox commemoratos. Ne edhamium, Roeselium, Blumenbachium, Cuvierium, qui quanti nostrum faciant, in rebus describendis et illustrandis, quasi fere scriptorum suorum pagina ostendunt.

Hunc igitur tantum virum nonne gaudebimus. A. A.! nostram protulisse patriam, hunc tantum virum, cognitis atque auditis ipsius meritis (utinam ex magis diserto oratore!) sequi non cunctis contendemus viribus? contendemus profecto quicunque Naturae cognoscen-

dae operam damus, eo que magis, quando nobis prae Swammerdamio plura sunt, quae nos ad maius etiam admoneant atque incitent studium. Ille solus, sibi relictus, neglectam et contemtam Historiae naturalis pertinacitavit partem, nulla fere habens ad suos persicidendos labores incitamenta, neque privata neque publica. Egenus eo redactus fuit, ut quos immensis laboribus sibi comparaverat rerum naturalium thesauros, cuivis emendos offerre debuerit. Vix autem in hac ipsa patria reperire potuit, apud quem tantum amara studia valerent, ut ipsi inopi opem ferret. Nos vero (o! litteratorum hominum felicitatem!) ea vivimus tempora, quae abundant iis, qui buscunque mens ad has ipsas lucubrationes et excitetur et iuvetur. Honorifica Naturae habemus studia, splendida et prorsus egregia superbimus supellectile, summorum in arte virorum industria comparata. Denique eos rei litterariae Antistites nacti sumus et fautores, qui, ut quem in republica tenent locum, ornant virtutibus, ita quam in Academia, iure suo, habent auctoritatem, singulari augent in bonas artes litterasque cura et providentia.

Ta.

Talia praedicanti mihi non opus fuerit, contra hisce qui hic me audiunt, vos digito monstrasse, Viri gravissimi, amplissimi huius Academiae Curatores! Quis enim viros laudans bonarum artium amore excellentes, de vobis id imprimis dicendum esse non agnoscat? Agnoscere autem imprimis me oportet, qui tot nominibus ad vos iam pertineo, quorum humanitatem et benevolentiam mox post adventum plane expertus sum, quorumque favorem magis magisque deineruisse dum vivam mihi religioni sit summae. Utinam quo in mea studia flagro ardorem eruditio mea et doctrina (quae sentio quam sint exiguae) aequent, ut ex meis laboribus vestrae huic Academiae novum accedere possit emolumentum! At vero, quod unum queo, indefesam pollicor industriam, quam vos obtestationem accipiatis velim benevole. Faxit Deus, ut quem hic absentem doleo omnesque hi dolent mecum, propediem salvum habeamus Collegii vestri Praesidem! faxit, ut Vos viri amplissimi! per longum tempus, in huius Academiae et in Patriae commoda sospites habeamus atque incolumes.

Quominus magnifica promittam, vester me prohibet conspectus, Viri clarissimi! qui huic inclytæ Academiae eruditionis vestrae doctrinaeque fama insigne assertis ornamentum. Quis enim ego sim, qui me vestro adscriptum ordini videns, sperem fore ut vos eximiis iis virtutibus aequare possim. Quod idem licet animum posset deficere, mihi tamen non ingratum accidit, quippe qui Harderovici degens, iam saepe expertus sim, quantum ad vitam beatam iuvet doctorum hominum familiaris consuetudo. Neque enim Niehoffii, multiplici rerum notitia insignis, animique candore venerandi senis unquam obliviscar, nec ceterorum quibuscum ibi officii communione, conjunctus fui. Tot illi tantisque me cumularunt humanitatis atque amicitiae documentis, quanta vix sperare, nedum exspectare, potuisse. Hic autem non minorem spero ex vestra societate, Viri clarissimi! sive ad augendam meam qualemcumque eruditionis copiam, sive ad vitam dulcius ducendam percepturum esse fructum. Quapropter vobis me quam maxime commendatum cupio.

Vobis autem imprimis me commendando, quibus tradendae disciplinae similitudine adiunctum
me

me video et laetor. Ea enim naturalium rerum studia semper in deliciis habui, vestraque meritis vestris comparata fama me sperare iubet, fore ut vestra doctrina insigniter mea augeatur scientia.

Hoc autem non solum est, quod solenni hac hora animum meum commovet, verum ad vos accedentem, Viri celeberrimi! collegae coniunctissimi! praeteritae etiam vitae, quam in hac amoenissima urbe degi, subit cogitatio, plurimumque ego vestrum, quibus me magnopere obstrictum sentio, in me collata beneficia reputo. Vos enim conspiciens, viri et virtutibus plurimum venerandi et doctrinae laude spectabiles Heringa et van Oordt! quid non commemorem singulare, quod olim ex vestra humanitate atque approbatione ad mea studia expertus sum incitamentum; quid non hic palam profitear, me eam ob causam plurimum vobis debere; quid non laetus gratiam hic publice obtester mentem!

Utinam autem omnes, quorum utilissima institutione olim frui mihi licuit, hic salvos adspicere mihi contingeret, gratissimumque animum ipsis palam significare! Felicem vero fortunatum que

que me habeo, quod saltim vos, Viri celeberrimi Bleulandi et de Fremery, compellare liceat, quibus praesertim quod sum quodque olim praestare potero, me debere coram omnibus profiteor.

Quoties enim, quam a te accepi, Clarissime Bleulandi! de corpore humano institutionem mente mea reputo, toties et tuam in me erudiendo operam et egregiam in perscrutanda Natura sollertia admirari soleo. Quam tamen quid hic tenuis orator verbis laudem, cum rerum ipsa testimonia in amplissimo illo tuo, quo merito iam gloriatur haec Academia, Musaco, tam manifesta habeamus! Tu Vir Clarissime! quo olim discipulum, eodem animo iam me accipias collegam, cui nominis observantissimum!

Tibi etiam expertissime de Fremery! non minus profecto meritorum in me recordatione, quam novi officii ratione obstrictum me sentio, iunctum me glorior et laetor. Insignis est sane felicitas mea, qui quem praeceptorem olim maxime colui et amavi, in iis potissimum, quibus tantopere delector artibus, eum nunc per integrum vitae cursum vitae litterariae magistrum habi-

biturus sim et laborum ducem! O lūtināmī, dāmī
in colligendis disþonendis que naturalium rerorū
thesauris, tuis sub auspiciis, occupatus sum, hī
tuam olim merear approbationem, q̄ tibi placu-
isse contigerit — tibi enim vir egregie! plaeu-
isset non ultimam mihi laudem ducō, p̄nō exi-
guum ad maxima tentanda incitamentū futu-
rum sentio. Supremum autem Deum precor,
ut te, et hunc quo merito superbimus Bleu-
landium vosque demum omnes Viri Claris-
simi! in huius Scholae commodum inque Pa-
triae ornamentū, quam diutissime servet su-
perstites!

Ad vos tandem venio, ornatisimi Iuvenes!
qui in hac celeberrima Academia diversis hu-
manarum artium et doctrinarum partibus ope-
ram datis. Ad Vos venio non solum, quia
id diei huius solennitas suadet atque adeundi
muneris ratio poscit, verum maxime propterea
quod sic ipse animus iubet atque imperat. Vobis
enim vivere, vestrisque studiis prodesse, ve-
hementer cupio; profim autem, si vobis hunc
quō hactenus iure merito exsultatis praecepto-
rem, quemque et meum esse audivistis, co-
lendi atque audiendi exemplum existam. Ce-

terum si quid in me fuerit aut in meis adiutori-
 bationibus, quod vobis prodest possit, omne
 id vestrum habeatis: velim. Mihi tunc tandem
 vitam bene peractam existimabo; si vos, com-
 muni nostra naturalium rerum indagatione,
 studiis severioribus vitaeque futurae reddiderim
 quam aptissimos. si rursum venientem meus
 docebit meus Deus in nobis auctoritate suae
 et nos deinde quod est aperte manifestum
 sermone suu / Secundo autem capitulo secundu / I.
 270 deinceps in omnibus ecclesiis videt se illa
 illa eorum similans ut ipso insinuat. « situ
 ducere in ecclesias ut dicitur in libro de
 Ecclesiastis in italiano » alioz melius regi
 tri alijsqz sicut ibi dicitur in libro de
 Ecclesiastis in italiano ~~secunda~~ de ecclesiis clementis
 huiusmodi non sicut in LA. neque met
 iatis in libro taliter nisi quod taliter. Non si
 respondeat sicut ibi dicitur oblati isti de
 ecclesiis in libro de ecclesiis clementis non
 sicut ibi dicitur sed in libro de ecclesiis
 clementis isti de ecclesiis sicut ibi dicitur
 non sicut ibi dicitur sed in libro de ecclesiis
 clementis isti de ecclesiis sicut ibi dicitur

HENRICI CAROLI VAN DER BOON MESCH,

MATH. ET PHIL. NAT. ET MED. CAND. ET IN ACADEMIA LUGDUNO BATAVA STUDIOSI,

R E S P O N S I O

A D Q U A E S T I O N E M

A B

O R D I N E C H E M I C O

P R O P O S I T A M:

Quum recentiorum Chemicorum plerique, duce eximio H. Davy, acidum, quod hactenus muriaticum oxygenatum dici consueverat, simplex esse principium, Chloricum nuncupandum, statuant; nonnulli tamen cum Cl. Berzelio, veterem Theoriam Bertholletianam, hic etiamnum esse sequendam autemnt; quaerit Fa ultas: quaenam harum doctrinarum, si ipsa spectentur experimenta; si ad integræ Theoriae Chemicæ analogiam autendatur; si denique ratio habeatur baseos acidi Fluorici (phthoricum principium nonnulli dicunt) et haud ita pridem detecti principii Iodici; prærogativam mereatur?

Q U A E P R A E M I U M R E P O R T A V I T.

LIBRARY OF THE UNIVERSITY OF TORONTO LIBRARIES

UNIVERSITY OF TORONTO LIBRARY

Opinionum
Paucae sunt, etiam maxime probabiles theoriae, quae non incurvant in aliquas difficultates, aegre removendas.

Whitt.

A N T E M O N E N D A.

Responsurus ad Quaestionem Chemicam
quae his verbis continetur:

Quum recentiorum Chemicorum plerique,
duce eximio H. Davy, *acidum*, quod hac-
tenus *muriaticum oxygenatum* dici consueverat,
simplex esse principium, *chloricum* nuncu-
pandum, statuant; nonnulli tamen cum Cl.
Berzelio veterem theoriam Bertholletia-
nam hic etiamnum esse sequendam autument;
quaerit Facultas: quaenam harum doctrina-
rum, si ipsa spectentur experimenta, si ad
integrae theoriae Chemicæ analogiam atten-
datur, si denique ratio habeatur baseos acidi
Fluorici (*phthoricum* nonnulli dicunt) et haud
ita pridem detecti principii *Iödici*; praero-
gativam mereatur?

eius ordinem quam proxime sequi conatus
sum; igitur exposita paucis historia acidi mu-
riatici oxygenati, ad rationes litis dijudican-
dae, quas et rei natura et Quaestio indica-
bat, proponendas et explicandas pervenien-

dum esse arbitratus sum: quae rationes, cum duplici genere contineantur, et experimenterum et analogiae: primo loco accuratius videndum erat de experimentis: deinde consulenda analogia; verum cum seorsim Quaestio memoraret principia Phthoricum et Iödicum, de iis quae dicenda erant, alio capite explicavi. Ultimô loco efficienda erat conclusio, ut pro meis viribus iudicarem, quae-nam sententia praerogativam mereatur.

Quibus eo ordine tractatis multa deesse et sentio et scio; sed ea rogo tribuant lectores, Viri Clarissimi, et condonent tironi, ingenioque neque per se magnopere valenti, neque exercitatione probato et confirmato.

SALVATORE MELITONIUS

autem in primis quae rationes cum duplici genere contineantur, primo loco accuratius videndum erat de experimentis: deinde consulenda analogia; verum cum seorsim Quaestio memoraret principia Phthoricum et Iödicum, de iis quae dicenda erant, alio capite explicavi. Ultimô loco efficienda erat conclusio, ut pro meis viribus iudicarem, quae-nam sententia praerogativam mereatur.

C A P U T I.

DE HISTORIA ACIDI MURIATICI, ET ACIDI
MURIATICI OXYGENATI.

Acidum muriaticum aqua solutum, videtur iam cognitum fuisse Alchymistis (1); idque ope acidi sulphurici excussum est e muriate sodae a Glaubero: hoc acidum dictum fuit acidum salis marini, spiritus salis (2): Priestleius vero primus fuit, qui examini subiecit gaz acidum muriaticum (3).

Acidum vero ita dictum muriaticum oxygenatum detectum est a Scheelio Aº. 1774; et ab eodem, doctrinae Sthalianae ad-

(1) Thomson *Système de Chimie* Tom. I. p. 131. fin. p. 132. princ.

(2) Vid. *Element. Chemiae* H. Boerhaave T. I. p. 814.

(3) Thomson l. l. p. 132. Cf. Macquer *Dictionnaire Chimique* et Klaproth et Wolff *Dictionnaire Chimique Méthodique de l'Académie Royale des Sciences* Aº. 1785. p. 296. sqq.

addicto, vocatum acidum marinum dephlogisticatum, phlogisti quasi expers (1): a Fourcroy dictum est acidum muriaticum aëratum (2).

Facie Chemiae mutata (3), quum invenis-
set Lavoisierius acida constitui basibus
acidificabilibus, aut una, aut pluribus, et
oxygenio (4), acidi vero marini basin nulla
ratione, neque analytica, neque synthetica,
posset detegere, ad analogiam confugit, et

con-

(1) Arbitratur Davyus j'm Scheelium statuisse sim-
plicitatem acidi muriatici oxygenati, quum id vocaret aci-
dum marinum dephlogisticatum. Vid. *Journal de Phys.*
T. LXXI. n. 326. 332. et *Elemens de Philos. Chimiq.* par
H. Davy, traduit par J. B. van Mons Vol. I. p. 402. Verum
rite animadvertis Bertholletus, notionem vocis *phlogiston*
apud Scheelium vagam esse, *Mémoir. d'Arcueil* T. III.
p. 60. 8—9. ubi locum affert Bertholletus ex opere
Scheelii, *Traité de l'air et du feu*, qui illustrat, quid
Scheelius dixerit *phlogiston*. Cf. *Antwoord op de*
vraag, of het phlogiston in de ligchamen bestaat: door den
Hoogg. Heer Nahuys. Verhand. van het Provinciaal
Utrechtsch Genootsch. van Kunsten en Wetenschappen D. V.
Vid. omnino *Ann. de Chim.* T. XCIII. p. 32 seqq.

(2) Fourcroy *Syst. de Chim.* T. II. p. 109.

(3) Vid. *Nieuwe Chem. en Phys. Oeff.* door P. van
Werkhoven D. II. p. 414. seq.

(4) Lavois. *Trait. de Chim.* T. I. p. 69. et passim
in hoc opere

constituit acidum marinum componi, ut cetera acida, basi muriatica (*base muriatique*, *radical muriatique*,) et principio acidificante, oxygenio (1); acidum autem marinum dephlogisticatum censuit componi acido marino cum excessu oxygenii (2); exemplo Bergmanni et Morveau, a voce *muria* illud vocavit acidum muriaticum (3), hoc acidum muriaticum oxygenatum (4), a Kirwanno in oxymuriaticum deinde conversum (5).

Ambo haec acida deinde ab optimis Chemicis ad examen vocata sunt, eorumque proprietates et utilitates in lucem prolatae (6).

In.

(1) I. l. p. 75 et 255.

(2) p. 76. 178.

(3) p. 76.

(4) p. 77.

(5) Thomson T. III. p. 110. quamvis nomen acidi non mereatur acidum muriaticum oxygenatum: cum expers sit facultatibus, quibus ab aliis corporibus distingui solent acida: (Thomson. I. l. p. 125. 126. *Journ. de Phys.* T. XXVI. p. 322.) tamen hoc nomen plerisque Chemicorum usitatum perspicuitatis gratia retinebimus.

(6) Vid. Fourcroy *Syst. de Chim.* T. II. p. 101—118. Thomson. *Syst. de Chim.* T. I. p. 131—147. T. III. p. 110—133. Davy *Elem. de Phil. Chim.* T. I. p. 384—417. Thenard, *Traité de Chimie* T. I. p. 562—596.

Inter omnes autem, antequam Davyus, novis institutis experimentis, ab omnibus Chemicis assumtam gaz acidi muriatici oxygenati compositionem in dubium vocaret, eminent Bertholletus et Chenevixius. — Et Bertholletus quidem ab A°. 1785 (1), cum coepit inquirere in acida muriaticum, et muriaticum oxygenatum, ad annum 1816 haud destitit indagare amborum indolem, illustrare proprietates, invenire utilitates. Chenevixius vero anno 1802 (2), specimen edidit de acido muriatico oxygenato, eiusque copulis cum aliis corporibus, a principiis Chemicis magnopere laudatum.

Cum autem in sequentibus Capitibus plures proprietates utriusque acidi, tum ratio, qua optime parantur, recensendae erunt, has nunc missas facimus, et iam transibimus ad ipsam Bertholleti sententiam de eorum
com-

(1) *Mem. de l'Acad.* 1785. p. 276—296. *Journ. de Phys.* 1785. T. XXVI. p. 321—326. *Mem. d'Arcueil* T. III. 1817. p. 171—179. *Observat. sur la composition de l'acide oximuriat:* 1811. et p. 603. *Note sur la composit. de l'acide oximuriat:* par M. Bertholl. 1816.

(2) *Philos. Transact.* 1802. *Journ. de Phys.* Tom. LV. p. 87—116.

compositione: in qua exponenda princeps tantum memorabimus phaenomenon, unde compositam acidi muriatici oxygenati effecit Bertholletus: reliqua enim, quae ipsius sententiae favere videantur, explicabimus Capitibus sequentibus.

Quamvis jam Lavoisierius (1) et Fourcroy (2) in acido muriatico oxygenato, oxygenium inesse contenderent, pluresque exinde explicarent huius acidi proprietates, praeter analogiam, non habebant, quo hanc theoriam defenserent: quod cum perspiceret Bertholletus, excitatus fuit ad Scheelii experimenta repetenda, ut, quid de re esset, cognosceret. Primum hoc consilio experimentum instituit Bertholletus sequens: igne fortiori calcinavit magnesii calcem (*peroxydum*,) et obtinuit aërem vitalem: deinde calce, quae multum sui aëris vitalis amiserat, tractata cum acido marino, multo minorem copiam comparare potuit (acidi) marini dephlogisticati: unde conclusit, aërem vitalem oxydi magnesii sese iungere cum acido marino atque inde nasci

(1) l. l.

(2) *Mem. de l' Acad.* 1785. p. 281.

acidum Scheelii (1): cum autem Bertholletiana theoria Chemicis minime placaret, pluresque ex eorum numero, Morveau imprimis, contenderent, originem acidi Scheelii non esse explicandam, nisi in auxilium advocato phlogisto (2), pergit Bertholletus, et experimentum instituit, quo omnes contra suam theoriā motas objectiones rebatur sublatum iri, et in diem collocatum acidi Scheelii naturam (3). Igitur exponens aquam acido muriatico oxygenato imprægnatam, radiis solaribus hanc solutionem amittere suum colorem, et expellere bullulas: has exceptas invenit esse gaz oxygenium; deinde aquam superstitem, examinans, hanc detexit non continere nisi acidum muriaticum vulgare; ratione igitur habita accepti oxygenii, et superstitis acidi muriatici, collegit 100 partes acidi muriat. oxygen. componi 90,59, acidi muriat. 9,41 oxygenii, opinatus radios solares ab acido muriat. oxygen. abripuisse oxygenium (4), ut solent

oxy-

(1) *Mem. de l'Acad.* 1785. p. 281. Cf. *Journ. de Phys.* T. XXVI. p. 398. sqq.

(2) l. l. p. 281. 282.

(3) p. 284.

(4) *Mem. de l'Acad.* 1785. p. 282.

oxygénium ab ripere ab acido nitrico, et oxydis quibusdam metallicis. — Deinde inventus Bertholletus, si gaz acidum muriat. oxygen. transmittatur per solutionem potasae aquæam, duplex oriri sal; alterumque dixit murias potasae vulgare, alterum vero murias potasae superoxygénatum, ita explicans duplarem hanc salium originem, ut si sumeret, aliquam partem acidi muriat. oxygen. decomponi, eiusque oxygenium sese coniungere cum immutato acido muriat. oxygen.; duplex deinde acidum, alterum oxygenio ditatum, alterum oxygenio privatum se cum potassa coniungere, et memorata salia proferre (1). Acidum vero muriaticum superoxygenatum scorsum, tunc temporis nondum erat cognitum. — In hos sales deinde plures eximii Chemici inquisiverunt, Lavoisierius (2), Fourcroy (3), Vauquelinus (4), alii, qui omnes tuiti sunt Bertholleti sententiam.

Che-

(1) *Journ. de Phys.* T. XXXIII. p. 217. et *Mem. de l'Acad.* 1786. Cf. Lavois. I. I. T. I. p. 254.

(2) *Traité de Chim.* T. I. p. 207.

(3) Fourcroy *Syst. des Connoiss. Chimiq.* T. III. p. 214. sqq.

(4) *Ann. de Chim.* T. XXI. p. 235.

Chenevixius vero magnopere discessit a Bertholletō, et aliam, atque Bertholletus viam ingressus, computavit acidi muriat. oxyg. 100 partes constare 77,5 acidi muriat. oxyg. 100 partes constare 22,5 oxygenii (1): quam proportionem deinde assumfit etiam Gay Lussac, novis a se in hoc acidum experimentis institutis (2). Acidi muriat. superoxygen. constare 100 partes 66 oxygenii 34 acidi muriatici.

Cum autem Bertholletus videret Chenevixium tantopere ab ipso discrepantem; in computanda oxygenii copia acidi muriat. oxyg., quid de re eset, cupidus sciendi, partim sua repetivit experimenta, partim nova instituit. Itaque radiis solaribus aqueam gaz acidi muriat. oxygen. solutionem exponens, nactus est primo experimento instituto, deinde ex altero, ex quibus quantitas media 9,31 } 8,85 } 9,07 (3).

Igi-

(1) *Journ. de Phys.* T. LV. p. 87. sqq.(2) *Mem. d'Arcueil* T. III. p. 172.

(3) I. l. p. 173. 174.

Igitur hanc quantitatem parum differre videbat a supra memorata, primo experimento acquisita, dein vero per ammoniam tentans acidum muriat. aquae destillatae immisum, obtinuit ex partibus 100 acidi muriat. oxygen. primo experimento 23,39 } acid. muriat.
deinde altero . . . 23,90 } oxygenii partes
ex quibus media ——————
quantitas . . . 23,64
quae quantitas fere convenit cum memorata Chenevixii.

Omnibus igitur collatis, apparet, statuisse Bertholletum, oxygenium esse partem constituentem acidi muriat. oxygen., idque constare acido muriatico et oxygenio: atque hinc, hanc theoriam ab eo primum copiam oxygenii in acid. muriat. oxygen., definiente, iure dici theoriam Bertholletianam. — Omnes deinde Chemici secuti sunt Bertholletum, paucis exceptis, qui hoc illove experimento capti, maiori minorive iure, aliam opinionem tuebantur (1), donec prodiret

Hum.

(1) Sic Lambe retulit, actione gaz hydrogenii sulfurati in ferruin, produisse materiem similem muriati oxygenato ferri. Vid. Thom. T. III. p. 121. sq.: quod tamen experimentum repetentes Vauquelinus, Morveau, Bouilon

Humphry Davy. Hic quum ope columnae Galvanicae, scilicet efficacissimi, quod cognoscebat, ad oxygenium in quibusvis corporibus detegendum, auxilio, iam plura corpora omnium Chemicorum consensu pro simplicibus habita, decomposuisset, atque eorum naturam chemicam in lucem collo-
casset (1), imprimis cum detexisset, alcalia componi principio metalloideo, et oxygenio, ut in alia acida nondum decomposita, in boracicum, fluoricum, ita etiam in muraticum, et muriat. oxygen. plurima coepit in-

sti-

lōn la Grange, minime confirmatum viderunt. Thomſ. I. I. p. 122. 123. et lib. ibi laudd. Ita Girtannerus iam hydrogenium in acido muriat. posuit. Cf. omnino Scherer allg. Journ. der Chem. B. IV. S. 1418. B. V. S. 116. 507. — Bertholletus ipſe singularem fovit sententiam de natura acidi muriat.; legimus enim apud Lavoif. I. I. T. I. p. 255.: „ M. Berthollet avoit soupçonné, que ce radical pourroit être de *nature métallique*; que:” ipſe autem Lavoif. fatetur (I. I.): „ cet acide ne parait pas avoir été décomposé jusqu'à ce jour dans aucune expérience chimique, en sorte, que nous n'avons nulle idée de la nature de son radical: ce n'est même que par analogie, que nous concluons, qu'il contient le principe acidifiant ou oxygène.”

(1) Journ. de Phys. T. LXVII. p. 332—344. Cf. Elem. de Phil. Chim. T. I. p. 353. sqq.

stituere experimenta; quibus sedulo repetitis tandem conatus est probare, acidum muriat. esse compositum acido muriat. oxygen., et hydrogenio, acidum vero muriat. oxygen. esse corpus simplex, i. e., nondum decompositum (1), vocavitque gaz acidum muriaticum oxygenatum, ob colorem suum viridiflavescentem *Chlorine* a Graeca voce χλωρὸς, viridis (2), Latine *Chloricum*: deinde conclusit, sales muriaticos Alcalinos, cum metalloideos non constitui acido muriat. et alcali et metalli oxydo, sed componi chlorico et basi alcali et metallo; sic e. g. murias potasae constare chlorico et potasio, murias stibii chlorico et stibio: porro chloricum habere affinitatem cum oxygenio, quocum iunctum abire in gaz, ob egregium colorem viridiflavescentem dictum εὐχλωρὸν, *Euchlorine* (3), tan-

(1) *Journ. de Phys.* T. LXXII. p. 359. sqq. T. LXXIX. p. 264. Cf. Davy *Elem. de Phil. Chim.* T. I. p. 384. sqq.

(2) Quod nomen magis Davy placuit, ob causam, quam indicat *Journ. de Phys.* T. LXXII. p. 384. „ quand bien même on decouvrirait par la suite, que c'est un décomposé, et même qu'il contient de l'oxygene, ce nom ne peut pas induire en erreur, et ne nécessite pas de changement.”

(3) *Journ. de Phys.* T. LXXIII. p. 38.

tandem censuit, muriat. super oxygen. compo-
ni aut chlorico et peroxydo, aut euchlorico
et peroxydo (1); unde haec theoria, oppo-
sita veteri, dicitur Davyana.

Denique cum plurimorum Physicorum ocu-
li conversi essent in Davyum, prodiit
Berzelius, qui, novis argumentis, par-
tim ex analogia, partim ex doctrina proporcio-
natum definitarum petitis, quam sedulo tracta-
verat, Bertholletianam veterem theo-
riam confirmare et tueri studuit: unde vetus
theoria opponitur Davyanae, et κατ' έξοχην
dicitur Berzeliana (2). Plurimos, et ce-
lebres Chemicos exercuit, et etiamnum exer-
cet haec lis; adstant utriusque partibus viri
in arte peritisimi: ultimo vero tempore Da-
vyanas partes sequi coeperunt strenui olim
veteris Theoriae defensores, Thenardus,
Gay Lussac, ipse Bertholletus, aliique
plures.

(1) *Journ. de Phys.* T. LXXI. p. 335. T. LXXII. p.
372. T. LXXXII. p. 202. imprimis p. 205.

(2) *Journ. de Phys.* T. LXXXII. p. 306. sqq.



C A P U T . II.

DE EXPERIMENTORUM, IN DAVYANA, ET VETERI BERTHOLLETTIANA DOCTRINA CONFIRMANDA, USU.



Quod autem a tantis Chemicis, quantos memoravimus, haec lis adeo difficillime possit dirimi, inde oriri videtur, quod plura phaenomena, quae pertinent ad acidum muriat., et acidum muriat. oxygen., utraque theoria, et Bertholletiana et Davyana, intelligere et exponere posse videatur: quaevis enim phaenomena ad acida nostra pertinentia bene exposuisse visi sunt Lavoisieriani, et ipse Thenardus, quamquam tum temporis sequebatur Bertholletum, tamen affirmarat, probabili ratione phaenomena ad acida memorata pertinentia exponi theoria Davyana. — In quo quidem ratiocinio me maxime confirmat Newtoni auctoritas, op-

time probari affirmantis, aliquam propositam theoriam, si facile et perspicue aliquot naturae phaenomena valeat interpretari. — Omnis autem difficultas litis dirimendae in aquae decompositione est posita: ex hac enim, quamquam ratione longe diversa, utraque theoria Bertholletiana et Davyana, quaeque pro sua opinione haurit argumenta. — Qui enim Bertholletum sequuntur, defendunt gaz acidum muriat. per se non existere, nisi sibi adjunctam habeat aliquam definitam aquae copiam; hanc aquam affirmant variis modis decomponi, ejusque hydrogenium liberum fieri, oxygenium vero copulam iniens cum acido muriat. hoc convertere in acidum muriat. oxygen.; contra qui Davyum sequuntur, asseverant nondum esse demonstratam hypothesin, qua assumitur acidum muriat. nonnisi aquae ope posse existere gazforme (1): et quodsi hanc admit-

tant

(1) Vid. *Journ. de Phys.* T. LXXI. p. 331. 333. 334. Curaudau affirmat, etiam purum absque aqua posse existere gaz acid. muriat. Vid. *Journ. de Phys.* T. LXXIII. p. 122. Novo arguento conatus est Suchomlinovius refellere illam hypothesin. Vid. *Repertorium für die Pharmacie* von J. A. Büchner, Band V. Heft 1. 1818. p. 53. 54. et Gilbert's *Annal.* LXXVII.

tant hypothesin, tamen contendunt, hydrogenium liberum redditum non provenire ex aqua decomposita, sed ex decomposito acido muriat., idque demto hydrogenio in chloricum converti: praeterea statuunt, veteris theoriae defensores, quando acidum muriat. oxygen. cum aqua variis modis tractetur; ita ut producantur gaz oxygenium, et acidum muriat., hoc oxygenium provenire a decomposito acido muriat. oxygen.; hoc autem oxygenio orbatum converti in acidum muriaticum.

Contra qui Davyum sequuntur, defendunt, si haec phaenomena obtineant, aquam decomponi, ne jusque hydrogenium sese conjungere cum chlorico: gaz oxygenium autem liberum fieri. Hinc fit, ut idem phaenomenon diverse exponatur. E. g. si per tubum porcellaneum, acido muriat. oxygen. repletum, deinde candefactum, transmittantur vapores aquei, obtinebitur acidum muriat., et gaz oxygenium. Hoc experimentum ita exponunt Bertholletiani, ut supponant, caloricum expellere ex acido muriat. oxygen. oxygenium, idque calorico assumto, fieri gazforme: acidum vero muriat. oxygen. demto oxygenio, converti in acidum muriaticum.

Contra Davyani volunt, aquam decomponi, ejusque hydrogenium se conjungere cum chlorico, idque convertere in acidum muriat., oxygenium autem liberum reddi, et assumto calorico in conditionem gaz-formem abire.

Si acidum muriat. oxygen. aqua solutum radiis solaribus exponatur, vidimus nasci gaz oxygenium, et superstes esse in aqua acidum muriat. — Bertholletiani dicunt acidum muriat. oxygen. decomponi, atque exinde venire et acidum muriat., et oxygenium. — Contra Davyani affirmant aquam decomponi, cuius hydrogenio cum chlorico conjuncto, ab altera parte liberum reddi oxygenium, ab altera parte acidum muriaticum.

Si acidum muriat. commisceatur cum acido nitrico, nascitur aqua regia, emittens et vapores rutilos acidi nitrofi, et vapores acidi muriat. oxygen. — Qui Bertholleti partibus adstant, affirmant, oxygenium acido nitrico abripi ab acido muriatico; hinc hoc assumto converti in acidum muriat. oxygen., illud amiso oxygenio in acidum nitrosum. — Contra, qui Davyi theoriam tuentur, opinantur oxygenium acido nitrico abripi ab hydro-

drogenio acidi muriat.; atque hinc illud converti in acidum nitrosum, hoc in chloricum.

Si igni tractetur ita dictum muriatas sodae cum acido sulfurico aliqua aqua diluto, et oxydo magnesii, evolvetur gaz acidi muriat. oxygen. metu invenitur in vasi superstes sulphas sodae, et magnesium aliqua sui oxygenii parte privatum. Bertholletianit arbitrantur, acidum sulfuricum, cum majorem habeat affinitatem cum soda, quam acidum muriat., expellere acidum muriat. a muriate sodae: hoc autem ab oxydo magnesii converti in acidum muriat. oxygen. — Contra Davyani contendunt, hydrogenium acidi muriat. e muriate sodae ab acido sulfurico expulsi demere oxygenium oxydo magnesio, hinc evolvi chloricum (1).

Eadem ratione, qua haec phaenomena, explicat plura alia utraque theoria. — Itaque appetet hanc argumentandi rationem, quamquam per se gravem, hic tamen non sufficere ad litem dirimendam; sed hunc in finem alia esse quaerenda, et advehenda plura argumenta: quae cum ipsa Quaestio indicat, ad primum horum genus transibimus, et videbimus,

(1) *Ann. de Chim. T. XXIX. p. 24.*

mus, quae nam praecipua experimenta faveant sententiae Davyanae, quae nam Berzeliana, sive veteri Bertholletiana. In quibus experimentis enumerandis non tantum ad ipsum acidum muriat. oxygen. attendendum est, sed etiam ad muriaticum: quod nemini mirum videbitur, qui secum reputet, ex mutua horum acidorum in se invicem conversione, utramque partem petere arguenda ad suam theoriam tuendam.

§. I.

Enumeratio et expositio praecipuorum Experimentorum, quibus probare student Davyani, acidum muriaticum oxygenatum nullum continere oxygenium, sed esse corpus simplex.

Gaz acidum muriat. oxygen., quo in sua experimenta usus est Davyus, optime paratur, sicut ipse vult, ex tribus partibus salis communis, duabus olei vitrioli, et una peroxydi magnesii: unde ope cupae pneumaticae gaz acidum muriat. oxygen. colligitur (1).

Ta-

(1) Vid. Davy *Elem. de Phil. Chim.* T. I. p. 384.

Talis gaz gravitas specifica est ad gravitatem specificam hydrogenii fere = 33.5:2: et 100 pollicum cubicorum hujus gaz pondus est granorum 76-77.

I. Nulla ratione ex acido muriat. oxygen. elicit potest oxygenium, neque igni, neque aliis viis, nisi accedant oxyda, sive aqua, sive oxydat metallica, potassa, soda, oxyda stibii, ferri.

II. Fluidum Electricum, columnar Galvanica decomponunt corpora, quae maximam habent cum oxygenio affinitatem, nec nisi difficilime dimittunt oxygenium (1), ut alcalia (2), terrae (3), acidum Boracicum (4),

(1) Ann. de Chim. T. LXIII. p. 172-266. Journ. de Phys. T. LXIV. p. 420-460.

(2) Journ. de Phys. T. LXVII. p. 339-364. Ann. de Chim. T. LXVI. p. 207-217. Cf. Davy l. l. T. II. p. 353. sqq.

(3) Journ. de Phys. T. LXXI. p. 102. sqq. Ann. de Chim. T. LXX. p. 193. sqq. Cf. Davy l. l. p. 386. sqq.

(4) Ann. de Chim. T. LXVIII. p. 169-174. ubi paucis exponitur parandi ratio, et facultates borii a Thenardo et Gay Lussac: tum imprimis vid. momentosissimum H. Davyi specimen, in quo, ut de sulfure, phosphoro. alcalibus, ita de hoc acido boracico praeclare agitur. Journ. de Phys. T. LXIX. p. 389-397. Cf. Davy l. l. T. I. p. 630. sqq. Mem. d'Arcueil T. II. p. 311. sqq.

nullam autem vim exercent in acidum muriat. oxygenatum, hoc integrum relinquunt (1).

III. Constat carbonem insignem alere affinitatem cum oxygenio, et ex quibusvis oxydis arripere oxygenium, atque ita varie oxydari, atqui carbo depuratus, candefactione hydrogenio, et aqua expulsis, intactus relinquitur acido muriat. oxygen., non oxydatur, ne in igni quidem vehementiori (2).

IV. Experientia docuit, insignem, quam habeat cum oxygenio affinitatem, basis acidi boracici, borium, (vocant Thenardus et Gilbertus bore; Davyus autem boracium) neque haec oxydatur ab acido muriatico oxygen. (3).

V. Acida imperfecta, quae avide solent aliis oxydis demere oxygenium, eoque sibi adiuncto converti in perfecta, non convertuntur in perfecta ab acido muriat. oxygen.; ita acidum sulfurosum, non in sulfuricum, nec in nitricum, acidum nitrosum (4). Nec in acidum carbonicum gaz oxydulum carbo-

nii

(1) *Journ. de Phys.* T. LXXI. p. 334.

(2) Fourcroy *Syst. de Chim.* T. II. p. 111. *Mem. d'Arcueil* T. II. p. 343.

(3) Thenard *Trait. de Chim.* T. I. p. 567.

(4) *Mem. d'Arcueil* T. II. p. 345.

nii (1), nec in acidum nitrosum oxydum azoti (2).

VI. Constat ab altera parte, quanta vi polleat columnā Galvanicā ad oxydā quaevis deponenda; ab altera parte, quanta vi attrahat carbo oxygenium: attamen si acidum muriat. oxyg. et carbo tentantur columnā Galvanicā, ambo intacta persistunt (3).

VI. Sivero contineant carbo, borium, acida imperfecta, vaquam, acstum in contactū ducantur cum acido muriat. oxygo, singula oxydantur, simulque nascitur acidum muriat. (4).

VII. Corpora combustibilia, metallare. g., potissimum ex eorum genere, quae faciliter in vapores habeunt, hydrargyrum, istibum, arsenicum, tellurium, zincum, in gazacido muriat. oxygen. et cito comburuntur, et ita formant singulares materias, pluribus facultatibus insignes, a Davy o appellatas hydrargy-

(1) Ibid. et imprimis *Journ. de Phys.* T. LXXIII. p. 446. sqq. T. LXXV. p. 412. sqq.

(2) *Mem. d'Arcueil* T. II. p. 345.

(3) *Ann. de Chim.* T. LXXVI. p. 114. *Journ. de Phys.* T. LXXI. p. 327. ubi eadem leguntur.

(4) *Mem. d'Arcueil* T. II. p. 352. *Thenard Trait. de Chim.* T. I. p. 567. Cf. *Thomf.* T. V. p. 362.

gyranum, stibianum vel antimonianum, arsenicanum, nullum autem prodit gaz oxygenium (1).

VIII. Eorumdem metallorum oxyda in contactum ducantur cum acido muriat. oxygen., formantur eadem corpora, quae in VII. experimento enumeravimus, at expulsum habetur tantum gaz oxygen., quantum oxygen: continuerint adhibita metallorum oxyda (2). — Hinc cum concluderet Davyus, insignem alere affinitatem metallorum bases cum acido muriat. oxyg., et quidem maiorem cum hoc, quam cum oxygenio (3), collegit, muriata siccata non esse copulam oxydi cuiusdam cum acido muriatico, sed esse copulam chlorici cum basi ipsa (4): quam sententiam confirmata ratus est experimentis his duobus proxime sequentibus.

IX. Acidis boracico et phosphorico siccis igni vehementiori tractatis cum siccis muriatis, sive muriate calcis, barytae, sive argenti,

(1) *Journ de Phys.* T. LXXII. p. 376. sqq.

(2) *Journ. de Phys.* T. LXXII. p. 378. et quae ibi annotantur. *Ann. de Chim.* T. LXXIX. p. II. sqq.

(3) *Journ. laud.* l. c. p. 383. et T. LXXI. p. 332.

(4) *Journ.* l. p. 384.

ti, hydrargyri, ne vestigium quidem obser-vatur gaz acidi muriat. (1); neque ex mu-riatibus argenti et hydrargyri carbo depu-ratus profert acidum muriat. (2). Aliquando scilicet nullam arbitratur fieri posse decompo-sitionem ob maximam, quam cum chlorico habent, bases alcalium, ceteraque metalla, affinitatem.

X. Eodem modo haec omnia tractentur, addita tantum aqua, et tum large expellitur acidum muriat.; quam acidi expulsionem opi-natur Davyus, efficere duplēm afnitatem, alteram chlorici cum hydrogenio, unde aci-dum muriat., alteram oxygenii cum metal-lis, quae dein oxydata coniunguntur cum adhibitis acidis (3).

XI.

(1) In hanc rem Gay Lussac et Thenardus non minus quam Davyus, inquisiverunt. Vid. *Ann. de Chim.* T. LXIX. vel in specimine memorabili de acido fluorico à Thenardo conscripto, p. 209. sqq. *Davy Journ. de Phyf.* T. LXIX. p. 403. 404. 411. tum *Mem. d'Arcueil* p. 307. 322. 345 et passim in illo specimine factum est, ut aliquid acidi muriat. observatvm fuerit: atqui hoc ortum fuit, quod aliquam aquae copiam retinuerint corpora, in experimentum adhibita: habent enim quaevis muriata, et aci-dum phosphoricum siccum insignem cum aqua affinitatem.

(2) *Mem. d'Arcueil* T. II. p. 352. sqq.

(3) Cf. loca laudd.

XI. Stanino et gaz acido muriat. oxyg. ca-
lefactis nascitur liquor Libavii (Stannanum)
ex quo non expellit gaz ammoniae oxydum
stanni, sed liquore ammonia absorbetur, om-
nisque dein liquor concrescit in massam ali-
quam singularem, novis proprietatibus in-
structam (1).

XII. Addatur liquori Libavii aqua, tum
formari incipiunt crystalli, ex quibus am-
monia expellit oxydum stanni (2): quibus
XI. et XII. experimentis volunt Davyani,
liquorem Libavii esse copulam chlorci cum
stanno: ex eo igitur ammoniam non posse ex-
pellere aliquod stanni oxydum, cuī stannum
non sit oxydatum: stannanum autem decom-
poni addita aqua; atque huius hydrogenium
cum chlorico se iungere, idque vertere in
acidum muriat.; oxygenium vero se adiun-
gere stanno; idque oxydatum solvi acido
muriat., dein crystallisationem fuscipere; ex
his tandem crystallis ammoniam ob maiorem
suam affinitatem cum acido muriat., quam
quod

(1) *Ann. de Chim.* T. LXXVI. p. 115. 116. 125. *Journ. de Phys.* T. LXXI. p. 328. quacum conf. p. 332.

(2) *Journ. de Phys.* l. l. p. 332.

quod stanni oxydum cum eo habeat, expellere stannum oxydatum.

XIII. Sulfur oxygenii avidissimum tractatum cum gaz acido muriat. oxygen. non oxydatur, sed vertitur in peculiarem liquorem a Thomsono (1) inventum, et a Berthollet (2), Davy (3), Gay Lussac, Thenardo (4), saepius ad examen vocatum, pluribusque insignibus facultatibus memorabilem. Neque hic liquor ab ammonia decomponitur, sed cum ea concrescit in pulverem rubescentem, purpureum (5).

XIV. Gaz hydrogenio-sulfurato mixto cum gaz acido muriat. oxygen., formatur acidum muriat., et sulfur superstes est, non oxydatum, sed pro parte cum acido muriat. oxyg. iunctum (6).

XV. Phosphoro combusto in gaz acido mu-

(1) Vid. Thoms. *Syst. de Chim.* T. I. p. 141.

(2) *Mem. d'Arcueil* T. I. p. 161—179.

(3) *Journ. de Phys.* T. LXIX. p. 406. T. LXXI. p. 330.

(4) *Recherch. Physic. Chim. et Mem. d'Arcueil.*

(5) *Journ. de Phys.* T. LXXI. p. 230. *Ann. de Chim.* T. LXXVI. p. 119.

(6) *Ann. de Chim.* T. LXXVI. p. 124. *Journ. de Phys.* I. I. p. 331. Idem observarunt Gay Lussac et Thenard. *Recherch. Physico-Chim.* T. II. p. 147.

muriat. oxygen., sublimis fertur materies alba, et liquor formatur flavo-viridis: utraque autem materies nullum dat indicium, quod contineat acidum phosphoricum aut phosphorus: Alba vero materies cum ammonia concrescit in pulvrem album, ex quo ignis aliquantum phosphori profert; quod si sumatur in hoc pulvere inesse acidum muriat., aut phosphorum in acidum phosphoricum combustionē transiisse, tum igni adhibito, debuisset sublime ferri murias ammoniae, et superstes esse acidum phosphoricum (1).

Sunt quidem Auctores, qui scribant, phosphorum converti acido muriat. oxygen. in acidum phosphoricum: ita Fourcroy (2), „ le gaz, inquit, acide muriatique oxygené „ enflamme et change en acide phosphorique „ le phosphore bien sec, qu'on y plonge:” et Thomson (3): „ le phosphore brûle „ avec un grand éclat dans le gaz acide mu- „ ria-

(1) *Journ. de Phys.* T. LXIX. p. 405. T. LXXI. p. 328. 329. *Ann. de Chim.* T. LXXVI. p. 119. 144. sqq. T. LXXIX. p. 327. sqq.

(2) *Syst. des Conn. Chim.* T. II. p. 110.

(3) *Syst. de Chim.* T. III. p. 117.

„ riatique oxygené, ou il s'enflamme, dès
 „ qu'il y est plongé, et il est converti en
 „ acide phosphorique (1).”

Sed fatendum est, ab iis Chemicis hoc experimentum non satis accurate describi; nam characteres, ex quibus collegerunt, esse conversum phosphorum in acidum phosphoricum, nulli inveniuntur memorati. — Deinde Gay Lussacius, Thenardus et Davyus, hoc idem experimentum repetentes, ulterius probarunt, omnino non phosphorum mutari in acidum phosphoricum gaz acido muriat. oxyg; hinc ipse Thenardus, quamquam sequeretur Bertholletum, scribit (2): „ le phos-
 „ phore a une très grande action sur le gaz
 „ acide muriatique oxygené; il a en absorbe
 „ tout à la fois l'acide et l'oxygène à la
 „ température ordinaire: il a résulté de là du
 „ phosphore oximuriaté:” cuius proprietates, ab acido phosphorico diversas, pergit deinde memorare.

Ita-

(1) Multum disputatum est de actione gaz acidi murist. oxygen. in phosphorum: Bergmannus contendit phosphorum decomponi hoc gaz, negavit vero Morveau, cuius litis causam ostendit Bertholletus. Vid. Mem. de l'Acad. 1785. p. 290.

(2) Traité de Chim. T.II. p. 568.

Itaque collendum esse videtur, Chemicos tum temporis, cum nulli dubitarent, quin gaz acidum muriat. oxyg. contineret oxygenium, omnemque combustionem putarent esse sitam in copula corporis combustibilis cum oxygenio; denique probe scirent, facillem phosphori combustionem in gaz oxygenio; videntes comburi phosphorum tanta vi in gaz acido muriat. oxygen., mox concludisse; hanc combustionem non esse repetendam, nisi ex oxygenii acid. muriat. oxyg. connubio cum phosphoro combustibili; atque hinc factum esse; ut non adeo accurata ratione, qua ceterum plurimum excellere solebant, inquisiverint in materiam illa combustionē prolatam: qua in opinione maxime eo confirmamur, quod inveniamus nullam ab iis descriptam facultatem, qua varii deinde Chemicī probarunt materiam, ex memorata phosphori combustionē productam, ab acido phosphorico distinctam esse. Quare monet Davyus (1); „ le phosphore, comme per- „ sonne ne l'ignore, brule dans le gaz acide „ oximuriatique, quoique les résultats de „ cette combustion n'aient jamais, selon moi,

(1) *Journ. de Phys.* T. IXIX. p. 405. *Journal de Phys.* T. 28, p. 283, 1831.

„moi, été examinés avec une scrupuleuse
attention.” Verosimile quoque potest vi-
deri, quod aqua suas partes egerit in expe-
rimentis a Fourcroy et Thomsono me-
moratis: ex qua decomposita facile Davyani
explicant originem illius acidi phosphorici:
praecipue cum attendatur tum temporis Che-
micos non curasse, ita accurate, quam quidem
nunc fit, gazo quaevis siccare (1).

XVI. Gaz hydrogenio, quod solutum con-
tineat phosphorum, arsenicum, carbonium,
immixto gaz muriatico oxyg., formatur aci-
dum muriaticum, relinquuntur cetera corpora
non oxydata (2).

XVII. Aqua et aëre additis phosphoro, com-
busto in gaz acido muriat. oxyg., formantur
acida, phosphoricum et muriaticum: ad-
mixto autem gaz oxygenio memoratae ma-
teriae phosphorinae, oriuntur acidum phos-
phoricum, et acidum muriat. oxygen. (3).

XVIII. Phosphoranum, sulfuranum, sive
copulae phosphori et sulfuris cum chlorico,
tentata sunt apparatu Voltae maiori; neque

(1) Thomf. T. V. pag. 200 sqq.

(2) Recherch. Prysco-Chim. II. p. 147. (1)

(3) Journ. de Phys. T. LXXI. p. 332. (2)

tum ullum gaz prodiit, quod si hae miscelae continuissent oxygenium, hoc ait Davyus, tanta vi Galvanica expulsum fuisse. Aliquando observatum est, aliquid gaz hydrogenii prodissse, id autem tunc profectum videtur ex humiditate, ipsi apparatu inhaerente; nam deinde eaedem miscelae passae sunt vim columnae, supra memoratae, bis fortiorum, ipso autem hydrargyro, cuius usus in eiusmodi experimentis frequens est, bene cocto, atque igitur aqua expulsa, nihil gaz hydrogenii prodiit (1).

XIX. Sulfuretum plumbi fusum teneatur in acido muriat. oxygen., et obtinebitur liquor ille Thomsoni (cf. exp. XII. *sulfuranum* vocatq; Davyus) et plumbanum, sive chloricum cum plumbo (murias plumbi secundum Bertholletianos) nullum autem vestigium sulfatis plumbi (2).

XX. Gaz ammoniae immixto, gaz acido muriat. oxyg., formatur nulla aqua, sed murias ammoniae siccum, et gaz azotum: scilicet vult Davyus partem ammoniae decomponi, eiusque azotum liberum fieri, hydrogenium vero se iungere cum acido muriat.

oxyg.,

(1) *Journ. de Phys.* t. I. 334.

(2) *Journ. de Phys.* T. LXXIX. p. 264.

oxyg., idque in acidum muriat. conveniente coniungere cum ammonia reliqua, atque ita constituere murias ammoniae siccum. Gaz autem ammoniae, immisso gaz acido muriat., formatur murias ammoniae siccum, nullaque aqua observatur (1).

XXI. Si plumbanum calefiat in gaz acido sulphuroso, nulla horum corporum sit mutatione; unde concludit Davyus, nullum oxygenium inesse in plumbano; in hoc enim, si contentum fuisse, sulfas plumbi ortum fuisse (2).

XXII. Kalium, sive potassium in gaz acido muriat. oxyg. combustionem patitur, vel efficaciem, quam in gaz oxygenio (3), cumque eo coniunctum constituit corpus siccum, simillimum muriati potassae siccissimo, igni minime mutandum; inque hac combustione nulla aqua producitur (4); porro si potassa

(1) *Journ. de Phys.* T. LXXI. p. 330. T. LXXIX. p. 265. 266. *Ann. de Chim.* T. LXXVI. p. 119. 120.

(2) *Journ. de Phys.* T. LXXIX. p. 265.

(3) *Ann. de Chim.* T. LXVI. p. 212. *Journ. de Phys.* T. LXVII. p. 364. T. LXXII. p. 359 sqq.

(4) *Ann. de Chim.* T. LXXVIII. p. 303. 322. 326. *Journ. de Phys.* l. l. p.

pura, non hydratea (1), formata ex combusto kalio in gaz oxygenio sicco, in contactum ducatur cum gaz acido muriat. oxygen., hoc se cum kalio coniungit, at expellitur tantum oxygenii, quantum oxygenii kalium in combustionē ex gaz oxygenio sibi adiunxerit (2).

XXIII. Potassa sicca, ex combusto potassio in gaz oxygenio producta, si in contactum adducatur cum gaz acido muriat., formatur aqua: quam arbitrantur Davyani non posse oriri in hoc experimento, nisi hydrogenium acidi muriat. copulam inire dicas cum oxygenio potascae (3).

XXIV. Si volumina duo aequalia gaz hydrogenii et acidi muriat. oxyg., sive calore, sive radiis solaribus, sive scintillis electricis tentantur, rediguntur in unum volumen, idque acidi muriatici, aqua sub nebulae specie deposita (4).

XXV. Si volumina gaz acidi muriat. = 20
in

(1) Thenard *Traité de Chim.* T. II. p. *Journ. de Phys.* I. l. p. p. 369 sqq.

(2) *Ann. de Chim.* T. LXXVIII. p. 309—324.

(3) *Ann. de Chim.* T. LXXVIII. p. 324.

(4) *Journ. de Phys.* T. LXXI. p. 331.

in contactum ducantur cum potassio, oritur gaz hydrogenium, cuius volumen = 9-11, dum chloricum fere iungit cum potassio (1).

XXVI. Si stannum et zincum calefiant in gaz acido muriat., evolvitur gaz hydroge- nium, cuius volumen continet dimidium gaz acidi muriat. adhibiti, et restant *stanna- num* et *zincanum* (copulae chlorici cum stanno et zinco) talia, qualia comparantur, com- bustis stanno et zinco in gaz muriat. oxyg. (2).

XXVII. Si oxydum plumbi fusum, modico calore in contactum ducatur cum gaz acido muriat., formatur aqua (3).

Haec sunt praecipua experimenta a Davy o instituta, quae suae ipse de acidi muriat. oxyg. natura theoriae probationi sufficere arbitra- tus est. — Quibus omnibus perpensis ad Davyanam theoriam sequentia videntur effici.

I. II. experimenta docent, nullo modo ex acido muriat. oxygen., igni, Galvanismo, posse elici oxygenium.

III.

(1) Ibid. *Ann. de Chim.* T. LXX. p. 58. 59. *Journ. de Phys.* l. l. T. . . p. 59—61.

(2) *Journ. de Phys.* T. LXXI. p. 332.

(3) *Mem. d'Arcueil* T. II. p. 320. *Ann. de Chim.* T. LXXIX. p. 24.

III. IV. V. VI. XIV. docent corpora maxime oxydabilia in acido muriat. oxyg. non oxydari, sed intacta relinqu.

XVIII. XIX. XXI. docent ex corporibus cum acido muriat. oxyg. iunctis, nullum posse elici oxygenium.

VII. XIII. XV. corpora combustibilia magnam habere affinitatem cum acido muriat. oxyg.

VIII. XXI. metalla maiorem alere affinitatem cum acido muriat. oxyg., quam cum oxygenio: expellunt enim tantam oxygenii copiam, quantam contineant.

XIV. XVI. XXIV. docent, si hydrogenium accedat ad gaz acidum muriat. oxyg., formari acidum muriat.; et unum volumen gaz hydrogenii, et unum gaz acidi muriat. oxyg. converti in acidum muriat.

XXV. XXVI. tantum gaz hydrogenium evolvi, quantum ex aliis concluditur experimentis continere acidum muriat., tumque hoc esse conversum in acidum muriat. oxygen.

XX. gaz acidum muriat. nullam continere aquam.

VI. X. XII. XVII. docent ex copulis acidi muriat. oxyg. proferri acidum muriat., modo accedat aqua: quae copulae cum corporibus sicc-

siccis tractatae nullum illius indicium dederunt ex Exp. XI. XIII. XV.

Quibus experimentis cunctis, collectis, et varia ratione compositis, imprimis III. IV. V. VI. collatis cum VII. XIII. XV. — VII. XXI. cum XXV. XXVI. — XX. cum XIV. XVI. XXIV. — VI. X. XII. XVII. cum XI. XIII. XV. apparet origo et fons theoriae Davyanae, acidum muriat. oxyg. nihil oxygenii continere.

Deinde horum omnium ratione habita, cum IX. Exp. probet conclusionem ex VII. XIII. XV. deductam, magnam nimurum esse affinitatem corporum cum chlorico, intelligitur ratio, cur muriata habuerit Davyus pro copulis basium cum chlorico.

Denique, his cunctis inter se collatis XIV. XVI. XXIV. XXV. XXVI. cum confirmant conclusionem ex X. XII. deductam, apparet ratio, quare Davyus acidum muriat. contendenter constare chlorico et hydrogenio.

§. 2.

*Enumeratio atque expositio Experimentorum,
quibus Bertholletiani conantur probare,
acidum muriaticum oxygenatum componi acido muriatico
et oxygenio.*

Prius autem, quam singula experimenta percurramus, notandum est, quo genere experimentorum usi fuerint Physici, quibus theoriam Bertholletianam confirmarent.

Primum genus complectetur experimenta, quae exhibuerunt phaenomena contraria iis, quae ex suis experimentis elicuerat Davyus.

Alterum genus complectetur experimenta, ex quibus ope doctrinae proportionum definitarum rationes deducunt adversarii, quibus oppugnant theoriam Davyanam.

Igitur primum de aqua videamus. Quare experimenta, quibus probare volunt Physici, aquam contineri in gaz acido muriatico, reconsuebimus.

Principes, qui id probare studuerunt fuerunt Gay Lussacius et Thenardus (1).

Ni-

(1) *Mem. d'Arcueil* T. II. p. 317—323. 339 sqq. tum umpsimis *Recherch. Physico-Chim.* T. II. p. 94 sqq. p. 118—138. 155.

Nimirum Gay Lussacius et Thenardus inquirentes in acidum fluoricum, invenerunt hoc egregium esse auxilium ad indicandam aquam hygrometrica in aliis gaz contentam (1), atque id ex plurimis gaz quibuscum in contactu versaretur, vapores aqueos elicere, nullos autem ex gaz acido muriat. (2): cumque Henryum docere meminissent, si torrens scintillarum electricarum transmittatur per gaz acidum muriat., formari acidum muriat. oxygen., et gaz hydrogenium, collegerunt aquam in gaz acido muriat., non hygrometrica inhaerere, sed omnino chemice intima affinitate contineri (3), hinc occasionem arripuerunt ulterius in hanc rem indagandi, multisque institutis experimentis determinare conati sunt copiam aquae quam gaz acidum muriat. contineret.

I. Transmiserunt calore modico gáz acidum muriat. per lithargyrium fusum, et obtinuerunt aquam (4).

II. Solvimus, aiunt Gay Lussacius et The-

(1) Mem. d'Arcueil. T. II. p. 317 sqq.

(2) Ibid.

(3) Thenard Tratté de Chim. T. I. p. 586.

(4) Mem. d'Arcueil l. l. p. 320.

Thenardus in aqua, 27,151 gram. gaz
acidi muriatici, refrigeracti ad gradum — 20:
dein hac solutione in contactum ducta cum
nitrate argenti, obtinuimus murias argenti,
cuius pondus erat 106,82 gram., in hoc mu-
riate igitur erant 20,61 gram. acidi sicci:
componitur enim murias argenti
100,00 argenti
7.60 oxygenii
25.71 acidi.

Itaque concluserunt 27,151 gram. acidi
muriat. continere 6,54 gram. aquae aut si ra-
tio habeatur ponderis sui 0,210 aquae. Haec
autem quantitas aquae continet fere satis oxy-
genii ad efficiendum oxydum, necessarium ad
saturationem acidi cum aqua copulati, nam
in muriate argenti oxygenium est ad acidum
= 1 : 3,38 et in gaz acido muriat. ratio
1 : 3,53 (1).

III. Deinde transmiserunt per limaturam
ferri, igni rubentem, gaz acidum muriat. et in-
venerunt evolvi gaz hydrogenium; simulque
multum muriatis ferri; ceterum vero ferrum
superstes mansisse integrum: quae omnia
censebant probare gaz acidum muriat. hic
con-

(1) *Mem. d'Arcueil* l. l. p. 339. 540.

continuisse tantum aquae ad oxydandum omne ferrum, quod acidum potuit solvere, atque hoc experimentum probasse, gaz acidi muriatici continere 0,251 pondus aquae (1).

IV. Ab altera parte invenerunt aequales partes gaz acidi muriat. oxyg., et gaz hydrogenii converti in gaz muriat. vulgare, nullam autem aquam deponi: invenerunt porro gravitatem specificam gaz muriat. oxyg. esse $= 1.2.470$, aëre assumto pro unitate, sequi igitur existimant, si inde detrahatur pondus dimidiae partis 0,5517, huic vero addatur pondus 0,0732 partis hydrogenii ad formandam aquam, quantitatem acidi muriatici expressi per 2, 470 + 0,0732 = 2,5432 continere 0,5517 + 0,0732 = 0,6249 aquae aut ponderis sui 0,2457 aquae. Quae quantitas cum fere conveniat cum praecedentibus computationibus, concluserunt gaz acidum muriat. vulgare continere 0,25 pondus aquae (2).

V. Davyus ipse primus quando cum potassium tentabat acidum muriat., suspicatus est,

(1) Mem. d'Arcueil et p. 341.

(2) Mem. d'Arcueil l. l. p. 341. 342.

aquam contineri gaz acido muriatico. Potassium nimirum et gaz acidum muriat. in contactum ducens obtinuit sal album, volumen autem gaz hydrogenii emisum aequalē $\frac{1}{3}$ volumini gaz acidi muriatici, unde candide suo more Davyus, ad finem anni 1808 declaravit, „ je n'acquis aucune preuve que l'acide mu- „ riaticque eut été décomposé dans les expe- „ riences; mais c'étais une raison pour moi „ de le regarder comme renfermant dans son „ état aériforme ordinaire, au moins un „ tiers de son poids d'eau (1).”

VI. Deinde cum experientur (sicut iam vi- dimus,) nulla ratione ex muriatibus siccis posse ex trahi acidum muriat., ejus autem magnam copiam comparari, modo ad haec accesserit aqua, ex his et similibus aliis, (quae cum eam- dem rem eadem ratione exponant et probent, non opus esse videtur enarrare) experimentis concluserunt Gay Lussacius et Thenar- dus acidum muriat. non posse existere gaz- forme absque aqua, quartam autem continere aquae partem ponderis (2); gaz acidum muriat.

(1) *Journ. de Phys.* T. LXIX. p. 403.

(2) *Mem. d'Arcueil* l. 1. p. 345. *Recherch. Physico- Chim.* T. II. p. 90. sqq. *Thenard Traité de Chim.* T. I. p. 585 in annotat.

continere satis aquae ad oxydanda metalla, quae possint deinde acido muriat. solvi; exinde autem oriri difficultates vix superandas directe acidi muriatici decomponendi; porro contenderunt, cum neque sulfur, phosphorus, carbo purgatus detrahere valerent oxygenium ab acido muriat. oxyg.; oxygenium non, sicut alii voluerunt, facile posse avelli ab acido muriat. oxyg., sed omnino cum hoc summa affinitate iunctum esse, neque nisi ope aquae, vel hydrogenii, ex acido muriat. oxyg. posse acquiri gaz acidum muriaticum (1).

Deinde omnes Davy's adversarii thesin ut probatam assumerunt, non posse existere gaz acidum muriat. sine aqua: ipsi enim fatebantur, duas tantum esse vias demonstrandi in acido muriat. oxyg. inesse oxygenium: alteram, directe probandi omnino contineri oxygenium illo; alteram monstrandi, inesse aquam in gaz acido muriat., cum illa prorsus videatur abstrusa, hanc retinuerunt, omnibusque nervis intentis probare studuerunt. Nulla vero argumenta aut experimenta in hujus assumptionis probati-

(1) Mem. d'Arcueil l. 1. p. 339 sqq.

tionem addiderunt supra memoratis Gay Lussacij et Thenardii.

Sumentes igitur aquam inesse gaz acido muriat., plura experimenta, supra memorata Davyana, in suum usum converterunt, atque ex veteri theoria explicuerunt: ad quae pertinent:

Dicit Davyus (cf. Exp. XXIV. XXV. XXVI.) si hydrogenium se cum chlorico iungit, formari gaz acidum muriat.; contra hipputant hydrogenium se iungere oxygenio acidi muriat. oxyg., formarique aquam, quae mox se iungat cum acido muriat., et formet gaz acidum muriat.; deinde si oxydum quoddam cum acido muriat. oxyg. in contactu versatur, provenire gaz oxygenium non ex oxydo, sed ex acido muriat. oxyg.; formari enim murias exhibiti oxydi: porro quod ex muriatibus siccis acidum muriat. non acquiratur, inde oriri, quod hoc gaz absque aqua non posse existere; quod sicut vidimus, Davyus explicat, ex magna chlorici affinitate cum basi, assumens acidum muriat. colligi, si adiectae aquae hydrogenium cum chlorico copulam inierit vid. Exp. VIII. XXI.

Ita Exp. VI. IX. X. XVI. XVII. eadem

ratione vetus theoria explicat, quas expositiones, dum ex uno eodemque fonte profiscuntur, enarrare non opus est.

Davyus vero cum suam theoriam invenisset, mox ostendere coepit, hypothesis, gaz acidum muriat. non existere nisi aquae ope, nisi hypothesi, oxygenium contineri in acido muriat. oxyg.; nūnquam enim oxygenium comparari ex eo, nisi aqua accesserit, ex qua facillime omnia exponi possint phænomena; neque suam theoriam infringi definita illa gaz hydrogenii evoluta copia, et definita illa (quam fictam habet) oxydatione metalli; definitam enim esse debere gaz hydrogenii, quod emitatur, copiam, cum certa quaedam sit copula hydrogenii cum chlorico: definitam debere solvi metalli quantitatem, cum certa quaedam sit copula metalli et chlorici; itaque definitam esse debere rationem inter gaz hydrogenium emisum et metallum solutum; igitur hydrogenium non aliter expelli metallo, quam metallorum oxida solent expelli alcalibus: porro praecipue provocat ad experimenta, VII. XX. XXII.

Deinde probare voluit Curaudavius dubium esse, haberit aquam in gaz muriatico, imprimis hoc experimento: carbo et alcalia

si igni vehementissimo tententur, ultimae aquae particulae (sunt enim alcalia hydrates) separantur et decomponuntur (1): insigni vero affinitate cohaeret aqua illa cum alcalibus: atqui gaz acidum muriat., et carbo purgatus, si igni vehementiori tractentur, nulla fit decompositionis neque acidi neque carbonis umbra. Igitur vult Curaudavius, si contineret gaz acidum muriat. aquam, mirum videri, quod tum etiam non decomponeretur. Idem hoc experimentum repetitive runt Gay Lussacius et Thenardus, eundemque obtinuerunt eventum; quem tamen explicuerunt ex memorata illa aquae affinitate cum gaz muriatico (2).

Videtur autem speciosum argumentum adduxisse Suchomlinovius in commodum theoriae Davyanae. Sumunt, ait (3), adversarii Davyi, basin acidi muriat. tantam habere affinitatem cum oxygenio, ut ab hoc avelli nequeat; deinde gaz acidum muriat. non existere nisi ope aquae. Atqui principia,

(1) *Journ. de Phys.* T. LXVI. p. 320—323. 452. 456.

(2) *Journ. de Phys.* T. XXIII. p. 122.

(3) *Repertorium für die Pharmacie von J. A. Büchner*
Band V. Heft I. p. 53. 54. cf. *Ann. de Gilbert.* T. LVII.

pia, quae magnam habent cum oxygenio affinitatem, formant acida absque aqua; ut phosphorus, sulfur: igitur sibi ipsi repugnant, qui opinentur acidum muriat. magnam habere affinitatem cum oxygenio; nec tamen posse existere sine aqua. Est vero animadvertisendum, tueri alias acida, quamvis magna in iis basium sit cum oxygenio affinitas, absque aqua non posse existere (1).

Quibus omnibus collectis, patet, si modo spectamus phænomenorum expositionem, aequalem esse utruisque theoriae causam: sive enim assumatur, gaz acidum muriaticum, ut existat, indigere aqua; sive hac facile carere, aequa facilem esse phænomenorum expositionem (2). Unde factum est ut ipsis

The-

(1) *Mem. d'Arcueil* l. l. p. 319. *Journ. de Phys.* T. LXXXII. p. 308.

(2) Hinc inscriptione, in qua experimenta Murayana describuntur (*Journ. de Phys.* T. LXXIV. p. 454) leguntur sequentia: „ Si l'on prouve, qu'il existe de l'eau dans ce „ gaz (gaz acide muriatique) on aura démontré la fausseté „ de l'hypothèse de M. Davy: La difficulté git à trouver „ dans cette recherche une expérience concluante; car telle „ est la facilité, avec laquelle les deux hypothèses peuvent „ s'adapter aux phénomènes, que dans presque tous les cas „ l'action du gaz oximuriatique, ou celle du gaz acide

Thenardio et Gay Lussacio in mentem
 venerit eadem fere, quae deinde stabilita est
 Davyana, theoria: dicunt enim (1): „ ne
 „ serait il pas possible pourtant, que l'oxy-
 „ gène et l'hydrogène fussent deux des prin-
 „ cipes constituans, deux gaz acides muri-
 „ tiques, et qu'il ne s'en format, q'au mo-
 „ ment, ou cet acide entrerait en combi-
 „ naison avec les corps; ensorte, que dans
 „ le muriate il serait tout autre, qu'à l'état
 „ de gaz (2). Les phénomènes, que pre-
 „ sentent les gaz muriatiques oxygénés, s'ex-
 „ pliquent assez bien dans l'hypothèse, que
 „ ce gaz est un corps simple:” neque hanc
 item igitur liquet plene esse dirimendam, nisi
 inveniatur materies, quae nullum oxygenium,
 nullamque aquam continens, habeat faculta-
 tem sese cum gaz acido muriat. iungendi, cum
 que hoc coniuncta, exiguum omnino cum aqua
 habeat affinitatem: tum enim patere nécessaire
 est, si gaz muriat. aquam contineat, hanc om-
 nem deponi et elici. Supérieur vero esset Davy-
 ana

„ muriatique, s'explique également bien dans l'un ou l'autre
 „ système.”

(1) *Mem. d'Arcueil* l. l. p. 321. 322.

(2) *Mem. d'Arcueil* l. l. p. 357. 358.

ana causa ex exper. XX.; ni pars altera et suo experimento niteretur, cuius auctoritatem nondum minuere potuisse videntur Davyani; nimirum gaz acidum muriat. posse oxydare tantum metalli, quantum potest solvere acidum muriaticum: repetunt vero hanc oxydationem ex oxygenio aquae, quam inhaerere in gaz acid. muriat. suspicantur. Itaque progre diamur, et videamus de experimentis, quae praeclaris Chemicis exhibuisse visa sunt phoenomena, contraria iis, quae ex iisdem elicuerat Davyus.

Experimentum Davyanum, gaz oxyduli carbonis acido muriat. oxyg. non in acidum carbonicum verti, in dubium vocavit Murrayus. Verum cum experimenta deinde ab J. Davyo instituta in haec duo gaz, docuerint, novum corpus oriiri ex hisce duobus, quid sit hoc gaz oxyduli carbonis, paucis videamus. Et mox, ubi investigabitur historia huius acidi, constabit, iam plures chemicos hoc gaz exercuisse et occupasse: nam iam ab eo tempore, quo primus Priestleius (1), qui tamen ipse eius indolem ignorabat, mentionem huius gaz fecit, plu-

ri-

(1) Thomſ. I. I. T. II. p. 497.

rimorum physicorum attentionem in se detinuit, ut Cruikshankii, qui eius indolem detexit, Desormesii et Clementii, qui eius proprietates diligenter indagarunt (1), et Bertholleti (2), qui probare studuit, etiam hydrogenium in eo contineri. — Varia est eius praeparatio, ex quibus optima est, si oxydum zinci cum carbone rite calcinato calefiat, tum zincum, amiso oxygenio, sublime fertur, carbonium autem ex oxydo zinci, oxygenio fibi adiuncto, vertitur in gaz oxydulum carbonis (3): 100 eius partes constant 41—43 carbonis, et 57—59 oxygenii: deinde haec ipsa carbonii quantitas fatigavit Physicos, cum viderent, gravitatem huius gaz esse minorem, gravitate specifica gaz acidi carbonici, cum hoc tamen minorem contineret, quantitatem carbonii illo (4): at in transitu liceat animadvertere, fieri posse, ut carbonium, dum conditionem gaz-formen induit, fiat levius ipso gaz oxygenio: dein-

(1) Thomſ. I. I. p. 497 sqq. cf. *Ann. de Chim.* T. XXXIX. p. 88 sqq.

(2) Thomſ. I. I. p. 510.

(3) Thomſ. I. I. p. 499—502. Thenard *Syst. de Chim.* T. I. p. 472. 473.

(4) Davy *El. de Phil. Chim.* T. I. p. 597.

deinde gravitatem corporum gaz-formium; non esse in ratione densitatis liquorum aut solidorum, unde formata sunt: aethera enim fluidum esse levius aqua, eius autem vaporem esse graviorem aquae vapore.

Videamus iam de Murrayi objectionibus. Murrayus lumini exposuit miscelam unius voluminis gaz oxydi carbonii, atque unius gaz hydrogenii cum duobus gaz acidi muriat. oxyg. voluminibus: 36 horis post addit et huic miscelae gaz ammoniae ad saturationem: quo facto invenit maiorem partem oxydi carbonii disparuisse; at alteram salis ammoniaci partem (erat enim altera pars, salis ammoniaci murias ammoniae) effervescente addito acido nitrico diluto: igitur conclusit esse probatum, formatum fuisse acidum carbonicum, ut ea de re nullum dubium supereset (1).

Quo accepto, repetivit J. Davyus experimentum Murrayanum: miscelae vero gazozae ammonia addita, nullum superstes invenit vestigium oxydi carbonici, reliqua vero eadem, quae Murrayus; quare sine hydrogenio gaz acidum muriat. oxyg., et gaz oxyda-

(1) *Journ. de Phys.* T. LXXIII. p. 446.

datum carbonicum lumini exposuit, quibus addita ammonia, eundem quem memoravimus, obtinuit eventum (1).

Itaque in tubo supra mercurium siccum expositam luci miscelam aequalium voluminum gaz oxydi carbon., et acidi muriat. oxyg., observavit Davyus cum Brandio, quem suorum experimentorum reddiderat participem, ita condensari, ut redigetur in dimidium volumen: deinde hoc gaz condensatum esse acidum, vertens colores plantarum coeruleos in rubros, aqua porro absorberi, avide vero ab ammonia, cumque ea converti in sal neutrum, deliquescens, tale, quale experimento Murrayano acquirebatur: sicut vero ex eo non separari basin alcalinam per acidum acetum (2).

Igitur conclusit Davyus non inesse in illa salina miscela ammoniacali acidum carbonicum: hoc enim si infuisset, expulsum fore acido acetico, quippe maiorem cum ammonia alente affinitatem, quam acidum carbonicum. Unde collegit, Murrayum non deceptum

(1) *Journ. de Phys.* l. 1.

(2) *Ibid.* p. 447.

fuisse in observando facto, sed in explicando:
 ut enim acidum nitricum dilutum ex illa
 miscela expellat acidum carbonicum; inde
 fieri, quod aqua praesens in acido nitrico
 diluto decomponatur, eiusque hydrogenium
 adiunctum acido muriat. oxygen. hoc ipsum
 vertat in acidum muriat., oxygenium vero
 additum oxydo carbonii, id ipsum vertat in
 acidum carbonicum: quam sententiam confir-
 mari putat hoc experimento; ut novum hoc
 gaz per scintillulas electricas non comburatur
 oxygenio aut hydrogenio seorsum immisto;
 sed vehementer ill. per scintillulas electricas
 detonet, in miscela iusta oxygenii et hydro-
 genii simul, ac tum proferatur gaz acidum
 muriat., et gaz acidum carbonicum.
 Cuius experimenti num ianta sit vis et auto-
 ritas, quantas huic tribuit Davyus, nolo
 amplius investigare. Est enim experimentum,
 quo suam sententiam extra omnem dubi-
 tationem posuisse mihi videtur. Davyus:
 estque sequens. Stannum, zincum, antimo-
 nium supra mercurium calefacta, gaz ex acido
 muriat. oxyg., et gaz oxydo carbonico con-
 stans, subito decomponunt: quo facto prodit
 volumen gaz oxydi carbonici = omni volumi-
 ni gaz memorati, antequam decomponeretur;

et superest vel *stannum*, vel *antimonianum*, tale, quale comparatur si memorata metalla comburantur in acido muriat. oxyg. (1). Vidimus autem novum hoc gaz componi aequalibus voluminibus gaz oxydi carbonici, et gaz acidi muriat. oxyg.; vidimus simul, quando ope lucis copulam ineant haec gaz, ita ambo condensari, ut tantum supersit di-midum volumen; igitur cum sequitur volu-men gaz oxydi carbonici solius esse = volumini integri novi gaz, ex ambobus for-mati: idque in experimento eiusmodi fuerit, manifestum est, in eo nihil acidi carbonici nasci; quod si factum fuisset, longe aliam voluminis rationem habuisset gazoza materies. Nondum tamen acquievit Murrayus in hac Davyana sententia, sed rursus suam opinionem recoxit, duplii hoc argumento: quorum altero, petito ex auctoritate Thénardii et Gay Lussacii, probare studuit, aliquot extitisse causas, quare tale gaz, quale de-scripserat, obtinuisse Davyus: altero re-fellere conatus est, datam a Davyo de ip-sius acido carbonico expositionem (2).

Pri-

(1) *Journ. de Phys.* T. LXXIII. p. 447—448.(2) *Journ. de Phys.* T. LXXIV. p. 264—268.

Primum argumentum legerat Murrayus apud Thenardum et Gay Lussacium (1) his verbis: „ à quelque dose qu'on ait mêlé „ le gaz acide muriatique oxygéné sec, et „ le gaz oxyde de carbone, préparé avec le „ fer et le carbonate de baryte; quelque „ forte qu'ait été la lumière, à laquelle on „ les a exposé; enfin, quelque long qu'ait été „ le contact il n'y a point eu d'action, ce qui „ est une nouvelle preuve, que ce gaz ne „ contient pas d'hydrogène.” — Itaque consentientes habet Davyus Thenardium et Gay Lussacium, quod in acidum carbonicum non vertatur gaz oxydum carbonii acido muriat. oxyg., dissententes vero in eo, quod novum illud Davyanum gaz non observaverint. Verum legimus in diario scientiarum Physicarum Gallico (2): „ M. M. Gay „ Lussac et Thenard sont loin de sou- „ tenir contre M. J. Davy, que le gaz „ acide muriatique oxygéné ne peut pas se „ combiner avec le gaz oxyde de carbone: „ car ils ont répétées ses principales expe- „ riences, et les ont trouvées très exactes.

„ S'ils

(1) *Recherch. Physico-Chim.* V. II. p. 192.

(2) *Journ. de Physiq.* T. LXXV. p. 410 in annotat.

„ S'ils ont imprimé dans leurs Réch. Physico-Chim ; que le gaz muriatique oxygéné, était sans action sur le gaz oxyde de carbone, c'est qu'alors le Mem. de M. J. Davy n'était pas connu." — Itaque hoc argumentum non confirmat aut sustinet Murrayum, sed debilitat et penitus opprimit, qui sibi ipse, quibus capiatur, quod tendit laiqueos.

Alterum argumentum videtur specie ex-cogitatum. Huius vis haec est.

Vult, inquit Murrayus, Davyus originem acidi carbonici mei deducere ab aqua, in acido nitrico contenta; et salt ammoniacali addita; ut aqua non possit ad hanc miscelam salinam accedere, quin mox decomponatur, et scribit tamen, gaz suum novum absorberi aqua (1). Sed notandum est, Murrayum videri non satis attendisse ad ea, quae dixit J. Davyus: qui scripsit quidem, aqua lente absorberi novum gaz, non tamen addidit, hoc gaz, dum absorbetur, integrum persistere, neque aquam decomponere (2): at vero deinceps, quum ad diligentissimum

ex-

(1) *Journ. de Phys.* T. LXXIV. p. 267. 268.

(2) *Journ. de Phys.* I. I. p. 268 in annot.

examen vocaret Davyus hoc gaz novum, id ipsum utique invenit, aquam decomponere, et tum formari acidum carbonicum et muriat. (1). — Itaque apparet, Murrayum obiiciendo magis profuisse theoriae Davyanae, quam nocuisse; et omnino confirmasse experimenta Davyana, quibus Davyus voluit, acidum muriat. oxyg. non convertere gaz oxydum carbonis in acidum carbonicum.

Plures autem huius novi gaz proprietates dein memoravit J. Davyus, quas enarrandi hic locus non est (2); vocavitque hoc gaz, *phosphogène*, a Φως lumen, γινομαι fio, gaz luminis ope prolatum (3).

Hoc autem enarrato experimento, non tacendum est, videri aliquod partium studium abripiuisse doctum Murrayum, eumque eo deduxisse, ut nimis acriter in utrumque Davyum animadverteret: his enim obiecit, ipsos in memorato experimento acidum carbonicum non observasse, quia aut negligenter in rem inquirerent, aut sibi in observationum

(1) *Journ. de Phys.* T. LXXV. p. 412. 413.

(2) Ibid. p. 410—415.

(3) Ibid. n. 415.

num eventibus, non caverent ab ambiguitate aut errore; deinde eorum theoriam esse hypotheticam (1). Hinc factum est, ut Davyus uterque Murrayo subiratus fuerit: adeo ut H. Davyus vocaverit Murrayum ingeniosum quidem chemicum, verumtamen studiosum hypotheses defensorem (2). J. autem Davyus aegrius ferens suam a Murrayo per strictionem, illum in exemplum proposuerit hominis, qui captus praeoccupatis opinionibus, dilectae hypothesi tenaciter adhaereat, Baconis usus verbis: „*quod mayult homo esse verum, id facile credit* (3).” Quae in Murrayum animadversio, si nimis acerba videatur, mirum tamen videri non potest, obiectiones oxydum carbonicum omnino converti acido muriat. oxyg. in acidum carbonicum, aliquam Davyis movisse billem: si enim probarint, omnino non oxydari carbonem, neque carbonis oxydum converti in gaz acidum carbonicum acido muriat. oxyg. mox in promptu habent veteris theoriae defensores, id non fieri, quia maior sit affinitas

(1) *Journ. de Phys.* T. LXXXIII. p. 443.

(2) *Journ. de Phys.* T. LXXII. p. 386 in annot.

(3) *Journ. de Phys.* T. LXXIII. p. 443.

tas oxygenii cum acido muriat. oxyg., quam cum carbonio: contra, dum ex aliis probetur maxima affinitas carbonis cum oxygenio, contendunt tamen acidum muriat. oxyg. posse oxydare carbonem. Atque hic novo probatur exemplo, nihil magis valere ad confirmandam sive experimenti, sive hypotheseos, sive theoriae auctoritatem, quam huius ipsius adversariorum dubitationes et obloquia.

Tandem animadvertisit Murrayus, Davyum etiam in errorem fuisse deductum, si per scintillas electricas comburens gaz hydrogenium carbonatum in gaz acido muriat. oxygen., non detexerit gaz acidum carbonicum: hoc affirmans, in eo experimento omnino proferri, eiusque originem non posse explicari, nisi sumas oxygenium in acido muriat. oxyg. contineri (1). At Davyus hanc Murrayi obiectionem refellit, non quidem negando memoratum experimenti eventum, sed demonstrando, hunc unum, neque alium potuisse observari. Scilicet adhibuerat Murrayus gaz hydrogenium carbonatum ex carbone humectato, deinde igni can-

(1) I. l. p. 449.

candefacto, prolatum: atque iam Henryus docuit, tale gaz non esse merum gaz hydrogenium carbonatum, sed esse miscelam ex hoc gaz et oxydo carbonii; deinde si in hoc gaz per aquam calcis transmittatur gaz acidum muriat. oxyg., turbari aquam calcis, *acido carbonico formato*, et iuncto cum calce (1). Itaque fieri potuit, ut gaza a Murrayo adhibita, aliquam aquam continuerint, quod si sumatur, omne experimentum Murrayanum facile explicatur; parum enim oxygenii indiget illud carbonii oxydum, ut in acidum carbonicum vertatur. Quidquid sit, omnino non preferri acidum carbonicum ex hydrogenio carbonato, immixto gaz muriat. oxyg., effici videtur: quia deinde J. Davyus omni ope nixus fuit, ut esset utrumque gaz siccum; quo facto miscela combusta nullum gaz acidum carbonicum obtinuit (2): deinde, quia cum Davyo consentiunt physici, et huius aevi, et proxime antecedentis Fourcroyus (3), Thenardus (4), qui ambo scribunt, agere

gaz

(1) I. I.

(2) I. I. p. 445.

(3) *Syst. des Conn. Chim.* T. II. p. 111.(4) *Trait. de Chim.* T. I. p. 579. 580: carbonium expelli

gaz acidum muriat. oxyg. in gaz hydroge-
nium carbonatum, velut eset merum gaz hy-
drogenium: omne enim carbonium in gaz
hydrogenio carbonato contentum, praecipi-
tari, hydrogenium solum comburi.

Tertio, quia vidimus, carbonem purgatum
ne in igni quidem vehementiori, ullo modo
affici gaz muriatico oxyg.

Quarto, si gaz hydrogenium carbonatum
ita est compositum, ut contineant eius 100
partes, 79,67 carbonii, 20,33 hydrogenii,
(quod est gaz, quod dicitur *oléfiant* (1)) in
con-
pelli scribit Fourcroyus; quod phaenomenon Thomae
vocat, explicatu difficile. (T. V. p. 359.)

(1) Debetur haec momentosa inventio celebri illi Chemicorum Amstelaedamensium societati, cuius merita, erant enim plurima, in confirmanda theoria Lavoisieriana, quae dicitur Antiphlogistica, non tantum magni aestimarunt nostrates, sed externi etiam, prae ceteris Galli, summis celebrarunt laudibus. Sunt alia, eaque plura et memorabilia a Deimanno, Pacts van Troostwijk, Bondtio, Nieuwlandio, aliisque qui ad hanc societatem, pertinuerunt, inventa, quae magni aestimat item ipse magnus chemicus Fourcroyus, ita plurimi huius gaz inventionem: „les ingé-
„nieuses, inquit (*Ann. de Chim.* T. LXVI. p. 219 et ll.
ibi citt.) „récherches des chimistes Hollandais sur le gaz
„oléfiant, sont du petit nombre de celles, qui fournissent
„de nouvelles vues; elles tiendront, ainsi que celles, qu'on

contactum ducatur cum gaz acido muriat. oxyg. non formatur acidum carbonicum, sed materies illa oleosa, nostratisbus primum observata (1).

Denique, quia ipse Berzelius concedit, minime oxydari carbonem ab acido muriato oxyg. (2). Ipse quoque Murrayus deinceps in responso ad J. Davyum hanc rem prorsus missam facit (3).

Aquam autem in culpa esse producti acidi carbonici in experimentis Murrayanis, potissimum colligimus, quia constat, semigranum aquae satis oxygenii habere, ut quatuor pollices cubicos oxydi carbonici convertat in acidum carbonicum (4).

Ex quibus apparet, quanta opus sit Physico circumspectione in instituendis experimentis, ne fallatur incognita materiae, quam in

„ leur doit déjà sur la décomposition et la récomposition „ de l'eau par l'électricité, sur les sulfures alcalins et métal- „ talliques, etc. un rang distingué dans la chimie pneumati- „ que, aux progrès de laquelle ils ont attaché la gloire de „ leurs travaux et de leurs découvertes.”

(1) Thoms. T. I. p. 62—57. T. V. p. 360 sqq.

(2) Journ. de Phys. T. LXXXII. p. 308.

(3) Journ. de Phys. T. LXXIV. p. 268.

(4) Journ. de Phys. T. LXXIII. p. 445.

experimentum adhibet, indole: haec enim, nisi ea sit, quae habetur, non fieri potest, quin Physicus in explicando erret. Inde enim Murray profecta est omnis explicandi ratio de formatione acidi carbonici ex gaz hydrogenio carbonato. Alterum exemplum eiusdem generis invenitur apud Thomsonum, qui memorat gaz oxydum carbonicum converti in gaz acidum carbonicum per acidum muriat. oxygenatum, ita explicans hoc phaenomenon, ut oxygenium acidi muriat. oxyg. se iungat cum oxydo carbonis (1). At acidum in hoc experimento adhibitum, non fuisse muriaticum. oxygenatum, apparet, si inspiciatur annotatio (2), quae docet, *hoc* acidum fuisse collectum, acido muriat. instillato. muriatio potasae super-oxygenato; ex *hoc* enim sale deinceps probavit Davy us evolyi ope acidi muriat. gaz novum, eichloricum dictum, i. e. chloricum oxydatum, si vero gaz acidum muriat. superoxygenatum (3). Quod oxygenium, cum non adeo fortiter cum acido muriat.

oxyg.

(1) Thomf. *Syst. de Chim.* T. II. p. 506.

(2) I. I.

(3) Davy *Ex. de Phil. Chim.* T. I. p. 388.

oxyg. cohaereat, in causa est producti acidii carbonici in experimento, a Thomsono memorato.

Hinc arbitratur ipse Berzelius, si quid aliud experimentum, illud omnium maxime videri favere doctrinae Davyanae, quod carbo, ne igni quidem vehementissimo, afficiatur gaz acido muriat. oxyg., aut muriate argenti: contra metalla quaevis facillime acido muriat. oxyg. comburantur. Addit tamen non omni in re facillimam explicationem esse optimam, aut veram. Universo hoc Davyanum experimentum ita labefactare conatur, ut assumat, plura esse acida, quae absque aqua aut oxydis sibi adiunctis, non possint existere, inter quae recenset acidum sulfuricum, nitricum, oxalicum, tartaricum: deinde pergit neque acidum muriat. per se existare, nisi aquae ope: „ D'apres cela, in „ quit, un corps combustible, dont l'oxide „ formé par l'oxygène de l'acide oximuriati- „ que, insuffisant pour saturer la totalité „ d'acide muriatique contenu dans ce gaz, „ ne peut a aucune température décomposer „ le gaz oxi-muriatique en oxygène et en „ acide muriatique, par ce que l'acide mu- „ riatique ne rencontre pas de base avec la „ quel-

„ quelle il puisse se combiner pour reprendre „ son état d'acide.” Necessè enim esse, pergit, tale corpus combustibile abripiat basi acidi omne oxygenium: quod si nequeat, propter minorem suam cum oxygenio affinitatem, acidum minime decomponatur; constare autem, gaz oxydum carbonis non habere facultatem copulae ineundae cum quocunque alio oxydo.

Carbonem igitur concludit nullum posse praebere oxydum, quod se iungat acido muriat., si hoc acidum expers sit sui excessus oxygenii.

Igitur si sumatur, basin acidi muriat. habere affinitatem maiorem cum oxygenio, quam carbonem, facile esse intellectu, quare carbo, et acidum oximuriat. nihil in se agant (1). Apparet Berzelii ingenium; quod fortissimis adversarii armis in suum uti commodum haud dubitat. Attamen, si iuveni liceat a tantam magno viro discedere; nonnihil, dixerim, molestum omne hoc ratiocinum; primum enim assumit aquam in gaz acido muriat., de quo iam vidimus; praeterea minorem affinitatem principium carbonicum alere cum oxygenio, quam

(1) *Journ. de Phys.* T. LXXXII. p. 398. 399.

quam basin acidi muriatici: de qua nihil certum est; deinde inesse acido muriat. oxygen. oxygenium; quibus omnibus assumtis, factum, cuius exstat longe facilior et planior expositio, difficulti et quæsita ratione explicat. Quare non debilitari mihi videtur conclusio Davyana, ex experimento III. et VI. deducta.

Nulla vero ferme experimenta sunt, quae maiorem sibi contraxerint Physicorum attentionem, quam Davyana illa, gaz acidum muriat. cum gaz ammoniae coalescere in murias ammoniae siccum, nullumque tunc observari aquae vestigium: alterum, gaz acidum muriat. oxyg. et gaz ammoniae coalescere in murias ammoniae, tumque evolvi quidem gaz azotum, nullam vero aquam: quorum experimentorum explicationem secundum Davyanam theoriam, dedimus Exp. XX. — Haec nimirum experimenta minime exponere valet vetus theoria: haec enim, cum velit gaz acidum muriat. non existere, nisi ope alicuius definitae aquae copiae, nescit rationem reddere defectus aquae, admixto gaz acido muriat. cum gaz ammoniae: facile autem omne experimentum exponit, modo, quando id instituatur, aqua prodeat. Itaque Bertholleti sententiam qui amplectebantur

Phy-

Physici, cum viderent, si experimentum sese
tale haberet, quale descripserat Davyus,
hypothesin aquam in omni gaz muriat. inesse,
maxime debilitari vel infringi, seduli hoc
experimentum repetiverunt. Inter hos po-
tissimum nominandi sunt Murrayus et
Urius, qui igitur ambo conati sunt, diversa
ratione, probare, gaz ammoniae admixto gaz
acido muriat., aquam omnino proferri.

Existimavi autem, ante, quam litis de hoc
experimento compositionem referrem, operae
preium esse, dicere, quanti momenti ad
omnem litem de acidis muriat., et muriat.
oxyg. componendam, hoc ipsum experi-
mentum ducat Murrayus. De la Rive (1)
inquit, „ M. Murray croit, que la combi-
„ naison du gaz ammoniac avec le gaz acide
„ muriatique peut fournir une expérience
„ décisive; si dans cette combinaison il n'y
„ a point d'eau produite, le résultat sera con-
„ forme à la théorie de M. Davy; si au con-
„ traire on obtient de l'eau, comme elle n'exi-
„ stait pas dans le gaz ammoniac, et qu'il n'y a
„ aucun moyen de rendre compte de sa produc-
„ ti-

(1) Vid. *Journ. de Phys.* T. LXXIV. p. 456. Extrait
des expériences sur le gaz acide muriatique de M. Murray.

„ tion, lorsqu'il n'y a point d'oxygène, il en „ faut conclure, qu'il y avait de l'eau dans le „ gaz acide muriatique, et la vérité de l'autre „ système est ainsi établie.”

Experimenta autem, quibus conatus est probare Murrayus, aquam proferri, haec sunt:

Miscuit gaz ammoniae siccum cum gaz acido muriat., et nactus est murias ammoniae, ex quo destillato aliquam comparavit aquae copiam. — Deinde transmisit super carbones candentes, tubo contentos, vapores muriatis ammoniae eiusdem, et obtinuit aliquam aquam, et acidum carbonicum.

Ex his conclusit hanc aquam originem duxisse ex gaz acido muriat., dum hoc copulam inibat cum ammonia (1).

Haec tamen conclusio mihi videtur difficilis, et immatura esse: quamvis enim concederetur, Murrayum adhibuisse gaz ammoniae omnis aquae expers, potuit tamen variis viis irrepssisse aqua in eius experimenta: nam vel vas, in quo collegit sal, potuit continuisse aliquam aquam, vel hanc potuerunt continuisse vasa, in quibus sal destillavit, aut carbones, supra quos candentes transmisit va-

(1) *Journ. de Phys.* T. LXXIV. p. 455. sqq.

vapores salis: vel ipse in vasis contentus aër potuit esse in causa aquae natae: cuius aëris oxygenium potuit demere hydrogenium ammoniae, eoque sibi adjuncto converti in aquam. Universe magis valeret experimentum, nisi J. Davyus, accuratius, quam Murrayus fecerat, repetito experimento, contrarium prorsus obtinuisset eventum.

Hic enim repetiit illa experimenta in vasis aëre vacuis, magna adhibita copia utriusque gaz; et mixturam utriusque fecit in vase ita, ut in eodem posset prolatum sal sublime ferri: neque tum potuit detegere ullum aquae vestigium: cum autem sal aëri exponeretur, et deinde sublime ferretur, satis magnam exinde comparavit aquae copiam (1).

Quatuor tamen annis post Murrayi sententiam recoquere coepit Urius. Hic immisit in tubum limaturam argenti, cupri, ferri et murias ammoniae; eoque tubo igni rubefacto, comparavit aquam, et murias adhibiti metalli. At Dulongius eadem haec et eiusmodi alia instituens experimenta, docuit, deceptum fuisse Urium, adhibito etiam subcarbonate ammoniae, aquae nunquam exper-

(1) *Biblioth. Britann.* Vol. L. p. 220—229.

perte (1). — Nec tamen eo substitit Davyus, sed repetijt experimenta ab Uriō memorata; et coram societate Regia anno 1818 egit de his experimentis, docens, aquam ab Uriō comparatam originem duxisse ab hydrogenio acidi muriat., et oxygenio aëris in tubo contenti, aut ex alcali et oxydo plumbi (fuerat enim tubus ab Uriō adhibitus vitreus, is qui dicitur flintglas) ipsius tubi de-
promta; se autem, quo maiori usus esse cura,
ne oxygenium quoquomodo in sua experi-
menta irréperet, eo minorem aquae copiam
obtinuisse (2). Nec nimis quaesita et molesta
videatur haec de vitro anglico Davyi expo-
sitio: nam huius eiusdem vitri usus aliquando
Physicos eo deducere valuit, ut quae probata
erat, aquae compositionem negarent. — Quae
historia cum mire Davyo faveat, paucis illam
memorasse ab hoc loco non erit alienum. — Ita-
que cum acciperent Physici Angli, gaz inflam-
mabile, modo ad hoc nullus aëris esset aditus,
igni etiam vehementiori immutatum persiste-
re, tubum vitreum anglicum gaz hydrogenio
impleverunt, eumdemque bene clausum igni
tra-

(1) *Journ. de Phys.* Tom. 86. p. 43.

(2) *Journ. I.* p. 245.

tradiderunt: quo tamen facto dum invenient partem gaz inflammabilis perditam, eiusque loco aquam, in dubium vocarunt ab aliis memoratam aquae naturam. Hi vero idem hoc experimentum repetentes in tubis ferreis, sive aliis, cum omnino immutabile observent gaz inflammabile, tandem etiam usi sunt tubis anglicis, et ecce aquam natam viderunt: videntes porro interiore tuborum faciem quasi erosam, et suspicati, num forsitan plumbi calx, unde proficisci noscebant vitri anglici et alias dotes, et vero insignem gravitatem specificam, in aquae causa esset, aliquid minii cum gaz inflammabili in aptis tubis igni dederunt: quo facto aquam natam observarunt, et liti finem imposuerunt.

Quibus omnibus collectis, patet, experimenta ab Uri et Murrayo instituta, non tantum non debilitasse theoriam Davyanam, sed maxime confirmasse. Quam conclusionem probare videtur alterius experimenti Davyani eventus. Huius quoque experimenti, modo in eo proferatur aqua, facile reddit rationem vetus theoria, nullam autem dare potest, si in eo aqua non gignatur: quam si sumas gigni, haec experimenti est ex-

explicatio, ut oxygenium acidi muriat. oxyg.
fese coniungat cum hydrogenio, altera parte
ammoniae, deinde aquam formet; altera vero
ammoniae pars, azotum, liberum evadat;
deinde vero acidum muriat. oxygen. demto
oxygenio, conversum in muriaticum, fese
coniungat cum ammonia superstite, atque
ita formet murias ammoniae. At vero si
sumas aquam non gigni hoc experimento,
sicut scripsit Davyus, non habet vetus
theoria, ut ex his difficultatibus fese ex-
pediat. Unde enim explicabit profectum
gaz azotum? an ex ammonia? sed ubi igitur
hydrogenium, altera pars ammoniae? ubi
oxygenium acidi muriat. oxyg.? Contra si
aqua in memorato experimento gignatur,
Davyana theoria in angustias redacta est.
Sentiit id ipse Davyus, et confessus est (1):
„ s'il y avait eu, inquit, réellement forma-
„ tion d'eau pendant l'action de la chlorine
„ sur l'ammoniaque, ce résultat auroit été
„ des plus importans: il auroit prouvé, ou
„ que la chlorine, ou l'azote étoient des com-
„ posés, ayant pour un de leurs elemens
„ l'oxygène, ou que l'un et l'autre conte-
„ noient

(1) *Journ. de Phys.* T. LXXIX. p. 266.

„ noient cette substance.” Affirmat autem Davyus, qui modo viderit multum muriatis ammoniae, parati in vasis clausis, gaz ammoniae cum gaz acido muriatico oxyg. copulando, destillatum; eum sibi prorsus persuasum esse habiturum, quod nulli prodeant aquae vapores ex eiusmodi muriate ammoniae destillato (1). Sunt tamen ab aliis physicis in hanc rem instituta experimenta, quae alium demonstrarent eventum. Ita legitur apud Thenardum et Gay Lussacium (2): „en décomposant le gaz muriatique oxigéné par le gaz ammoniacal, on trouve qu'il contient précisément la moitié de son volume de gaz oxigène, et qu'il peut absorber, par consequent, un volume égal d'hydrogène:” et apud Fourcroyum (3): „j'ai découvert, inquit, qu'en faisant passer le premier de ces gaz (le gaz ammoniacal) dans le second (le gaz muriatique oxygéné) il y avait inflammation et lumière blanche, dégagée pendant l'union de l'oxygène avec l'hydrogène de l'ammoniaque; l'eau, qui

(1) *Journ. de Phys.* T. LXXIX. p. 265.

(2) *Mem. d'Arcueil* T. II. p. 341.

(3) *Syst. des Conn. Chim.* T. II. p. 243.

„ se forme en même tems présente une va-
„ peur blanche, très épaisse : Elle dissout
„ l'acide muriatique, et il reste du gaz azote.”
Quo quidem experimento, et Fourcroy i
auctoritate confisus Bertholletus Davya-
nam theoriam proorsus reiecit.

Ast vero cum omni quantum fieri potest,
adhibita prudentia, repetierit et hoc et ante-
cedens experimentum, atque in utroque nul-
lam viderit prodisse aquam, strenuus veteris
theoriae contra Davyum, Curaudavium,
aliosque physicos, defensor, in cuius gratiam
vel vetus theoria iure vocata est Bertholletiana,
Bertholletus igitur suam reliquit theoriam,
et contendit, simplicitatem gaz chlorici, tam-
quam hypothesin, eodem iure posse defendi;
atque compositionem gaz acidi muriat. oxyg.

Denique Murrayus etiam XIV Experimentum in dubium vocavit, et contendit,
acidum muriat. oxyg. in se continere satis
oxygenii ad sulfur ex hydrogenio sulfurato
oxydandum et convertendum in acidum sul-
furosum, vel et sulfuricum (1). Sed est
anmadvertendum, hydrogenium non in con-
tactum venire cum acido muriat. oxyg., qui

(1) *Journ. de Phys.* T. LXXIII. p. 445.

absorbeatur (sive hoc velis ex veteri theoria, sive ex Davyana explicare): quod optime apparet ex hydrogenio carbonato, in contactum ducto cum gaz acido muriat. oxyg.: deinde vidiimus ex XIII.: Exp. sulfur solvi in acido muriat. oxyg., atque inde fieri liquorem illum) Thomsoni, longe diversum ab acido sulfurico: denique apud nullos alios Physicos, quamvis Davy aduersarios, legitur confirmatio huius Murryani experimenti. Contra Eourcroyus (1) et Thénardus (2) experimentum tale observarunt, quale descripsit Davyus.

Deinde J. Davyus repetiit experimentum, usus gaz utroque, acido muriat. oxyg., et gaz hydrogenio sulfurato; et obtinuit acidum muriat., et sulfur iunctum cum acido muriat. oxyg., sive illum liquorem Thomsoni (3). Tandem scribit Berzelius ad Marctum, unam superesse viam, quae, quamvis minus directe, at vero certissime, ad veritatem ducat: omnemque inter viros doctos de horum acidorum natura litem componere vadat.

(1) *Syst. de Chim.* T. III. p. 111.

(2) *Traité de Chim.* T. I. p. 580.

(3) *Journ. de Phys.* T. LXXIII. l. 1.

leat. Illam affirmat esse doctrinam proportionum definitarum: hanc enim omnia ea calculo submittere, quae sensuum aciem fugiant, et chemicis esse tale instrumentum, quale Astronomis formulas: quarum felicissimus usus Astronomos docet, quasvis memorabiles et momentosas facere detectiones (1). In qua opinione secum habet Berzelius consentientes quosvis optimos chemicos, Proustium, Daltonum, Thomsonum, Davyum, Wollastonum, Doeberleinum, Gay-Lusacium, Trommsdorfium, Schweiggerum, Gilbertum, Chrevreullum (2), alios.

Hinc celebris chemicus Gaulthier de Claubry doctrinam proportionum definitarum vocat pulcherrimum eventum, ad quem aliquando conducturam esse chemiam, sperari posset. Hunc enim eventum non assecutos fuisse physicos, nisi continua serie indagationum et analysium accuratarum: eamque doctrinam iam hoc tempore niti, et suffulciri nimis magno factorum numero, quam quod

(1) *Journ. de Phys.* T. LXXXIII. p. 309.

(2) J. B. van Mons *Princ. El. de Chim.* 1818. p. 60
sqq.

quod metui posset, ne fallax sit (1). Quare quum haec doctrina tantos exercuerit chemicos, quantos supra memoravimus, et ab iis tantis efferatur laudibus, ut vel difficillimas (inter quas si hanc de acidorum muriatice et muriat. oxyg. natura retulerim, me omnino vera dixisse mihi videor,) lites posset dirimere, eam paulo accuratius indagemus.

Prima initia huius doctrinae posuisse dicitur Bergmannus, cum ostenderit, quo magis oxydarentur metalla, eo maiorem accipere capacitatem saturandi acida (2). Deinde Richter (3), quum iaceret fundamen-tum calculi, quem vocant *Stoechiometricum*, docuit, si corpus copuletur pluribus una proportionibus, compositiones secundas semper esse in aliqua ratione ad primas; atqui praecipue nominandus est Higgins, primus conditor theoriae, quam vocant *Atomisticam*.

Hic

(1) *Journ. de Phys.* T. LXXXIV. p. 393.

(2) Bergman. *Op. Phys. Chem.* cf. *Princ. El. de Chim.* avec les applications générales de la doctrine des proportions déterminées, par J. B. van Mons Brux. 1818. p. 61. cf. J. J. Winterl. *Prolusion. ad Chem. Sec. XIX.* Budae 1800. §. 4. p. 3. 4. et annot.

(3) Richter über die neueren Gegenstände der Chimie cf. van Mons l. l. p. 61. 62.

Hic A° 1789 edidit librum inscriptum, *comparative view of Phlogistic and Antiphlogistic theories*, quod opus summis celebrat laudibus Davyus, id vocans, ingenii et laboris plenissimum (1). In hoc opere sumit Higgins, corpora duo chemice coniungi, alterius atomis coniunctis cum atomis alterius. Ita aquam componi, hydrogenii atomis coniunctis cum atomis oxygenii, easque materias continere aequalem divisionum numerum. Omnem autem differentiam gravitatis specificae potissimum pendere a volumine particularum ultimarum: porro gaz nitrosum componi duabus particulis oxygenii, et una azotio: acidum sulfuricum una particula sulfuris, duabus oxygenii: acidum vero sulfurosum una sulfuris, et una oxygenii (2). At accedit Higginsio idem, quod accedit Joanni Rayo (cuius praeclara observatio, facta 1630, qua causam indicabat, quare plumbum et stannum in aëre calefacta, ponderis augmentum capiant, physicos latuit, dum istam tandem ex obscuro quodam angulo evocabat summa summi La-
voi-

(1) *Journ. de Phys.* T. LXXII. p. 370 in annot.

(2) *Journ. de Phys.* T. I. p. 370 in annot. T. LXXVIII. p. 375. T. LXXXIV. p. 392 sqq. van Mons I. I. p. 62.

voisierii industria) ut ipsius opus non tantum apud exterros, sed vel apud suos in oblivionem abierit (1): cui forsan nondum fuissest abreptum, nisi aliquot annis post, Daltonus conscripsisset librum, cui titulus *New system of chemical Philosophy*, in quo plura quidem inveniuntur nova, eaque egregia, multa tamen, iam ab Higginsio indicata. Egregium vero specimen exhibet Thomsonus convenientiae theoriae Daltoni cum ipsa analyfi. Thomsonus acidum oxalicum inquirens, secutus Daltonum, assumfit hydrogenium = 1, oxygenium = 6, carbonium = 4 - 3; per analysin invenit acidum oxalicum componi

oxygenii	64,69	per calculum oxygenii	61
carbonii	31,78	carbonii	34
hydrogenii	<u>3,53</u>	hydrogenii	<u>5</u>
	100,00		100

Sin autem, sicut alii fecerunt, computatur oxyg. = 6 - 96, calculus computat

oxygenii	64,24
carbonii	31,15
hydrogenii	<u>4,61</u>
	100,00

quae

(1) *Journ. de Phys.* T. LXXXIV. p. 392.

quae summa fere est eadem, quae fuit per analysin indicata (1).

Tuetur autem Daltonus theoriam atomorum, sumens, quod si corpus alteri iungitur una proportione, atomus atomo iungatur; sin autem variis proportionibus corpora coniungantur cum aliis, et forment combinaciones binarias, ternarias, atomus alterius elementi se iungat cum atomis 1, 2, 3, alterius elementi.

Atqui hanc theoriam atomorum utpote nimis subtilem, reiecit etiam Davyus (2), et fere omnes Physici: quare Higgins deinceps reclamavit suam theoriam (3).

Edito autem opere a Daltono, ulterius in hanc rem inquisiverunt Physici, variasque bases asfumentes, diversis quidem modis, attamen omnibus, ex uno fonte provenientibus, doctrinam proportionum confirmarunt, eamque adhibuerunt ad detegendam indolem quorumvis corporum, fosilium prae ceteris (4). Reliquis igitur huius doctrinae inves-

(1) *Journ. de Phys.* T. LXXVIII. p. 378.

(2) *Journ. de Phys.* T. LXXII. p. 370.

(3) *Journ. de Phys.* T. LXXXIV. p. 392.

(4) cf. omnino van Mons l. l. p. 63—70. 336—380.

vestigatoribus missis, ne a proposito ordine aberremus, videamus, quid hac de re docuerit Davyus, quid Berzelius.

Si corpora, memorat Davyus, se cum aliis chemice coniungant, novasque constuant materies, hanc copulam esse proportione definita: si igitur se proportione inaequali coniungant, ut alterius sit excessus, hunc excessum esse in ea ratione, ut posse exprimi, aliqua multiplicitate simplici minimae proportionis, qua idem hoc corpus sese posse coniungere. E. g. oxalatem potassae acidum: continere quantitatem acidi bis maiorem, quam quae opus sit ad saturandam potasiam: carbonat alcalinum alcali quantitatem bis maiorem, quam opus habeat ad saturandum acidum.

Si adhibetur numerus ad exprimendam minimam quantitatem corporis cuiuscunquer, qua posse copulam inire, ceteras quantitates omnes corporis, quibus copulas ineat, esse ad primam compositionem ratione quadam multiplici. Minimis proportionibus, quibus corpora nondum decomposita, possunt copulam quamdam inire, cognitis conditionem materiarum compositarum, quas forment, cognosci posse: et si exprimatur per

unitatem elementum, quod chemice se coniungit cum ceteris corporibus, in minima, quam novimus, proportione, cetera elementa, eorumque composita, significari per rationes earum quantitatum ad unitatem.

Omnium elementorum gaz hydrogenium esse id, quod se omnium minima proportione coniungit: nullum enim elementum se posse coniungere pondere minori, quam hoc gaz: hoc autem ipsum in nullo alio cognito corpore minori proportione contineri, quam in aqua: aquam vero componi 2 voluminibus gaz hydrogenii, et 1 volumine gaz oxygenii, gravitatem autem specificam gaz oxygenii, esse ad gravitatem specificam gaz hydrogenii = 15 : 1. Igitur rationem esse hydrogenii in aqua ad rationem oxygenii = 2 : 15. Cum autem aqua componatur 2 proportionibus hydrogenii, et 1 oxygenii, sequi, cum numerus exprimens hydrogenium sit 1, numerum oxygenii esse 15. In quo hydrogenio assumendo probasi, cum Davyo convenienter Daltonus, Doeberi et in primis.

Quisnam numerus itaque phosphorum exprimat, si quis quaesiverit, respondebitur, per 20: docuit enim experientia phosphori granis 10 opus esse 7,7 granis oxygenii, ut
con-

convertatur in acidum phosphorosum, eandem autem phosphori quantitatem indigere quantitate oxygenii bis maiori, ut convertatur in acidum phosphoricum. Cum igitur 7, 7, sit omnium minima proportio oxygenii, cum quo se phosphorus coniungit, erit $10 : 7, 7 = 100 : 77$.

Igitur $77 : 10 = 15 : x = 20$ fere; porro $20 + 15 = 35$ exprimet acidum phosphorosum; $20 + 15 + 15 = 50$ acidum phosphoricum.

Si quis quaerat, per quem numerum exprimatur carbo, respondebitur per 11, 4. Nam acidum carbonicum constituitur 13 partibus carbonii, et 34 oxygenii; oxydum vero gazosum carbonii 13 partibus carbonii, 17 oxygenii. Igitur omnium minima proportio oxygenii, cum sit 17, habebimus

$$13 : 17 = 100 : 130, 7$$

$130, 7 : 100 : = 15$ (numerus oxygenii exprimens) : $x = 11, 4$. Igitur $11, 4 + 15 = 26, 4$ exprimet oxydum carbonis, et $11, 4 + 15 + 15 = 41, 4$ exprimet gaz acidum carbonicum.

Si quis quaerat, per quem numerum exprimatur potassium, respondebitur per 75. Nam potassa pura componitur 100 partibus potassium, et 20, 1 oxygenii. Oxydum autem flá-

vum potasii 100 partibus potasii et 57,8 oxygenii. Igitur cum 20,1 est minima proportio: habebimus

$20,1 : 100 = 15 : x = 74,99$ vel 75 fere: quod si faciamus $57,8 = 60 = 3 \times 20$ aliquod nanciscimur ius; quod ponamus, potassam componi una proportione oxygenii cum una potasii: oxydum autem potasii flavum 3 oxygenii et 1 metalli. Et potassa erit expressa per $75 + 15 = 90$, oxydum flavum per $75 + 15 + 15 + 15 = 120$ (1).

Porro arbitratur Davyus, theoriam proportionum definitarum maxime confirmari decompositione mutua salium, observata a Richtero, et Guyton de Morveau; mutuis decompositionibus compositorum hydrogenii et azoti, azoti et oxygenii; tum acidis salibus a Wollastono, et Thomsono observatis; praeprimis decompositionibus, factis ope apparatus Voltae, quibus constitut oxygenium et hydrogenium, oxygenium et corpora inflammabilia, acida et alcalia, se iungi proportionibus aequalibus (2).

Hanc

(1) *Journ. de Phys.* T. LXXVIII. p. 383 sqq. cf. Davy *El. de Phil. Chim.* T. I. p. 67 sqq.

(2) *Journ. de Phys.* T. LXXII. p. 371 in annot. cf. T. LXX. p. 106 sqq.

Hanc deinde doctrinam, cum eset ingenii plenus, diligentissime tractavit et amplificavit Berzelius, eaque adhibita vel eruere studuit leges, quibus dum formantur, inorganica corpora obediunt (1): quin tanta fuit Berzelii illa admirabilis in hac doctrina elaboranda industria et ingenii vis, ut exinde excogitaverit fundamenta, ex quibus exstrueret systema Mineralogicum (2) quod quantas opes in se contineat, is optime collegerit; qui haud ignoret immensam et infinitam fere regni mineralis amplitudinem.

Itaque vidimus, quid sit doctrina proportionum definitarum: quidque de hac cogitent et Davyus et Berzelius; iam considere mus, quaenam argumenta ex hoc fonte hauferit Berzelius ad confirmandam veterem theoriam Bertholletianam. Ostensum est, serie experimentorum, aquam quam sal aliquod contineat chemice adiunctam, in eo existere, ea proportione, ut oxygenii quantitas sit aequalis quantitati baseos.

Sub-

(1) *Journ. de Phys.* T. LXXX. p. 118—180. *Journ. der Pharmacie* van J. B. Trommsdorff B. XXI. St. I. p. 36—38.

(2) *Journ. de Phys.* T. LXXXVI. p. 136—156 p. 209—242 p. 276—290. p. 356—365.

Subsulfas ferri (*sous-sulfate de fer* (1)) continet copiam aquae, cuius oxygenium respondet quantitati oxygenii in oxydo ferri, basin huius salis constitutive. *Subsulfas cupri* ea ratione est compositum, ut aqua, acidum et oxydum, aequalem contineant oxygenii copiam. Quare potest hoc sal considerari ut compositum ex 1 parte acidi et 3 partibus hydrateae cupri. Nova hypothesis de acido muriat. admittit existere sal *submuriatis cupri*. Obtinetur hoc sal, infusa potassa caustica in solutione muriatis cupri, ea copia, ut omne cupri oxydum non separetur. Praecipitatum rite lotum et siccatum exhibit *submuriatis cupri*. Si solvitur hoc sal in acido nitrico, et per nitratem argenti, acidum muriat. praecipitatur, obtinemus ex 100 partibus *submuriatis cupri*, 12, 1 acidi muriatici. Si digeratur superstes liquidum cum mercurio, ut omne argentum ei adimatur, et ad summam siccitatem evaporet, ac deinceps candefiat, in crucibulo pla-

(1) cf. omnino: Mémoire pour déterminer les proportions simples et définies, dans lesquelles les parties constitutives des substances inorganiques sont unies les unes avec les autres, par Berzelius in *Journ. de Physiq.* T. LXXX, p. 113 sqq.

platinae, ut sublime feratur omne acidum cum mercurio, pondus oxydi cupri est 72. His consequens est, ut 100 partes muriatis cupri contineant oxyda cupri et acidi coniuncta 84, 1: quae defunt partes 15, 9, debent esse aqua combinata.

Potest monstrari haec aqua, si calefiat submurias cupri in vase, cuius pondus antea exploratum sit, adaptato ad tubum, repletum muriate calcis.

Subsal liberam emitit cum aqua parvam quantitatem gaz oxygenii, quod transit per muriatē calcis, dum aqua cum ea coniungatur. Obtinentur in hoc experimento 15,75 ad 16 aquae, ea ratione, qua minus perfecte aut melius submurias siccatum sit. Hoc even- tu ad calculum vocato, apparet, 72 oxydi cupri continere 14,37 partes oxygenii, et aquam combinatam complecti copiam oxygenii eamdem, atque metallo continebatur; ut idem hoc locum habeat in *subulfate cupri*. Scimus, 100 partes acidi muriat. ad conditio- nem salis neutrius posse redigi per 147,27 partes oxydi cupri: quibus consequens est, submurias compositum esse, una parte acidi, et 4 partibus hydrateae cupri.

Unde apparet mirabilis consensus inter haec
com-

composita, cum spectatur status combinatio-
nis ex veteri theoria Bertholletiana.

Consideranda iam venit huius salis compo-
sitio ex hypothesi Davyana. Acidum muriat.
esset ex hac hypothesi coniunctio unius par-
tis chlorici, et unius partis hydrogenii: unde
sequitur *submurias cupri* comprehendere 16,08
acidi muriat. in proportione 72 partium oxydi
cupri. Occupat aqua combinata 11,92 par-
tes, sed analysi dante 15,9; considerandus
est excessus 3,98, quasi ortus ex decompo-
sito acido muriat., cuius hydrogenium aquam
format cum parte oxygenii oxydi, dum me-
tallum, ex oxydo prolatum, se coniungit cum
acido muriat. oxyg., quod iam secernitur.

In 11,92 aquae partibus, quae est aqua
combinata *submuriatis*, ex hypothesi Davya-
na, non esent, nisi 10,74 oxygenii, id est,
3,4 copiae oxygenii, oxydo cupri contenti.

Itaque *submurias* complectitur 1 partem oxy-
di, et 3,4 partes aquae, atque ita quantitas
aquaee est ad quantitatem baseos, in tali pro-
portione, qualis repugnet theoriae propor-
tionum definitarum.

Submurias hydrateae plumbi acquisitum ex
praecipitatione, meliori etiam est documen-
to, quia in eo facilius definitur aquae quan-
ti-

titas. Ab altera parte, qui examinaverit submurias aquae expers, quale submurias plumbi candefactum, inveniet secundum veterem hypothesin, acidum in eo coniunctum esse cum parte oxydi; dum submuriata exhiberent classem corporum plane novam, compositorum chlorico, metallo, et tali oxygenii copia, qualis non sufficeret ad oxydandum metallum: haec doctrina Davyana proponit submuriata, aqua privata, tamquam compositum quoddam, ex uno atomo chlorici, uno metalli, et tribus oxydi metallici.

Sumo, (verba sunt ipsius Berzelii) defensores novae hypotheseos periculum facturos, eam in consensum adducendi cum doctrina proportionum definitarum: in eo, quod contendant, submuriata, aqua non expertia, ut submurias cupri e. g. composita esse 1 parte *cuprani*, et 3 partibus hydrateae cupri. Poterimus iis recte obiicere, magis illam operam navare hypothesi defendendae, quam veritati detegendae (1).

Contra Exp. VIII. p. 17.
animadvertisit Berzelius, doctrinam proportionum experimentum hoc facile explicare;

(1) *Journ. de Phys.* T. LXXXII. p. 310. 312. A

re; hanc enim docere, acidum muriat. oxygenat. esse compositum una parte baseos, et tribus partibus oxygenii: idque acidum posse in neutram conditionem redigere quantitatem basis cuiuscunque, cuius oxygenium est dimidia pars oxygenii acidi: atque igitur quantitatem oxygenii, quod expellitur ex gaz acido muriat. oxygenat., decomposito basi salificabili, esse aequalem quantitati oxygenii, contenti in basi, quae inserviit decompositioni.

Tandem vult Berzelius, compositionem formatam ex gaz oxydo carbonis, et gaz acido muriat. oxygenat., luci expositis, facile explicari in favorem veteris theoriae Bertholletianae doctrina proportionum definitarum; secundum quam corpora, quorum conditio chemico-electrica eadem est, se coniungant in talibus proportionibus, ut eorum quantitas oxygenii aequalis sit. Antiquam autem hypothesin considerare illud gaz, ut compositum una parte acidi muriat., et una acidi carbonici, atque igitur simile acido fluo-borico.

Sed haec argumenta Berzelii variis armis oppugnarunt Physici. Thenardus enim defensionem novae theoriae minine in animo habens, animadvertisit, Berzelium, legem in nonnullis hydrateis corporibus observatam,

fi-

fibi proposuisse nimis generalem: experimenta enim, quibus haec lex nitatur, et esse pauciora, nec satis accurata (1). Atqui inquit Davyus: „je ne puis accorder aucun poids „ aux raisonnemens de mon savant et illustre „ ami Berzelius: il n'y a point de règle „ générale relativement aux multiples des pro- „ portions dans lesquelles les différens corps „ se combinent.” Quam amniadversionem illustrat exemplo, in azoto posito: hoc enim, pergit, leges sequi prorsus diversas in variis suis, quas ineat, copulis: hoc enim cum tribus voluminibus hydrogenii coniungi, huiusque unum, duo, duo et dimidium cum dimidio volume oxygenii, et cum quatuor chlorici: deinde si modo transferantur ad metalla definitae oxygenii proportiones, quas detulit Berzelius ad chloricum, omnem ab eo datam expositionem, nihil aliud esse, quam nudam factorum enarrationem (2).

Denique contra Berzelium aliud argumentum attulit Suchomlinovius; hic nimirum animadvertisit salia (sous-muriate de cuivre, sous-muriate de plomb) (*basischsalz-sau-*

(1) Thenard I. l. T. II. p. 172.

(2) *Journ. de Phys.* T. LXXIX. p. 266. 267.

saures Kupfer, basisch salzsaures Bley) (1) (quae sunt salia, secundum definitionem, quam dedit ipse Berzelius, in quibus minor continetur quantitas oxygenii, quam in ipsorum acido constitutive) non esse copulas chlorici cum hydrateis, sed componi neutrīs muriatibus, et metallis hydrateis: qua thesi assumta prorsus quadrare in salia doctrinam proportionum: tum enim oxygenium neutrius muriatis cupri esse, ad oxygenium oxydi cupri, in cupro hydrateo contentum, ut 1 : 3 : hoc autem ad oxygenium in aqua copulata contentum, ut 3 : 3. — Addit tandem, si hoc sal calefiat, evolvi oxygenium, qua neutrum murias cupri oxydati convertitur in cupranum, sive copulam chlorici cum cupro: hoc autem phaenomenon minime posse exponere veterem theoriam (2).

Quod autem ad tertium argumentum attinet, satis videtur apparuisse, non produci acidum carbonicum ex gaz oxydo carbonii et acido muriat. oxyg.: igitur cum haec ita fint, non tantum non corruere videtur hoc omne
Ber-

(1) *Journ. de Phys.* T. LXXX. p. 114.

(2) *Repertorium für die Pharmacie* van J. A. Büchner B. V. St. I. p. 56. 57. cf. *Annal. de Gilbert* T. LVII.

Berzelii argumenti fundamentum: verum eo ipso apparet, aliquando esse experimentis contrariam doctrinam proportionum definitarum. Qui quidem dissensus oriri videtur, quod natura corporis non talis sit, qualis habetur, quippe quae recedat a naturae illius corporis, unde desumpta est ratio proportionum.

Quibus omnibus collatis, apparet, Berzelii expositionem de doctrina proportionum longe non esse eam, qualem descripserat, ut scilicet perderet prorsus omnem Davyanam theoriam.

Quod quidem efficitur: primum, quia ob factorum paucitatem Physici nondum Berzelianam regulam admittunt; deinde quod alii negant, existere posse generalem eiusmodi regulam; porro, quia idem factum variis modis exponit Davyana theoria in suum commodum; denique quia hoc facto exposto ex theoria Davyana, videntur superesse difficultates, haud facile adeo veteri theoriae removendae. Quae omnia eo magis valebunt, quo certius constabit, Davyum ex doctrina proportionum posse argumenta capere ad suam theoriam confirmandam. Itaque superstes, ut videamus, num id fecerit Davyus.

Computavit **Davyus**, adhibita doctrina proportionum, granum potasii absorbere 1,08 pollicis cubici gaz acidi muriat. oxyg., potassam vero, formatam grano potasii, decomponere 2,16 pollices cubicos gaz acidi muriat. Experimenta hanc computationem confirmarunt. Per computationem quoque collegit **Davyus**, numerum qui significaret proportionem, qua sodium se cum corporibus coniungit, esse 22.

Unde manifestum est, unum granum sodii debere absorbere fere 2 pollices cubicos gaz acidi muriat. oxyg., eandem vero sodii quantitatem in sodam conversam deponere fere 4 pollices cubicos gaz acidi muriat.: quathesi assumta, concludit **Davyus**, murias sodae debere constare, quo ad proportionem 22 sodii et 32,9 gaz acidi muriat. oxyg.: et haec est illa summa, quam per analysin computavit **Marcetus**. Potassa hydratea, pergit, debeat continere proportionem potasii expressam per 48, et proportionem aquae expressam per 8,5. Compositionem vero dat, ut 15,1 aquae, et 84,9 potasse. Igitur concludit, quod potassa hydratea debeat continere proportionem sodae 29,5, et proportionem aquae 8; igitur 100 partes 22,4 aquae,

aquae, quam computationem etiam confirmavit analysis (1).

Tandem effecit Davyus, manifestum esse, quoties copula quaedam, in qua continetur acidum muriat. oxyg., aqua decomponatur, oxydum aut acidum, aut alcali, aut corpus oxydatum, formatum, esse debere in eadem proportione, qua gaz acidum muriat., sicut oxygenium et hydrogenium debent habere, eandem relationem secum invicem: atque haec composita ad examen vocata praebere simplices modos computandi proportiones elementorum in diversis oxydis, acidis, et terris alcalinis; quam ratiocinandi rationem exemplis illustrat (2).

Qui-

(1) *Journ. de Phys.* T. LXXII. p. 359 sqq. imprimis p. 366. sqq.

(2) vid. L. I. I. c. et *Journ. de Phys.* T. LXXI. p. 338; Si d'après le système ingénieux de Dalton, inquit Davyus, l'hydrogène est considéré comme 4 en pesanteur dans la proportion où il existe dans l'eau, l'oxygène fera alors d'environ 7,5, et en admettant que la potasse est composée d'une portion d'oxygène, et d'une de potassium, la potasse fera alors de 48, et le potassium d'environ 40,5; et d'après une expérience l'acide oxi-muriatique sera représenté par 32,9 et le gaz acide muriatique conséquemment par 33,9 estimation qui s'accorde avec la pesanteur spécifique du gaz acide

Quibus omnibus perpensis, mihi effici videtur, pro praesenti rerum conditione, hanc doctrinam nondum sternere viam ad litem dirimendam de acidorum natura. In quam sententiam adductus sum, tum quia utraeque partes videantur inde in suum commodum argumenta petere; tum quia analyses unius eiusdemque corporis saepe diversae memoren- tur a Chemicis. Utrum vero recte sit instituta doctrina proportionum ad corpus quoddam, colligitur ex eo, ut definita indoles huius corporis per calculum, conveniat cum indole eiusdem per analysin inventa; denique, quia aliquando fit, ut aequa bene duas diversas opiniones eadem de re sustentet doctrina proportionum, cuius rei perspicuum dedit Davyus exemplum, idque sequens.

„ Une chose digne de remarque, inquit Davyus,

oxi-muriatique et du gaz acide muriatique. D'après mes expériences, 100 pouces cubes gaz acide oxi-muriatique pèsent, toutes reductions faites à cause de la température et de la pression moyennes, 74,5 grains, autrement d'après l'estimation elles pèseront 74,6. Selon moi, dans les mêmes circonstances, 100 pouces cubes de gaz acide muriatique pèsent 39 grains, et d'après l'estimation, ils pèseront 38,4 grains.

vyus, „ c'est que quelque théorie de la na-
 „ ture de ce composé (l'amalgame de l'am-
 „ moniac) „ que l'on adopte, s'y trouvera une
 „ heureuse coincidence avec les proportions
 „ déterminées. Si l'on suppose, que l'hy-
 „ drogène provienne de la decomposition de
 „ l'eau, alors l'oxygène, que l'on doit re-
 „ garder comme existant dans l'ammoniac
 „ suffira exactement pour neutraliser l'hy-
 „ drogène dans un volume égal d'acide mu-
 „ riatique: ou si l'on dit, que l'ammonium
 „ est un composé d'ammoniac, et d'un hy-
 „ drogène en volume, alors les volumes
 „ égaux de gaz acide muriatique produiront
 „ le même composé que l'oxide oximuriati-
 „ que et l'ammonium, en supposant,
 „ qu'ils puissent être immédiatement combi-
 „ nés (1).”

Verum enim vero coniungens cum experi-
 mentis ipsam Berzelianam doctrinam pro-
 portionum definitarum, argumentum pro-
 tulit Bertholletus in favorem doctrinae
 Davyanae gravissimum. Nimurum hic est
 in Bertholletio veritatis amor, haec in-
 genii magnitudo, ut sequi maluerit adversarii
 par-

(1) *Journ. de Phys.* T. LXXI. p. 338. 339 in annot. 2.

partes, quam inhaerere hypothesi, prorsus suae; nimirum cum invenisset, suis ipse experimentis, in quibus instituendis, quis Bertholletō versutior, quis magis circumspiciens ad minima etiam, pondus tamen habentia, Davyana illa de ammoniae copulis cum gaz acido muriat., acido muriat. oxyg., omnino confirmata, non tantum non haec aliis experimentis torquere et minuere studuerit, sed vel ipso novo argumentorum genere, eoque ingenioso, Davyanam theoriam confirmare voluerit. Quem quidem locum hic integrum tradere operaे pretium visum est. Postquam igitur momentum hypotheseos Davyanae ostendit, ita pergit: „, aujourd'hui „, je vais plus loin; il me parait, que l'on „, peut trouver dans les faits connus des „, preuves, qui obligent de regarder le chlore „, comme une substance simple, et pareille „, en cela à toutes celles, que nous regardons „, comme élémentaires. Je vais en donner „, un exemple.

„, M. D'Arcet avait determiné la quantité d'eau, que contient l'hydrate de potassium en le combinant avec l'acide sulfureux, que, et en comparant les quantités de cet acide, qui saturerent un poids donné de cet

„ cet hydrate, et un poids correspondant de
 „ sous-carbonate, dans lequel il avait recon-
 „ nu avec soin la proportion d'eau, et d'a-
 „ cide carbonique.

„ De mon côté j'avais cherché à établir
 „ les principes de l'hydrate de potasse en le
 „ combinant avec l'acide muriatique: en
 „ poussant au feu le muriate de potasse, qui
 „ en résultait, et en déterminant ensuite la
 „ proportion de l'acide muriatique, qu'il
 „ contenait par le muriate d'argent, que je
 „ formais avec lui: j'avais conclu en adop-
 „ tant la composition du muriate d'argent
 „ donnée par Bucholz, que l'hydrate de
 „ potasse tenu au feu jusqu'au ce qu'il ne
 „ s'en dégage plus d'humidité contient 13,64
 „ d'eau sur 100; mais la méthode la plus
 „ directe de M. D'Arcet, lui a donné 27
 „ d'eau sur 100.

„ Si j'établis mon calcul sur la simplicité
 „ du chlore, et si j'adopte selon l'évalua-
 „ tion de M. Berzelius, qu'il se trouve
 „ sur 100 parties de muriate d'argent 75,4
 „ d'argent, et par conséquence 24,6 de chlore;
 „ j'aurai 25,58 d'eau sur 100 d'hydrate de pot-
 „ asse, ce qu'il se rapproche d'une manière
 „ satisfaisante de l'évaluation de M. D'Arcet.

„ Cette évaluation est confirmée par les expériences de M. M. Gay Lussac et Thénard, qui se sont servis de deux méthodes différentes, pour reconnaître la proportion d'eau dans l'hydrate de potasse, „ elles abaissent un peu celle admise par M. D'Arcet, mais leurs résultats s'éloignent beaucoup plus de celui, que j'avais adopté.


„ On ne peut douter, si cette évaluation a assez d'exactitude, que le chlore doive être admis, comme un corps simple, pour que les analyses, par lesquels on détermine les proportions des combinaisons soient concordantes entre elles, et qu'elles puissent représenter la nature: ou pourrait multiplier cette espèce de vérification.” —

Igitur cum in nostram rem satis dixerimus de doctrina proportionum, consideremus analogiae usum.



C A P U T III.

DE USU ANALOGIAE INTEGRÆ THEORIAE
CHEMICAЕ IN CONFIRMANDA THEORIA
DAVYANA ET VETERI BERTHOL-
LETIANA.



Antequam hanc analogiam investigemus, paucis videamus, quid sit *analogia*.

Analogiae latissime patens definitio videtur, quod fit illa ratiocinandi methodus, cuius auxilio, ex corporum, experimentis et observationibus exploratorum, natura, concludimus, ex similibus proprietatibus, ad similem corporum nondum exploratorum, natu- ram et indolem; aut contra, cuius quidem methodi ratiocinandi usus imprimis multi- plex est et egregius ad intelligentiam corpo- rum vivorum; cognitis fabricae facultatibus et functionibus, ex simili fabrica concludi- dimus ad similes corporum facultates et fun-

ctiones (1). Quae notio ut nostro consilio adaptetur, videtur esse ea argumentandi ratio, qua ex corporum, quorum compositio experimentorum ope cognita est, convenientia cum acidis muriat. oxyg. et muriatico, efficimus, eandem esse horum acidorum, atque horum corporum naturam. Ex hoc vero fonte proficiscuntur classes vel genera corporum, in quibus philosophice ordinandis, fundamentum constituendi ordinis debet esse analogia, quae existit inter maximum numerum proprietatum corporum, quae in eodem genere constituuntur. Hinc itaque classis alcalium, hinc classis acidorum, metallorum, salium, aetherum, aliorumve corporum: hinc Vauquelinus glucinam, Klaprothus zirconiam, Gadolinus yttriam, inter terras retulerunt, cum haberent proprietates communes cum cognitis terris; hinc Vauquelinus chromium, Klaprothus Uranium, Wollastonus Rhodium, Berzelius Cerium, inter metalla retulerunt, cum haberent omnia notas, quibus a ceteris corporibus se distinguent

(1) cf. 's Gravesande *Orat. de Evid.* p. LIV. LV. cf. et Musschenbroek *Introduct. in Phil.* T. I. §. 38.

guunt metalla: hinc Davyus quum alcalia et terras decomposuisset, horum bases retulit inter metalla, quia cum his haberent illae communes splendorem, opacitatem, malleabilitatem, facultatem conductricem calorici et electricitatis: quamvis haberent gravitatem specificam a ceteris metallis diversam, minorem: ut hanc ob causam nollet ille eximius Ritterus has bases inter metalla relatas (1). Hinc etiam Lavoisierius se analogiam invocasse testatur, cum referret acida muriaticum (2), fluoricum (3), boracicum (4), inter acida: quamvis enim nulla darent indicia, quod continerent oxygenium, singula tria ipsi videbantur exhibere proprietates, non nisi acidis, sive combustibilis oxygenatis, proprias.

Itaque cum vidimus, quae sit analogia; quique eius in Chemiam usus, eundem, quem in Cap. II. secuti ordinem, videamus, num ex analogia integrae theoriae Chemicae confirmetur Davyana theoria: quare quae huic
prae-

(1) *Journ. de Phys.* T. LXVI. p. 256.

(2) *Traité de Chim.* T. I. p. 255.

(3) l. l. p. 263.

(4) l. l. p. 267.

praecipua hic fons praebere nobis visus est,
afferemus argumenta.

I. Ex corporibus oxydatis et oxygenatis
folent fluidum Galvanicum et Electricum
elicere oxygenium: haec vero ex acido mu-
riat., neque ex acido muriat. oxyg. ullum
gaz oxygenium eliciunt, sed contra attrahi-
tur acidum muriat. oxyg. polo positivo: ergo
hoc differt a ceteris acidis, aut corporibus
oxydatis.

II. Omnia acida, quibus addi potest nova
portio oxygenii, ut fit, cum acida sulfuro-
sum, nitrosum, phosphorusum, mutentur in
acida sulfuricum, nitricum, phosphoricum,
retinent proprietates acidorum: igitur aci-
dum muriat. oxyg. si fingas constitutum esse
acido et oxygenio, hoc etiam credes retinere
proprietates acidi: contra sicut primus Ber-
tholletus, deinde Kirwannus optime ob-
servarunt et docuerunt, acidum muriat. oxyg.
caret facultatibus acidi, quibus excellit acidum
muriat., ut sapore acido, et facultate con-
vertendi colores plantarum coeruleos in ru-
bros; hos enim delet prorsus. Igitur doti-
bus distinguitur a ceteris acidis.

III. Corpora oxydabilia, quae varia pro-
portione se cum oxygenio iungunt, ut for-
ment

ment et oxyda et acida, sunt acida, dum bases iam oxydatae plus oxygenii assumunt. Ita proto-oxydum et deuto-oxydum azoti, oxydum arsenici, aliorumve metallorum, si se cum oxygenio coniungant, abeunt in acidum nitricum, nitrosum, arsenicosum. Igitur deberet oxydum acidi muriat., (acidum muriat. oxyg.) continere minus oxygenii, quam acidum muriat. Contrarium tamen defendunt fautores theoriae veteris Bertholletiana. Verum investigans in affinitatum rationem, quam habeat acid. muriat. oxyg. cum oxygenio, hanc regulam reperi et servatam et confirmatam egregie acido muriat. oxyg.; modo id ex theoria Davyana pro simplici habeas. Scilicet docuerunt Davyus, Gay Lusfacius, Stadion, aliquae, quadruplici proportione cum oxygenio sese iungere acidum muriat. oxyg.: quae copulae hae sunt

chlorici		oxygenii	
I	+	I	
I	+	3	Partes.
I	+	5	
I	+	7	

Et

Et vero duae priores constituant oxyda, duas posteriores acida (1).

IV. Acida vel oxyda, oxygenio ditia, aut non solvunt alia combustibilia, aut ea oxydant: at acidum muriat. oxyg. non oxydat phosphorum et sulfur, sicut iam apparuit, sed solvit utrumque, et constituit novum corporum genus, plurimis et novis proprietatibus indutum. Constat, quam longe aliud sit effectus e. g. acidi nitrici in phosphorum; hunc enim in acidum phosphoricum mutat.

V. Si quis acidum muriat. oxyg. intelligit esse acidum muriat. cum oxygenio, ista tripli combinationem acidi muriat. oxyg. cum phosphoro et ammonia, cum sulfure et ammonia, ratione habita III argumenti, prorsus non intelliget, cum nulla oxyda eiusmodi phaenomena offerant.

VI. Metalla non solvuntur in acidis, nisi oxydata, et oxyda metallica ex menstruis expelluntur, ut aliis alcalibus, ita etiam amo-

(1) *Ann. de Chim.* T. LXXIX. p. 316—349. *Journ. de Phys.* T. LXXIII. p. 82 sqq. Thenard *Traité de Chim.* T. IV. p. 215. 221. *Repertorium van Büchner* B. V. St. I. p. 57—66.

monia. Igitur producta ex combustione metallorum in gaz acido muriat. oxyg. (cum vetus theoria affirmat metalla esse oxydata ex gaz acidi muriat. oxyg.) debent decomponi addita ammonia; oxydaque ammoniam debent expelli; at ammonia addita miscelae metallicae; haec in novam miscelam concrescit, nihil tamen oxydi expellitur. Igitur videtur colligi posse, aut metalla non oxydata fuisse ex acid. muriat. oxygenat. atque id igitur tamquam metallorum menstruum differre a ceteris horum menstruis; aut, si haec omnino oxydata fuisse sumas mirum esse, quod ex menstruis haec oxyda non sint expulsa alcalibus; cum nullae aliae solutiones metallicae ita se cum ammonia adiungant, et eiusmodi materiae formam constituant.

VII. Contra solutiones eorumdem metallorum in acido muriat. ammonia decomponuntur, expulsis oxydis metallorum. Itaque combusta metalla in gaz acido muriat. oxyg. volunt esse non muriata, sed novas miscelas: et suspicantur, acidum muriat. oxyg. non dimittere oxygenium ad metalla, atque igitur combustionis auctorem non existere ipsius oxygenium: ubi enim combustio fit ex oxygenio, pergunt, oxygenium se cum corpore con-

coniungere. Et sane est nulla combustio in aëre, quin oxygenium aëris se coniungat cum corpore combustibili: ita etiam sulfur et carbo oxydantur ex oxygenio acidi nitrici in nitrate contenti, dum accenditur pulvis pyrius. Quod si rem ulterius persequamur, haec nobis subiit conclusio: metalla, si combusta forent ex oxygenio acidi muriat. oxygen., debuissent evadere oxydata, atque acidum muriat. oxyg. debuisset converti in acidum muriat., hoc autem (magnam cùm alat affinitatem cum metallorum oxydis) debuisset solvere oxyda metallorum: atque tum ex muriate debuisset ammonia expellere oxyda metallorum; vidimus vero longe alium huius rei eventum.

VIII. Salia metallica, i. e. copulae acidorum et oxydorum metallorum, non solvunt alia combustibilia integra, ut phosphorum, sulfur; tamen in acido muriat. oxyg. combusta metalla solvunt phosphorum et sulfur; quae igitur copulae cum a salibus metallicis multum discedant, confirmatur conclusio praecedentium VI. VII. Exp.

IX. Salia metallica nunquam solvunt metallà, quae versantur in statu metallico: *Proustius* docuit, copulam argenti cum acido muriat. oxyg. solvere argentum metal-

tallicum (1), itaque hae copulae, cum differeant magnopere a metallorum salinis, confirmant conclusionem praecedentem.

X. Corpora oxygenio ditia, quae dimittant oxygenium ad metalla, singula facile oxydare solent carbonem, ut aëris oxygenium, oxygenium acidi sulfurici, nitrici faciunt. Igitur cum sumatur, oxydare acidum muriat. oxyg. metalla, nonne foret consentanea conclusio, tunc huic quoque, imprimis in igni veherentiori, materiem adeo oxygenii avidam, quam carbonicam, abripere oxygenium? ast longe aliud vidimus huius rei eventum.

XI. Nesciunt acida se cum azoto coniungere, cumque eo converti in liquorem singularem, acrem volatilem, facillime detonantem. Eiusmodi materiam constituit copula azoti cum acido muriat. oxyg. (2). Hanc Davyus vocat *azotanum*. Huius argumenti vis mihi videtur augeri et suffulciri, si ad conditionem attenderim, in qua azotum versatur, dum cum acido se coniungit; haec enim est, quam vocant evolutionis, (*gaz naisfiant*,) i. e. ea, qua elemen-

(1) *Repertorium* l. l. p. 55.

(2) *Journ. de Phys.* T. LXXVII. p. 53 sqq. 418 sqq.
Thenardus l. l. T. I. p. 537.

ta gazoza omnium facillime sese coniungunt: hoc igitur gaz azotum, si in contactum venerit cum corpore adeo diti oxygenio, quam sumitur esse acidum muriat. oxygen.; nonne attraheret oxygenium; et oxydi formam assumeret sive aëris, sive gaz oxyduli, sive oxydi nitrosi? Itaque rursus magnopere gaz acid. muriat. oxygen. discedit a reliquis, aut acidis, aut oxydis.

XII. Constat gaz oxydum carbonii facile oxydari et ab acidis et ab oxydis. Itaque nonne hoc gaz etiam deberet oxydari ab acido muriat. oxyg.? Id fore sperantes Murrayus et Berzelius, instituerunt hanc in rem experimenta: spem autem fefellit evenitus: neque enim oxygenatum viderunt gaz oxydum carbonicum acido muriat. oxygenato, at vero utrumque gaz in singularem materiam coalitum: quem inopinatum eventum eo magis mirati sunt, quo certius scirent, gaz oxydum carbonicum nullam cum ceteris acidis aut oxydis inire copulam.

Equidem vero censerem, argumentum ex analogia petitum, cum constet, acida componi basi et oxygenio, igitur et his construi acidum muriat. oxygen., theoriam Davyanam non debilitare. Videamus itaque de rationibus,

bus, quibus in hanc sententiam sim adductus.

Si consulamus Chemicos, inveniemus eos aliquando de notione acidi dissensisse inter se, et anxie in causam aciditatis inquisivisse, inter quos Winterlus (1), et van Mons (2) primi nominandi sunt. Ex quibus quamvis forsan aliquot de promenda sint argumenta, quae probent, non uni oxygenio vim acidificantem esse tribuendam, haec tamen ut nimis subtilia, mittimus.

Hoc autem potissimum argumento defenderem causam, ut sint acida, quibus nihil inest oxygenii; quae quamvis paucissima sint, vel si tantum unum eiusmodi cognoscatur tum non liceat Chymico concludere, acidum incognitum constare radicali et oxygenio: quod si quis tamen sibi licere putet, is sciat, se in vellementem incurrit suspicionem ignorantiae et temeritatis; cum ignorare videatur id erroris genus mire nocuisse rectae Naturae intelligentiae; et caducum extitisse theoriarum fundamentum, quarum millia, ut pote

(1) J. J. Winterl. *Prolus. de Chem.* Sec. XIX. Prol. L de causa aciditatis p. 1 sqq.

(2) *Princ. El. de Chim.* p. 98.

falsa corruere et dissipata sunt: deinde con-
torquere studeat Naturae vim et ubertatem
ad humilem inopiam, cui una tantum via
pateret, qua ad propositum finem perveniret.
Contrarium probari posset multis exemplis;
at satis illustratur hoc uno, ex saccharo, mel-
le, terra glucina desumpto, quae tria diver-
sissima sunt et origine, et natura, singula ta-
men dulcia sunt. — Posse vero fieri suspicor,
ut amplior et perfectior analysis, facta etiam
elementorum, ex una causa omnem aciditatem
repetat: sed haec est temporis filia! Nos igi-
tur videamus, an talia, quae diximus, exi-
stant acida. Et sane Trommsdorffius,
et Bertholletus docuerunt, esse gaz quad-
dam, quod plurimas habet proprietates cum
acidis communes, et tamen nihil oxygenii
continet. Est gaz hydrogenium sulfuratum;
Germani vocant acidum *hydrothionicum* (1).

Habet hoc has proprietates cum acidis com-
munes, ut aqua solvatur, ut colores planta-
rum coeruleos vertat in rubros (2), ut cum
alcalibus se iungat, et formet salia neutra;
adeo ut solutionem saponis decomponat, co-
pu-

(1) Thomſ. *Syst. de Chim.* T. III. p. 253—255.

(2) Thenardus I. l. T. I. p. 304.

pulam iniens cum alcali, et expellens oleum: ut cum oxydis metallorum sese iungat: quas salinas formas recenset omnes Thenardius (1).

Huic a quovis Chemicō pro acido habitō, addidit Davyus aliud Aⁿ 1809, quod est gaz hydrogenium telluriferum; tantopere tum aliis notis, tum odore illo molestissimo cum gaz hydrogenio sulfurato conveniens, ut pro eo aliquando a Davyo, Pepysio et Warburtono habitum fuerit (2); quod tamen accuratiōri examine aliter patuit. Hoc igitur gaz scribit Davyus, habere multas notas acidi, solvi aqua, sese coniungere cum basibus salifiabilibus alcalibus, vertere colores plantarum coeruleos in rubros (3).

His tertium adiecit Gay Lussaciūs. Hic inquirens in acidum Prussicum, cuius natura Chemicos latuit, quamquam dubium sit, utrum cetera acida maiori industria, quam hoc Prussicum, melioribus Chemicis ad examen fuerint vocata (4), haud ita pri-

(1) I. I. T. II. p. 652 sqq.

(2) Ann. de Chim. T. LXXV, p. 50 in annot.

(3) Ann. laud. p. 49—52.

(4) Vid. Beiträge zur Geschichte der Blausäure mit Versuche über ihre Verbindungen von F. von Ittner.

dem detexit eius indolem, idemque demon-
stravit, componi 44, 39 partibus carbonii,
51, 71 azoti, 3, 90 hydrogenii, ponderis ra-
tione habita; vel uno volumine vaporis carbo-
nii, et hydrogenii et azoti, utriusque, dimidio
volumine: porro inveniens, detracto ab acido
Prussico hydrogenio, superesse singularem
materiem, hanc vocavit *cyanogène*, illud *acide
hydro-cyanique* (1); id vero vidit, itemque
plures alii, omnes notas acidi exhibere.

Igitur apparet, oxygenium minime inesse
in omnibus acidis; in his vero quae oxygenio
carent, multum hydrogenii.

Atque hic quidem ulterius progrediamur,
et videamus de facultatibus, quibus distin-
guatur horum acidorum basis.

Scilicet constitit, horum basin et cum hy-
drogenio, et cum oxygenio, posse formare
acida: nam sulfur se cum oxygenio iungens,
format acida sulfurosum, et sulfuricum; et
cum hydrogenio, acidum hydrothionicum.

Unde argumentum in favorem theoriae
Davyanae videtur posse elici praestans, idque
sequens. Sicut sulfur se duabus proportioni-
bus cum oxygenio coniungit, et duo acida

(1) Thénard. l. l. T. IV. p. 227, sqq.

constituit, alterum sulfurosum, alterum sulfuricum, sed cum hydrogenio, una proportione, format acidum hydrothionicum: ita chloricum se duabus dissimilibus proportionibus cum oxygenio iungens, duo profert acida; cum hydrogenio vero una tantum proportione acidum muriat. — Atqui obiici poterit, sequi igitur, acidum muriat. convenire cum acido hydrothionico, acidum chlorici cum acido sulfurico; atque muriata cum hydrosulfuretis, chlorata cum sulfitibus et sulfatis.

Sed animadvertere liceat, primo notas diversorum acidorum non satis distinctas esse: convenient enim notae acidorum mineralium, vegetabilium, animalium, tantopere inter se, ut distingui a se invicem vix possint, nam tres horum factae classes habent fundatum in ipsa elementorum natura, quae per analysim detecta est, non autem in facultatum dissimilitudine.

Deinde satis convenient hydrosulfurata alcalina bene parata et crystallisata cum ceteris salibus. Hinc potissimum Bertholletus retulit gaz hydrosulfuretum inter acida; qui tamen acidum muriat. oxyg. ex acidorum numero proscriptis; quamquam arbitrabatur

hic inesse oxygenium, et probe sciebat; hoc illi deesse.

Praeterea non desunt testimonia convenientiae acidi muriatici cum iis, ex hydrogenio constitutis; e.g. videntur acida ex hydrogenio composita in eo convenire, ut se facile et avide cum metallorum oxydis coniungant; hoc apte acidum hydrothionicum, et gaz hydrogenium telluriferum, et acidum Pruisicum faciunt; et quam avide solvat aqua solutio acidi muriat. quaevis oxyda metallica, constat inter omnes.

Tandem quis obiecerit, muriata tantopere forma crystallina convenire cum salibus, quorum basin acidum, oxygenio compositum, saturaverit. At vero hic non nimis pre mendum est; tunc enim dixeris, si quid acidum, Pruisicum omnino continere oxygenium: nam Prusciata summopere convenient cum ceteris salibus; crystallisantur enim facile et egregie, et forma analoga ceterorum salium (1).

Denique arbitror, argumentum ex analogia petitum, acido muriat. oxyg. inesse oxygenium, quia in eo comburuntur combustibilia, ut haec facere solent in aëre, aut in gaz oxy-

ge

(1) Thénard, l. l. T. III. p. 466 sqq.

genio; aut si alia corpora, oxygenii ditia, suum oxygenium dimitunt, sicut acidum nitricum ad sulfur et carbonem in accenso pulvere pyrio, non multum valere. Hac de re variis locis exponit, Davyus. Ita (1), la „ chaleur, inquit, et la lumière sont simplement les résultats de l'agence intense de la combinaison, et c'est le fait (la vive combustion) que l'on doit attendre dans une opération aussi rapide, que celle de l'acide oximuriatique sur les métaux et les corps inflammables.” Simili modo solvit hanc obiectionem alio loco (2): qua in expositione alios Physicos secum consentientes habet (3).

Longius a quaestione aberrarem, si in notionem combustionis inquirerem; aut quid contingat in combustione, enarrarem: praeципue cum tantus sit inter Physicos, omnes et recentiores imprimis, disensus de calorico et lumine: et utrum haec existant, necne; an emit.

(1) *Journ. de Phys.* T. LXXI. p. 733.

(2) *Journ. de Phys.* T. LXXIX. p. 267. *El. de Phil. Chim.* T. I. p. 368.

(3) cf. *Beknopt Handboek der Scheikunde* door P. van Werkhoven II. Druk 1815. p. 351.

emittantur ex corporibus; an vero ex motu quodam molecularum, an ex aliis? Sed res videtur ita posse diiudicari: nimirum, utrum demonstrari possit, num, praeter combustiones in gaz acido muriat. oxyg., obtineant combustiones absque oxygenio, quod si demonstrari possit, videtur illa objectio parum tangere theoriam Davyanam. Itaque videamus. Et constat, quantum calorici liberum fiat, si aqua cum calce viva, aut cum acido sulfurico se coniungat: constat ex pressione aëris calorificum et lucem prodire: memoratur potassium, dum in contactum venit cum tellurio et arsenico, cum his se subito coniungere, et flamas et calorificum emittere (1); quibus plura eiusmodi generis exempla addere si vellemus, possemus: sed malo Nostrates laudare, qui experimentis pluribus, iisque egregiis, et maxime perspicuis ostenderunt, esse corpora, quae absque oxygenio inflammantur et velut comburuntur (2).

Ob-

(1) Davyus *El. de Phil. Chim.* T. I. p. 367. 368.
Thomſ. l. l. T. II. p. 263 sqq.

(2) cf. Expériences sur l'inflammation du mélange de souffre, et des métaux, sans la présence de l'oxygène; *Récherch. Physico-Chim.* 1794. Cah. III. p. 73—96.

Observarunt enim miscelam sulfuris et metallorum purorum inflammari, i. e. chemice conjungi, una cum lucis et calorici emisione; prae primis 3 partes cupri (1), ferri, stanni, zinci (2) et unam sulfuris puri inflammari in gaz azoto, hydrogenio, acido carbonico (3), sub mercurio, aqua (4), in vacuo (5). Hinc pergunt: „ les métaux et le souffre après avoir été enflammé, ont cessé d'être seulement un mélange mécanique, que, ils se sont combinés ensemble, ils sont devenus des sulfures métalliques. Ne se pourrait-il pas, que ces sulfures formés n'ayent pas assez de capacité calorifique comme partie constituante, pour absorber le total du calorique contenu, dans les métaux, et dans le souffre, considérés pour soi. Dans ce cas, il faut qu'il y ait dégagement de ce calorique libre, et si ce dégagement se fait en quantité et rapidement, il y aura non seulement de la chaleur,

(1) I. I. p. 73 sqq. Exp. IV. V. VI. VIII.

(2) I. I. p. 78. 79. Exp. X.

(3) I. I. p. 83. XIV.

(4) I. I. p. 85 sqq. XVII.

(5) I. I. p. 80. sqq. XIII.

„ leur, mais encore de la lumière et de la
„ flamme (1).”

Igitur obtainere appareat, combustionem absque oxygenio. Quare necesse non est quod concludas, inesse oxygenium gaz acido muriat. oxyg., cum alat flammam. Intelligitur itaque, vulgo receptam combustionis notionem nimis arctis circumscribi limitibus, quippe quae sola pertinet ad oxydationem aut oxygenationem: haec vero latius pateat, necesse esse; sulphur enim et metalla comburi nec tamen oxydari quare forsitan haud male definieris, si combustionem obtainere dixeris, quando duo vel plura corpora sub lucis et calorici emissione se coniungant; modo teneas, solitum combustionis in aëre eventum esse oxydationem vel oxygenationem. Universæ omnis ambiguitas facile evitatur, modo teneatur definitio a Nostratis data. Nommons, pergunt, „ *inflammation* toute forte „ de dégagement de calorique, qui se fait „ avec lumière et flamme, et retenons si „ l'on veut, les mots *combustion*, pour dis- „ tinguer, quand cela est nécessaire, ces in- „ flammations là, qui sont causées par l'oxy- „ gène.

„ gène, qui se combine avec dégagement de
 „ flamme, tandis que le mot *oxydation* reste-
 „ ra pour signifier les combustions lentes,
 „ sans flamme sensible (1).”

Tandem cum gaz acidum muriat. oxyg. po-
 lo positivo attrahatur, cum in gaz acido mu-
 riat. oxyg. corpora inflammentur, cum acidum
 muriat. oxygenat. ita se cum variis basibus
 inflammabilibus coniungit, analogiae usu gaz
 acidum muriat. oxyg. et gaz oxygenium in unam
 classem redegit Davyus (2): quod utrum re-
 cte, non hic locus est disputare.

Quibus omnibus collectis appareat, acidum
 muriat. oxyg. exhibere proprietates, a ceteris
 acidis et oxydis diversas: deinde distingui no-
 tis suis, si velis, cum gaz oxýgenii proxime
 convenientibus: tum copulas acidi muriat.
 oxyg. cum basibus salificabilibus, metallis, dif-
 ferre a ceteris copulis salium: deinde esse aci-
 da, quae componuntur basi et hydrogenio:
 porro esse bases, quae formant acida cum
 hydrogenio, et cum oxygenio: deinde aci-
 dum muriat. habere proprietates commu-
 nes cum acidis hydrogenio compositis: solu-

(1) I. I. p. 96. cf. Thomf. I. I. T. II. p. 263 sqq.

(2) Davyus *El. de Phil. de Chim.* T. I. p. 367 sqq.

tiones salium muriatum habere proprietates communes cum aliis salibus; deinde salia composita acido, cui hydrogenium inest, exhibere proprietates salibus communēs, quorum oxydatae bases cum acidis, ex oxygenio natis, coniunctae sunt, sicut prussiata: acidum muriat. oxyg. varie posse oxydari; et si magis oxydatur, constituere acida: detracto oxygenio converti in oxyda: haec acida habere proprietates, reliquis acidis proprias: denique inflammationem absque oxygenio posse obtinere; neque igitur in omni combustione fieri oxydationem aut oxygenationem corporis combusti.

Cum itaque vidimus de analogiae usū in confirmanda doctrina Davyana, videamus de eiusdem usū in Bertholletiana.

Cum floreret vere doctrina Lavoisieriana, eaque probasset, phosphorum, carbonem, sulfur, combusta vel in aëre, vel in gaz oxygenio converti in acida (1); in reliqua acida accuratius indagatum est; qua indagatione cum efficeretur, acida quaecunque ad examen vocarentur, componi basi et oxygenio; hoc vocatum est principium acidificans,

(1) Lavoisier *Traité de Chim.* T. I. p. 57 sqq.

cans, atque inde generales acidi propriétates deductae sunt: quod patet ex hoc Fourcroyi loco (T. II. p. 27.) „, puisque l'oxygène ou principe acidifiant est commun à tous les acides, il est naturel d'attribuer leurs propriétés générales d'acide à ce principe.” Hinc factum est, ut, cum basin acidi non inventirent, quaerere coeperint, utrum proprietates acidi, cuius natura latebat, cum iis cognitorum acidorum convenienter: quarum aliquot cum viderent similes proprietatibus acidorum, quorum natura erat cognita, inferebant acidum incognitum componi ea ratione, qua reliqua erant composita, i. e. basi et oxygenio. Hinc cum invenirent, proprietates acidi muriat convenienter cum proprietatibus acidorum cognitorum, affirmabant, esse acidum muriat. compositum basi et oxygenio: deinde cum reperisset Lavoisierius, praeeuntibus Priestleio et Cavendishio, corpora combustabilia, sulfur, phosphorum, metalla, dum combusta erant, ponderis incrementum passa fuisse, ipsum autem aerem, in quo erant combusta, ineptum esse redditum ad flamman alendam; neque in eo comburi corpora combustabilia, neque amplius ponderis incrementum capere; ipsum vero gaz, cum a metallis

com-

combustis seiungeretur, et colligeretur, tan-
tum esse, quantum ponderis decrementum
aër caperet: idque gaz habere facultatem
flammea alenda, et combustibilia in calces,
et acida convertendi: primo, repugnante qui-
dem, ut fit, deinde vero rei perspicuitate con-
victa schola chemica, assumptum est, combus-
tionem oriri ex copula principii, oxygenii
dicti, cum corpore combustibili. Quum ita-
que deinde invenirent, acidum muriat., tra-
ctatum cum oxydis metallicis, converti in no-
vum gaz, ipsum vero oxydum metallicum
amittere oxygenium: deinde illud novum gaz
hanc habere facultatem, ut in eo comburantur
corpora; hanc combustionem derivarunt
ex oxygenio, quod ex oxydo metallico sibi ad-
scivisse putabant acidum muriaticum. Hinc
tum temporis affirmatum est, componi acidum
muriat. oxyg. acido muriat. et oxygenio.

Haec sunt potissimum argumenta, ex ana-
logia desumpta ad probandam horum acidorum
naturam, quae omnino pulchre cohaerebant,
et rei probationi tunc temporis sufficiebant:
nec mirum; erant Lavoisierii; quodnam
vero his pretium nunc sit statuendum, post
tot et tanta inventa, iam vidimus. His ve-
ro deinde alia argumenta sunt addita, pae-
pri-

primis novissimo tempore. Quorum praecipua recensebimus.

Acidum muriat. oxyg. dicitur habere proprietates cum corporibus oxydatis communes (1) — I. Odorem.

Est enim ipsius odor pungens, acris, suffocans. Hujus autem argumenti vim equidem non magnam existimarem. Sunt, fateor, acida, quae ingrate et moleste olen, ut sulfurosum, nitrosum, alia; contra tamen sunt alia, quae non olen; num igitur, quaerere liceat, acidum tartaricum, aut gaz acidum carbonicum non sunt acida, quia non olen? aut acidum sulfuricum minus acre, minus acidum, quia non olet, quam foetidum sulfurosum: atqui ne acidum quidem muriat. oxyg. est acidum: quodsi vel concesserim esse oxydatum; nonne sunt plura, ad respondendum habeo, corpora oxydata, quae non olen? nonne inter corpora, pro simplicibus habita, inveniuntur

(1) *Reperf.* von Büchner B. V. St. I. p. 52. Cf. Gilbert *Ann. L.* p. 356sqq. *Journal von Schweigger* B. XI. XII. Hildebrandt in *Neues Journal für Chemie und Phys.* Bd. XIII. H. I. 1815 S. 72. et *Handwörterbuch der allgemeinen Chemie* von S. F. John 1817. B. I. p. 166. 167. et *Auct.* ibi laud.

tur oletia: gaz hydrogenium olet ingrate; plura metalla suum habent odorem, unde vel distingui posunt, quem singula amittunt, cum oxydantur.

II. Solubilitatem (1) in aqua. Hoc argumentum gravius est, et omnino stringit: omnia enim acida gazoza facile aqua solvuntur, ut gaz acid. carbonicum, nitrosum, sulphurosum, phosphorosum. Liceat tamen monere, alia gaz simplicia etiam aqua solvi, ut gaz hydrogenium, oxygenium: praeterea hanc facultatem habere diversissimam corpora, quae tamen ad eamdem classem pertinere censemur; ita e. g. constat, oxydorum metallorum nullum aqua solvi, deliquescent tamen potassa et soda.

III. Crystallisandi facultatem (2) in frigore. Omnino hac carent gaz simplicia, oxygenium, hydrogenium. Atqui animadverto, hac etiam carere gaz acida, nitrosum, sulfurosum, phosphorosum, carbonicum: praeterea gaz acid. muriat. oxygen. non crystallisari, nisi se cum aqua coniunxerit: nam Davyus fccatum gaz acidum muriat. oxyg. invenit mi-

(1) Ibid.

(2) Ibid. l. l.

minime solidescere, ne ad gradum zero scalae Fahrenheitiae: sed cum in aqua gaz solvissit, hoc invenit concrēscere ad gradum 40 Fahrenheit: porro constare, non sola acida esse corpora, quae crystallisentur, sed facultatem formam solidi assumendi competere fere omnibus, quae cognoverimus corporibus, aliis quidem in igni, aliis in aqua. Atque hinc inferri posset, hanc generalem esse corporum proprietatem, et ad ea quoque pertinere, quae sola tamquam gaz existere cognoscuntur; hanc vero in his impediri et quasi praeverti variis in quibus versentur conditionibus, temperatura maiori, e. g. pressione minori; nec male; quodsi fingas semper regnasse temperaturam maiorem 32 grad. scal. Fahrenheit., num facilem et perspicuam aquae crystallinae notionem fore credas? aut si gradum temperaturae sexcentesimum ad quadragesimum infra zero fedigas, nonne gaz mercurii in octaëdricas crystallos solidescet? quidni igitur tantum temperaturae frigus cogites, quo detracto calorico, gaza simplicia solidescant; imprimis, si illud adiuveris sufficientis pressionis auxilio. — Quibus addas observationes, simplicia corpora, ut metalla, cum aqua formam solidam assumere peculi-

arem: quam quidem hydrateorum perscrutationem suspicor, et velut auguror, limpidum aperuisse fontem rectius cognoscendi plures plurium corporum facultates, et aliquando ducturum fore ad bonam multorum naturae phaenomenorum intelligentiam.

Sed video tempus esse ad ea quae superfint, progrediundi.

C A P U T IV.

DE USU BASEOS ACIDI FLUORICI ET PRINCIPII IÖDICI IN CONFIRMANDA VETERI THEORIA BERTHOLLETTIANA ET DAVYANA.

Cum detexisset Margrafius Aº 1768 in fluore sive spatho fusibili non inesse acidum vitrioli, sicut credebatur tum temporis (1), ulterius progresus est Scheelius: hic enim docuit Aº 1773 esse in illo spatho singulare acidum, idque vocavit fluoricum (2). Quod cum deinde negarent Physici, omni, qua erat, ingenii sagacitate usus est Scheelius, ut suam contra adversarios sententiam defendereret, et confirmaret; quam defensionem brevi subsecuta est plena victoria, omnibus

Che-

(1) Thomſ. I. I. T. III. p. 64.

(2) Scheele *Exam. Chem. Fluoris mineralis, ejusque acidi in Opusc. II.*

Chemicis Scheelio assentientibus. Expellitur ex fluore hoc acidum sub specie gaz, acidi sulfurici ope, et est memorabile praeferunt duabus facultatibus, quarum altera est haec: ut ex gazosis corporibus sub forma densae et albae nebulae aquam hygrometrica in gaz contentam extrudat (1); altera est molestissima illa vasa vitrea corrodendi et perdendi vis, attrahendo materiam siliceam (2): ob quam ei Amperius nuper dedit nomen acidi *Phthorici* a voce *Φθορίος* (3). Saepius est hoc acidum ad examen vocatum, ut detegeretur eius compositio; irrita tamen hunc in finem fuerunt quaevis quorumvis Chemicorum tentamina (4). Quum autem potassii et sodii insignis vis et oxyda, et acida, et plurima corpora alia decomponendi, detecta et confirmata est, primi fuerunt Gay Lusfaciūs (5) et Thenardus, et mox Davyus (6), qui haec metalla ad-

(1) *Mem. d'Arcueil.* T. II.

(2) *Beknopt Handb. der Scheik.* door P. van Werkhoven p. 342. 343. cum annot. et Auct. ibi laudd.

(3) *Ann. de Chim.* Mai 1816. p. 24.

(4) *Thomſ. I. I.* T. III. p. 65.

(5) *Ann. de Chim.* T. LXVI. p. 213 sqq.

(6) *Journ. de Phys.* T. LXXIX. p. 397—401.

adhibuerunt ad decomponendum acidum fluoricum, eiusque naturam inveniendam.

Tres sunt principes formae sub quibus occurrit acidum fluoricum.

Primum est acidum fluoricum siliceum, primo Scheelio inventum, deinde a Priestleio ulterius examinatum. Acquiritur, si spathum cum acido sulfurico et vitro calefiat. Est fluidum elasticum, densum, materiem siliceam solutam ferens, cum gaz ammonia in sal concrescens. Alterum est acidum fluoricum liquidum a Scheelio inventum, purum autem a Gay Lussacio et Thenardio paratum. Paratur, si acidum sulfuricum purum et spathum in vasis argenteis aut plumbeis tractentur.

Excitat cum aqua calorem, et habet singularem proprietatem, ut cum aqua densum fiat: adeo ut Davyus observaverit, gravitatem specificam tunc increscere ab 1-25.

Est in instituendis experimentis molestum, et plurimum vexavit Davyum et Gay Lussacium et Thenardum (1).

Tertium denique est acidum fluo-boricum

a

(1) *Ann. de Chim.* T. LXIX. p. 204 sqq. *Mem. d'Arcueil* T. II. p. 317 sqq.

a Gay Lusfacio et Thenardo inventum (1).

Acquiritur, si in tubo ferreo miscela acidi boracici vitrei et spathi candefiat. Superat bis et tricies gravitatem specificam gaz hydrogenii; cum ammonia concrescit in sal, quod in aqua format acidum boracicum. Videamus iam, quomodo potassium in haec singula agat.

Si potassium igni fusum in contactum veniat cum gaz acidi fluorici-silicei, comburitur, multum lucis et calorici emittitur, multum gaz evanescit, et prodit aliquod gaz hydrogenium, et nascitur materies fusca, palpabilis, cum aqua effervesces, et gaz hydrogenium emittens (2).

Si cum acido fluorico liquido puro potassium tractetur, nascitur gaz hydrogenium et fluas acidum (3) potassae, si cum acido fluoborico, fluas potassae et basis acidi boracici (4). His itaque ut factis consideratis, videamus quaenam sint Physicorum sententia.

(1) *Ann. de Chim.* T. LXXXVIII. p. 236 in annot.

(2) *Ann. de Chim.* T. LXIX. p. 215 sqq.

(3) l. l. p. 211—213. *Ann.* T. LXXXVIII. p. 277.

(4) *Ann. de Chim.* l. l. p. 277.

tentiae de natura acidi fluorici, eiusque copulis cum aliis materiis.

Sunt duae, maxime diversae, quarum altera sumit, gaz acidum fluoricum siliceum esse compositum terra silicea et acido quodam singulari, instar reliquorum, formato basi et oxygenio: acidum fluo-boricum esse compositum acido boracico et fluorico: denique acidum fluoricum purum componi aqua et acido. Et haec est sententia vulgo recepta, praesertim ab iis, qui veterem Bertholletianam theoriam defendunt (1).

Altera a Davyo et Amperio accepta contendit, acidum fluoricum siliceum esse formatum principio singulari *phthorico* (*fluorine*,) dicto, nondum decomposito, analogo chlorico et oxygenio, coniuncto cum *siliceo*, sive basi terrae siliceae: acidum fluo-boricum esse compositum eodem principio, et borio; basi acidi boracici: acidum vero fluoricum liquidum purum esse formatum eodem *phthorico* et hydrogenio, igitur simile acido muriatico (2).

Itaque mox apparet, utramque theoriam posse explicare omnia phaenomena, ea ratio-

ne,

(1) I. l. p. 1.

(2) I. l. p. 1.

ne, qua utraque explicat phaenomena, quae edunt acida muriat. oxyg. et muriaticum.

Hoc exemplis illustrare, non incongruum mihi videtur. Fluatis potasae et borii originem ex combustionē potassii in gaz acido fluo-boracico, ita explicarem Berzelianus, ut oxygenium acidi boracici se coniungat cum potassio, unde hoc oxydatum solvatur in acido fluorico, atque ita liberum fiat borium: contra Davyanus ita, ut phthoricum, principium se coniungat cum potassio (sicut chloricum cum potassio solet facere) unde borium liberum fiat.

Sic phaenomēna ex combustionē potassii in acido fluorico puro, ita exponerem Berzelianus, ut aqua, contenta in acido fluorico, decomponatur, eiusque hydrogenium liberum fiat, sed oxygenium sese iungat cum potassio, atque hoc nunc in acido fluorico solvatur. Contra Davyanus hoc modo: ut acidi fluorici basis, (fluorine) sese iungat cum potassio, hydrogenium vero acidi fluorici liberum evadat. Atque plura phaenomena, quae offerant tres memoratae materies, ex utraque theoria simili modo explicari posse videntur. Experimenta vero nondum instituta sunt, unde litis compositio apparet. Quae enim a

Gay

Gay Lussacio, Thenardo (1) sunt facta, cum haec aequa facile utramque expositionem admittant, haec non illustrare censenda sunt naturam acidi fluorici. Pauca igitur illa videamus, quibus deinde Davyus probatam putat suam sententiam.

I. Acida, quae sunt composita oxygenio, basi, et aqua, sicut acidum sulfuricum, nitricum, emittunt aquam, si in contactum venniant cum gaz ammoniae: igitur acidum fluoricum, quum esset compositum aqua, oxygenio, et basi, quoque aquam emitteret, si in contactum venerit cum gaz ammonia; hanc vero, summa adhibita cura, Davyus, usus appara- tu platinae, ex gaz ammoniae et acido fluo- rico puro, in sal conversis, nullam detegere potuit (2).

II. Si salia ammoniae, quorum acidum con- tinet oxygenium, ut sulfas ammoniae, nitratas ammoniae, cum potassio tractentur, ammonia secernitur, et basis acidi, ita azotum in hoc sale, sulfur in illo; igitur, si acidum fluoricum esset compositum basi et oxygenio tum etiam basis potassio eliceretur, et oxygenium de-

(1) l. l. p. 282 sqq.

(2) *Ann. de Chim.* T. LXXXVIII. p. 279 sqq.

detraheretur; sed longe alium experimenti eventum vidit Davyus, cum fluatem ammoniae cum potasio calefaceret: sicut enim potassium agit in muriatem ammoniae, ita etiam in fluatem ammoniae; scilicet ammonia expellitur et gaz hydrogenium: igitur nullum indicium aut oxygenii aut basis inflammabilis (1).

III. Omnia hydratea (i. e. corpora, in quibus proportiones definitae aquae coniunctae sunt cum acidis, alcalibus, oxydisve aliis) decomponuntur columnna Galvanica, eorumque principia inflammabilia attrahuntur aut mera, aut cum aliqua oxygenii copia coniuncta, a superficie negativa, dum oxygenium attrahitur superficie positiva; ita acidi sulfurici sulfur et hydrogenium a negativa; attrahitur oxygenium vero a superficie positiva, ita cum acidis phosphorico, nitrico, obtinet: contra, cum columna tractato acido fluorico puro corrodebat filum platinae ad polum positivum, et tegebatur pulvere fusco; et ad negativum, observabatur materies gazosa, quae videbatur esse hydrogenium: igitur si esset hydrateum acidum fluoricum purum,

ubi

(1) I. I. T. cit. p. 281 sqq.

ubi tum oxygenium aquae; ubi basis acidi (1)?

IV. Corrodit acidum fluoricum plura metalla, stannum, plumbum, alia; eaque vertit in varios pulveres coloratos. Ex quibus allatis concludit experimentis Davyus, „ la mat, „ nière la plus simple de les expliquer (les „ phenomènes de l'application de l'electricité „ voltaïque à l'acide fluorique) c'est de sup- „ poser l'acide fluorique, ainsi que l'acide „ muriatique, composé d'hydrogène, et d'une „ substance jusqu'ici inconnue sous une for- „ me distincte, possédant, comme l'oxygène „ et la chlorine, l'énergie électrique négati- „ tive, par consequent portée à la surface „ positive, et fortement attirée par les sub- „ stances métalliques (2).”

V. Considerans Davyus composita acidi fluorici esse copulas *phthorici* et combustibilium, instar copularum chlorici, quum arbitraretur chloricum separari ab hydrogenio per oxygenium, et oxygenium separari a metallis per chloricum, probabile esse suspicabatur, illud *phthoricum* posse separari a basibus, sive chlorico, sive oxygenio: quod confirmatum

vi-

(1)

(2) T. I. p. 285—287.

vidit pluribus experimentis, ita fluas mercurii et argenti decomponi chlorico, ut etiam fluata potasae et sodae (1).

VI. Tandem animadvertisit Davyus, si ratio habeatur proportionum definitarum, debere assumi, acidi fluorici basin multo plus oxygenii continere, quam aquam ipsius acidi hydrateae, id autem repugnare analogiae. Ex quibus omnibus deducit Davyus, contineri in acido fluorico materiam quamdam fluorinam (phthoricum) hancce habere magnam cum hydrogenio et metallis affinitatem (2). Hinc, hanc nomenclaturam proposuit Amperius, ut principium acidi fluorici dicatur *phthoricum*, quod cum hydrogenio cum formet purum acidum fluoricum; hoc dicatur *hydro-phthoricum*: huius salia *hydro-phthorata*: sin autem phthoricum se cum oxygenio iungat, et formet *acidum phthoricum*, eius salia *phthorata* vocentur (3). Omnibus vero collatis, quamquam cum Thenardo et Tierrio opinamur, hanc rem minime extra dubium esse positam, tamen

(1) Tom. I. p. 288—293.

(2) Tom. I. p. 295. 296. *Journ. de Phys.* T. LXXIX. p. 259—264.

(3) *Ann. de Chim. et de Phys.* May 1816 p. 24.

men apparuit, praeterquam quod theoria, Davyana poscit exponere phaenomena, ad acidum fluoricum pertinentia; instituisse et attulisse experimenta et argumenta Davyum, quae altera theoria non ita facile explicet; praeprimis si analogiae ratio habeatur: exhibere enim proprietates et agendi rationem acidum fluoricum, dissimiles iis acidorum, quae constant basi inflammabili, et oxygenio, contra convenientes aliis generis acido, quocum igitur etiam natura conveniat.

Denique considerandum est principium *Iodicum*.

B. Courtois (1) A° 1811 in lixiviis sodae de varec primus observavit materiam quamdam singularem; cuius cum certiorem fecisset Clementium, hic hanc examinare coepit, eiusque mentionem fecit mense Nov. A° 1813 (2), quo experimenta hac de re communicavit cum Societate Instituti Regii Parisiensis: hic autem Davyo, qui tum Parisiis degebatur, monstravit materiam: paulo post vero haec optimos quosque chemicos multum occupavit; ut
Gay

(1) *Ann. de Chim.* T. LXXXVIII. p. 304. T. XCI. p. 118 sqq.

(2) *Ann. laud.* T. LXXXVIII. p. 305.

Gay Lussacium (1), Collinum (2), Davyum (3), Vauquelinum, Gaulthier de Claubry (4), Berzelium, Doeberinerum, Stromeyerum, Lampodium, Büchnerum (5), alios. Unde non mirum est, tanta tantorum Chemicorum industria fortuitam novae materiae detectionem, mox secutam fuisse eiusdem proprietatum fatis plenam historiam. Quam quidem hic, si liceret meae satisfacere voluntati, quantum ego possem, traderem integrum, ni metuendum esset, ne ex rei amplitudine nimis a proposito consilio aberrarem; igitur eam invitus relinquens, ea tantum memorabo, quae ad quaestione pertinere videntur. Quem in finem enumerabimus praecipuas proprietates et copulas principii *Iödici*: quo facto fatis superque apparebit, qualis et quanti sit usus et momehti principium hocce *Iödicum* ad litem de natura acidorum muriatici, et muriat. oxyg., componendam.

Col-

(1) I. I. T. cit. p. 4—96.

(2) *Journ. de Phys.* T. LXXIX. p. 31 sqq. p. 111 sqq.(3) *Journ. I. T.* LXXVII. p. 456 sqq. T. LXXIX. p. 154 sqq.

(4) I. I. T. LXXX. p. 147 sqq.

(5) *Repert. von Büchner B. V. St. I.* p. 71 sqq.

Colligitur haec materies, si lixivio sodae de varec infundatur acidi sulfurici ea quantitas, ut acidum abundet, deinde omnis miscela calefiat: tum vapores exsurgunt, eximie violacei, qui frigefacti sub specie lamellarum inhaerent vasis parietibus. Ob hunc egregium colorem dicta est a Gay Lussacio iöde, a voce ιωδης. Claubry vero fuit, qui examini subiecerit Fucos, (sodae enim de varec dicitur illa sodae species, quae acquiritur ex fucis, ad mare crescentibus;) ut fucos ferratos, vesiculosum, siliquosum, ulvas, alias plantas; ex nulla autem maiorem iödici copiam comparavit, quam ex fuco saccharino: in pluribus tamen eiusmodi plantis frustra hoc quaeſiverunt Büchnerus et Stolzius. Continetur autem Iödicum in fucis sub forma acidi hydro-iödici, basi euidam adiuncti.

Iodium modo, quem supra tradidimus, paratum, sequentes habet proprietates.

Formam lamellarum rhomboïdalium; splendorem metallicum; colorem plumbagineum; odorem pungentem, simillimum acidi muriat oxyg.; saporem acerrimum; gravitatem specificam metalli.

Perdit colores vegetabiles.

K

Sol-

Solvitur aqua; et haec miscela fit flavoaurantea: funditur ad gradum 107°, et facile fit volatile.

Habet proprietates tales electricas, quales oxygenium, et acidum muriat. oxyg.; ducitur versus polum positivum.

Se coniungit cum corporibus combustibilis. Cum phosphoro se iungit, et tum emittitur caloricum et lux: ad quam miscelam, si aqua accesserit, vapores acidi provenient.

Se coniungit cum sulfure, et format quamdam materiam griseam.

Se coniungit in igni cum hydrogenio, et format acidum: 100 partes iodici, et o. 849 hydrogenii, constituunt hoc acidum.

Cum carbonio se nullo modo coniungit, neque solita temperatura, neque igni.

Cum azoto copulam init, (sicut detexit Courtoisius, confirmarunt deinde Collinus, Gay Lussacius et Vauquelinus) et formatur pulvis fuscus facillime detonans; paratur hic, si gaz ammoniae tractetur cum iodo.

Cum metallis quibusvis sese coniungit: ita 100 partes iodii se iungunt cum 26, 225 zinci: ita cum ferro, stanno, stibio, cupro, plum-

plumbo; si cum potasio iungitur, emittitur multum calorici et luminis. Omnes hae copulae iodii cum metallis (*iödures* vocant) decomponuntur acido nitrico, sulfurico ita, ut metalla oxydentur et secernatur iodium: etiam decomponuntur acido muriat. oxyg.; sed iodum cum sulfureta et phosphoreta decomponit. Memorabilis est actio principii iodici et oxydorum: si in contactum veniat iodum cum oxydo potassii, oxygenium expellitur et acquiritur ioduretum potassii, quod oxygenium provenire videtur ex potasio, cum copia oxygenii emissâ conveniat cum copia oxygenii in potassio contenti: singularis magis est actio si ad haec accedat aqua, tum enim formantur acida diversa duo, iodicum, et hydro-iodicum; hinc concludit Gay Lusiacius, postquam multa eiusmodi exempla attulerat;

Videri oxyda alcalina, quae oxygenium habent, quasi condensatum maxime, et cum acidis perfecte, neutras vocant, constituunt materies, ita cum iodo decomponere aquam, ut iodata proveniant, et hydro-iodata.

Oxyda metallica vero, quae minus condensatum habent oxygenium, et minus perfecte neutras cum acidis formant copulas, non valere aquam decomponere, ita ut iodata proveniant.

Oxyda vero, in quibus magis solutum inest oxygenium, cum iödio aquam non posse decomponere, at convertere iodium, tradito suo oxygenio, in acidum (1).

Si iödicum tractetur cum phosphoro, dein haec miscela cum aqua, formatur gaz quoddam acidum, quod, si in contactum veniat cum mercurio, decomponitur: mercurius enim vertitur in materiam flavo-viridem, et gaz hydrogenium liberum fit: quod efficit dimidium partem gaz acidi adhibiti. — Hoc gaz acidum tractatum cum metallis, potasio, zinco, formantur iödureta (tales copulae, quales formantur, si iodium tractetur cum iisdem metallis) et liberum fit gaz hydrogenium. Praeterea si gaz illud candescat cum gaz oxygenio in tubo ferreo, formatur aqua, et liberum fit iödicum.

Sin autem in contactum ducatur iodium cum gaz hydrogenio sulfurato, formatur gaz hoc acidum, et expellitur sulfur. Hinc dicit **Gay Lusfacyus**, cumque eo fere omnes, non dubiam esse indolem huius acidi; quippe esse compositam hydrogenio et iödio; quare

vo-

(1) *Ann. de Chim.* T. XCI. p. 44. 45.

minem de praeiudicata opinione accusare;) is inquam, velit in memoriam revocare, quae diximus de historia acidi muriat. oxyg.; deinde sciat, et huius facultates et copulas, et multorum aliorum corporum tunc latuisse, quae nunc innotescunt; acida nempe, quae oxygenio carent; copulas acidi muriat. oxygen. cum azoto, sulphure, phosphoro; et quae alia pugnant argumenta pro simplicitate acidi.

Atqui aliquis obiecerit, omnem de iodio oxydato sententiam Berzelium finxisse ex sua de acido muriat. oxyg. quam tueretur sententia; equidem respondeo, quominus quis isti suspicioni indulgeat, vetare probatam Viri fidem, et veri amorem; et vero prudentiam, et ingenii magnitudinem. — Nunc igitur pergamus ad caput ultimum.

C A P U T V.

C O N C L U S I O .

Quae omnia si in unum contrahamus confici posse videtur:

Nulla esse experimenta, quae ex puro gaz acido muriat. oxygen. eliant oxygenium; quod autem prodeat oxygenium in experimentis, cum acido muriat. oxygen. et oxydis captis, ex oxydis emitti, si horum bases cum acido muriat. oxygen. sese coniunxerint: probatum enim esse, quantitatem gaz oxygenii emisi eam esse quam continent oxyda; producta vero esse eadem, quae acquiruntur, si bases eorum, dum omni carent oxygenio, cum acido muriat. oxygen. coniunxeris.

Esse experimenta, quae probent, proprietates competere acido muriat. oxygen., diversas a ceteris et oxydis, et acidis.

Copulas acidi muriat. oxygen. cum quibusvis corporibus distingui proprietatibus, a copulis acidorum, oxydorumque cum iisdem corporibus, longe diversis. Nullam non tantum esse repugnantiam in experimentis Davyanis, sed summam convenientiam; singula enim

enim per se ad eandem ducere conclusionem ad quam variata, repetita, extensa, cōnexa; alterumque ex altero expóni, et se invicem firmare. Experimenta, quibus velint, aquam contineri in gaz acido muriat., admittere aliam exponendi rationem; semper enim tunc concurrere corpora ex quibus illius aquae origo apte derivetur: contra experimenta alia probare, nihil aquae inesse gáz acido muriatico, atque haec nulla, nisi Davyana theoria, et hac quidem facillime, exponi.

Doctrinam proportionum definitarum utriusque theoriae inservire: quippe ex qua et una et altera pars argumenta deponat, ad suam theoriam firmandam.

Argumenta ex analogia desumpta, quibus veteris theoriae defensores utuntur, omnia acida, atque adeo etiam acidum muriat. oxygenat. constare basi et oxygenio, minus valere, post alia acida detecta, quibus deest oxygenium, quaeque basi et hydrogenio sunt composita.

Argumenta quibus velint oxygenium inesse acido muriatico oxygen. quia in hoc comburuntur inflammabilia, debilitari et refelli ex observatis combustionibus sine oxygenio.

Esse vero piura, eaque certissima argumenta ex analogia petita, quae solvi non possunt,
ad

ad quae pertinent maxime, quae enumeravimus, in usum theoriae Davyanae.

Esse inventa corpora, consensu Chemicorum pro simplicibus habita, quorum proprietates convenient cum iis acidi muriat. oxygenat. adeoque hoc non aliter simplex esse quam illa.

Haec omnia in suum commodum habet doctrina Davyana: quae porro confirmatur ex regula Lavoisieriana, nullum corpus pro composito esse habendum, nisi composita eius natura experimentis fuerit demonstrata: et vim maiorem nanciscitur ex regula Newtoniana, quae iubet illam theoriam sequi, ex qua facillima et plenissima petatur phaenomenorum explicatio: Quibus additum velim Ipsius veteris theoriae conditoris consensum: qui igitur suo exemplo nostrum iudicium confirmavit, non suam, sed novam theoriam *Davyanam praerogativam mereri.*

Haec sunt, quae ad propositam Quaestio-
nem conferre potui; multae quidem in scrip-
tione sint lacunae, quae expleri, errores in
ratione et oratione, qui corrigi debeant, sed
tamen ipsi unius partis studium deest.

T A N T U M.

IOACHIMI SANDRA,
LUGDUNO-BATAVI,
IURIS CANDIDATI
IN ACADEMIA RHENO-TRAJECTINA,

R E S P O N S I O

AD QUAESTIONEM

A B

ORDINE IURIDICO
PROPOSITAM:

Quae videtur ratio fuisse, quod Romani in infantia Iurisprudentiae simplicitatem iuris naturae non aequa servaverint in negotiis stricti iuris, atque in iis, quae bonae fidei dicuntur? Qua ratione, salvo iuris principio, iniquitatem inde oriundam correxerunt Romani? An modus procedendi apud Romanos vim habuit diversam circa valorem negotiorum, circa petitionem actoris, remedia defensionis et officium iudicis, prout negotia erant bonae fidei vel stricti iuris? An mutato procedendi modo cessavit etiam actionum bonae fidei et stricti iuris differentia?

QUAE PRAEMIUM REPORTAVIT.

O Leges! nobis carae sunt non proprie litteras, quae
tenues et obscurae notae sunt voluntatis, sed propter
earum rerum, quibus de scriptum est utilitatem et
eorum qui scripserint sapientiam et diligentiam.

Cicero, de Inventione.

P R A E F A C T O R I

Profecto, siquidem id quod molitus sum operis mecum diligentius infuerar, iuvenili ac temerario more egisse videbor, cum eiusmodi proposita sit materia, ut plane tutus in elaborando esse nequeam. Illud vero argumentum a nobilissimo Ordine Iuridico Academiae Rhenotraiectinae studiosis propositum, tantum mihi utilitatis promisit, ut et plus animi adiiceret, ad difficultates, quae imminerent scribenti, superandas. Ita enim mihi persuasum habebam, quamvis etiam minus prospere ipsa efficienda res mihi cessisset, tamen ad cognoscendam Iuris Romani originem, progressum et peculiarem indolem atque rationem, optime mihi consultum iri.

Quod ad rerum seriem attinet et agendi ordinem, cum id quidem in quavis re maximi sit, non potui iutiore via procedere, quam si ex praescripta Clar. Virorum quaestione omnem disputationem ordinasse. Cum vero aliquantum mihi in via progresso, quaedam occurrent argumenta, quae propter amplitudinem a proposito consilio animum seducerent, id mihi

In primis cavendum censui, ne in ipsis explicandis iustos fines produci paterer: qua quidem in re, cum difficilius sit modum servare, si deliquisse subinde videar, aequo animo accipiatur velim. Alterum erat non exiguae cautionis, ut, quo loco res apud Interpretes controversae dubium animum huc illuc diverse trahebant, in eas omnes exponendas non nimium temporis ac studii conferrem, sed in quibusdam maioris momenti sententiis tradendis acquiescerem; cum quidem, quae veriora mihi viderentur, pro viribus meis, rationis ac legum ope, quae decet verecundia, palam fecissem.

Nunc vero, antequam ipsam rem agamus, unicum hoc superest, ut animum ac benevolentiam nobis adiungamus Clar. Virorum, quorum iudicium hac in re veremur.

C A P U T P R I M U M.

Q U A E V I D E T U R R A T I O F U I S S E , Q U O D R O M A N I I N
I N F A N T I A I U R I S P R U D E N T I A E S I M P L I C I T A T E M
I U R I S N A T U R A E N O N A E Q U E S E R V A V E R I N T I N
N E G O T I I S S T R I C T I I U R I S , A T Q U E I N I S , Q U A E
B O N A E F I D E I D I C U N T U R .

N onnullis in rebus, utilitatem sane praebent, solemnes ritus atque formulae; sic enim accuratius homines mentem explicant reique gestae memores manent. Inprimis vero apud incultos barbarosque populos, solemnitates certique verborum complexus usu veniunt: etenim ita rudes illi et indocti homines certa quadam tutaque via in negotiis gerendis litibusque instituendis progrediuntur; constat ita de hominum voluntate, unde lites breviores et inprimis rariores fiunt (1).
Hinc

(1) Conf. Heineccius, in Orat. pro Iurispr. Formul. § 13, 14. et 16.

Hinc mirum non est, solemnitates illas penes antiquas et incultas gentes frequenter observari et quidem maxime in sacris (1); ex his vero quae originem ducunt, saepius ad negotia civilia transferuntur.

Plerique antiquae Italiae populi, uti Albani, Etrusci, solemnium rituum amantissimi fuerunt, quos imitati sunt Romani, aut, cum eorum colonos in civitatem suam reciperent, simul etiam illorum consuetudines, solemnitates atque ritus suis rebus accommodarunt (2). Religioni quoque multae solemnitates suam originem debent. Scilicet Romanorum res sacrae, feroci hominum indoli iam ab ipsis Regibus accommodatae, solemnium rituum plenae fuerunt (3). Arctissimum autem tum temporis iam vinculum fuit inter res sacras et civiles. Reges enim dum sacrorum curam gerebant, simul etiam legum custodes fuisse dicuntur (4). Ius Pontificium

(1) Conf. Schroeder, in Orat. de *Ictis Offic.*, suum non transgr. pag. 25. et Beyerus, in praef. ad Brummeri *Opusc.* pag. 3. seqq.

(2) Plurima hic pertinentia collegit Luzac, in *Observ. Apolog. pro Ictis Rom.* Cap. 5. § 20. seq.

(3) Vid. Livius, L. I. C. 19. seqq. Hic conferri meretur Luzac, *Op. Cit.* C. 5. § 2. seqq.

(4) Dionys. *Antiq. Rom.* l. 2. pag. 87.

ciūm imprimis privato iuri cohaerebat, uti Augurium et Fetiale ius cūm iure publico maxime coniunctum erat. Legum interpretatio et iurisprudentia, initio non tantum penes Patricios verum et Pontifices fuit (1). Idem viri rebus sacris et civilibus simul praeeerant; unde seniori tempore plures egregii ICTi, inter Pontifices numerati fuerunt (2). Ex hisce iam colligi potest, solemnitatum usum, primis iam temporibus, ad iurisprudentiam transferri coepisse. Sic confarreationis ritum Romulo tribuit Heinrichius (3), solemnis per vindictam manumissio legibus duodecim Tabb. antiquior fuit (4). Invaluit sensim per varias causas, rudes inter et nondum cultos Romanos, solemnitatum formularumque usus. Pulsis enim Regibus atque abrogatis plerisque eorum legibus, cum Consules maxime pro arbitrio ius dicerent, per leges duodecim Tabb. primum Iurisprudentiae fundamen-

(1) L. 2. § 6. ff. de O. I. Conf. Bachius, *Hist. Iurispr. Rom.* L. 2. C. 2. S. 4. § 2.

(2) L. 2. § 39. et 41. ff. de O. I. Conf. Cicero, *de Orat.* L. 3. C. 33. et *de Senect.* C. 14. in fine. Vid. Vell. Paterc. L. 2. C. 26.

(3) *Antiq. Rom.* L. 1. T. 10. § 1.

(4) L. 2. § 24. ff. de O. I. Conf. Livius, L. 2. C. 5. et Hein. *Op. Cit.* L. 1. T. 5. § 5.

mētum conditum fuit (1). Hae vero leges breviter adeo expressae erant, ut peritorum interpretatione carere non posset vulgus hominum: hinc populo iura praescripta sive formulae exhibitae fuere, quibus in foro ageretur (2). Porro in iis quoque negotiis, quibus nulla inerat contentio, solempnes formulae ritusque, sive coram magistratu sive secus observandi, prodierunt (3). Divisio inter res mancipi et nec mancipi, multis quoque formulis originem dedit (4). Augescente negotiorum numero, novi ritus novaeque formulae concipiebantur. Hic observas sufficiat, quotidiano illo et crebro solemnium rituum usu, Quiritium ingenium, ad quodvis solemnitatum genus valde proclive factum esse atque omnia fere negotia secundum certos ritus verbaque solemnia fuisse peracta; unde et ipsa Iurisprudentia, cum ex indole atque conditione populi, tum ex penuria legum, per ICtorum in primis operam, formularia evasit et eattenuis a simplicitate iuris naturae deflexit (5).

Hic

(1) L. 2. § 3. et 4. ff. de O. I.

(2) L. 2. § 6. ff. de O. I.

(3) Conf. Bachius, *Op. Cit.* L. 2. C. 2. S. 4. § 3.(4) Vid. Lützac, *Op. Laud.* C. 6. § 14.(5) Conf. Heineccius, in *Orat. pro Iurispr. Form.* pag. 421—426 et Lützac, in *Spec. Laud.* C. 5. § 19. et 21.

Hic autem notandum, in omnibus actibus, qui secundum certas solemnitates erant peragendi, praescriptos ritus servandos, imo caute admodum observandos fuisse, utpote sine quibus nil actum esset; cum contra, servatis iis, iura et obligationes inde oriundae, eatenus plenam vim habuerint.

Usum hunc solemnitatum et formularum etiam in iurisprudentia attentes, nil mirabimur, Romanos eum morem quoque in contractibus ineundis fuisse secutos. Pactis ergo, sive nudis de dando aut faciendo promissionibus, teneri cives noluerunt; sed in contractu, qui validam praeberet iure civili actionem, requisiverunt ut vel re, vel verbis solemnibus, vel literis, vel solo consensu, tale negotium initum esset.

Frequens fuit Romae mos, negotia, in primis quae maioris momenti erant, per solemnes interrogationes atque responsiones perficiendi (1), adeo quidem, ut inter antiquissimos modos obligationes privatas contrahendi referenda videatur stipulatio. Perficiebatur haec per congruam respondentem, interrogationem subsecutam, solemnibus verbis factas (2). Forma legitima obser-

va-

(1) Heineccius, *Antiq. Rom.* L. 3 T. 16. § 3.

(2) Conf. § 1. Inst. de Verb. Oblig. et Hein. Op. Cit. L. 3. T. 16. § 2-6.

vata, plenam vim habebat stipulatio, quae, ubi aliquid e requisitis illis deerat, in foro agenti minime proderat. Antiquissimis Romanorum contractibus inutuum quoque accensendum videtur: eius forma lege requisita erat ritus traditionis (1), quae simul ac intercessisset, plenam vim habebat obligatio inde oriunda.

Diversa plane erat ratio in aliis negotiis, quorum obligationes verbis solemnibus non erant adstrictae, maxime illae, in quibus ambo contrahentes vicissim obligabantur, nec statim praestari debebat, de quo erat conventum. Hi enim contractus, rei semper nec traditione nec etiam promissione solemnri ab una parte interposita, potuerunt iniri. Necesitas itaque effecit, ut quaedam conventiones, quae usus erant frequentis, ex consensu solo causam civilem obligandi haberent et per id actionem producebant, si quidem partes in his conventionis observassent formam, quam leges ineundis eiusmodi negotiis praescripserint. Rem omnem aperte docet Iustinianus (2). „ Ideo, ” inquit, „ istis modis obligatio dicitur consensu, contrahi, quia neque scriptura neque praefentia

(1) L. 2. § 3. ff. de Reb. cred. L. 102. ff. de Oblig. et Act.

(2) § 1. seqq. Inst. de Oblig. ex cons.

„ sentia omnimodo opus est , nec dare quidquam
 „ necesse est ad substantiam obligationis ; suffi-
 „ cit eos qui negotia gerunt consentire , unde
 „ inter absentes quoque talia negotia peragun-
 „ tur” .

Hunc autem Iustiniani locum eo libentius addo , quoniam viam parat ad constituen-
 dam veram differentiam inter contractus bonae
 fidei et stricti iuris . Ut enim ostendat Impera-
 tor differentiam horum contractuum a reliquis
 et simul causam det , quare non solemnitate ver-
 borum ineantur , haec addit : „ item in his con-
 „ tractibus alter alteri obligatur in id , quod
 „ alterum alteri ex bono et aequo praestari
 „ oportet , cum alioqui in verborum obligatio-
 „ nibus aliis stipuletur , aliis promittat ” . In-
 ter alia itaque differentiam inter contractus con-
 sensuales et verborum obligationes hanc ponit
 Imperator primo loco , quod in illis uterque
 contrahens obligetur , in his unus tantum ; de-
 inde , quod in illis alter alteri obligetur in id
 quod ex bono et aequo praestari oportet , unde
 vi oppositionis iam satis posset effici , secus ob-
 tinere in verborum obligationibus : sed quod
 huic loco deest , supplet Celsus (1) , affir-
 mans de stipulatione , „ quidquid adstringen-
 „ , dae

(1) L. 99. de Verb. Oblig.

„ dae obligationis est, nisi palam verbis exprimitur, omisum intelligendum est”. E binis his locis, differentia contractuum bonae fidei et stricti iuris commode potest erui, quippe quae in ipsa negotiorum indole sita est.

Erant scilicet bonae fidei illa negotia, in quibus uterque contrahens ad aliquid praestandum obligatur, ut vicissim alter alteri quid debeat, quales dici solent bilaterales contractus. Si in his de quadam praestatione dubium oriatur, potest in his contractibus ex bona fide ratio iniri, quatenus illud ex natura contractus praestari debeat. Ita in his bona fides est fundamentum, e quo constituitur de praestatione alterutri contrahentium incumbente.

Contractus stricti iuris sunt illi, e quibus unus tantum contrahentium tenetur; in his alter alteri, non vero ambo vicissim, quid dare promittit: in iis itaque inspicitur tantum quid sit promissum vel traditum; reliqua intelliguntur omissa. Veram hanc et genuinam esse horum contractuum differentiam, oriundam ex ipsorum negotiorum natura, paucis probandum videtur.

Exempla contractus stricti iuris sumamus a stipulatione et mutuo.

Stipulationis formae consentaneum erat, ut omnis vis obligationis, solis verbis contineretur, adeo ut iure peti non posset, quod iis non fuerat

rat expressum. Cum nempe verba solemnia re-
quiererentur ad constituendam obligationem,
solummodo ad illud attendi poterat, quod per
ea fuerat promissum. Per verba illa, non stipu-
lator sed solus promissor se obstringebat; neque
e facto aliquo subsecuto obligari poterat stipula-
tor. Unde enim oriaretur huiusmodi praestatio?
Constituta promittentis obligatione, nulli seque-
bantur actus, e quibus teneri posset stipulator:
secundum rei naturam plenum atque absolutum
erat negotium per debitoris solemnem promis-
sionem. Stipulationis itaque obligatio unilate-
ralis erat; nulla prorsus creditori obligatio in-
cumbebat. Haec cum ita sint, de eo minime
quaeri poterat, quid ex bona fide a stipulatore
praestandum foret. Porro non ex bona fide mu-
tanda erat promittentis obligatio, propter mutui
debiti conditionem, cui illam aequalem et con-
gruam esse oportebat; etenim prorsus desicie-
bat mutua obligatio: tandem non augebatur
promittentis debitum per praestationes, ex acti-
bus subsécutis oriundas. Hisce omnibus iam
consentaneum videbatur, ut in stipulatione, ad
id solum quod dictum fuerat, respiceretur.

Mutui haec erat forma, ut per ritum tradi-
tionis circumscriberetur obligatio; unde Ictus
scribit, „ re obligationem contrahi non posse
, nisi

„ nisi quatenus datum sit” (1). Ratione ipsius obligationis naturae aequiparandum erat mutuum stipulationi. Nimirum per traditionem solus accipiens se obligabat; nil in se suscipiebat mutuum dans; neque tenebatur hic ex obligatione quadam post conventionem demum orta: sic de indemnitate v. c. quaeri non poterat, quia transferrebatur speciei dominium (2). E mutui natura igitur ultero sequitur, unilateralem fuisse obligationem inde oriundam, soli accipienti inherentem; quod cum ita sit, in mutuo aequo ac in stipulatione, creditoris obligationes ex bona fide neutiquam erant definienda. Neque accipientis obligationum norma et mensura erat constituenda secundum mutuum debitum, quod asquipollens esse oportebat: porro negligentiae nomine teneri non poterat debitor; res enim mutuo datae accipientium siebant (3). Cum itaque mutuum, negotium unilaterale et valde simplex esset, non adeo ex bona fide obligationes in eo erant constituenda, sed solummodo attendendum esse videbatur ad id, quod traditum fuisse.

Ut

(1) L. 17. pr. ff. de pactis.

(2) L. 102. ff. de Oblig. et Act. L. 2. pr. ff. de Reb. Cred.

(3) Conf. Leges modo citatae.

Ut vero ea , quae de stricti iuris negotiis disseruimus , magis dilucide appareant , videamus , quantopere bonae fidei negotiorum diversa plane natura postulaverit , ut in iis servaretur simplicitas iuris naturae .

Per formam negotiorum non adeo restringebantur bonae fidei obligationes , imo potius ea de causa aliquando ex aequo et bono definiendae erant . Per verba solemnia non contrahebantur bonae fidei negotia ; in nonnullis rei traditio quidem interveniebat , verum propter naturam obligationis in iis ex bona fide iudicandum erat , uti mox videbimus . In quibusdam bonae fidei negotiis , quae quasi ex contractu oriri dicebantur , plane deērat conventio partium ; cum tamen ex utilitate publica et aequitate naturali admissae essent illae obligationes , necessario secundum simplicitatem iuris naturae definiendum erat , quod per conventionem fieri non potuerat . Tandem contractus quidam per solum consensum perficiebantur ; cui formae consentaneum erat , ut non tantum ad expressam , verum et ad tacitam contrahentium voluntatem attendi posset .

Vidimus ita de forma ; iam in ipsam obligationum naturam inquiramus .

In bonae fidei contractibus , qui per rei traditionem perficiuntur , in specie restituenda erat res tradita , unde uterque contrahens obligabatur .

tur. Rei traditae reddendae obligationi aliae necessario accedebant; veluti ad debitam diligentiam, ad restituenda quae ex ea re provenient, quippe quae dominis cedunt; hi contra ad indemnitatē tenebantur. In obligatiōnibus bonae fidei, quae quasi e contractū oriuntur, necessario sibi invicem ad plura obstrictae erant partes: sic tenebatur negotiorum gestor rem apta diligentia et utiliter peragere; restituere quae eo nomine acceperat; ipse indemnus erat praestandus a domino: in tutelis idem fere obtinebat: porro, aequa ratione mutuas obligationes in rei communione, absque consensu initia, definiendas fuisse, sponte apparet. In emitione-venditione, locatione-conductione et in societate, arctissimo vinculo sibi invicem connexae erant mutuae obligationes. In his nempe aequalitas quedam mutuarum praestationum defiderabatur; unius obligationis norma ex alterius contrahentis praestationibus erat definienda; id manifeste sequitur ex illorum negotiorum natura: hinc vero non semel quodammodo erat mutanda obligatio per conventionem constituta; huic nonnunquam quedam erant adiicienda, aut detrahenda, habita ratione mutui debiti aequipollentis; varias utrumque oriri praestationes necesse erat. Tandem e mandato quoque sibi invicem tenebantur contrahentes: pro diverso man-

mandati genere et pro varia illud exsequendi ratione, diversae necessario oriebantur obligationes; restituenda erant a mandatario, quae in gerendo consecutus fuerat; hic vero, qui absque mercede alterius negotia peregerat, indemnus erat praestandus.

In omnibus itaque actionibus, quae in catalogo bonae fidei actionum a Iustiniano in Institutionibus (1) numerantur, obtinet bilateralis obligatio. Quod si quaedam videantur exceptiendi, uti actio praescriptis verbis ex permutatione et contractu aestimatorio, etiam actio ex stipulatu de dote, fatemur quidem in his praestationi esse unilateralem tantum, sed ad bonae fidei actiones relatae ideo videntur, quae oriuntur e negotiis, quae sere affinitatem habent summam cum negotiis, in quibus bilateralis locum habet obligatio et quae adeo bonae fidei sunt: aestimatorius enim contractus et permutation multa habent ex venditione; actio vero ex stipulatu de dote, volente ita legislatore, naturam assumit actionis rei uxoriae, quae sua indole bonae fidei erat.

Constat ergo iam satis, diversam indolem negotiorum bonae fidei et stricti iuris petendam esse ex obligatione bilateralis aut unilaterali,

(1) § 28. seq. Inst. de Action.

quae hisce negotiis inest. — Sed ulterius videamus, an dentur rationes, quare in illis magis quam in his servanda sit simplicitas juris naturae; sive unde factum sit, ut in bilateralis negotio magis ex aequo et bono iudicetur quam in unilaterali. Meretur utique hic attendi, quod obligationes unilaterales ab initio certae et valde simplices sint; proinde in iis ex bona fide non erant definienda eiusmodi aliae praestationes, quae ex obligationibus subsecutis oriundae erant et de quibus in ipsa conventione cautum non fuerat: hisce etiam congruum erat, ut in definendis stricti juris negotiorum obligationibus, solummodo respiceretur ad id, quod dictum factumque esset. Contra vero obligationes bilaterales saepius ab initio erant incertae, imo in nonnullis statim non poterant in specie certo definiri; porro mutuae illae praestationes erant valde diversae, multiplices et implicitae, unde frequenter de iis omnibus non constabat: hisce utique consentaneum erat, ut in definendis illis obligationibus, non ipsi vel soli conventioni omni in casu standum esset. Maxime vero huic rei ansam dedisse videtur praesumta contrahentium voluntas. Ubi enim duo contrahunt, uterque velle dicendus erit, ut secum agatur, quemadmodum inter bonos agier oportet: consensus ideo, ab utroque interpositus,

de-

debet ad bonam fidem exigi et iudicari, partes contrahentes catenus consensisse, quatenus bona fides obligationem singulorum limitat aut extendit, quia utraque pars censeri debet consensisse in id, quod bonae fidei est conveniens. Ubi vero in unilaterali negotio unus se obligat, illius mens esse nequit, ut sua obligatio aliunde aestimetur quam ex sua promissione vel facto; ideoque haec obligatio iudicari debet secundum dictum aut factum; alia enim in his obligationibus mensura non apparet. Prudenter ergo Romani et apposite ad negotiorum naturam, in unilateralibus unius obligationem ex dicto promissove et facto iudicarunt, sed in bilateralibus obligationibus mutuas praestationes ex aequo et bono; adeo ut in his non tantum ad id quod dictum factumve fuisset iudici attendendum esset, verum ad ea quoque quae ex bona fide secundum mentem contrahentium vel partium atque negotiorum indolem essent praestanda.

Respondisse iam mihi videor ad quaestionis partem huic capiti praepositam et probare studui, veram rationem antiqui discriminis inter bonae fidei et stricti iuris negotia, in diversitate horum natura quaerendam esse. Nempe bonae fidei negotiorum haec erat natura, ut non simpliciter ad solam conventionem attendendum esset; praestationes ex bona fide desinire omni-

no necesse erat. Contra vero in stricti iuris negotiis deērat illud fundamentum praestationes ex bona fide definiendi, quia solummodo erat videndum quid promissum vel traditum fuerat; eo continebatur et absolvebatur totum negotium.

Paucis iam videamus, quomodo vetus procedendi modus convenerit cum diversa bonae fidei et stricti iuris negotiorum natura.

Iurisdictio, quae primum penes Reges fuit, mox ad Consules et deinde ad Praetores transiit (1). Putant nonnulli (2), primis temporibus ipsos magistratus lites in totum diremisse; increcente tamen civium et negotiorum numero, disceptationes facti ab aliis, iudicibus scilicet, peractas fuisse. Certum est, originem huiusc procedendi modi, antiquioris aevi esse (3). Hinc deinde quaedam primum coram Magistratu, mox alia apud iudicem peragabantur.

(1) L. 2. § 1. § 16. et § 27. ff. de O. I.

(2) Inter quos est Bachius, in *Hist. Iurispr. Rom.* L. 2. C. 1. § 25.

(3) Eiusmodi iudicium in Legibus duodecim Tabb. mentio iam occurrit. Conf. Fragm. XII. Tabb. apud Pothier, T. 2. C. 2. et T. 9. C. 3. Forte et Regum tempore simile quid obtinuit. Vid. Noodt, *de Iurisd.* L. 1. C. 6. et Sagonius, *Ant. Iur. Pop.* Rom. T. 1. L. 2. C. 18.

bantur; illa in iure, haec in iudicio, fieri dicebantur (1): Magistratus litem ordinabat; causa summati cognita et concessa actione, ad solemnem litigantium petitionem vi munericis sui iudices constituebat (2). Absque tribunali, iurisdictione aut imperio, de facti quaestionebus cognoscebant illi iudices, quibus nomen Pedaneorum (3); hi vero privatae personae erant, nudam tantum notionem habentes; nam de iure decernebat Magistratus (4). Praetores iudicibus formulas iudicandi praescribebant (5),

quae

(1) Noodt, *de Iurisd.* L. 1. C. 15. et Bachius, *Hist. Iurispr. Rom.* L. 2. C. 1. § 25.

(2) Conf. L. 1. ff. *de Iurisdict.* Heinoccius; *Antiq. Rom.* L. 4. T. 6. § 14—22. et 39. et 40. Aliquando ipsi magistratus absque iudice extra ordinem cognoscebant, velut in minorum restitutione integrum. Vid. Noodt, *de Iurisd.* L. 1. C. 8.

(3) Quippe qui in subselliis ad magistratum pedes sedebant. Conf. Noodt, *de Iurisd.* L. 1. C. 13. et 15.

(4) Conf. L. 5. pr. ff. *de Re iudic.* Vid. Noodt; *de Iurisd.* L. 1. C. 8. et 13. Distinctio inter iuris et facti controversias ratione personae iudicantis, non tamen strictissimae erat interpretationis, saltem in bonae fidei iudiciis. Conf. Noodt, *Op. Cit.* L. 1. C. 8..

(5) Vidimus supra, quantum opere formularum usus primis iam temporibus Romae invaluerit.

quae petitioni actoris, rei responsioni atque diversae negotiorum naturae erant accommodatae (1). Nempe in stricti iuris iudiciis arctissima erat illa formula, cui admodum adstrictus erat iudex et quae hunc in modum concipiebatur: „ si paret Sempronium Maevio centum „ ex mutuo dare oportere, neque illud factum „ fuerit, iudex condemnā” (2). In bonae fidei iudiciis magis libera potestas iudici concedebatur ex aequo et bono item dirimendi; etenim in iis tali modo concepta erat formula; „ si „ paret Caium Maevio domum locasse, tum „ quantum Maevium Caio ob eam rem dare „ ex bona fide oportet, tanti dāmnetur” (3): interdum bonae fidei mentio fiebat per verba: „ quantum aequius melius”, veluti in rei uxoriae actione; fiduciae iudicio inserebantur verba, „ ut inter bonos bene agier oportet” (4).

Prae-

(1) Conf. Seneca, *de Benef.* L. 3. C. 7. et Cicero, *pro Rosc. Com.* C. 4. et *in Verrem* L. 2. C. 12.

(2) Conf. Cicero, *pro Rosc. Com.* loc. laud. et Seneca, loc. cit. Vid. Vinnius, *ad tit. Inst. de Act.* ad § 28. n^o. 3.

(3) Noodt, *de Iurisd.* L. 1. C. 13. Heinicus, *Ant. Rom.* L. 4. T. 17. § 1. Conf. L. 54. pr. ff. Locati.

(4) Cicero, *pro Rosc. Com.* loc. cit. et *de Offic.* L. 3. C. 15. Conf. L. pen. § ult. ff. Sol. matrim.

Praetores itaque diversam iudicandi formulam praescribebant, prouti negotia erant bonae fidei vel stricti iuris. Et sane illorum Magistratum erat tueri atque interpretari ius civile; proinde debuerunt in concipienda formula mentem intendere iis, quae secundum leges, consuetudines atque negotiorum indolem, in his praestanda erant. Cum iam in negotiis stricti iuris quaeri vix posset de aliis praestationibus praeter unum illud ab alterutro contrahentium initio constitutum, iudici pedaneo simpliciter ad illud respicere iniungebatur, quod dictum factumve fuerat. Contra multiplices et implicitae praestationes e bonae fidei negotiis oriundae, quae partim a facti disceptatione pendebant, non poterant omnes initio in formula iudicandi exprimi; unde valde expediebat, eas obligationes, instituta facti disquisitione, ex aequo et bono definiri.

Non omni tamen vinculo solutam fuisse iudicis pedanei arbitrium in bonae fidei iudiciis, verbo animadvertisendum est. Scilicet non simpliciter, quid praestari aequitas suaderet, vindendum erat; verum eo sensu condemnationem fieri ex bona fide oportebat, ut ea praestanda essent, quae secundum veram aequitatem naturalem ex mente contrahentium vel partium, ratione habita negotiorum naturae, debebantur;

etur: salvas quoque manere leges et iuris principia omnino necesse erat; sic v. c. peti non poterat, quod pacto, licet in continenti adiecto contractui bona fidei, qui re perficitur, fuerat promissum, nempe de augenda ipsa re quae tradita fuerat; re enim non potest obligatio contrahi, nisi quatenus datum sit (1). Huc pertinent verba Tryphonini (2), ex cuius sententia, „ bona fides, quae in contractibus „ exigitur, summam quidem aequitatem defide- „ rat; verumtamen ea non ad merum ius gen- „ tium, sed cum praeceptis civilibus et praetor- „ riis aestimanda est”.

(1) L. 17. pr. ff. de Pact. Conf. L. I. § 7, ff. Depos. L. 17. pr. ff. Commod.

(2) L. 31. ff. Depos.

(C 2c)

C A P U T S E C U N D U M.

QUA RATIONE, SALVO IURIS PRINCPIO, COR-
REXERUNT ROMANI INIQUITATEM E DISCRIP-
MINE INTER BDNAE FIDEI ET STRICTI IURIS
NEGOTIA ORIUNDAM?

Quum in contractibus stricti iuris condemnaret iudex ex formula sibi data, neque alias praestationis ratio habeatur, quam quae in ipsa conventione est expressa, adeo ut pro omisso habeatur quod non est dictum, solummodo in id inquirendum erat, an quantitas petita atque formula expressa, per verba solemnia promissa, aut tradita fuisse. Ita vero aliter fieri non potuit, quin in illis iudiciis aliquando quid erat admittendum, quod aequitati parum videbatur convenire. Huc pertinent verba Ciceronis (1). „ Quid „ est in iudicio? Directum, asperum, sim- „ plex”

(1) *pro Rose Com. C. 4.*

„plex” cet. (1). Eius rei quaedam exempla proponam.

Iuris naturae simplicitas in omni contractu bonam fidem et veritatem requirit; dolum itaque in nullo admittit contractū et idem in bonaē fidei negotiis servatum est in foro Romano, quia haec bona fide nituntur. Quod si vero negotium stricti iuris debita forma esset initum, quamvis dolus lateret, hic tamen ante praeturam Aquilii Galli non magnopere vindicabatur; non quod dolum admittat ius civile, sed quod stricti iuris actionum non ea sit vis, ut propriis viribus dolum possint repellere, nisi eo nomine per stipulationem cautum sit (2). Docet illud Cicero, ubi narrat, Canium, equitem Romanum, a Pythio argentario hortulanos emisse, et cum in contractum nominum, qui stricti iuris erat (3), transfusa esset illa

(1) Solebant distinguere Romani inter iudicia et arbitria, prout ex negotio stricti iuris aut bonaē fidei agebatur. Conf. Heinzeccius, *Antiq. Rom.* L. 4. T. 6. § 39.

(2) Conf. L. 1. § 4. ff. de Dol. mal., L. 121. pr. ff. de Verb. Oblig. Vid. Pothier, ad Tit ff. de Dol. mal. n^o. 1. not. a et Noodt, *de Form. Emend. Dol. mal.* C. 4, 6. et 16.

(3) Vid. Theophil. ad Tit. Inst. de Litt. oblig.

emtio, vedit Canius se a Pythio dolo malo esse deceptum. Iam ait Cicero; „stomachari „Canius, sed quid faceret? Nondum enim „Aquilius collega et familiaris meus protule- „rat de dolo malo formulas” (1).

In contractibus stricti iuris si convenisset, ut certo quodam in loco praestatio fieret, petitio frustra fiebat alio in loco quam convento. Hinc v. c. si appareret rem e stipulatione Romae petitam deberi quidem, verum eam, vi conventionis, Capuae praestandam fuisse, absolvendus erat reus, quia secundum formulam simpliciter videndum erat, an Romae deberetur res (2). Durum erat, ut creditor suo destitueretur, si quidem reus Capuam venire nollet aut non posset (3).

Porro qui e contractu stricti iuris ultra debitum petiverat, olim in omni casu totam litem amittebat, adeo ut ne verum quidem debitum adi-

(1) Cicero, *de Off. L. 3. C. 14.* Conf. Noodt,
de Form. Emend. Dol. mal. C. 5.

(2) Arg. L. 99. ff. de Verb. Oblig. Conf. L. 1. ff.
de eo quod cert. loc. Amittebat quoque item, qui
loco plus petebat. Vid. § 33. Inst. de action. Conf.
Noodt, ad Tit. ff. de eo quod cert. loc. pr.

(3) L. 1. ff. de eo quod cert. loc. Vid. Noodt,
loc. cit.

adipisci posset (1). Nimirum plane absolvendus aut secundum petitionem actoris condemnandus erat reus; id quoque ex illo fonte originatur, quod formulae verbis admodum adstrictus esset iudex pedaneus.

Ex his, exempli tantum causa adductis, iam satis constat de iniuritate, quae primis temporibus in stricti iuris negotiis obvia fuit; cum contra in negotiis bonae fidei, obligaciones vi formulae ad aequitatis naturalis normam flegantur.

(1) Exemplo id illustrat Cicero, *pro Rosc. Com.* c. 4: „pecunia”, inquit, „tibi debebatur certa, „quae nunc petitur per iudicem, in qua legitimae „partis sponsio facta est. Huc si tu amplius H. S. „nummo petisti, quam tibi debitum est, causam „perdidisti: propterea quod aliud est iudicium, aliud arbitrium. Iudicium est pecuniae certae; arbitrium incertae. Ad iudicium hoc modo venimus, „ut totam litem aut obtineamus, aut amittamus: ad arbitrium hoc modo adimus, ut neque nihil, neque tantum, quantum postulavimus consequamur. Eius rei ipsa verba formulae testimonio sunt. Quid est in iudicio? Directum, asperum, simplex. Si patet H. S. iooo dari oportere, hic nisi planum facit H. S. iooo ad libellam sibi deberi, causam perdit. Quid est in arbitrio? Mite, moderatum, quantum aequius melius, id dari”. Conf. § 33. Inst. de action. et Noodt, ad Tit. ff. de Reb. Cred. in fin.

slecterentur (1). Videndum iam est, quanam ratione in emendando iure perrexerint Romani, ut denique de remediis videamus, quibus ini-quitatem correxerint.

Pulsis Regibus, iurisdictio ad Consules (2), dein ad Praetores pervenit (3). Apud populum, libertatis amantissimum et ab omni ex mero arbitrio profecta auctoritate alienum, Magistratus, regia maiestate destituti, liberâ pro arbitrio ius dicandi facultate, frui non potuerunt. Ita vero aliter fieri non potuit, quin ab unâ parte magistratus iuri, sive scripto, sive consuetudinario et omnino antiquis iuris institutis adstricti fuerint, ut a veteribus formulis aut a receptis iuris principiis recedere, Praetori omnino nefas es- set: verum ab alterâ parte, abrogatis maxime Regum placitis (4), nullis fere ante duodecim Tabulas legibus latis (5), dumque illae brevissimâ oratione continerentur (6), insignis legum Civilium defectus existit, ad quem re-

(1) Qua de re infra suo loco agendum erit.

(2) L. 2. § 1. et § 16. ff. de Orig. Iur.

(3) L. 2. § 27. eodem.

(4) L. 2. § 3. eodem.

(5) L. 2. § 3. Cit. et Bachius, Op. Cit. p. 21. et seqq.

(6) L. 2. § 5. ff. de Orig. Iur. et I. 2. 1. (1).

sarsiendum, tum magistratum Edictis, tum interpretationi ICtorum latus campus patere debuit (1). Scilicet Praetores, annum munus auspicaturi, solebant in Edictis modum atque formam, in iure dicendo observandam, populo publice proponere, ut cives intelligere possent, quoniam tramite in iudicio tuto agendum esset, et populo simul constaret de iure et iudicandi modo (2). Sic omniem ex solo arbitrio oriundae jurisdictionis suspicionem, ea se arcebant magistratus, quibus ex imperii formâ atque conditione, per favorem populi in annuis comitiis, ad honores aditus patebat.

Praetores itaque, viri honoribus iam illustres et sui decoris memores, in Edictis suis operam navabant, ut per sapientiae atque aequitatis specimina fese in gratiam populi insinuarent. Quae utiliter ab antecessoribus constituta fuerant, ea sedulo servare et experientiâ ducti augere studebant; exhibito insuper augescentis iurisprudentiae face, novis necessitatibus nova media afferre, iniquitati ex stricto civili iure oriundae medelas excogitare studebant. Atque ita factum est, ut ius honorarium, per longi temporis experientiam et operam plurium ma-

(1) L. 2. § 5. ff. de Orig. Iur.

(2) L. 2. § 10. ff. eodem.

gistratum atque I Ctorum, egregie auctum atque dictatum fuerit; donec tandem haec sapientiae copia, per Edictum perpetuum ab Hadriano Imperatore in unum collata, veluti collectio quaedam iuris consuetudinarii, legislatoris auctoritate iam confirmati, prodiret; quā iniqüitates ex legum antiquarum rigore oriundae, correctae aut e medio sublatae viderentur, dum tamen salva manerent iuris civilis principia. Etenim penes magistratus non erat, plane tollere aut mutare iuris civilis placita; unde Praetores diserte profiteri solebant, se nihil contra ius civile, sed salvo more maiorum ius dicturos (1). Hancce iuris Praetorii indolem eleganter expōnit Cl. Pothier (2), cūius verba afferre non pigebit.

A iure honorario praecipuum suum decorem accepit Rōmania iurisprudētia. Ius civile si ab ipso separetur, nimis severum est; dumque subtili ex qua constat ratione n̄ititur, dum naturae verborum ex quibus conceptum est proprietati inservit, apertius quandoque impingere videtur in aequitatem. Ius autem honorarium cum ex re natā prodierit, ex opportunitate temporum et locorum, ex certarum commiseratione et

(1) L. II. ff. de Iustit. et Iur.

(2) Ad Pandect. praef. Part. I. Cap. 3. § 4.

„ intuitu personarum, humanius est; in quo scilicet
 „ licet nihil detur subtilitati, totum ad aequi-
 „ tatis normam componatur. Ceterum ita iuri
 „ ris civilis asperitatem temperat Praetor, ut
 „ salva semper maneat sua legi veneratio, sic
 „ iniuriam emendat, ut benigna interpretati-
 „ onem mentem verbis legis reconditam asse-
 „ qui magis quam legem ipsam impugnare
 „ videatur” ^{ad ius et iuris principia}
 Superest ut videamus quibus remedijs iure
 posteriori aequitati consuluerunt Romani. Hic
 vero observari meretur Romanos non facile iu-
 ra immutasse semel introducta, ubi ad maiorem
 aequitatem flecterent antiqua. Fere solebant
 Praetores vel ICTI, si quando aequitatem cum
 stricto iure in concordiam redigere vellent, vel
 aliquid fingendo, vel excipiendo, vel novum
 quid antiquo addendo rem expedire. Ita salva
 manebant iuris veteris principia (1). Haec
 ratio iuris emendandi Romanis est propria et
 sponte profluit e modo, quo in exstruendo iu-
 risprudentiae aedificio processerunt. Ius enim
 civile Romanum erat, vel legibus duodecim ta-
 bulae, vel iuris veteris principia, vel iuris
 (1) Vid. Cs. de Tex, qui omnem hunc locum
 explicuit in Dissertatione Academica, de antiqui iu-
 ris principiis in excolenda iurisprudentia Romana con-
 stanter servatis.

bularum constitutum vel moribus populi tacito consensu introductum. Sed neque leges neque mores poterant aboleri, nisi ex consensu populi, penes quem erat libera republica legis ferendae potestas. Ubi vero in iure civili condendo hic mos servabatur, ut leges de iure civili privato vix rogarentur, omnis vero potestas de jure civili statuendi esset in manu vel Magistratum vel hominum privatorum; privati autem nec Magistratus ullo modo iubere possent, ut lex abrogata haberetur; aut mos quidam, qui tacito populi consensu hactenus obtinuerat, in civitate deleretur; vix aliud supererat, nisi ut juris conditores iuri iam constituto aliquid novi apponenter, quo remedio laesi ute- rentur, aut quo sibi caverent ab initio, ne lae- derentur inde, quod propter strictam allicuius ne- gotii naturam impedirentur de accidenti quo- dam, quale in negotio ineundo aut deinceps locum habuerat, agere, aut ex eo accidenti petere defensionem, quae tamen ipsis negari non debebat. Atque haec remedia, tacito populi consensu pariter probata, vim inde iuris habebant.

Eiusmodi autem remedia praebuerunt restitu- tiones in integrum, datae laesis dolo, metu, ae- tate, errore iusto, absentia, ceteris. (1). Per
actio-

(1) Videntur in integrum restitutions fuisse iuris
C be-

actiones adiectitiae qualitatis factum fuit, ut natura actionis, propter accidens quoddam, facta hac illave adiectione, mutari et agi cum tali adiectione posset, ad quod actio sine hac adiectione institui non poterat. Ita quoque propter pactum accedens, cuius ceteroquin ratio vix poterat haberri, remedium dari potuit reo, ut per exceptionem praetoriam se defendaret contra actorem, qui summo iure quidem iustum actionem institueret, sed talem, e qua reus non debebat condemnari.

Atque haec iuris remedia, ut alia sileam, applicemus ad iniuritates, quas in negotiis stricti iuris, oriundas ex more procedendi accommodato ad diversam horum et negotiorum bonae fidei indolem, supra proposuimus.

Primum quidem in integrum restituebantur qui obstricti erant obligationi, cui vitium ratione consensus inerat; ob dolum itaque, metum, errorem (1). Formulas five iudicium de doloma.

beneficia subsidiaria, inventa praesertim, ut qui per stricti iuris rationem in bonis suis aut iuribus essent laesi, petere possent apud Magistratum, ut ex iusta causa secundum aequitatem ipsis succurreretur. Vid. Biener, *Hist. iur. civ. de restitut. in integrum. c. 2. Glück, Erlauter. § 431. et § 437.*

(1) L. 1. pr. et § 1. ff. de Dolo malo L. 1. ff. quod

malo protulit Caius Aquilius Gallus, Praetor et Ciceronis familiaris; illud, everriculum omnium malitiarum, summus orator vocat (1). Ita conditum est Edictum Praetoris, e quo per dolum laeso subveniebatur per actionem de dolo, ad restituendam rem traditam (2). Re-integrā, exceptio doli a Praetore impetrari poterat (3). Quod ad metum attinet, discimus ex Cicero (4), Octavium Praetorem, Syllae temporibus formulam sive actionem dedisse, qua in eos ageretur, qui vi et metu aliquid abstulissent, cui formulae suum nomen dedit Octavius (5). Cum vero unico tantum in

quod met. caus. L. i. ff. de In. int. restit. L. i. § 1. in fin. ff. In quib. caus. mai.

(1) Cicero, *de Offic.* L. 3. C. 14. et L. 3. *de Nat. Deor.* C. 30. conf. Bachius, *Op. Cit.* pag. 256.

(2) L. i. pr. et § i. L. 7. § 3. L. 18. pr. de Dol. mal. Conf. Noodt, *Op. Cit.* C. 5. et ad tit. ff. de Dol. mal. Schulting, *Enarr. part. prim.* ff. ad Tit. de Dol. mal. § 3.

(3) L. i. § 1. ff. de Dol. mal. et met. except. Conf. L. 36. ff. de Verb. Oblig. Vid. Noodt, *de Form. Emend. dol. mal.* C. 5.

(4) L. 3. in *Verr.* C. 65. et Epist. ad Quin. fratr. L. i. ep. 7.

(5) Conf. Clavis Cic. Ern. in voce *L. Octavius.*

casu agi posset ex formulâ Octavianâ, actio et exceptio doli, propter metum, in caeteris casibus dabantur; dolo enim agit, qui vim metum-ve adhibet (1). Mox a Praetore Cassio (2) prolata fuit actio quod metus causa, quae in ge- nere dabatur, et in rem scripta erat (3). Desi- ciebat adhuc metus causa exceptio, sufficeret enim primum visa fuerat exceptio doli (4); verum ad instar ipsius actionis, exceptio metus causa itidem in rem scripta, per interpretatio- nem prudentum enata est (5). Atque ita con- ditum fuit Edictum quod metus causa, e quo a Praetore in integrum restituente succurritur ei, qui per metum coactus est in negotiis stricti juris (6).

Iss

(1) L. 14. § 13. ff. Quod metus causa.

(2) Ut colligitur ex lege 4. § 33. ff. de Doli ma- li et metus exceptione.

(3) L. 9. § ult. L. 14. § 3. ff. Quod metus causa.

(4) L. 14. § 13. eodem. L. 4. § 33. cit.

(5) L. 4. § 33. ff. de Doli mali et metus excep- tione.

(6) L. 1. pr. er L. 21. § 1. ff. Quod metus causa L. 1. § 17. ff. de Doli mali et metus exceptione. Conf. Noodt, *de Forma Emendandi dolii*, cap. ult. Pothier, *ad Tit.* ff. Quod metus causa n. 2. not. a. Schulting, *Enarratio ad Tit.* ff. de Dolo malo § 3.

Isti incommodo, quod reiiceretur tota actio ob pluris petitionem, quodammodo prospexerunt Praetores; etenim eo casu non tantum minorem viginti quinque annis in integrum restituebant, verum et maiorem, ob gravioris nempe erroris causam (1).

Inter exceptiones e iure Praetorio oriundas, illae quoque recensendae sunt, quae e pactis adiectis concesae fuere. Pollicetur nempe Praetor, se pacta converta (2) servaturum esse, quae neque dolo malo neque adversus leges facta erunt (3), cuius Edicti origo e legibus duodecim tabb. videtur repetenda (4). Per hancce itaque aliasve exceptiones Praetorias, excludi poterant actiones stricti juris, quae iure civili competebant. Ita vero siebat, ut reus aequae tutus esse posset, ac si negotium ip-

(1) § 33. I. de Action. verba legis sunt: „ Sane „ si tam magna causa iusti erroris interveniebat, ut „ etiam constantissimus quisque labi posset, etiam „ maiori viginti quinque annis succurrebatur.” Conf. L. I. in fin. ff. Ex quib. cauf. mai. Theophilus, ad § 33. cit. et Vinnius eod. pag. 921. Conf. Cicero, *pro Rosc. Com.* C. 4.

(2) Scilicet de non petendo; Conf. Noodt, *de Pactis* C. 6.

(3) L. 7. § 7. et 4. ff. de Pactis.

(4) Noodt, *de Pact. et Transact.* C. 1.

ipso iure nullum diceretur; atque eo sensu, ad eventum litis respiciens, scribit Paulus (1), „ nihil interesse, an ipso iure quis actionem „ non habeat, an vero per exceptionem illa „ infirmetur” (2).

Illos quoque adiuvarunt Praetores, qui frusta, alio quam definito in loco, rem petebant e contractu stricti iuris. Nimirum ea de re Edictum (3) conditum fuit, e quo eo casu actio utilis (4) et adiectitia in stipulatione concedebatur (5). Porrecta fuit dicta actio, de eo quod certo loco stipulatori concessa, ad mutuum et actionem ex testamento (6), quod per interpretationem Prudentum, ob parem rationem et ex mente Edicti factum videtur (7).

Hist.

(1) L. 112. de Reg. Iur.

(2) Vid. Noodt, *de Form. Emend. dol. Cap. 5.* Conf. L. 3. § 1. ff. de Const. Pec.

(3) Quod non quidem exstat, attamen latum fuisse merito colligitur a Noodtio, *ad Tit. ff. de Eo quod cert. loc. pr.*

(4) Etenim per actionem directam petitio fieri non poterat, propter verba solemnia. Conf. L. 99. ff. de Verb. Oblig.

(5) L. 1. L. 2. § 1. L. 7. § 1. ff. de Eo quod cert. loc.

(6) L. 5. L. 6. ff. eod.

(7) Conf. Noodt, *ad ff. pag. 305.* et Pothier, *eod. n. 6.*

Hisce autem omnibus, quae de iure honorario memoravimus, debitam laudem aliis iuris scripti speciebus, in primis auctoritati prudentium, detrectare, in animo uon fuit. Etenim ipsa Praetorum Edicta, insigne decus ex interpretatione I^Ctorum mutuantur; praeterea iniquitates e stricto iure oriundae, per subtilitatem I^Ctorum saepius e iuris ratione ad aequitatem flexae fuere, cuius rei exempla passim in iure occurserunt. Verum tamen cum illa quae ex auctoritate prudentum venerunt, aliaeque iuris scripti species, excepto solo iure honorario, a Papiniano (1) ipso iuri civili adnumerantur, vix est ut ad modos corrigendae iniquitatis e stricti iuris principiis oriundae, salvis tamen his, referamus interpretationem prudentum aliasve iuris civilis species, quibus ipsis ius atque iuris principia condi potuerunt.

(1) L. 7. ff. de Iustitia et Iure.

C A P U T T E R T I U M.

AN MODUS PROCEDENDI APUD ROMANOS VIM HA-
BUIT DIVERSAM CIRCA VALOREM NEGOTIORUM,
CIRCA PETITIONEM ACTORIS, REMEDIA DEFEN-
SIONIS ET OFFICIUM IUDICIS, PROUT NEGOTIA
ERANT BONAE FIDEI VEL STRICTI IURIS?

Quamvis Romani dictis modis tollerent sensim
iniquitatem oriundam e more procedendi, in
negotiis stricti iuris instituto secundum eo-
rum indolem, et ita efficerent, ut in iis etiam
aequitati locus esse posset, tamen salvum reti-
nuerunt antiqui iuris principium. Remansit er-
go diversa negotiorum forma; remansit quoque
ut in bonae fidei negotiis, quorum fundamemtum
erat in aequitate naturali, vi latioris formulae
iudici datae, ex bono et aequo iudicaretur; con-
tra in negotiis stricti iuris secundum id quod es-
set dictum et promissum, vi strictae formulae iu-
dici praescriptae, a qua ipsi ne minimum quidem
re-

recedere licebat, nulla bonae fidei in ea facta mentione (1). Diversam hancce negotiorum naturam atque iudicis potestatem, insigni discrimini inter bonae fidei et stricti iuris iudicia locum dedit, merito praesumitur; adeo ut alio atque alio modo aequitas cum subtilitate fori Romani in concordiam redigi deberet, prout negotia essent bonae fidei vel stricti iuris. Per singula haec videamus.

Vis diversa procedendi modi circa valorem negotiorum, prouti haec bonae fidei erant aut stricti iuris.

Supra iam vidimus, stricti iuris negotia quamvis dolo gesta, ante Ciceronis tempora, pleno iure substitisse, modo caetera iuris requisita adessent; adeo ut laeso damnum, nisi ex interposita de dolo stipulatione, resarciri non posset (2). Post concessam quoque a Praetore restitutionem in integrum propter dolum, iure civili subsistebant tamen illa negotia, quamvis dolo inita; et per ius praetorium insimari demum poterant concessâ actione aut exceptione dolî, absque ullo discrimine inter dolum contractui causam

(1) Conf. supra C. I. p. 22.

(2) Cicero, *de Offic. L. III. C. 14.* Noodt,
de

sam dantem et incidentem (1). Lato scilicet de dolo Edicto, laesus, integro negotio, per exceptionem doli, e iure praetorio, intentionem actoris elidebat (2); si dolo laesus ex obligatione non conveniretur, adeoque inutilis doli exceptio esset, Praetor ei succurrebat per actionem de dolo, quae arbitraria erat (3). Hinc si dolo laesus rem promissam tradidisset, action illa dabatur ad rem restituendam; huic actioni locus erat, si res alio modo salva esse non posset (4). Re non praestitâ, condemnatio fiebat in id quanti res erat, per actoris iusurandum in item, intercedente tamen iudicis officio (5),
ni-

de Form. Emendandi dol. C. 4. et 5. Conf. sup. C. 2. p. 26. seqq.

(1) Conf. Vinnius, *Quaest. L. I. C. 12.* et ad Tit. Institut. de Actionibus p. 910. Noodt, *Op. Cit. C. 3.* princ.

(2) L. I. princ. ff. de Dolo malo. L. I. § I. ff. de Doli mali et metus except. L. 36. ff. de Verb. Oblig. L. 28. ff. de Action. emti. L. 5. Cod. de Inutil. Stipulat. Conf. Pothier, *ad Tit.* ff. de Pactis n. 13. et Noodt, *de Forna Emendandi dol.* C. 5.

(3) L. 7. § 3. et L. 18. princ. ff. de Dolo malo. Conf. Noodt, *Op. Cit. C. 5.* Pothier, *ad Tit.* ff. de Verb. Oblig. n. 3. not. c.

(4) L. I. § 1. et 4. L. 7. princ. ff. de Dolo malo.

(5) L. 18. princ. ff. eodem,

nisi restitutio per rerum naturam fieri non posset, servo e. g. dolo tradito defuncto, quo casu reus statim condemnabatur, in id quanti actoris intererat (1).

Vi formulae in bonae fidei iudiciis, aliter fieri non potuit, quin doli ratio a iudice pedaneo haberetur, licet de eo praetendo per stipulationem cautum non fuisse; idque adeo ita iam iuris fuisse oportet, ante Aquilii Galli tempora, a quo formulas de dolo malo profectas esse, supra notavimus (2). Testatur illud Ciceron (3), ubi, „dolum malum in sine lege iudiciis, in quibus additur, ex bona fide vindicatum fuisse”, scribit. Inde porro apud eundem, „actiones bonae fidei”, vocantur „iudicia de mala fide” (4). Idem illud iuris mansit, post conditum Edictum Praetoris de dolo malo, unde Icti scribunt, in bonae fidei negotiis „dolum abesse debere, etsi de eo cautuni „non

(1) L. 18. § 1. et 4. ff. eodem. Conf. Noodt, Op. Cit. C. 5.

(2) Conf. supra C. 2. p. 26.

(3) L. 3. de Offic. C. 15.

(4) Id est, in quibus attenditur ad malam fidem, de ea agitur. Leguntur verba Ciceronis, L. 3. de Nat. Deor. C. 30.

„ non sit (1), imo, licet pacto adiecto planus fuerit, ne doli nomine quid praestaretur” (2). Sponte nullum erat declarandum a iudice pedaneo bonae fidei negotium, cui propter dolum, deērat iuris civilis requisitum, nempe consensus bona fide innixus (3); quod vero contrā ius civile gestum erat, id ipso iure valere non poterat. Non requirebatur igitur Praetoris auxilium ad infirmandum negotium uti in stricti iuris negotiis. Id vero, Noodtium secuti, iuris fuisse putamus, sive dolus hisce negotiis causam det, sive incidens sit (4). Docent illud Icti, ubi in genere dicunt, „, societatem dolos, malo initam ipso iure nullius esse momenti, ibique Praetoris partes cessare; ipso iure „, enim

(1) L. 68. § 1. ff. de Contr. Emt. L. 7. ff. de Neg. Gest. L. 6. § ult. ff. de Act. Emt.

(2) L. 1. § 7. ff. Depof. L. 6. § ult. ff. cit.

(3) L. 116. L. 152. § ult. ff. de Reg. Iur. L. 68. § 1. cit. Conf. Noodt, *de Form. Emend. dol. C. 7.*

(4) Praestantissimum hunc interpretem, qui in materia dolii multa ex antiquitate illustravit in libro sing. *de Form. Emendi dolii*, secuti sunt Schulting, Enarrat. prim. part. ff. ad Tit. de Dolo, aliquie, quibus cum fere debeam quae hic congessti, hos Viroes semel tantum laudasse sufficiat.

„enim laesum satis tutum esse” (1). Nec deest ratio; bonae fidei enim prorsus contrarium est, condemnare reum dolo laesum (2); unde doli exceptiones dicuntur inesse bonae fidei iudiciis (3).

Ex eodem fonte, quod nempe dolus a bonae fidei negotiis ipso iure arceatur, derivandum est, quod perfecto eiusmodi negotio per dolum gesto, ipso iure civili laeso succurreretur. Eo scilicet casu, decepto actio civilis, sed utilis ex ipso contractu dabatur, quâ negotium rescindebatur, restitutis quae tradita fuerant (4). Aut agere deceptus poterat ad id quod alterum ex bona fide agere vel dare oportebat, si velit ut contractus maneat, aut res in integrum revocari nequeat (5). Denique si ob rei naturam con-

tra-

(1) L. 3. § 3. pro Socio i. L. 16. § 1. ff. de Minoribus. Conf. L. 5. C. de Resc. Vend.

(2) L. 28. ff. de Action. Emit.

(3) L. 21. ff. Solut. Matrim.

(4) L. 11. § 5. ff. de Action. Emit. ad quam videtur Noodt, *Op. Cit. C. 9. Conf. L. 18. ff. de Aedilitio Edicto iunctâ. L. 11. § 3. ff. de Action. Emit. Conf. Paulus, in Sentent. L. 2. Tit. 17. § 6.*

(5) Cicero, *de Offic. L. 3. C. 16. L. 13. § 4, 5. ff. de Act. Emit.*

tractus stare nequeat, agere tamen ad interesse poterat (1). Ceterum haec actio, quamvis civilis ex ipso contractu data, non est directa, quippe quae dari nequit cum contractus nullus sit, verum utilis est; atque Icti rem eo in casu perinde accipiunt ac si contractus valeret (2).

In arbitrio tamen laesi erat, sive dolo incidente sive causam dante erat deceptus, utrum bonae si-dei negotium nullum declarari an vero subsistere vellet. Etenim solius decepti non utriusque cotrahrensis ratione, negotio vitium inerat; idque cessabat, ubi, detecta fraude, laesus in consensu persistebat (3); quisque enim beneficio, in suum favorem introducto, potest renuntiare (4). Hinc sequitur, ut, invito decepto, cui soli beneficium legis favebat, non posset auctor doli agere ad contractum dissolvendum; utpote cuius improbitati tale nihil erat condonandum (5).

Hoc

(1) L. 62. § 1. ff. de Contrah. Emt. L. 6. § ult. L. 30. § 1. ff. de Act. Emt.

(2) L. 4. ff. de Contrah. Emt. L. 30. § 1. ff. de Act. Emt. L. 9. § ult. L. 11. ff. de Minor.

(3) L. 13. § 27. et 28. ff. de Action. Emt.

(4) L. 41. ff. de Minor. L. pen. Cod. de Pact. L. 69. ff. de Reg. Iur.

(5) Conf. Noodt, *de Form. Emend. dol.* C. 9. Schulting, *Op. Laud.* ad Tit. ff. de Dolo malo N°. 8.

Hoc arbitrium Paulus in dolo incidente lacso tribuit, ei optio tem dans utrum velit agere ad dolum purgandum, an vero potius ad id ut nulla declaretur emtio (1). Ulpianus quoque ei qui dolo deceptus mulierem pro virgine emisset, concedit actionem ex emto ad rescindendam venditionem (2); non alia ratione atque Imperator Alexander eatum rerum persecutionem suo iure tribuit venditori, qui persuadente emtore, incertus de hereditatis quantitate, quasi exiguum quantitatem vendiderat (3). Agere ergo laesus, in utraque doli specie, poterat ad contractum rescindendum. Quod si vero negotium subsistere malebat, supra dictis consentaneum erat, ut laesio salvo contractu corrigeretur; idcirco agebat deceptus actione ex ipso contractu, ad dolum purgandum, ut ita damnum deducatur. Hinc Ulpianus putat, „venditorum qui dolo effecerit ut servum pluris venderet, actione emti teneri ad praestandum emtori, quanto per dolum illum pluris vendiderit” (4). Salva hinc manet ipsa emtio, ut etiam in specie legis sequenti. Vellicus quidam

(1) Paulus, *Sent.* L. 2. T. 17. § 6. ubi conf. Schulting, *Iurispr. Antiq.* p. 294.

(2) L. 11. § 5. ff. de Contr. Emt.

(3) L. 5. C. de Hered. vel Act. Vend.

(4) L. 13. § 4. ff. de Act. Emt.

dam aliquas res haereditati substrahit; et sic facile haeredi persuadet, ut eam sibi minimo prelio venderet; iam ad dolum illum purgandum haeredi datur actio ex vendito, in tantum, quanto pluris haereditas, rebus illis non subtractis, valuerit (1).

Fateor, plerumque in legibus ab dolum incidentem agi solet ad dolum purgandum; contra ubi dolus causam dedit negotio, ad id ut nullum declaretur; id vero non tribuendum est iuris necessitati, ut alia ratione agi non possit; sed hoc profluit ex laesionis indole. Qui laeditur dolo incidente contractum voluit inire, rem v. c. emere, unde eius voto congruum est, ut salvo contracitu laesio corrigatur; qui vero dolo ad emendum dicitur prorsus contrahere noluit, ideoque maxime cupit, ut contractus dissolvatur.

Expositâ nostrâ sententiâ, vix opus est, ut eorum interpretum sententiam refellamus qui putant, etsi interveniente dolo causam dante, bonae fidei negotia ipso iure valuerint; etenim illa nimis absurda est (2). Sufficiat, memorata
iam

(1) L. 13. § 5. ff. de Action. Emt. Conf. L. 9. princ. ff. de Dolo malo.

(2) Conf. Vinn. Quaest. L. 1. C. 12. et Pothier, ad Tit. ff. de Pactis n. 10. not. a.

iam ICtorum verba adducere; „ societatem do-
„ lo coitam ipso iure nullius esse momenti,
„ ibique Praetoris partes cesare” (1).

Ratione vero ipsius distinctionis inter dolum causam dantem et incidentem, animadvertisendum est, quod, etsi diverso modo dolus re vere rā, ratione ineundi negotii, locum habere pos- sit, semper tamen vaga sit illa distinctio, quae certis terminis caret et ab externis momentis dependet. Plerumque enim certo definiri nequit, utrum dolus causam dans, an vero inci- dens fuerit; proinde distinctio illa diversos certosque effectus in iure producerē nequit et sa- pientiā ICtorum Romanorum indigna videtur.

Post Noodtiūm non conabor respondere ad leges, quae a dissidentibus adferuntur. Sed cum videam ipsum Noodtiūm, non, nisi critica manu et audaciori conjectura, sese extricasse difficultate, quae inest, *L. 7. pr. ff. de Dolomalo*, tentare conabor, anne haec lex ita pos- sit intelligi et exponi, ut nostrae opinioni mini- me aduersetur.

Putant dissidentes, diversum duplicitis dolis effectum manifesto apparere ex hisce legis ver- bis: „ Hoc enim sic accipiimus, carere dolo em-

(1) L. 3. § 3. ff. pro Socio L. 16. § 1. ff. de Minor. L. 5. Cod. de Rescind. Vendit.

„torem; ut ex empto teneri non possit; aut
 „nullam esse venditionem, si in hoc ipso, ut
 „venderet, circumscriptus est” (1). Videan-
 mus de legis sensu, ut sic constet de vitio ar-
 gumenti. Quaerit Ulpianus, de sensu ver-
 borum in Edicto; „si de his, quae dolo malo
 „facta esse dicuntur, alia actio non erit, iudic-
 „cium dabo.” Eleganter, inquit, haec a Pom-
 ponio ita accipiuntur, „si res alio modò ei
 „ad quem ea res pertinet salva esse non pote-
 rit”. Iam huic sententiae non adversari ait,
 quod Julianus scribit, „si minor viginti
 „quinque annis, consilio servi circumscriptus,
 „eum vendidit cum peculio, emtorque eum
 „manumisit, dandam in manum suam de dolo
 „actionem”. Quamvis enim, primâ fronte,
 alia remedia videbantur minori superesse, reve-
 râ tamen, per solam de dolo actionem, res sal-
 va esse poterat. Apparebat enim, actionem ex
 emptionis contractu (2) contra emtorem dari
 non posse, quia hic dolo carebat. Porro ICtus
 subiungit, anne minori succurri potuisset per
 id, ut venditio nulla declaretur? Utique hoc
 probandum videbatur, si in eo ipso ut venderet
 fuis-

(1) Conf. L. 7. ff. cit. Vid. Vinnius, *Quaest.*
L. 1. C. 12.

(2) Puto ad purgandum dolum.

fuisset circumscriptus; at vero non in eo solo ut venderet laesus erat, sed insuper in eo quod servus erat manumissus, isque revocari in servitutem non poterat: proinde, quamvis nulla declararetur venditio, manumissus in venditoris potestatem, e favore libertatis, redire non poterat; adeo ut neque hac ratione minori res salva esset. Neque tandem minori prodesset in integrum restitutio, quippe quae adversus manumisum locum habere non potest. Per solam ergo de dolo actionem in manumisum, qui dolo egerat, minori succurri poterat; adeoque casus a Iuliano propositus minime Pomponii sententiae adversatur, nimirum: dari actionem de dolo, ubi alia actio non est. Apparet ergo in hac lege minime agi de diverso effectu doli causam dantis et incidentis, sed verba legis: *aut nullam esse venditionem si in hoc ipso ut venderet circumscriptus est*, pertinere ad id, ut doceatur, remedium nullitatis in casu proposito locum habere non posse, quo alias actio de dolo excluderetur.

Ubi iam ea, quae ratione doli in bonae fidei et stricti iuris negotiis intervenientis retulimus, in mentem revocamus, appareat, modum procedendi utique vim diversam circa valorem illorum negotiorum habuisse. Etenim bonae fidei negotia dolo gesta, ipso iure non vale-

bant; unde laeso, pro rerum momentis, variis modis per ius civile succurrebatur; neque huic ad Praetoris de dolo Edictum recurrere opus erat, nisi cum res laeso, aliâ ratione, salva es- se non posset (1). Contra, in stricti iuris negotiis non obstabat dolus, quo minus illa ipso iure valerent, sed iure Praetorio infirmabantur; unde, propter dolum, ex hoc, non ex civili, iure agendum erat.

Inquiramus iam in metus effectus circa negotiorum bona fidei et stricti iuris valorem.

Stoïcorum placitum, metu nempe coactum promittentem consentire, quatenus e duobus libere eligit, quod secuti sunt ICTi Romani (2), illud inquam placitum in stricti iuris negotiis vim habere potuit. Etenim in his negotiis dis non ex æquo et bono dirimebatur; hinc stricti iuris negotia, secundum debitam formam inita,

prop-

(1) Id obtinere vidimus in Leg. 7. princip. ff. de Dolo malo. Idem refertur in Leg. 18. § 3. ff. eodem; ubi ex venditione laeso, quodam in casu, actio de dolo datur, in tertium scilicet, qui sciens iniqua pondera ad mercem appendendam commodavit. Conf. Noodt, *de Form. Emend. dol. mal.* C. 13.

(2) L. 21. § 5. ff. Quod metus causa. ICTi, in aliis quoque rebus, illius philosophiae sententias amplexi sunt. Conf. Pothier, Pand. Iustin. Praef. P. 1. C. 2. § 3. et Cuiacius, Obs. L. 26. c. ult.

propter metum irrita ipso iure non fiebant. Prolatis formulâ Octaviana, de dolo et metu Edictis, ipso iure, nihilominus valebant stricti iuris metu gesta negotia; verum per ius Praetorium infirmabantur (1). In specie vero pollicetur Praetor, se, quod metus causa gestum erit, ratum non habiturum (2). Hinc si per metum laesus conveniretur, poterat actoris intentionem elidere per metus causa exceptionem, quae erat in rem scripta (3); imperfecto negotio aliquando etiam per ipsam actionem quod metus causa agi poterat (4). Perfectum negotium rescindebatur per actionem quod metus causa (5), aut omisfa hac actione, si per contra-

(1) Ex utroque enim Edicto, remedia quaerebat laesus, quia is qui metu cogit etiam dolo agere dici potest, et hinc de dolo tenetur. L. 14. § 13. ff. Quod metus causa.

(2) L. 1. princ. et L. 21. § 1. ff. Quod metus causa. L. 1. § 1. ff. de Doli mali et metus exceptione.

(3) L. 4. § 33. ff. eodem. L. 5. Cod. de Inutil. Stipul. Conf. Pothier, *ad Tit. ff. de Pactis n. 13.*

(4) L. 9. § 3. ff. Quod metus causa. Conf. Noodt, *de Form. Emend. dol. c. ult. Schulting, Enarrat. ad Tit. ff. de Dol. mal. n. 8.*

(5) L. 1. iunct. L. 14. § 3. ff. Quod metus causa. Conf. Noodt, *Op. Laud. cap. ult.*

tractum metu initum aliquid alienasset, aut aliquem liberasset laesus, poterat experiri actione pristina sive in rem sive in personam (1). Iuris quidem subtilitate extincta est haec actio, sed rescissa traditione aut liberatione ei dabitur utilis (2). Si sola stipulatio, non numeratio per metum extorta esset, cessabat actio quod metus causa, quia ad eam requiritur ut aliquid ablatum sit metum passo (3); verum hoc casu per condictionem ob iniustam causam repetitio fiebat (4). Caeterum actio quod metus causa erat in rem scripta (5); per eam restituebatur res metu extorta; fructuum et accessionum quoque ratio habebatur (6): propter contumaciam rei, intercedente officio iudicis, fiebat condemnatio in quadruplum intra annum, post annum in simplum, unde haec actio erat arbitraria (7).

In

(1) L. 9. § 4. et 6. ff. Quod metus causa.

(2) Noodt, ad Tit. ff. Quod metus causa p. 109. et Pothier, ad Tit. ff. Quod metus causa n. 12.

(3) L. 12. § ult. L. 14. princ. ff. Quod metus causa. Conf. Pothier, ad hunc Tit. n. 11.

(4) L. 7. ff. de Condict. ob turp. caus. Conf. Pothier, ad hunc Tit. n. 10. Noodt, ad Tit. ff. Quod metus causa pag. 109.

(5) L. 9. § ult. ff. Quod metus causa.

(6) L. 12. pr. ff. Quod metus causa. Conf. Pothier, ad h. t. n. 22.

(7) L. 14. § 1, 3 et 4. ff. Quod met. caus.

In bonae fidei negotiis per metum gestis, ipso iure laeso succurrebatur; idque ita iuris iam fuisse oportet, propter formulae verba, ante data Edicta Praetorum de dolo atque metu. Deinceps quoque, Praetoris auxilium non aequo requirebatur ad infirmando illa negotia, ac in iis quae stricti iuris erant. Minime hinc ad Stoicorum illud placitum attendi poterat: nam quamvis verum sit, metu coactum eligere; ab altera parte tamen constat, liberam optionem non dari illi, qui ad eligendum cogitur, cum caeteroquin maluisset plane non eligere. Proinde iudicis officio, ex bono et aequo litem secundum expressa formulae verba dirimentis, congruum erat, nullum declarari negotium, cui deerat iuris civilis requisitum, nimicum liber omnino consensus (1). Illud ex eo quoque constat, quod exceptiones metus hisce iudiciis insint; vel saltem ipso iure tutus sit metum passus per exceptionem dolii, quae inesse dicitur

(1) L. 116. ff. de Reg. Iur. Rescritibit Imp. Alexander, de venditione coacta agens, „ ratum non habbitur, quod non bona fide gestum est; malae fiduciis enim emptio irrita est”. L. 1. C. de Resc. Vend. Conf. Noodt, de Form. Emend. dol. c. ult. et Pothier, ad Tit. ff. Quod met. caus. n. 2. not. b. et ad Tit. ff. de Pactis n. 11. Vid. Schulting, Enarr. ad Tit. ff. de Dol. mal. § 3.

illis iudiciis (1). Si negotium iam esset consummatum uti poterat auxilio Praetoris.

Quamvis autem, cum e rei naturâ, tum ex Ulpiani fragmento (2), colligendum sit, bonae fidei negotia metu gesta, ipso iure nulla fuisse; tuto tamen affirmare non ausim, utrum hîc, ad instar eius quod in dolo obtinet, actio utilis detur, contractu impleto, ad repetendam rem praestitam; an vero ad actionem quod metus causa recurrendum sit. Ab una parte dici possunt metus et dolus eodem loco haberi, adeoque par esse ius; verum ab alterâ parte non putaverim, per leges probari posse, talem actionem utiliem, propter metum, in specie dari; imo potius contrarium e legibus erui posse videtur. Etenim in specie propositâ in *lege i. Cod. de Rescindend. Vendit.*, verisimile est de emtione iam impletâ agi. Iam vero a venditore laeso, dicitur adeundus Praeses provinciae, ut hic suam auctoritatem interponat; unde colligi poterit, hîc actione quod metus causa opus fuisse.

(1) L. 21. ff. Soluto matrim. iuncta. L. 14. § 13. ff. Quod metus causa, conf. No odt, *de Form. Emend. dol. cap. ult.*

(2) L. 116. ff. *de Reg. Iur.* Idem quodammodo suadent verba legis *i. C. de Resc. Vend. malae fidei emtio irrita est.*

ie (1). Idem ex *Lege 4 et 5. Cod. de his, quae vi metusve causa colligere licet*; ubi, venditione metu intercedente perfecta, dicitur id quod factum est, iurisdictionis tenore in priorem statum esse revolvendum; aut iuxta Edicti Perpetui formam, actionem in quadruplum vel simplum dari. Attamen dubia res est (2), unde in utramque partem de eo disputari potest.

Obiter hic monendum, quod, ubi per metum sublata fuit bonae fidei obligatio, per contrarium consensum haec sublata habeatur, unde eo casu actio quod metus causa datur (3).

*Vis diversa procedendi modi circa petitio-
nem actoris, prout negotia erant bonae
fidei vel stricti iuris.*

Aequitati naturali, quâ nitebantur bonae fidei negotia, consentaneum dici potest, ut quae inter contrahendum nudo pacto insuper fuissent pro-

(1) Praesides enim in provinciis Praetorum munus sustinebant. L. 10. ff. de Off. Praef.

(2) Additur enim in L. 4. C. cit. actionem quod metus causa ita demum competere, si alia non sit. Conf. Noodt, *Op. Cit.* cap. ult.

(3) L. 21. § 4. ff. Quod metus causa. Conf. Noodt, *de Form. Emerd. dol.* cap. ult.

promissa, in foro peti possent (1). Id reverâ admiserunt Romani, memores tamen principii, ne e nudo pacto actio daretur, salvâ etiam manente contractuum naturâ.

Quod pacto bonae fidei contractui in continenti adiecto promissum fuit, id iure petitur. Non quidem suâ vi actionem producit illud pactum, verum id habetur pro parte contractus cui adiicitur; unde ei inesse, legem dare, et actionem formare dicitur; ex quo actio ex ipso contractu simul tendit ad petendum, quod per pactum fuit promissum (2).

Rem

(1) Conf. Schulting, *Enarr. ad Tit. ff. de Pactis.* n. 5.

(2) L. 7. §. 5. ff. de Pactis. L. 72. ff. de Contrah. Emt. L. 10. Cod. de Iure Dotium. Conf. Noodt, *de Pactis* Cap. 11. pag. 509 et 510. Pothier, ad Tit. ff. de Pactis n. 34. not. b. Glück, *Erläut. der Pandect.* § 311. pag. 258. seqq. Modo pactum illud non tale sit, quod bonis moribus contrarium sit, aut negotii naturae plane aduersetur; vid. L. 29. § 2. ff. pro Socio et L. 5. ff. de Usur. Conf. Vinnius, *de Pactis* Cap. 9. n. 9. Glück, *Op. Cit.* § 311. pag. 277, quo casu pactum valere non potest, nisi tamen tale sit, quo negotium in aliud plane vertatur. Conf. Vinn. *Op. et Loc. Cit.* Caeterum pactum in continenti adiectum non tantum dicitur, ubi in ingressu aut tempore contractus, verum etiam, ubi paulo post interponitur, nullo tamén alio
ne-

Rem paucis exemplis illustremus. Nuda res promissio evictionis nomine solet sufficere in venditione (1). Ubi iam per pactum in contienti contractui adiectum convénit, ut evictionis causa fideiusfor praestaretur, venditor ad id per actionem ex emto compelli potest (2). Similiter actione e vendito agitur ad implendum pactum, quo, dimidiā fundi parte venditā, convenit, ut emtor alteram partem in decem annos certā pecuniā conductam haberet, modo ideo viliori pretio pars fundi vendita fuisset (3).

Ubi vero pactum adiectum tendebat ad dissolvendum, quodam in casu, contractum, quale erat lex commisoria et addictio in diem, dubitarunt veteres Icti, utrum actio ex ipso negotio interveniente. Conf. Vinnius, *de Pactis* Cap. 9. n. 14. seq. Noodt, *de Pactis* Cap. II. pag. 509.

(1) L. 37. L. 56. ff. de Eviction.

(2) L. 4. L. 37. L. 56. ff. eodem. Conf. Vinn. *de Pact.* Cap. 9. n. 2.

(3) L. 79. ff. de Contrah. Emt. Alia exempla sunt in lege 75. L. 78. § 3. ff. de Contrah. Emt. L. 23. ff. de Reg. Iur. L. 1. pr. ff. de Peric. et Comm. Rei Vend. L. 9. § 2. ff. Locati. Conf. Vinn. *de Pact.* Cap. 9. n. 1 et 2. Voet, *ad Tit.* ff. de Pactis n. 6. Noodt, *de Pactis* Cap. II.

contractu, an praescriptis verbis, ad implem-dum pactum danda esset. Quaestio haec per Rescripta Imper. fuit direpta; et ita quidem primum, ut actio ex ipso contractu, mox, ut ultraque dari posset (1).

Vidimus de pactis contractui bonae fidei in continenti adiectis. Ubi ex intervallo illa adiiciuntur, distinguendum inter ea, quae ad substantiam sive naturam contractus pertinent et ea, quae salvo contractu abesse possunt, atamen plerumque interveniunt, qualia sunt adminicula contractus (2).

Pactum, quod circa adminicula versatur et contractui bonae fidei ex intervallo adiicitur, huic a parte actoris non inesse dicitur; unde ad agendum non prodest, ne e nudo pacto actio detur (3). Propterea Ulpianus (4) inquit,

, non

(1) L. 4. ff. de Leg. Commiss. L. 2. Cod. de Pact. int. Emt. et Vend. Conf. Pothier, *ad Tit.* ff. de Pact. n. 37. Noodt, *de Pactis*. Cap. 11. pag. 510.

(2) L. 7. § 5 et 6. ff. de Pactis. L. 72. ff. de Contr. Emt. Conf. Noodt, *de Pact.* Cap. 11. Schulting, *Enarratio ad Tit.* ff. de Pactis n. 7 et 8. Vinnius, *de Pactis* Cap. 9. n. 4—8. Glück, *Op. Cit.* § 311. pag. 260. seqq.

(3) L. 7. § 5. ff. de Pactis. L. 72. ff. de Contr. Emt. Conf. Panl. *Sent.* Lib. II. Tit. 14. n. 1.

(4) L. 7. § 5. cit.

„ non valet pactum post divertium factum , ut
 „ ante tempus definitum dos reddatur ” . Pro-
 vocat quoque I Cetus ad Papini an i verba (1) ,
 qui scribit „ pacta conventa , quae postea facta
 „ emtioni aliquid adiiciunt , ei non inesse ” ;
 quod intelligit I Cetus de adminiculis emtionis ,
 ut ipse ait , veluti , ut duplae cautio cum fideius-
 fore praestetur . Erat hoc pactum adiiciens ,
 quod venditoris obligationem augebat , quia du-
 plae cautio per nudam repromisem , sine fi-
 deiusfore , praestari solet (2) . Iam ait I Cetus ,
 agente emtore , non valere pactum , ut praestetur
 fideiusfor (3) .

Quomodo autem se habet res , adiecto pacto
 bonae fidei contractui ex intervallo et circa eius
 substantiam , v. c. , pretium in emtione ? Ex
 Pauli sententiâ (4) , aucto pretio , nbi con-
 tractus nondum impletus est , recessum a priore
 videtur , et novus contractus intercessisse . Sane
 emtio consensu perficitur , adeoque per pactum
 nova fieri emtio dici potest . Contra , res ita
 quoque accipi potest , ut pristina emtio adhuc

pro

(1) L. 72. ff. de Contrah. Emt.

(2) L. 56. ff. de Evict.

(3) Cons. Noodt , de Pact. Cap. II. pag. 511.
 Vinn. de Pact. C. 9. n. 4. et seqq.

(4) L. 72. ff. de Contrah. Emt.

pro parte subsistens habeatur, quatenus nil mutatum est; atque eo sensu Ulpianus (1) videtur dixisse, „contractum ita quodammodo „quasi renovari, et in parte recedi pacto ab „emtione, quasi repetita partis emtione; et „pactionem ex parte agentis locum habere et „ad actionem proficere". Hac sane ratione, subtiliter dici potest, pactum ex intervallo circa substantiam contractus (2) interpositum, valere ad actionem (3).

Obiter hic monendum, quod dissentit, in lege 72. ff. de Cont. Emt. explicanda, Cuiaci (4), qui putat, per pacta detrahentia in lege indicari talia pacta, quae versantur circa substantiam contractus, veluti pretium in emtione, quamvis id per pactum augeatur: contra, pacta adiicere, ubi iis de adminiculis aliquid convenit, licet minuatur obligatio. Cuiaci sententiam resellit Noodt (5), cuius opinio-

(1) L. 7. § 5. ff. de Pactis.

(2) Saltem qui solo consensu perficitur.

(3) Conf. Noodt, *de Pactis* Cap. 11. p. 512. Vinnius, *de Pactis* Cap. 9. n. 8. Schulting, *Enarrat. ad Tit. ff. de Pact.* n. 8.

(4) Observat. Lib. 14. Cap. 28. et Lib. 10. Cap. 23. Cuiacio assentitur Voet, ad Tit. ff. de Pact. n. 8.

(5) *De Pact. Cap. 11.* pag. 511 et 512.

nem sumus secuti, cum maxime probabilis apparet, eamque amplexi sint plurimi interpres (1).

Quod pacto, stricti iuris negotiis in continentia aut ex intervallo adiecto, fuerat promissum, id peri non poterat. Vidimus enim, contrarium in specie doceri de bonae fidei negotiis: insuper, teste Vinnio (2), nullus in iure locus occurrit, quo probari possit, pactum mutuo aut stipulationi, quamvis in continentia adiectum, a parte actoris negotio inesse, ita ut ad agendum prosit. Mirum sane est, cur non idem de stricti iuris quod de bonae fidei negotiis affirmetur, siquidem in utroque parlus esset. In iure autem saepius obtinet, quod in primis de bonae fidei ac stricti iuris negotiis valet, non quod de uno genere affirmatur, per id ipsum de altero negetur (3). Ipsa quoque stricti iuris contractuum natura obstabat, quo minus pactum adiectum inesse posset et ad actionem proficere. Etenim ad stipulationem, quae verbis solennibus perficiebatur, accedere eiusque partem

(1) Conf. Glück, *Erlaut. der Pand.* § 311. pag. 263. seqq. Schulting, *Enarrat. ad Tit. D. de Pactis* n. 7. Vinnius, *de Pactis.* C. 9. n. 4.

(2) *de Pactis.* C. 10. n. 3.

(3) Vinnius, *de Pactis.* C. 10. n. 1.

tem constituere non poterat nudum pactum (1); proinde stipulationis natura non sinebat, ut praeter ea, quae verbis illis continebantur, insuper praestarentur, quae nudo pacto erant promissa. Mutui obligatio, propter rei tradionem, non poterat extendi ultra id, quod erat numeratum (2); id docent Iuriſconsulti, ubi dicunt, „re non potest obligatio contrahi, nisi quatenus datum est: unde, ubi quis decem dat, et pacisciatur, ut viginti debeantur, non naſcitur obligatio ultra decem” (3). Praeterea in mutuo transferetur dominium, unde hic locus esse non potest quibusdam praestationibus accedentibus, quae obtinent, et de quibus pacisci possunt partes, in bonae fidei negotiis, quae similiter re perficiuntur, uti commodatum, depositum. Usurae denique non, nisi e stipulatione, in mutuo debentur (4).

Assentendum itaque censemus Vinnio aliisque interpretibus, qui putant, pacta in continent aut ex intervallo stricti iuris contractibus

(1) L. 99. ff. de Verb. Oblig.

(2) Vinnius, *de Pactis.* C. 10. n. 3.

(3) L. 17. ff. de Pactis. L. 11. § 1. ff. de Rebus Creditis. Conf. Pothier, ad Tit. de Pactis. n. 39. et 40. not. b.

(4) L. 24. ff. de Praescr. Verbis.

adiecta, iis a parte actoris non inesse, adeo-
que ad actionem non prodesse (1). De mutuo
idem affirmat Noodt (2), qui tamen putat,
pactum in continent stipulationi circa causas, uti
locum, tempus, adiectum, prodesse ad actionem.
Ita censet propter verba in L. 40. ff. de
Rebus Créditis, „pacta in continent facta sti-
„pulationi inesse creduntur”. Rectius ta-
men existimare videntur Vinnius (3) et
Glück (4), verba illa Pauli esse restrin-
genda ad casum de quo agitur in lege 40 cit.,
nimis ad pactum detrahens in favorem rei.
Vis diversa circa petitionem actoris, prouti
negotia bona fidei erant aut stricti iuris, in eo
quoque cernitur, quod ubi quid e stipulatione
aut mutuo, certo loco erat praestandum, et
debitor se eo loco non sisteret, actor reum
convenire non poterat per actionem ex ipso
con-

(1) Vinnius, *de Pactis* C. 10, ubi docet, frustata
aliquas leges ad contrarium probandum adduci. Con-
f. Pothier, ad Tit. ff. de Pactis n. 39 et 40. By-
nkershoek, *Dissert. de Pactis str. iur. contrast.*
in cont. adi. C. 4. seqq. Glück, *Op. Cit.* § 311,
p. 266. seqq.

(2) *De Pactis* C. 12. in fine.

(3) *De Pactis* C. 10. n. 10. seqq.

(4) *Op. Cit.* § 311. p. 267. seqq.

contractu, verum per actionem e iure Praetorio oriundam; nempe de eo quod certo loco, agendum erat, mentione facta loci quo dari oportebat (1). Idem obtinebat in actione e testamento (2). Arbitrio iudicis aestimandum erat, quanti actoris aut rei interesset, in alio quam convento loco solvi, unde haec actio arbitraria dicitur (3). Contra in bonae fidei negotiis sufficiebat actio ex ipso contractu (4); in condemnatione ex aequo et bono itidem ratio eius habebatur, quod contrahentium intererat, solutionem alio in loco fieri (5). Bonae fidei sane congruum erat, petitionem alio in loco admitti, ubi actor suum consequi non poterat in loco per contractum definito (6); unde idem iuris iam suisse necesse est, antequam ea de re a Praetore cautum fuerit.

Ubi

(1) L. 1. L. 2. § 1. L. 6. L. 7. § 1. ff. de eo quod certo loco.

(2) L. 5. ff. eod.

(3) L. 2. pr. et § 3. et L. 3. ff. de eo quod cert. loc.

(4) L. 7. pr. ff. eod.

(5) L. 5. pr. ff. Comm. Conf. Noodt, *ad Tit. ff. de eo quod cert. loc.* pag. 306. et Pothier, *ad eund. Tit. n. 6. not. c.*

(6) Conf. Noodt, loc. cit.

Ubi in bonae fidei negotiis aliquid turpiter datum fuerat, ut illud restitueretur, quod sponte erat reddendum, per actionem ex ipso contractu descendente peti poterat (1). Secus erat in stricti iuris iudiciis, in quibus eo casu, per condictionem ob turpem causam agendum erat (2). Concurrebat tamen, cum actione bonae fidei, condictio (3).

Actiones e bonae fidei negotiis ad ea quoque tendebant, quae praestari moris erat et consuetudinis, licet de iis cautum non fuisset (4); hinc, evicta re empta, si stipulatio eius rei nomine non intervenisset, emptor agebat ad id quod intererat, et quidem usque ad, non vero ultra duplum; quia duplae stipulatio evictionis causa interponi solebat (5). Contra in stricti iuris negotiis praestari, quae moris erant et consuetudinis, minime affirmatur; neque id illorum naturae consentaneum erat (6).

In

(1) L. 9. § 1. ff. de Cond. ob turp. caus.

(2) L. 9. § 1. ff. cit. Conf. Pothier, ad eum Tit. n. 4.

(3) L. 2. § 1. L. 9. pr. ff. Tit. cit.

(4) L. 31. § 20. ff. de Aedil. Edicto.

(5) L. 43. ff. de Act. Emt. L. 2. iuncta L. 70. ff. de Eviction. L. 31. § 20. cit. Conf. Noodt, ad Tit. ff. de Eviction. p. 463.

(6) L. 99. ff. de Verb. Oblig.

In negotiis bonae fidei, si obligatio sub conditione aut adiecto die sit constituta et metuat forte creditor, ne reus solvendo esse desinat, potest ille statim agere, ad cautionem sibi praestandam, ex iustâ saltē causâ (1). Secus erat in stricti iuris negotiis; de solis enim illis quae bonae fidei sunt affirmatur; praeterea exceptio a iure communi est in legatis et fideicommissis, sub conditione aut ex die relictis, vel quae aliquam moram continent, in quibus ex iure Praetoris cautio illa statim exigi potest (2); id vero in specie in actione e testamento, quae stricti iuris erat, constitui non adeo opus erat, si iure communi in stricti iuris negotiis cautio illa peti potuisset.

Qui per actionem stricti iuris plus petierat quam sibi debebatur, is litem amittebat, nisi per Praetorem in integrum restitueretur (3): etenim in his iudiciis simpliciter respiciebatur ad id, quod inter contrahentes actum fuerat; iudici e formulâ tantum in id inquirendum erat, an illud quod petiebatur, re vera deberetur (4); hinc

(1) L. 38. pr. ff. pro Socio L. 41. ff. de Iudiciis.

(2) Conf. Tit. ff. Ut legat. vel fideic. nom. cav.

(3) Conf. supra C. 2. p. 37.

(4) Conf. Noodt, ad Tit. ff. de Rebus creditis in fine.

hinc si, causā cognitā, liqueret actorem plus quam debitum erat petiisse, hic perdebat causam (1). Secus erat in bonae fidei iudiciis, ob aequitatis habendae rationem; in iis enim obligationes definiebantur secundum id quod bonum et aequum erat. Discremen illud inter utriusque generis actiones notat Cicero (2).

In bonae fidei iudiciis, petitio actoris in totum vel pro parte propter mutuum debitum, ipso iure excludebatur per compensationem (3); id enim bonae fidei consentaneum erat, quia dolo agit, qui petit quod redditurus est (4). Contra in stricti iuris iudiciis, compensatio a iudice pedaneo non admittebatur, nisi in formula sua eius rei mentio facta fuisset. Cum vero e nonnullorum I^ctorum sententia, obligationes stricti iuris, ipso iure per compensationem tolleren-

tur

(1) § 33. ff. de Action. Conf. Vinnius, ad h. loc. p. 923. seq.

(2) *Pro Roscio Com. C. 4.*

(3) L. 10. pr. ff. de Compens.

(4) L. 173. § 3. ff. de Reg. Iur. Exceptiones dolili autem insunt bonae fidei iudiciis. L. 21. ff. Sol. Matrim. L. 84. § 5. ff. de Legat. I. Praeterea, teste Ulpiano, „bonae fidei non congruit de apicibus „iuris disputare”. Conf. L. 29. § 4. ff. Maud. Vid. Noodt, ad Tit. ff. de Compens.

tur aut minuerentur (1), atque ita incerta fieret compensationis forma, aliis han̄c aliis veterem securis, rescripsit Marcus Antoninus, compensationem in stricti iuris iudiciis, per exceptionem dolii perficiendam esse (2). Ab eo iterum recesserunt ICti, quod non rarum. Nimirum deinde per disputationem fori, receptum fuit, ut stricti iuris aequae ac bonae fidei actiones ipso iure per compensationem tollerentur (3).

Vis diversa procedendi modi circa remedia defensionis, prout negotia bonae fidei erant vel stricti iuris.

Insigne discrimen huius rei ratione inter bonae fidei et stricti iuris negotia, exinde ortum

(1) Conf. L. 4. ff. de Compens.

(2) Conf. § 30. I. de Action.

(3) Conf. L. 4. L. 21. ff. de Compens. Ita progressum in iure suisce, putat Noodt, ad Tit. ff. cit. Conf. Pothier, ad h. tit. n. 2. Confirmavit ius illud Iustinianus, modo utrumque debitum aperto iure niteretur; exceptit tamen depositum. Conf. L. 4. § ult. C. de Compens. et § 30. et 39. I. de Action. Quae exceptio in deposito nova non erat. Conf. Paulus, Sent. L. 2. T. 12. n. 12.

rum est, quod in illis ex aequo et bono iudicaretur, dum in his strictae formulae et legum subtilitati inserviendum esset. Hinc enim factum, ut exceptiones perpetuas et peremptorias, quales erant doli, metus, pacticonventi, in stricti juris iudiciis apud Praetorem in iure proponi omnino necesse esset, ut illae iudicis formulae inseri atque ita in iudicio probari possent (1), nisi enim id factum fuisset, frustra dein coram iudice pedaneo opponebantur. Secus obtinebat in bonae fidei iudiciis, in quibus exceptiones illae, licet formulae non insertae, a iudice pedaneo nihilominus admittendae erant (2).

In-

(1) Hinc exceptiones passim dicuntur *conditiones*, L. 22. ff. de Except. Conf. L. 24. ff. de Except. Rei Iudic. Scilicet per modum conditionis, inferebatur formulae exceptionis mentio, hac similive ratione; „si paret Caium centum aureos e mutuo dare „oportere Maevio, iudex condemna, si non conve- „nerit, ne eam pecuniam Maevius peteret”. Conf. Glück, Erlaut. der Pand. § 310. p. 252.

(2) Nisi tamen per eas litis contestatio impedi-
tetur, uti sponte patet. Porro non valebant pacta,
quae negotiorum naturae bonisve moribus adversantur
v. c. ne dolus praestetur. Conf. L. 17. pr. ff. Com-
mod. L. 1. § 7. ff. Depos. L. 27. § 3. ff. de Pact.
Conf. Noodt, de Iurisdict. L. 1. C. 13. in fine, et
de

Inde iam exceptiones dolii et metus, dicuntur inesse et contineri bonae fidei iudiciis (1), non vero in illis quae stricti iuris erant, ubi exceptio Praetoris de dolo aut metu erat impetranda (2).

Neque porro opus erat, quascunque exceptiones pacti, in favorem rei contractui bonae fidei adiecti, apud Praetorem in iure propone-re; exceptiones pacti enim similiter dicuntur inesse iudiciis bonaे fidei (3). In stricti iuris ne-

de form. emend. dol. C. 8. Averranus, Interpret. Iur. L. 1. C. 14. n. 27: seqq. Glück, Erläut. der Pand. § 310. p. 253.

(1) L. 21. ff. Sol. Matrim. L. 84. § 5. ff. de Legat. 1.

(2) L. 28. ff. de Action. Emt. L. 5. ff. de Inut, Stipulat. Conf. Noodt, *de Form. Emend. dol. C. 8. et ult. et L. 1. de Iurisd. C. 13.* Supra enim vidi-mus, bonaе fidei negotia dolo vel metu gesta, ipso iure non valere; cum contra eo casu stricti iuris negotia ope iuris Praetorii infirmari demum possint. Conf. supra p. 41 et 52.

(3) L. 7. § 5. ff. de Pact. L. 72. ff. de Contrah, Emt. L. 3. ff. Rescind. Vend. Minus recte Cuia-cius, *Obs. L. 14. C. 28. explicat legem 72. ff. de Contrah. Emt.*; errat quoque in eo, quod pacta de adminiculis contractus bonaе fidei, non ipso iure, ad exceptionem prodesse putet, uti observat Noodt, *de Pactis C. 11. p. 512.*

negotiis exceptio pacti, apud Praetorem erat proponenda, quippe quae iure communi non inerat huius generis negotiis, sed e iure Praetoris oriebatur (1). Singulare tamen ius in stipulatione obtinuit; in ea enim usu fori receptionum, ut exceptiones e pactis in continent stipulationi adiectis, ei inesse crederentur (2). Non vero Noodt (3) assentiendum crediderim, qui in Ulpiani verbis (4) ductus, simile quid in mutuo obtinuisse putat: etenim mutui natura id non sinit neque iuris ratio illud suadet; unde in eo verior Schultingii sententia videtur, qui in specie legis II. § 1. cit. non nisi novem mutuo data esse et haec vi contractus deberi observat, atque deficiente satisfactione firma auctoritate, inhaerendum censet regulae, nimirum pactum illud ad exceptionem tantum prodesse (5).

Quae

(1) L. 7. § 4, 5. et 7. ff. de Pactis.

(2) Id est, *inesse haberentur*: stricto iuri enim id contrarium erat. Vid. L. 40. ff. de Reb. Cred. Conf. Noodt, *de Pactis* C. 12. p. 516. Voet, ad Tit. ff. de Pactis n. 7.

(3) *De Pactis* C. 12.

(4) L. 11. § 1. ff. de Reb. Cred.

(5) Conf. Schulting, *Enarrat.* ad Tit. ff. de Pact. n. 10.

Quae de exceptionibus diximus, etiam replicationum et duplicationum ratione valent, quippe quae ulterioris gradus exceptiones sunt (1).

Vis diversa procedendi modi circa officium iudicis, prout negotia erant bona fidei aut stricti iuris.

In genere hic observandum, in bonae fidei iudiciis pedaneum iudicem aequitatem naturalem tanquam normam iudicandi, vi verborum in formula *ex bona fide*, sequi debuisse, salvâ tamen lege et consuetudine (2); secus obtinuisse in iudiciis stricti iuris, ubi mentionem bonae fidei non continehat formula, cui adstrictus erat iudex. Iam in specie videamus de diverso iudicis officio.

Olim, ubi in bonae fidei negotijs, quae obligacionum aequalitatem quandam desiderant, qualia sunt emtio venditio, locatio conductio, alteruter contrahentium illius rei ratione laesus fuerat, absque metu tamen aut dolo proprio sensu accepto, inaequalitas illa officio iudicis

cor-

(1) Gudelinus, *de Iure Noviss.* p. 172.

(2) L. 2. § 3. L. 5. pr. ff. de Oblig. et Action. L. 52. § 1. ff. pro Socio. L. 54. ff. Locati. Conf. supra C. 1. in fine.

corrigebatur (1). Rem certius definiverunt Imperatores Diocletianus et Maximjanus; qui nempe voluerunt, ut venditore ultra dimidium laeso, contractus ex arbitrio venditoris, vel, rescinderetur, vel quod deeraet iusto pretio superpleretur (2). Quod ita in venditore constitutum, merito ad emtorem et porro ad similes bonae fidei contractus transfertur: est enim L. 2. C. cit. rescriptum. De solo venditore laeso consulebantur Imperatores; legis fundamentum in bonae fidei negotiorum naturâ positum erat; per legem illam solus modus laesio-
nis definitus fuit, cum antiquitus officio iudicis huic rei iam prospiceretur (3). Rebus vitiosis, praesertim in foro venalibus venditis, ex

Ae-

(1) L. 78. seqq. ff. pro Socio. L. 1. § 12. et 13. ff. si quid in fraud. patron. Conf. Noodt, ad Tit. ff. de Resc. Vend. p. 410. seqq. Nellesteyn, *Dissert. de Laesione Enormi.* § 5, 7 et 8. Licebat quidem contrahentibus naturaliter sese circumvenire, L. 16. § 4. ff. de Minor. L. 22. § 3. ff. Locati. L. 54. ff. de Contr. Emt. Conf. Nellesteyn, *Dissert.* cit. § 1, attamen huic rei fines quosdam imponi, bona fides omnino postulabat. Conf. Noodt, *Loc. cit.*

(2) L. 2. C. de Rescind. Vend.

(3) L. 2. ff. Locati. Conf. Noodt, ad Tit. ff. de Rescind. Vend. p. 410. seqq. Nellesteyn, *Dissert.* cit. § 2, 4, 5, 6. et 8.

Aedilicio Edicto agi quoque poterat; per actionem redhibitoriam aut quanti minoris (1).

Contra in stricti iuris negotiis talia obtinuisse non videntur; in his enim simpliciter attendendum erat ad id, quod dictum factumve fuerat (2); praeterea cum illa unilateralia essent, quaeri in iis non poterat de corrigendâ inaequalitate obligationum, quas aequales esse oportebat (3).

Ubi suae rei restitutionem petebat actor e bonae fidei negotio et ei satisfacere per contumaciam detrectabat reus, iusurandum in item actori iudex deferebat, ut eam ex affectione quoque aestimaret actor, atque in tantum condemnabatur reus (4); idque valde iustum erat, ne ceteroquin cogeretur quis rem suam vero pretio vendere (5). Contra in stricti iuris iudi-

(1) L. 1. L. 18. pr. L. 38. L. 63. ff. de Aedil. Edict.

(2) L. 99. ff. de Verb. Oblig.

(3) Nellesteyn, *Dissert.* cit. § 7. Conf. Noodt, ad Tit. ff. de Reb. Credit.

(4) L. 1. L. 2. L. 4. § 1. L. 5. pr. et § 3. L. 8. ff. de in lit. iur. L. 1. § 26. ff. Depositi. L. 48. § 1. ff. Locati; L. 3. § 2. ff. Commod. L. 54. pr. ff. Mandati.

(5) L. 9. ff. de Act. rer. amot. L. 8. ff. de In lit. iur.

diciis in litem non iuratur; (in iis enim aestimatio fit secundum id quod interest) nisi tamen res aliter ad eventum perduci nequeat (1): verumtamen in tali peculiari casu, absque affectione ex veritate iuratur (2).

In aliis quoque casibus, si res ex bonae fidei aut stricti iuris obligatione per dolum culpamve non praestetur aut deterior facta sit, aestimatio vel id quod interest diversa ratione a iudice computatur, prouti negotia alterutrius sint generis. Scilicet in bonae fidei iudiciis, respicitur ad maximum pretium a tempore morae usque ad sententiam; in iudiciis stricti iuris, ab eodem morae tempore usque ad litem contestatam (3).

In bonae fidei iudiciis praestantur causa et fructus a tempore morae, imo in nonnullis ante moram a tempore conventionis (4).

Con-

(1) L. 5. pr. et § 4. L. 6. ff. de In lit. iur.

(2) Conf. Noodt, ad Tit. ff. de In lit. iur.

(3) L. 1. § 16. ff. Deposit. L. 3. § 1. et 2. ff. Commod. L. 3. § 3. ff. et L. 4. L. 10. C. de Action. Emt. Conf. Noodt, ad Tit. ff. de In lit. iur. p. 290. seqq. et ad Tit. ff. Commod. p. 320. Huberus, ad Tit. I. de Action. p. 451. Glück, Erlaut. et § 310. p. 254.

(4) L. 18. § 8. et 15. de Usuris. L. 10. ff. Rem. pu-

Contra in iudiciis stricti juris, causa fructusque e mora non debentur, nisi in stipulationem deducti sint (1). Id eatenus mutatum, ut a lite contestata in diem sententiae coeperint deberi; etenim per litis contestationem veluti per quasi contractum obligatur reus, ut rem, condemnatione secutā, in eādem causā sive conditione praeestet (2).

Exceptio a iure communi notanda est in iis stricti juris actionibus, quibus petimus quod nōstrum antea fuit, nec iusta de causa apud alium est, qualis est condicō indebiti, causā datā causa non secutā; etenim in his, accessiones fructusque, etiam ante litem contestatam enati, praestantur (3). Alteram a iure communi ex-

pupil. salv. fore. L. 1. § 23. et 24. ff. Dépositi. Conf. Cuiacius, Obs. L. 18. C. 3. Noodt, ad Tit. ff. de Usuris.

(1) L. 99. ff. de Verb. Oblig. L. 38. § 7. ff. de Usuris.

(2) L. 2. L. 3. § 1. L. 38. § 7. ff. de Usuris. Vid. Noodt, ad h. Tit. Cf. L. 31. ff. de Reb. Cred.

(3) L. 15. pr. L. 65. § 5. ff. de Cond. Ind. L. 38. § 2. ff. de Usuris. L. 7. § 1. L. 12. ff. de Cond. caus. dat. causa non sec. Conf. Noodt, ad Tit. de Usuris. Vinnius, ad Tit. I. de Action. p. 910. Huius a iure communi exceptionis ratio haec videtur, quod

exceptionem constituit actio e testamento, in quâ, quamvis stricti iuris sit, legatorum et fideicommissorum causa fructusque e morâ debentur (1).

Usurarum incrementum, Romae, in primis reipublicae tempore, odiosum et res inhonestatae que turpis habebatur. Saepius discordiae ex usurarum praestatione ortae sunt (2). Hinc repetenda videtur causa, cur in bonae fidei iudiciis, non a primis inde temporibus, usurae e morâ, iudicis officio, vi formulae fuerint praestitae, sed seniori demum tempore. Per Labeonis enim auctoritatem primum effectum est, ut in societatis iudicio usurae propter moram solverentur; non tanquam tales, sed sub formâ eius

quod

quod ita id petimus, quod nostrum nunquam esse desit.

(1) L. 8. L. 14. L. 34. L. 39. ff. de Usuris. Conf. Vinnius, *Partit. iur. L. 2. C. 40.* Singularis huius iuris ratio, vel e favore ultimae voluntatis, vel exinde derivanda videtur, quod dominium statim ad legatarios transeat; etenim sola possessio ab herede praestanda est. L. 80. ff. de Legat. 2. L. 1. § 2. ff. Quod legat. Vinn. ad Tit. I. de Action. p. 911.

(2) Tacitus, *Ann. L. 6. C. 16.* Hein. Ant. Rom. L. 3. T. 15. n. 7. seqq. Seneca, *de Benef.* L. 7. C. 10. Noodt, *de Usuris L. 1. C. 4.*

quod interest (1). Quod autem Labeo in societatis iudicio tentavit, per Principum constitutiones (2) absolutum fuit. Cautum enim est, ut in omnibus bonaे fidei iudiciis tantundem circa usuras valeret iudicis officium, quantum stipulatio de iis nominatim interposita: atque ita sensim deberi coeperunt usurae in hisce iudiciis propter moram tum in personâ, tum in re, aliquamve aequi bonique rationem (3). In definiendo autem usurarum modo, debebat iudex sequi morem regionis et obligationum naturam; ceteroquin bonum et aequum (4).

Contra in stricti iuris actionibus usurae iure communi propter moram non praestabantur, nisi in-

(1) L. 60. pr. ff. pro Socio. Conf. Noodt, *de Foen. et Usur.* L. 1. C. 5. et L. 3. C. 6.

(2) Divi Pii, uti suspicatur Noodtius, *Op. Cit.* L. 3. C. 8.

(3) L. 6. § ult. L. 7. L. 38. ff. de Negot. Gest. L. 24. ff. Depos. L. 32. § 2. L. 37. ff. de Usuris. L. 12. § 9. ff. Mand. L. 10. ff. Rem pupil. salv. fore. L. 54. pr. ff. Locat. L. 13. § 20 ff. de Act. Emt. Conf. Noodt, *Op. Cit.* L. 3. C. 6. et 10.

(4) L. 1. ff. de Usuris. L. 37. eod. L. 39. § 1. ff. de Leg. 1. L. 12. § 9. ff. Mand. L. 3. § 1. ff. de Contr. tut. act. L. 7. § 4. et 7. ff. de Admin. et peric. tut. Conf. Noodt, *de Foen. et Usur.* L. 2. C. 5. et 6.

in stipulationem deductae essent (1); neque etiam a tempore litis contestatae, nisi antea iam cū currerint (2). Exceptio iterum notanda est in actione e testamento, quae, admissā morā in legatis et fideicommissis praestāndis, usurarum solutionem recipit (3).

(1) L. 32. § 2. ff. de Usuris. L. 22. ff. de Donat.

(2) L. 35. ff. de Usuris. L. 3. C. eod. L. 16 C. de Condict. Indeb. Huc enim redire legis 35. clt. sensum, et ita iuris esse, docet Noodt, *Op. Cit.* L. 3. C. 12. Conf. Vinnius, *ad Tit.* I. de Action. p. 910. et Partit. Iur. L. 2. C. 40. p. 214. not. p. Nequē hic argumentum duci potest ex L. 34. ff. de Usur., in qua agitur de convenientia usurarum cum fructibus in bonae fidei negotiis, exclusis iis, quae stricti juris sunt.

(3) L. 17. § 3. L. 34. ff. de Usur. Conf. Paulus, *Sent.* L. 3. T. 8. § 4. Noodt, *de Foen. et Usur.* L. 3. C. 7.

C A P U T Q U A R T U M.

AN MUTATO PROCEDENDI MODO CESSAVIT ETIAM
ACTIONUM BONAE FIDEI ET STRICTI IURIS
DIFFERENTIA?

Videamus de praecipuis circa procedendi modum mutationibus, quae vim habuerunt in discrimen, quod olim inter bonae fidei et stricti iuris actiones obtinuisse diximus.

Vetus mos, iudices pedaneos constituendi, sub Imperatoribus senioris temporis magis magisque in desuetudinem abiit; certi tamen fines hac in re latere videntur. Voluerunt sane Imperatores Diocletianus et Maximianus, ut Praesides de causis, in quibus olim iudices pedaneos dare solebant, ipsi iam cognoscerent, nisi quando per negotia publica aut causarum copiam impedirentur (1). Ita vero mos ille, non plane subla-

tus

(1) L. 2. C. de Pedan. Iudic.

tus fuit. Iudicium autem a Praetore datio, ab eo inde tempore valde imminuta fuit, quo maiori pars Praetoris iurisdictionis Praefecto Urbi Constantinopoli praeposito data fuit, atque ipsorum iudicium minutus fuit numerus, qui a Praetore aliquando in privatis causis e decuriis legebantur (1). Iuliani adhuc tempore iudices pedaneos in causis levioribus datos fuisse constat (2), qui utrum iidem cum veteribus illis fuerint, vix dici potest. Tandem vetus ille mos plane sublatus est. Hac vero in re ipsum tempus quo factum sit definire arduum est. Constat sane iure novo, omnia iudicia extra ordinem exerceri. Etenim ad ipsos Magistratus iam pertinebat dirimere lites in totum; quae consuetudo in plerisque, non tamen in omnibus causis obtinebat. Verum enimvero a Zenone constituti leguntur iudices quidam pedanei certo foro alicuius provinciae aut Praetoris adscripti, quibus causae eiusdem fori cominiti poterant; et postea alii a Iustiniano electi sunt, qui non in singulis foris certi, sed in omnibus versarentur et qui causas trecentis solidis minores diiudicarent (3). Diversi tamen

fue-

(1) Cf. Heineccius, *Ant. Rom.* L. 4. T. 17. n. 2.

(2) L. 5. C. de Pedan. Iudic.

(3) Conf. Nov. 82.

suerunt hi iudices pedanei ab antiquis illis. Non enim erant illi privatae personae, a Magistratu omnem auctoritatem mutuatae, sed erant iudices, publico munere atque auctoritate ab ipso Imperante nominatim instructi atque delegati, quibus solis committi poterant causae a Praesidibus provinciarum, aut aliis superioribus iudicibus (1). Munus quoque diversum fuit. Nam committebantur iis cuiuscunque generis lites, atque mandatam quandam iurisdictionem, cum de iure tum de facto iudicandi, exercuisse videntur: praeterea habebant suos exsecutores atque compulsores, saltem tempore Zenonis; unde forte et ipsi sententias suas sunt exsecuti. Haec omnia, a nuda notione, de facti quaestionibus privatae personae commissa, magnopere differunt (2).

Mutatis moribus et maiore invalescente humanitate, veteres solennitates sensim obsoleverunt. Sublatâ iam in re testamentariâ solemini verborum conceptione, omnes formulas tollere

vo-

(1) Nov. cit. 82. C. 2.

(2) L. 5. C. de Fruct. et lit. exp. L. un. C. Qui pro sua iurisd. Conf. Cuiacius, *Obs. L. 12. C. 1. Schulting, Enarr. ad Tit. ff. de Iurisd. n. 26. et de Recusat. Iud. C. 6. § 3. et 7. Hop, Dissert. de Iudic. a Praet. dari sol. c. ult. Cs. van Nes, Dissert. de Iudic. Iur. C. 1. §. 17. Zacharia, Versuch ein. Gesch. d. Rom. Rechts p. 131.*

voluit Constantinus (1). Eas autem, quae nihilominus nonnullis in rebus perstabant, expressa lege abrogarunt Theodosius et Valentinianus; qui insuper solemnam actionum impetrationem omnibus, quibusvis in iudiciis, remiserunt; ut ita exceptio non impetratae actionis opponi non amplius posset: sufficiebat proponi actionem rei et negotio obvio aptam (2). Tandem Iustinianus de omnibus reliquis formulis actum esse voluit (3).

Sublatis formulis atque mutato, uti vidimus, procedendi modo, eatenus quidem cessavit quodammodo discriminem inter actiones bonaे fidei et stricti iuris, quatenus hoc cum illis cohaerebat; sed tamen ipsi negotiis sua natura diversa manebat: ita enim in eo distinguendum mihi videtur.

Nimirum ipsi iam Magistratus, vel etiam nonnunquam iudices, cum de iure tum de facto decernentes, lites in totum diremperunt, neque adeo

(1) L. 15. C. de Test. L. 21. C. de Leg. L. 1. C. de Form. et act. imp. subl.

(2) L. 2. C. de Form. et act. imp. subl. Conf. I. Gothofredus, ad L. un. C. Theod. de omis. act. impet. L. 1. p. 108.

(3) L. ult. C. de Emanc. Liber. L. ult. C. de Donat. L. ult. C. de Adopt.

adeo, uti olim, secundum diversam formulam pro diverso actionum genere iudicatum fuit. Atque hinc ex ipsâ rei naturâ, mutationes irrepserunt circa illas differentias inter bonae fidei et stricti juris iudicia, quae e vetere peculiari procedendi modo oriundae erant: qua de re iam videamus.

Iure novo, actor e stricti juris negotio plus petens, quam sibi debebatur, non amplius, uti olim, litem amittebat (1): etenim deficiebat iam iudicandi formula, certainam rem vel summam continens, in quam condemnandus erat reus aut plane absolvendus. Ad coercendos tamen illos litigantes, qui ultra debitum petierant, constitutum fuit, ut, ubi tempore plus petitum fuerit, induiae ab actore concessae vel quas actionis natura requirit, duplicarentur; quo tempore elapso, reus non tenebatur novam litem suscipere, nisi omnibus e priore lite impensis solutis (2): quod si alio modo plus petatur, actor in damni tripli condemnationem incidit (3).

Actor olim suam actionem mutare aut emenda-

(1) Conf. Supra pag. 71.

(2) § 10. I. de Except. et § 33. de Action.

(3) § 33. I. de Action. Conf. Vinnius, ad h. loc.

dare, invito reo, post litem contestatam non poterat, propter diversam formulam editae actioni accommodatam; nec erreri actoris aliter provideri poterat, nisi sola restitutione in integrum Praetoria (1). Mutato ordine procedendi, sublata quoque fuit illa difficultas; unde Iustiniani tempore potuit post litem contestatam mutari atque emendari libellus, absque veteris iuris ambagibus, adeo ut nova actio instituatur, perinde ac si nil factum esset, modo prioris lites impensa reo resarciantur (2).

Novissimo procedendi ordine cessasse quoque videtur discriminem, quod ratione temporis proponendi exceptiones peremptorias, inter utrumque actionum genus olim obtinuit (3). Etenim antiquata formulâ iudicandi desit ratio, ob quam iure veteri id sieri non poterat: formulae verbis non amplius coërcebatur iudicis of-

(1) L. 4. § ult. ff. de Nox. Act. L. 18. § 1. ff. de Vi et vi Arm. L. 3. C. de Edendo iuncta. L. un. C. de Lit. Contest. Conf. No o d t , ad Tit. de Edendo pag. 68. et de Iurisd. L. 1. C. 13.

(2) § 35. I. de Action. Conf. Huberus, *Prælect.* ad h. loc. Schulting, *Enarr.* ad Tit. ff. de Edendo n. 8.

(3) Conf. Supra p. 73 seqq.

ficiunt, qui insuper non de solo facto cognoscerebant, verum et de iure decernebat; adeoque nulla videtur ratio obstat, quo minus exceptiones peremptoriae in stricti iuris negotiis, post item contestatam quoque opponantur, imo iuris ratio eo tendere videtur. Atque hoc idem forte spectant Imperatorum Diocletiani et Maximiani rescripta, ubi docent exceptiones peremptorias, omisitas in initio, ante latam sententiam opponi posse (1).

Sublatum etiam videtur discriminem, quod olim inter bona fidei et stricti iuris negotia, ratione eorum valoris obtinuit (2). Antiquitus enim ipso iure ideo subsistebant stricti iuris negotia, dolo metu gesta, quia bona fides ad formam negotii non requirebatur, unde Magistratus formulam iudici pedaneo strictissimam

(1) L. 8. C. de Except. L. 2. C. Sentent. resc., non posse. Id enim de exceptionibus in bona fidei iudiciis rescribere opus non erat. Neque hic obstat L. 9. C. de Except., quia rescriptum est ad singularem casum, in quo quaestio de tempore propriae exceptionis non occurrebat. Conf. Voet, ad Tit. ff. de Except. n. 5. Vinnius, ad Tit. I. de Excep. n. 6; qui tamen ipse aliam videtur tueri sententiam. Conf. n. 5. eod., uti et Noodt, *de Iurisdict.* L. 1. C. 15.

(2) Conf. Supra Cap. 3. pag. 41 seqq.

et sine mentione bonaे fidei praeſcribebat. Iure novo autem, tota lis apud eundem iudicem dirimitur, qui ex universo iure, tam civili quam Praetorio, pronunciat, atque ita exceptiones, ex edictis Praetorum oriundas, in omni iudicij parte aequaliter admittere potest: adeo ut valor negotiorum stricti iuris, non amplius sine bona fide aut sine libero consensu, coram novissimis iudicibus, subsistere possit, et effectu tenus in iudicio utraque species adaequata fuerit.

Eatenus itaque actiones stricti iuris cum actionibus bonaе fidei quodammodo sunt aequatae. Atque eo sensu accipiendae videntur leges quaedam, secundum quas bona fides aequa in illis ac in his requiritur. Sic, absque ullo discrimine inter utrumque actionum genus, rescribunt Imperatores Diocletianus et Maximianus: „bona, nam fidem in contractibus desiderari aequum esse” (1). Quin etiam in contractibus stricti iuris, non obiecta exceptione aliqua, de aequo et bono agebatur, spreta legum subtilitate, quae multas habet captiones, praestigias et tendiculas, simplicitati et bonaе fidei adversantes; unde dicitur, „placuisse in omnibus rebus praeципuam esse iustitiae aequitatisque quam stricti juris,

(1) L. 4. C. de Oblig. et Act.

„rationem” (1): denique, „in omnibus
„quidem, maxime tamen in iure, acquitatem
„spectandam esse” (2).

Aliud vero dicendum est de illis differentiis inter negotia bonae fidei et stricti iuris, quae e diversa utriusque generis negotiorum natura potissimum arcessendae sunt; hae enim sublatae non fuere (3). Et sane, salvis iuris principiis atque negotiorum indole, tolli illae non poterant. Scilicet eadem, novissimo etiam tempore, aderat ratio, ob quam in infantia iurisprudentiae simplicitas iuris naturae non aequa servaretur in negotiis stricti iuris, ac in iis quae bonae fidei erant. Nimirum obligationes ex his oriundae bilaterales, ex illis unilaterales manserunt (4). Cum iam eadem maneret negotio-

rum

(1) L. 8. C. de Iudic. Conf. d'Avezan, *Contract.* L. 1. C. 21. in *Thes. Meerm.* Tom. 4.

(2) L. 90. ff. de Reg. Iur.

(3) Conf. Vinnius, ad § 28. I. de Action. pag. 909, Noodt, *de Iurisd.* L. 1. c. ult. Glück, *Erlaut der Pand.* § 310. pag. 248.

(4) Nonnulli quidem contractus, mutationes quasdam subiere propter mutata commercia; id tamen eorum naturae nil detraxit. Sic sublata fuit verborum solemnitas in stipulatione; verum' huic obligationi proprium mansit, ut per verba perficeretur; adeo ut idoneam responsum interrogacionem sequi oportet.

rūm natura, eadem aderat necessitas, ut in bona fidei negotiis, non ad solam conventionem, verum ad ea quoque respiceretur, quae ex bona fide, secundum negotiorum naturam et contrahentium mentem, praestari oportebat; diversa vero stricti iuris negotiorum natura idem non postulabat. „Quis enim”, inquit Voe t i u s (1), „audebit adseverare equi donati esse habendam eandem rationem atque venditi? Neque hoc sua debit aequitas, ut equi donati dentes sint insipienti, ne ex sua liberalitate damnum sentiret donator; quare etiam Aedilitium Edictum ad donationes non pertinet” (2). Inquiramus iam in praecipuas istiusmodi differentias.

E stricti iuris negotiorum natura derivandum est, quod hodie quoque in iis agatur per actionem arbitrariam de eo quod certo loco, cum in bonae fidei negotiis sufficiat actio ex ipso contractu (3). Cum enim in negotio unilatera-

ret. Conf. § 1. I. de Verb. Oblig. L. 1. pr. et § 1. et 2. ff. eod. L. 10. C. de Contr. stipul. Mutuum iu sola benevolentia consistere solebat; usurae quidem deinceps praestari coeperunt, non vero vi contractus, sed stipulationis. L. 3. C. de Usur. L. 24. ff. de Praesc. verb.

(1) Ad § 30. Inst. de Action.

(2) Conf. L. 62. ff. de Aedil. Edict.

(3) L. 1. L. 2. § 1. L. 5. L. 6. et 7. de Eo quod

Si non adsit actio mutua sive contraria, deest modus agendi ad id quod interest solutionem alio in loco factam esse, nisi ad dictam actionem arbitriam recurratur (1).

Congruum est arctissimo vinculo, in bona fidei negotiis, inter mutuas et multiplices obligations, ut in his ea debeantur, quae praestari moris est et consuetudinis (2): sic v. c. emtionis natura hodie etiam postulat, ut evictionis nomine teneatur venditor, licet de eo cautum non sit. (3). Idem non desiderat stricti iuris negotiorum conditio (4).

Consentaneum est aequalitati obligationum, quam requirunt quaedam bona fidei negotia, ut propter enormem laesionem illa rescindantur, vel ut haec saltem tollatur (5). Deest huius iuris ratio in stricti iuris negotiis (6).

In quod cert loc. Conf. Supra Cap. 3. pag. 68. seqq.

(1) L. 2. pr. et § 8. L. 7. ff. Tit. cit. Conf. L. 5. pr. ff. Commod. Conf. Supra Cap. 3. loc. cit.

(2) L. 31. § 20. ff. de Aed. ed.

(3) Vid. L. 2. iuncta. L. 70. ff. de Evict. Conf. Supra Cap. 3. pag. 69. seqq.

(4) Conf. Supra Cap. 3. pag. 70.

(5) L. 2. C. de Resc. Vend. Conf. Supra Cap. 3. pag. 76. seqq.

(6) Conf. Supra Cap. 3. pag. 77. seqq.

Integrum quoque mansit discrimen, quod ratione fructuum et usurarum, iure communi, inter bonae fidei et stricti iuris negotia antea obtinuit (1). Id diversae horum naturae concentaneum erat. Sic, ut in emtione venditione aequalitas mutuarum obligationum servaretur, praestandi erant fructus et usurae propter moram: ubi enim venditor pretium iam consecutus est, iniquissimum esset, ut, intercedente morâ, fructibus distitueretur emtor (2). Eodem fundamento nütur usurarum petitio a parte venditoris; unde ICtus, de actione venditi agens, scribit, „veniunt in hoc iudicium usu-
„rae pretii post diem traditionis; nam cum re
„emtor fruatur, aequissimum est eum usuras
„pretii pendere” (3). Idem pari ratione ob-
tinet in reliquis bonae fidei negotiis, in quibus
aequipollentes oportet esse mutuas obligatio-
nes (4). Deērant iam in negotiis stricti iuris
mutuae illae aequipollentes obligationes, unde
desiciebat illa ratio praestandi fructus et usu-
ras. Porro, cum in deposito v. c. dominium non
trans-

(1) Cons. Supra Cap. III. pag. 79. seqq.

(2) L. 38. § 8. ff. de Usur.

(3) L. 13. § 20. ff. de Act. Emt.

(4) L. 60. ff. pro Soc. L. 54. pr. ff. Loc. L. 38.
§ 15. ff. de Usur.

transferatur et res in custodiam tantum detur, causam fructusque in eo praestari utique oportebat (1). Stipulatio autem et mutuum non continebant obligationes ad restituendam rem, cuius dominium non fuerat translatum, unde in iis neque illa ratio aderat. Tandem aliae quoque, e bonae fidei negotiorum natura, obligationes ad usuras nascebantur, quae non aequae in stricti juris negotiis obviae erant: sic negotiorum gestori vel mandatario, usuras indemnitatis causa praestari oportebat, siquidem illi, ut alterius creditori satisfacerent (ne hic in bonorum possessionem mitteretur aut pignora venderentur) pecuniam sub usuris mutuati essent (2).

Exponere studui, qua ratione servatae fuerint illae differentiae inter negotia bonae fidei et stricti iuris, quae e diversa illorum natura accessendae videntur. Paucis tamen animadverendum est, non omnes omnino illas differentias, quae iure novo supersunt, ideo sublatas non fuisse, quia aliae obligationes bilaterales, aliae contra unilaterales evadebant. Huc pertinet

v.

(1) L. 1. § 23. et 24. ff. Depos.

(2) Conf. L. 37. ff. de Usur. L. 12. § 9. ff. Mand. In his legibus, et alibi quoque, aliae memorantur obligationes ad usuras praestandas. Conf. L. 6. § ult. L. 7. L. 38. ff. de Neg. gest.

v. c. petitio e pacto in favorem actoris, in continenti negotiis adiecto (1). Si enim res in se spectetur, non adeo eam ob causam, potius in benae fidei negotiis, quam in iis quae stricti iuris sunt, admittenda videtur petitio e pactis adiectis; idque eo magis, cum iure novo, sublatis iudicandi formulis, non plane absque bona fide, definiantur stricti iuris obligaciones. Sed observandum est, valde adhaesisse Romanos antiquis iuris principiis, quae constanter servare studuerunt, quatenus id sinebat rerum conditio (2). Stipulationi iam proprium mansit, ut inter praesentes et per verba perficiatur (3), unde eius partem constituere nequit pactum, in quo consensus etiam inter absentes et absque verbis intervenire potest. Ad mutuum rei traditio requiritur (4) et praeterea illud suâ naturâ gratuitum mansit (5); proinde simpliciter

(1) L. 7. § 5. ff. de Pactis. Conf. Supra Cap. 3. pag. 61. seqq.

(2) Vid. Cons. den Tex, in Dissert. de Ant. iur. princ. in excol. Iurispr. Rom. const. serv.

(3) Conf. § 1. I. de Verb. Oblig. L. 1. pr. et § 1. et 2. ff. eod. Conf. Supra Cap. 4. pag. 90. not. 4.

(4) L. 17. pr. ff. de Pact. L. 2. § 3. ff. de Reb. Cred.

(5) L. 3. C. de Usur. L. 24. ff. de Praesc. Verb. Conf. Supra Cap. 4. pag. 90. not. 4.

ter videndum est, quid traditum fuerit; in eo vix locus erat obligationi cuidam accedenti, quae per pactum forte definienda sit (1). Adhaeserunt itaque Romani, uti et in aliis, veteri principio, nimirum pactum in continentis favorem actoris adiectum, solis bonae fidei negotiis inesse (2): quod si vero in favorem rei in continentis adiiceretur, etiam stipulationi inesse credebatur, propter aequitatem (3).

Quaedam de iis dicenda supersunt, quae ab ipso Iustiniano, ratione bonae fidei et stricti iuris negotiorum, constituta legimus. Non tantum sancivit Imperator ipsam distinctionem inter bonae fidei et stricti iuris actiones (4), verum et alia addidit, e quibus manifesto apparet, discrimin illud ab eo confirmatum fuisse (5). Etenim actionem rei uxoriae, quae olim

(1) E contractibus bonae fidei, qui per rei traditionem perficiuntur, plures oriuntur obligationes, ut supra observavimus. Conf. Cap. 1. pag. 15 seq. et Cap. 3. pag. 74. et Cap. 4. pag. 95.

(2) L. 7. § 5. ff. de Pact. Conf. Supra Cap. 3. pag. 61.

(3) L. 40. ff. de Reb. Cred. Conf. Supra Cap. 3. pag. 65, 73.

(4) Conf. § 28. et 30. I. de Action.

(5) Conf. Vinnius, ad Tit. I. de Act. p. 909. Noodt, de Iurisdict. L. 1. c. ult. p. 116.

olim bonae fidei erat, in actionem ex stipulatu transtulit, ut haec ita bonae fidei actionis naturam induat. In specie autem additur, id solummodo in dotis exactione obtinere, manifesto indicio, e stipulatu actionem ceteroquin suam naturam retinere. Duo insuper beneficia hic in mulierum favorem introduxit Imperator, (invita stipulationis natura, cui, cum stricti iuris sit, nullum privilegium cedere potest) (1), ut nempe, actio e stipulatu ad repetendam dotem non tantum adiunctam habeat tacitam hypothecam in bonis mariti, verum ut insuper mulier eo nomine praferatur omnibus aliis creditoribus, anteriorem etiam hypothecam habentibus (2). Praeterea cum olim dubitaretur, an hereditatis petitio ad bonae fidei an stricti iuris iudicia referenda esset, eam propter mutuas praestationes personales, prioris generis esse voluit Imperator (3). Denique ait Iustinianus, in obligationibus, quae solo consensu perficiuntur,

con-

(1) L. 99. ff. de Verb. Oblig.

(2) L. un. § 1. C. de Rei uxor. act. subl. L. ult. § 1. C. Qni potior. in pign. § 29. I. de Action. Conf. Vinnius, ad h. loc.

(3) § 28. I. de Action. L. 7. L. ult. § 3. C. de Hered. petit. Conf. L. 25. § 4. ff. eod. Conf. Vinnius, ad Tit. I. de Action. p. 912.

contrahentes sibi obligari ad ea, quae alterum alteri ex aequo et bono, praestare oportet, cum aliter sit comparata stipulatio (1). Libera potestate in bonae fidei iudiciis aestimandi, quantum actori ex bono et aequo restituendum sit, iudicis arbitrio submisit Imperator (2).

Consentaneum est iis, quae de sublatis aut retentis differentiis inter actiones et negotia bona fidei et stricti iuris disputavimus, siquidem haec vera habenda sint, ipsum Iustinianum admississe distinctionem supra memoratam, quatenus servatae fuerint dictae differentiae. Proinde huius rei intuitu, ex bona fide iudicandum est in negotiis huius nominis, non vero in iis quae stricti iuris sunt.

Ita iam absolvisse mihi videor, quod suscepseram opus. Quatenus autem propositae quæstioni satisfecerim, e sagacissimorum Clar. Viatorum iudicio, qui plurimum hac in re videre possunt, cognitum erit.

(1) § 3. I. de Oblig. e cons.

(2) § 30. I. de Action.

BAVII ANTONII NAUTA,
LITT. HUM. IN ACADEMIA
LUGDUNO-BATAVA STUDIOSI,

R E S P O N S I O

A D

Q U A E S T I O N E M L I T E R A R I A M

A B O R D I N E

PHILOSOPHIAE THEORETICAE ET
LITERARUM HUMANIORUM
PROPOSITAM:

„Ex iis quae in libris Ciceronis de Oratore,
a Crasso, Antonio, Caesare, aliis, de Elo-
quentia disputantur, ipsius efficiatur Cicero-
nis de perfecto Oratore sententia”.

Q U A E P R A E M I U M R E P O R T A V I T.

○ 二 月 ○ 七 日 晴

晴

此處外氣溫已到三攝氏度左右

天氣晴朗

今晨，天氣晴朗，溫度約在三攝氏度左右

此處外氣溫已到三攝氏度左右

天氣晴朗

此處外氣溫已到三攝氏度左右

此處外氣溫已到三攝氏度左右

此處外氣溫已到三攝氏度左右

天氣晴朗

CONSPECTUS OPUSCULI.

PROLEGOMENA.

§ I. De horum Ciceronis librorum consilio et argumento, uti etiam de tempore, quo conscripti sunt.	Pag. 3.
§ II. De eorumdem librorum forma.	8.
§ III. De hominibus, qui loquentes indu- cuntur.	11.
§ IV. De tempore et occasione, qua collo- quium habitum fingitur.	19.
§ V. De dicendi genere et colore, quo Ci- cero his in libris utitur.	22.
§ VI. Partitio huius libelli.	25.

P A R S P R I M A.

QUAE CONTINET

NONNULLAS OBSERVATIONES, QUARUM
OPE EX HIS, QUAE IN HIS LIBRIS
DISPUTANTUR, IPSIUS CICERO-
NIS SENTENTIA ELICI POSSIT.

C A P U T P R I M U M.

SERIES DISPUTATIONIS, QUA CICERO HIS
IN LIBRIS UTITUR, ILLUSTRATUR. 27.

*

CA.

C A P U T S E C U N D U M.

E CRASSI POTISSIMUM PERSONA CICERO
LOQUITUR.

§ I. Graves ei causae fuerunt, cur hoc faceret.	Pag. 40.
§ II. Argumentum petitum a modo, quo Crassus in disputatione inducitur.	42.
§ III. Talia Crassus de se refert, unde Ciceronem ipsum sub illius persona latere coniici possit.	45.
§ IV. In præfationibus horum librorum nonnulla occurrunt, quae cum Crassi disputatione convenient.	47.
§ V. Conclusio confirmata virorum doctorum testimonii.	48.

C A P U T T E R T I U M.

QUATENUS RELIQUORUM SERMONE CICERO-
NIS CONTINEATUR SENTENTIA.

§ I. Inquiritur de Antonio.	50.
§ II. Caesaris de ridiculis disputationem Ciceronis sententiam continere, ostenditur.	53.
§ III. Quid de ceteris statuendum sit.	ib.

C A P U T Q U A R T U M.

ARGUMENTUM A DISPUTANTUM CONSENSU
PETITUM ILLUSTRATUR.

- | | |
|---|----------|
| § I. <i>Disputantes saepe inter se consentire ostenditur.</i> | Pag. 57. |
| § II. <i>Vis huius argumenti explicatur.</i> | 59. |
| § III. <i>Inde maxime cognosci ostenditur Ciceronis sententiam, si quis aliquid prius a se negatum deinde concedit.</i> | 61. |

P A R S S E C U N D A.

CICERONIS DE PERFECTO ORATORE SENTENTIA E CRASSI CETERORUMQUE DISPUTATIONIBUS DERIVATA, ET AD CAPITA QUAEDAM REDACTA PROPONITUR.

S E C T I O P R I M A.

QUID UNIVERSE DE PERFECTO ORATORE CICERO SENTIAT, EXQUIRITUR.

C A P U T P R I M U M.

PROPRIUM ORATORIS EST BENE DICERE. . . 63.

C A P U T S E C U N D U M.

DE MATERIA ORATORI SUBJECTA ET COGNITIONE AD ELOQUENTIAM TRACTANDAM NECESSARIA.

§ I. <i>Duplex genus Oratorum Cicero distinguit.</i>	<i>Primum de vulgari Oratore.</i>	Pag. 71.
§ II. <i>De Oratore perfecto.</i>		73.
§ III. <i>De modo doctrinae illius addiscendae.</i>		76.

C A P U T T E R T I U M.

DE VARIIS SCIENTIAE GENERIBUS.

§ I. <i>Oratori perfecto philosophia necessaria est.</i>	78.
§ II. <i>Quaenam ei disciplina maxime conveniat.</i>	82.
§ III. <i>Quomodo philosophia utendum sit.</i>	85.
§ IV. <i>De iure civili, historia cet.</i>	87.

C A P U T Q U A R T U M.

DE SUMMA MUNERIS ORATORII MAGNITUDINE.

§ I. <i>De huius rei praestantia.</i>	90.
§ II. <i>De eiusdem difficultate.</i>	96.

C A P U T Q U I N T U M.

QUIBUS REBUS FORMETUR ORATOR.

- | | |
|--|----------|
| § I. <i>De natura.</i> | Pag. 99. |
| § II. <i>De exercitatione.</i> | 102. |
| § III. <i>Quid de arte Cicero sentiat.</i> | 105. |

S E C T I O S E C U N D A.

PRAECEPTA, QUIBUS SINGULAS ORATORII
MUNERIS PARTES INSTRUIT CICERO,
EXPLICANTUR.

C A P U T P R I M U M.

DE INVENTIONE.

- | | |
|---|------|
| § I. <i>De iis, quae pertinent ad docendum.</i> | 110. |
| § II. <i>De iis, quae spectant ad conciliandum.</i> | 117. |
| § III. <i>De animis permovendis.</i> | 118. |
| § IV. <i>De facetiis.</i> | 123. |

C A P U T S E C U N D U M.

DE COLLOCATIONE.

- | | |
|---|------|
| § I. <i>Quid universe hac de re Cicero sentiat.</i> | 127. |
| § II. <i>De singulis partibus orationis.</i> | 128. |

C A P U T T E R T I U M.

D E E L O C U T I O N E.

§ I. Prima virtus, ut Latine dicamus.	132.
§ II. Altera virtus, ut plane dicamus.	133.
§ III. Tertiia virius, ut ornate dicamus.	134.
§ IV. Quarta virtus, ut apte dicamus.	145.

C A P U T Q U A R T U M.

D E M E M O R I A.	147.
----------------------------	------

C A P U T Q U I N T U M.

D E A C T I O N E.

§ I. De voce.	150.
§ II. De gestu.	152.

C A P U T S E X T U M.

D E G E N E R E D E L I B E R A T I V O , L A U D A T I V O ,
E T H I S T O R I A.

§ I. De suasionibus.	154.
§ II. De laudationibus.	155.
§ III. De historia.	157.



(4)

PROLEGOMENA.

§ I.

*De horum Ciceronis librorum consilio
et argumento, nec non de tempo-
re, quo conscripti sunt.*

Cicero valde adolescens postquam illustrum rhetorum praecepta audivisset ad eorumque disciplinam acre studium et exercitationem adiunxisset, libros quosdam scribere instituit, quibus rhetoricam explicaret. Primam eius partem, quae ex Graecorum divisione in rebus inveniendis versaretur, duobus libris *de Inventione* subtiliter et artificiose persecutus est. Postea vero eloquentiam suam cum varia rerum cognitione uberiorem fecisset, eidemque usi forensi nervos addidisset, id ei contigit, quod plurimis. Qui

enim arti cuicunque operam dantes aliquam in ea perfectionem adepti sunt; fere doctrinae subtilitate spreta liberiorem viam ineunt. Ita quoque Ciceronem in eloquentiae fastigio collocatum iuvenilium illorum commentariorum poenituit, ut ipse declarat *de Or. l. i. c. 2.* (1). Atque haec ei causa fuit, cur illis substitueret tres libros *de Oratore*, quos pulcherrimos merito vocat *Quinct l. c.* qui et ipse quantum iis tribueret, eo ostendit quod plurima inde in suum opus transtulit (2). Atticum quoque iis vehementer delectatum fuisse significat Cicero *ad Att. l. 4. ep. 16.*

Conscripti sunt A. U. C. 698, quo Pompeius unus omnium plurimum in republica poterat, iamque turbarum civilium hunc inter et Caesarem brevi post exortarum initia praeparabantur. Certe ad hunc annum Ernestius refert *epistolam 13. libri 4. ad Att.* ubi sic scribit: „ de libris „ Ora-

(1) Vid. etiam *Quinctil. l. 3. c. 5, 6. Middleton Vit. Cic. tom. I. p. 34. Versionis Zillesianae.*

(2) Sic *l. 1. c. 11.* laudat ea, quae de laterum inflexione Cicero scribit *l. 3. c. 59.* item *l. 2. c. 4.* praecipiens, ut puerorum luxurians ingenium ne nimis depasceretur, eiusdem locum affert *e. l. 2. c. 21.* Denique, ut multa alia mittam, scribendi exercitium oratori futuro commendat, id quod Cicero fecerat *l. 1. c. 33.*

„ Oratoriis factum est a me diligenter: diu mul-
 „ tumque in manibus fuerunt: describas licet”.
 Idem anno proxime in sequenti missas fuisse sta-
 tuit eiusdem libri ep. 16. et ad Div. l. 1. ep. 9.
 quibus eorum tamquam nuper editorum mentio
 fit. Isto tempore Cicero ab exilio redux ita
 summo honore florebat (1), ut tamen nullo in
 magistratu esset; plurimam autem operam in
 causis defendendis ponebat, non semper amici-
 tia inductus, sed et eorum, qui bene de se me-
 riti essent, rogatu quodammodo coactus (2).
 Turpis fuit rerum civilium conditio: Senatus
 veterem gravitatem, iudicia religionem amise-
 rant, in comitiis ambitus et vis omnia valebat,
 antiqua reipublicae disciplina casum minitaba-
 tur (3). Quae mala ne nimis moleste ferret,
 cum recordatio rerum a se praecclare gestarum
 effecit: tum vero quod otium a causarum defen-
 sione sibi supererat, id omne in philosophiae et

(1) Vid. ad Div. l. 1. ep. 7, et ep. 9. media, ubi
 sic ait: „ Hic meae vitæ cursus offendit eos fortas-
 se, qui splendorem et speciem huius vitae intuen-
 tur, sollicitudinem autem et laborem perspicere
 non possunt”.

(2) Hac de re queritur ad Div. l. 7. ep. 1.

(3) Vid. ad Att. l. 4. ep. 10, 15, 16, 18. ad
 Div. l. 1. ep. 8. l. 7. ep. 1.

literarum studiis consumxit (1). Itaque circa illud tempus praeter hos libros et complures orationes egregias elaborati ab eo sunt *libri Augurales*, *de Legibus*, *Oratoriae partitiones*, *Brutus*. Quo magis mirandum est, eum plurimis occupationibus distractum (2) his tamen *de Oratore* libris tantum operis et studii impendiisse.

Quaerit autem in iis de *summo illo et perfecto Oratore*, qualem sibi mente et cogitatione informaverat: eiusne facultas in quodam ingenii atque exercitationis genere ponenda sit, ut fuit opinio Quinti, ad quem libri inscripti sunt (3); an contra arte et rhetorum praeceptis formetur, ut plerique Graeci putabant; an denique e varia maximarum rerum cognitione vera demum efflorescat eloquentia. Sententiam hanc, ut postea demonstrare conabinjur, ipse tuetur, ac totus in eo est, ut ostendat nullam artem, quae modo ad hominum vitam pertineat, Oratori ignorantem esse debere, et praesertim philosophiam, quam initio cum eloquentia coniunctam Socrati-

(1) Vid. *ad Att. l. 4. ep. 10, 16. et de Or. l. c. 1.*

(2) Vid: *ad Att. lib. 4. ep. 16 init. et ad Div. l. 1. ep. 9.*

(3) Vid. *l. 1. c. 2.*

tici ab ea dissociaverint, incredibilem illi fructum afferre, ut sine hac omnino consistere nequeat. Hoc universi operis fundamentum de industria tractat libro primo, per elegantem disputationem inserit duobus reliquis. Hi porro pracepta continent, quibus singulae orationes muneris partes instruuntur (1), non rhetorum illo, sed philosophico, et Aristoteleo more, ut ipse significat *ad Div. l. 1. ep. 9.* (2) Cum autem omnis eloquentia et rebus et verbis contineatur, in priore quidem genere explicando istam mihi laudem quaesivisse videtur, quod nemmo ante se illam partem Latino sermone tractaverat (3). De cunctis orationum generibus illud in primis tamquam difficillimum complexus est, quod in iudiciorum disceptatione

(1) De hac operis divisione vid. ipse *ad Att. l. 4. ep. 16*, quam nostro argumento in primis utilem saepius laudo.

(2) Se in horum librorum consilio Aristotelem sequutum esse refert etiam *de Divin. l. 2. c. 1.*

(3) Vid. *de Or. l. 3. c. 24*, qui locus ipsius Ciceronis gloriam haud obscure contineat. Id certe non alienum est ab eius ingenio. Ita se primum fuisse, qui philosophiam Latinis litteris illustraret, saepius praedicat. *Tusc. l. 1. c. 1—4. Off. l. 1. c. 1. de Div l. 2. c. 1.*

nibus versaretur; et addidit quaedam de suasionibus, laudationibus, et historia conscribenda.

§ II,

De eorumdem librorum forma.

Antiquissima Graecorum philosophia cum maximam partem brevibus sententiis, acute dictis vel etiam versibus contineretur, Socrates novam viam induxit per mutuas interrogations et colloquia veritatem investigandi. Cuius morem Plato scriptis suis exprimens inventor et princeps fuit harum disputationum, quae *dialogi* vocatae sunt (1). Sublimiore ipsius ingenio et imitatione veterum Atticarum tragoediarum et comoediarum effectum videtur, ut color quidam poëticus in iis appareret. Platonem imitati sunt Aeschines Socratus, Aristoteles, Xenophon aliique multi Philosophi, in primis vero Academicci, quorum rationi de nulla re affirmandi, sed, quid probabile eset, exquirendi, haec forma mirifice congruebat. Cicero ut universam Graecorum philosophiam in Latium intulit, ita hunc morem primus suis hominibus ostendit.

Ita-

(1) Vid. Cic. *de Or. I. 1. c. II.*

Itaque in omnibus eius, quae supersunt, operibus philosophicis vel ipse cum amicis, vel alii inter se disputantes inducuntur (1), praeter solos libros *de Officiis*, quorum institutum aliam rationem suadebat, et librum *de Fato*, ubi ne idem ficeret, casu quodam impeditus est, ut ipse narrat *cap. i.* Postquam intimam philosophiae cum eloquentia cognationem perspexisset, has eadem quoque ratione tractandas censuit. Magnam igitur partem scriptorum rhetororum dialogis complexus est, quo suavius in hominum animos irreperent, alienos a solita rhetorumieiunitate.

Duo dialogorum genera distinguunt, alias *comicos*, in quibus res non narratur, sed tamquam facta proponitur, quo de numero sunt Ciceronis *Tusculanae quaestiones*, *Cato maior*, *Laelius*, et *Oratoriae partitiones*; alias historicos, quibus *inquam* et *inquit* interposito colloquientium sermones referuntur, cuius generis sunt hi ipsi *de Oratore* libri. Iterum in dialogis vel breviter interrogando et respondendo cuitusque sententia profertur, ut in *Orat. partit.* vel

(1) Se hunc morem pristino tempore, illum potius posteriori aetate sequi solitum suisce scribit *ad Att. l. 13. ep. 19.*

perpetua oratio singulis tribuitur (1). Interiectum locum obtinet nostrum opus, in quo colloquentes ita longiore sermone utuntur, ut tamen alter alterum saepius excipiat et interpellet. Omnes fere dialogos proöemiis instruxit, in quibus incredibilem elegantiam et varietatem observare licet. Ea enim plerumque ita sunt composita, ut aliquod argumentum non magis arripuisse, quam alia de causa vel quadam temporis opportunitate in id incidisse videatur. Saepe dialogos incipit ab eius rei commendatione, de qua disputaturus est, ut nostri operis librum primum. Nonnunquam orditur ab alicuius viri laude, cuius virtutes minus cognitas ut patescant, se illum librum composuisse fingit. Exempla, vid. *L. 2. de Or. et Acad.* *L. 4.* Tertii *de Oratore* libri introitu deflet miserias mortes eorum, quos in superioribus colloquentes fecerat. De quibus idcirco Scaevola praeteinmissus videatur, quod is senex sua morte defunctus est, vid. *Lael. c. 1.* Vix opus sit notasse, sermones hos non ab ipsis habitos, sed a Cicerone factos esse, quamquam eorum, quibus tribuuntur, personis egregie convenientes, quem morem significat *Cat. c. 1. et ad Div. l. 9. ep. 8.* Universe de dia-

(1) Hoc Ciceroni est *rhetorice* disputare, cum ille alterum *dialectice* dicat *de Fin.* *L. 2. c. 6.*

dialogorum apud veteres origine et usū eximie disputat Clar. Wyttēbachius in Epistola ad Clar. Heusdium, hujus Specimini Critico in Platonem praemissa. Vid. etiam Heineccius Fundam. Stili cult. p. 275 - 286.

§ III.

De hominibus, qui loquentes inducuntur.

Quod Cicero Laelii c. primo memorat se et in hoc et in illo de Senectute libro sermonem iis potissimum personis tribuisse, quibus maxime convenire videretur, id pari iure dici potest in his de Oratore libris. Ut enim illuc Catonem de senectute, de amicitia Laelium disputantem audimus, ita hic de Oratore copiose disserunt Crassus et Antonius, ad quos istius temporis homines eloquentiae principatum deferebant. De his et ceteris, qui colloquio intersuerunt, tantum mihi dicendum videtur, quantum ad hunc ab iis habitum sermonem illustrandum opus sit.

Principem in disputatione locum tenet L. Licinius Crassus, de cuius patre ambigitur, cum Pighius eum P. Licinium Crassum Mucianum fuisse dicat (1), alii Crassum illum, qui Ponti-

(1) Pighium nummorum veterum fide refutat Valens

sex maximus idemque consul adversus Aristonicum proiectus est. Patris autem, quicunque ille fuerit, summo studio educatus (1) et a Q. Scaevola eodem, qui hic inducitur, ius civile edoctus (2) valde adolescens forum capessivit inclaruitque C. Carbonis accusatione (3). Hinc per solitos honorum gradus (4), quibus censuram quoque et tribunatum plebis adiunxit, ad consulare fastigium evectus est. Censor cum Cn. Domitio Aenobarbo, in quem in eodem magistratu celeberrimam orationem habuit (5), omnes rhetores edicto suo sustulit offensus hominum impudentia (6). Hanc enim ab Oratore maxime alienam putavit, cum in ipso mirificus esset pudor (7), quem et Cicero sermone eius exprimit lib. 1. (8). Quantus Orator fuerit,

egregiens de Famil. Rom. qui tamen et se cum Ant. Augustino illius patrem ignorare fatetur.

(1) *De Or. l. 3. c. 20.*

(2) *Ib. l. 1. c. 10, 55.*

(3) *De Or. l. 3. c. 20. Off. l. 2. c. 13.*

(4) De quaestura vid. *de Or. l. 1. c. 11. l. 3. c. 20;* de aedilitate *Off. l. 2. c. 16. de Or. l. 3. c. 24.*

(5) Vid. *Erv. clavis Cic. V. Cn. Domitius.*

(6) *Suet. de cl. Rhetoribus c. 1. Cicero de Or. l. 3. c. 24. Dial. de causis corruptae eloquentiae c. 35.*

(7) *De Or. l. 1. c. 26. Pro Font. c. 7.*

(8) *c. 24, 30. l. 3. c. 9, 49.*

egregie describit idem cum alibi tum *Bruto* c. 38, 39, 43–45, ubi simul honores ab eo gestos cum annorum notatione persequitur. Praecipua eius laus in elocutione et verborum delectu cernebatur, erat in eo sapientia (1), maturitas (2), gravitas, addita tamen leporis iucunditate (3). Eloquentiam eius praesertim illustravit causa Curii, quam Cicero non tantum in his libris, sed et *Orat. pro Caecina* c. 18. *Brut.* c. 39. summa laude memorat.

Huic intima familiaritate coniunctus fuit M. Antonius triennio ipso (5), vel quadriennio (6) maior, quem tribunum plebis, quaestorem, praetorem fuisse, refert *Valens Fam. Rom. tom. I. p. 79 sq.* Censor manubiis imperatoriis ornavit rostra (6); post consulatum, quem cum A. Albino gessit, proconsul Ciliciae praefuit (7). In quo Ciceronis mihi iudicium laudandum videtur, quod non rhetoribus Graeculis

vel

(1) *De Or. l. 3. c. 22. et in Pis. c. 26.*

(2) *Dial. cit. c. 26.*

(3) *De Or. l. 2. c. 56. Off. l. 1. c. 30, 37. Addiv. l. 9. ep. 15.*

(4) *Brut. c. 43.*

(5) *De Or. l. 2. c. 89.*

(6) *De Or. l. 3. c. 1.*

(7) *l. 2. c. 1.*

vel hominibus quibusdam de plebe, sed viris summis et in luce versantibus omnem hunc sermonem tribuit, eoque ipso rei, de qua disserunt, gravitatem ostendit. Audiverat Antonius Athenis, Rhodi, et in Asia summos rhetores (1), legerat scripta Graecorum (2), in primis Aristotelis, quem et dicendi genere erat imitatus (3). Vel sic tamen fuit artis dissimilator (4), ita maiorem suae orationi fidem conciliari existimans, si omnis doctrinae suspicio abesset; quam personam Cicero in hoc opere egregie servat, ut *I. 1. c. 48 I. 2. c. 7. 89.* Iuris autem civilis cognitionem semper negligebat (5). Oratoria eius facultas ita cum Crasso comparabatur, ut tamen aliarum rerum laus Antonio data sit. Hic enim inveniendi acuminne, argumentorum dispositione, contentionis virtute maxime excelluit (6). Fatetur *I. 2. c. 34.* se verborum ornatum non nimis curare; quam rem Cicero confirmat *Brut. c. 37.* Commentarii cuius-

(1) *I. 1. c. 18—21. I. 2. c. 21.*

(2) *I. 2. c. 14.*

(3) *I. 2. c. 10, 36, 38.*

(4) *I. 2. c. 80. Quinctil I. 2. c. 17.*

(5) *De Or. I. 1. c. 37, 38, 58. Brut. c. 59.*

(6) *De Or. I. 2. c. 28, 42. Brut. c. 37, 38. Tusc.*

I. 2. c. 24.

iusdat, in quem ille sua observata de dicendi ratione retulit, Cicero meminit *de Or. l. 1. c. 21, 47, 48. Or. 5.* libellum vero sane exilem vocat *Brut. 44.* Praeterea nihil scriptum reliquit, ne orationibus quidem, quas habuit, scripto consignatis; cuius rei causam refert *Cic. pro Clent. c. 50.* Erat enim prudens Orator, nihil tam fugiens, quam ne aliquando causae suae obesset (1).

Q. Mucius Scaevola augur filiam Crasso uxorem dederat (2), cum ipse gener esset C. Laelius (3), quo cum in Ciceronis libro huius nomen praefere se ferente colloquens inducitur. „ Is, „ ut ait Cicero *Brut. 26.* in oratorum numero „ non fuit; iuris civilis intelligentia atque omni „ prudentiae genere praestitit”. Eiusdem comitas laudatur *Brut. 58. de Orat. l. 1. c. 9. init. ad Att. l. 4. ep. 16.* ubi „ ioculator ille senex, ” dicitur. Hinc non tantum ipse Cicero adolescens in senis disciplinam traditus fuit, sed eius domus quotidie a compluribus consulendi causa celebrabatur (4). Suae artis studium Scae-

vo-

(1) Hoc ipse de se dicit *l. 2. c. 72—76.* Crassus *l. 3. c. .*

(2) *l. 1. c. 7, 9. l. 2. c. 6.*

(3) *l. 1. c. 9, 13. Brut. c. 26. Laet. c. 1.*

(4) *Phil. Or. 8. c. 10. de Or. l. 1. c. 45.*

vola in his libris ita sermone exprimit (1), ut tamen oratio ne durior fiat saepius id repetendo. Honorum ab eo gestorum vix ullam mentionem invenio, nisi quod praetor Rhodum venit, consul cum L. Caecilio Metello de Dalmatis triumphavit (2). In philosophia Stoicos secutus est, in primisque fautor fuit Panaetii (3), ad quem audiendum credibile est eum, sicut Fannium, socii instituto perductum esse (4).

De C. Iulio Caesare nihil fere memoriae est proditum praeter singularem eius leporem et facetias, quibus omnes facile vicit. In eo Ciceroni fuisse visum est, ut ipse scribit *Tusc. l. 5. c. 19.* „Specimen humanitatis, salis, sua- „, vitatis, leporis”. Vid. praeterea *Brut. c. 48. Off. l. 1. c. 30, 37. de Or. l. 2. c. 23; 54. l. 3. c. 8.*

Huius frater fuit Q. Catulus, qui videtur per adoptionem e Iulia gente in Lutatiam transiisse. Certe summa in familia natum eum dicit *Cic. pro Planc. c. 5.* Is non magis honorum gestorum dignitate (5), quam sapientiae et sanctitatis fa-

(1) *l. 1. c. 10.*

(2) *l. 1. c. 17. Eutrop. l. 4. c. 23.*

(3) *l. 1. c. 10, 11, 17.*

(4) *Brut. c. 26.*

(5) Vid. praeter loca in clavi allata *pro Rab. c. 7. Eutrop. l. 5. c. 1, 2.*

fama floruit (1). In literis multum profecerat, quod Cicero his libris exprimere cupiens, frequenter eum de philosophorum scriptis et antiquitatis memoria disserentem facit, ut *l. 2. c. 18, 36, 37. l. 3. c. 32.* Eamdem laudem certi Catulo tribuunt *l. 2. c. 35. l. 3. c. 6.* Orator fuit purus, lenis, placidus, maxime excellens bene Latine loquendo et suavi literarum pronuntiatione (2).

C. Cotta Ciceronis amicus eidemque Academiae studio deditus (3), hunc illi sermonem regulisse singitur. Hic eloquentiae spem, quam adolescens de se excitaverat, postea minime fellit, quippe quem Cicero *pro Caec. c. 33.* vocat „hominem disertissimum nostrae civitatis“. Cottae dicendi genus placuit limatum, acutum, subtile, remotum a vehementi illa contentione, docendis auditoribus, quam permovendis, aptius (4). Tribunus plebis per invidiam civitate electus (5), deinde restitutus (6) et posrea con-

ful

(1) *Pro Planc. c. 5. pro Mur. c. 17. pro Rab. c. 9.*

(2) *Brut. c. 35, 74. Off. l. 1. c. 37. de Or. l. 2. c. 7, 57. l. 3. c. 8, 11.*

(3) *l. 3. c. 36. de Nat. D. l. 1. c. 6, 7.*

(4) *l. 2. c. 23. l. 3. c. 8. Br. c. 55, 92.*

(5) *l. 3. c. 3. Brut. 88, 89.*

(6) *Brut. c. 90.* Hoc effecisse videtur Sulpicius

ful factus e consulatu Galliam obtinuit, unde triumphum deportare frustra conatus est (1). Fuit etiam pontifex, ut patet e libris Ciceronis *de Natura deorum*, quorum *l. 2. c. 67.* „principis civis et pontifex“ dicitur.

Cum eo comparabant, quamquam longe diverso dicendi genere utentem, P. Sulpicium, qui natura ipsa ad eloquentiam factus videbatur (2). Magistrum sibi potissimum elegerat Crassum, Cotta magis Antonium sequente (3). Utrumque Cicero laudat *Brut. c. 49, 56, 88.* de qua tamen laude nonnihil detrahere videtur *ib. c. 86.* Contempsit philosophiam et iuris cognitionem (4). Ingenio cum esset ferociore, non tantum adolescens accusando, quam defendendo, suam eloquentiam illustrare maluit (5), sed et postea tribunus pl. multa seditiose in republica gessit. Quam ipsam ingenii vehementiam orationis genus secutum est, quod fuit grande, concitatum, vi et copia verborum excellens.

lege lata de exsulibus revocandis. Vid. *ad. Her. l. 2. c. 28.* et *Daceria ad Eutr. l. 5. c. 4.*

(1) *Brut. c. 92.* *In Pis. c. 26.*

(2) *l. 1. c. 22, 29.* *l. 2. c. 21.* *l. 3. c. 8.*

(3) *l. 1. c. 21.* *l. 2. c. 21.* *Brut. c. 55.*

(4) *l. 3. c. 30.* *Brut. c. 59.*

(5) *Ern. Cl. Cic. V. Norbanus.*

lens. His vero praecipuam laudem addebat ac-
tio, quae si in vocem et gestum dividatur,
utraque parte Sulpicius praestitit (1); quam-
quam plene loquendi studio nonnunquam in vi-
tium incidit, ut vasto oris sono literas pronun-
tiaret, quo nomine notatur a Crasso *I. 3. c. 12:*

§ IV.

*De tempore et occasione, qua colloquium
habitum fingitur.*

C. Gracchus lege Sempronia iudicandi po-
testatem a senatu ad equites traduxerat. Quo-
rum acerbitas cum Patribus esset invisa, M.
Livius Drusus tribunus pl. propugnator illi or-
dini existit, eique iudicia restituere conatus est.
Quo facilius, quod vellet, assequeretur; Italiam
populos spe civitatis obiecta sollicitavit; atque
haec fuit origo belli Marsici, cuius flamma bre-
vi post Italiam incendit. Ab equitum parte ve-
hementissime stabat alter consulum L. Marcius
Philippus, cuius consulatus, quem cum Sex.
Julio Caesare gessit, incidit in A. U. C. 662. e
computatione Ernesti *Cl. Cic. V. Marcius.* Hoc
anno ab iis, quos diximus, colloquium de Ora-

(1) *I. 3. c. 8. Brut. c. 55.*

tore habitum singit Cicero. Convenit locus *ad Att. l. 13. ep. 19*, ubi scribit se puero hunc sermonem induci. Natus autem A. U. C. 647 tunc 15 annorum aetatem attigerat. *Conf. Cl. Wytt. vita Ruhnk. p. 282.*

Isto scilicet tempore omnes, quos disputationes inducit, vel in amplissimo reipublicae loco erant constituti, vel ineunte aetate praeclaram de se spem ostendebant. Crassus dignitati ex ceteris summis honoribus perceptae proximo anno censorium decus adiecerat, annumque fere quinquagesimum agens (1) omnibus iam summa, quam tenebat, auctoritate dignus videbatur. Eloquentiae quoque laus, tot tantisque speciminibus et hominum iudiciis comprobata, merito hanc ei personam imponebat, ut dicendi praecepta traderet. Antonius consularis viri nomen splendida rerum in civitate gestarum memoria facile tuebatur. Scaevolae domo, tamquam oraculo quodam, omnes cives responsa petebant; quod quantum senectutis ornamentum illis temporibus habitum sit, C. Drusi, Ti. Coruncanii, aliorum senum a Cicerone laudatorum exempla unum quemque docebunt (2).

Tres igitur hi consulares sub finem mensis

Sex-

(1) *l. 3. c. 24. Brut. c. 44.*

(2) *l. 3. c. 33. Tusc. l. 5. c. 38. Cat. c. 9.*

Sextilis (1) turbarum strepitum et ludorum pom-pam effugientes in Crassi Tusculanum secesserant, ut otio tantis viris digno indulgerent. Solebant adolescentes, eloquentiae studiosi, ad aliquem clarum oratorem sese applicare, cuius non modo forensem usum imitarentur, sed et quotidiano sermone excipiendo paecepta sibi peterent (2). Ita quoque Sulpicius (qui nondum suas ingenii dotes in reipublicae perniciem converterat) et Cotta, uterque iam tum dicendi laude florentes cum Crasso exierant, a quo tam disputationem elicere frustra saepius fuerant conati (3). Hic quomodo colloquium exorsus sit, eleganter Cicero exponit *l. 1. c. 7, 8.* Sermoni, qui libro primo continetur, finem facit discessus Scaevolae, de cuius causis vid. *ad Att. l. 4. ep. 16.* Postridie advenisse narrantur Catulus senex et Caesar, quorum ille consulatus et triumphi ante quinquennium acti splendore per otium fruebatur. Caesar autem aedilis designatus fuisse videtur, quem magistratum sequenti anno gessit (4). Ab his igitur sermo restituitur, ad cuius initium Ciceroni Gorgiae Pla-

(1) Colligitur hoc e *l. 3. c. 1.*

(2) *Dial. de caus. corr. eloq. c. 34.*

(3) *l. 1. c. 21, 30.*

(4) *l. 3. c. 24. Brut. 89.*

tonici principium ob oculos fuisse puto. Colloquium, in fine libri secundi requiescendi causa abruptum, deinde instauratur, et inter eosdem ad finem usque pertexitur.

§ V.

De dicendi genere et colore, quo Cicero his in libris utitur.

Cicero novam dialogorum formam, quam primus hoc opere rhetoricae induxerat, orationis iucunditate commendare voluit. Itaque maior etiam his, quam illis de philosophia libris, elegantia inest. Neque tamen ideo gravitatem et diligentiam argumento dignam minus curavit. In quo bene existimando huc mihi attendendum videtur; aliam esse rationem proœmiorum, in quibus Ciceronem ex ipsius persona loquentem audiimus; aliam disputationis, qua Crassus, Antonius, Caesar suam de dicendi arte sententiam explicant; aliam denique luminum et ornatorum, quibus ea passim abrupta distinguitur. In proœmiis solitum illud copiosum et grave dicendi genus Ciceronianum, in libri tertii praefatione oratoria quoque regnat sublimitas. ipsa disputatio puro et aequabili filo procedit, Interdum altius exsurgens (ut l. 1. c. 8. l. 2. c. 8,

8; 9.), ea vero, quae tractat, ita accurate persequens, ut tamen rhetorum subtilitatem effugiat. Fastidii vitandi causa, non ubique praescriptum ordinem servat, sed saepe suum argumentum relinquens talia interserit, de quibus postea dicendi locus fuisset, in quae vero tum casu incidisse videatur. Ita Crassus *l. 1. c. 25,* *26.* cum dicere coepisset de naturae muneraū necessitate, repente quasi Q. Varii mentione abductus, delabitur in aliam disputationem de oratorum paucitate et pudore, quo eos ad dicendum accedere oporteat. Longior parenthesis orationem paulo confusiorem reddit *l. 2. c. 30* *sqq. l. 3. c. 27 sqq.* et alibi; de quibus locis planius nobis fiet, si universae disputationis seriem illustrando ad ea pervenerimus. Aliquando etiam, quod disputantes se praetermittere vel differre simulant, id tamen explicant quasi obiter tangendo, ut laudationes *l. 2. c. 11*, historiam *ib. c. 15*, Latine et plane dicendi facultatem *l. 3. c. 10.* Praecepta autem copia exemplorum, praesertim a Romanis petita, et aptissimis comparationibus illustrantur. Comparatio elegans et ad rem valde apposita invenitur *l. 1. c. 33.* „Ut concitato navigio” etc. nec non *c. 16. in fine, l. 2. c. 16.* et *c. 72*, ubi Antonius suum munitum dicendi genus comparat fugae, quae fiat non modo non abiepto, sed ne-

re-

reiecto quidem scuto, denique *l. 3. c. 19. initio.*
 Atque hacc de corpore ipsius disputationis.
 Ea per crebra locorum intervalla, festivitate
 quadam conditum, quae hos libros etiam a di-
 cendi studio alienis iucundos reddat. In narran-
 da singulorum dialogorum occasione et exitu in-
 signis conspicitur elegantia, quo in genere liber
 secundus prae ceteris elucet. Plurima quidem
 ornamenta suppetebat ipsa dialogorum forma,
 qua libri conscripti sunt; ut ubique viros prin-
 cipes et omni artium humanitate excultos collo-
 qui audias. Quanta suavitas apparet in laude,
 quam alter alteri modo aperte tribuit; ut Antonius Crasso *l. 2. c. 28, 56, 74, 89*, eidem Cotta *l. 1. c. 22, 35*, Crassus Scaevolae *l. 1. c. 24*: modo quasi obiter adsperrgit ut *l. 1. c. 10*: „visi hic in tuo regno essemus”; *c. 41.* „sed „o Dii immortales” etc. *c. 48. init. l. 2. c. 18.* in fine. Quod ipsum etiam efficitur vel excep-
 tione, ut *lib. 1. c. 9, 38. in. c. 43*, vel exem-
 plis ab eo ipso, qui laudetur, petitis, ut *l. 1. c. 14, 15, l. 2. c. 54, 55*. Nec minore urba-
 nitate colloquentes istam a se laudem depellere
 suamque imperitiam excusare solent. Exemplo
 sint *l. 1. c. 24, 48, l. 2. c. 4, 42*: „Vide
 „quam sim” etc. *45.* ubi Antonius Crassum
 se lusisse dicit, cum illa magnifica praedica-
 ret; quod idem de Catulo Crassus ait *c. 57.*
 in

in fine. Vid. porro c. 73. init. l. 3. c. 49.
 Quanta comitate se invicem interdum reprehendunt! ut Crassus Antonium l. 1. c. 62. Sulpitium
l. 3. c. 12. Iocis quōque et ironiis, quibus
 passim indulgetur, nihil festivius excogitari po-
 test. Vid. *l. 1. c. 29, l. 2. c. 7, 10, 33, 47.*
 (ubi Antonius ipse de se: „bonus ego videlicet
 atque eruditus magister“) item c. 90. Nonnunquam
 iucunda disputatio de aliis rebus intexitur, ut
 de Sophistis *l. 1. c. 22*, de otio *l. 2. c. 6.*

§ VI.

Partitio huius libelli.

De his igitur libris Amplissima Philosophiae
 Theoreticae et Literarum Humaniorum Facultas
 in Academia Rheno-Traiectina e Benignissimi
 Regis decreto dissertationem postulat eique bene
 conscriptae praemium honorificentissimum pro-
 ponit, qua ex iis, quae in hoc opere a Crasso,
 Antonio, Caesare, aliis, de eloquentia dispu-
 tur, ipsius efficiatur Ciceronis de perfecto Ora-
 tore sententia. Quod opus ego cum pro tenui
 facultate aggredi ausus sim, duo potissimum a
 me requiri video. Namque non tantum ipsa
 Ciceronis de Oratore sententia proponenda vi-
 detur, sed et via quaedam et ratio ostendenda,

qua

qua ad eam indagandam processerim, ut et quid Cicero senserit, intelligatur, et quomodo disputationibus illud implicaverit. In duas igitur partes hanc scriptionem digerendam putavi, quarum

Prima nonnullas continebit observationes, quarum ope ex iis, quae in his libris disputantur, ipsius Ciceronis sententia elici possit.

Altera parte eius sententiam, e Crassi ceterorumque disputationibus derivatam, artis cuiusdam forma complexus exponere conabor.

Quod vero Logici vetant, ne partes nimium magnitudine differant, in eo hic ipsius instituti rationem excuso, quae postulare mihi visa est, ut parti secundae, quae alteri tamquam aedificium fundamentis insisteret, maior assignaretur amplitudo.

P A R S P R I M A.

QUAE CONTINET

NONNULLAS OBSERVATIONES, QUARUM
OPE EX HIS, QUAE IN HIS LIBRIS
DISPUTANTUR, IPSIUS CICERO-
NIS SENTENTIA ELICI POSSIT.

C A P U T P R I M U M.

SERIES DISPUTATIONIS, QUA CICERO HIS IN
LIBRIS UTITUR, ILLUSTRATUR.

Cicero disputationem, quae his libris conti-
netur, frequenti digressionum et parenthesium
usu sic abrumpit, eiusque capita et exitus saepe
sic occulit, ut prima vice legenti aliquanto sit
difficilius, quid ille voluerit, quomodo ab alio
ad aliud transierit argumentum, intelligere.
Hinc eius sententiae cognoscendae profuturum
exis-

existimavi, si, tota disputatio quo ordine procederet, percurrendo illustraretur.

Libro primo colloquium incipit a Crasso laudante summam Oratorii munera excellentiam, quippe quod (praeter ceteras laudes) cum in civitatibus constituendis et conservandis plurimum valeat, tum in omni sermone copiosissime versetur. c. 8. Utrumque Scaevola negat, de illo superiore docens et sine eloquentia maximam civitatem esse conditam, et illam saepe reipublicae damnum attulisse, et a plurimis oratoribus claris abesse rerum civilium cognitionem. Alterum item, quod Crassus Oratori dedit, ille philosophorum esse proprium contendit, eiusque tantum esse in iudiciis, in senatu, in concessionibus probabiliter posse loqui. c. 9, 10. Huic Crassus respondet, cuius disputationis haec sit summa: Oratoris proprium est *bene dicere*; ut non tantum aliis studiis dediti, si de sua arte ornate dicant, eam facultatem ab Oratore mutuati sint; sed et hic, si ad alienum artificium suam dicendi adhibuerit vim, melius de illis rebus dicere possit, quam ipsi earum artifices. Sin autem ad summam illam perfectionem ascendere cupiat, varia plurimarum rerum cognitio ei adesse debet. Ea quidem philosophiae pars, quae est de vita et moribus, Oratori tota perdiscenda est, cum in animorum motibus ex-

citandis et sedandis praeccipue dominetur eloquentia. Praeterea omnibus artibus libero dignis, perpolitus esse debet. c. 11—17. Talem Oratorem cum in rerum natura consistere neget Scaevola, refellitur a Crasso. c. 17. Hic Antonius postquam aliquot philosophorum sententias exposuit (c. 18—21.), suam ipse opinionem profert c. 21, quae cum verbis differat, re cum Crasso convenire videtur: eloquentis esse omnes omnium rerum, quae ad dicendum pertinent, fontes animo ac memoria continere: quod etiam si in tantis occupationibus difficile sit (cf. c. 18. init.) non tamen desperandum esse talem Oratorem aliquando posse existere. Cum autem sibi a philosopho quodam persuasum dixerit, nullam esse artem dicendi (c. 20.) novam hinc disputationem Crassus orditur c. 23, qui artem ita retinet, ut tamen alia maiora censeat. Naturae quidem primas tribuit, cuius dona in vero oratore (quem propter muneris difficultatem semper timide ad dicendum accedere oporteat, c. 26, 27.) summa requirantur, ut bene perspiciendum sit, num quis ad eloquentiam aptus esse videatur. c. 25—30. Praeterea studium requirit, et suo exemplo allato viam tradit, qua formandum putet Oratorem. c. 30—35. Ponit eam in arte, exercitatione et cognitione variarum rerum, in quibus hic philosophiam ideo
 p^raet

praetermittere videtur, quod eam supra (c. 11—17.) copiose commendaverit. Historiae vero, iuris civilis, aliarum rerum mentione facta, occurritur ei a Scaevola, qui illas ab Oratoris instrumento segregandas censet c. 36. quem Crassus refellens c. 36—47. Oratoris, qui ius civile negligat, primo culpat impudenteriam c. 38—41; deinde inertiam c. 41—45, denique id studium summam dignitatem afferre docet c. 45. Porro iuris publici et antiquitatis cognitionem Oratori perfecto necessariam defendit c. 46. Antonius ea, quae Crassus de arte breviter percurserat, latius explicaturus initium facit a definiendo Oratore, in quo, suum refelliendi morem sectutus, Crassum reprehendit. c. 48—51. Hinc delabitur in longam disputacionem id agens, ut ostendat nec philosophiam Oratori necessariam esse, imo saepe ei nocere c. 51—55. nec ius civile, historiam aut antiquitatem ei esse perdiscendam, quippe quae nimum temporis de dicendi studio et exercitacione detrahant. c. 55—62.

Libro secundo Antonius disserere de arte pergit, cui etsi parum tribuat, esse tamen quasdam observationes arbitratur, e quibus ars quaedam possit effici. c. 7, 8. Deinde suam sententiam de Oratoris munere et officio, libro superiore declaratam, hic plane immutat, et Crass-

so assentitur, eius propriam esse orationem grā-
 vem et ornatam de omni re, quae sic dici de-
 beat. c. 8, 9. Porro quam artis distributionem
 a Graecis acceptā Crassus protulerat, eam ita
 persequitur, ut quae sibi placeant, retineat,
 quae minus necessaria videantur, reprehendat,
 atque per frequentes digressiones alia maiora ad-
 iiciat. Eō enim consilio totum illum Crassi de
 arte locum (l. 1. c. 31, 32. *init.*) a Cicerone
 inductum arbitror, ut capita quaedam et certum
 ordinem haberet, ad quem hoc et sq. libro sin-
 gula referret; simul etiam ut quid de rhetorum
 praceptis statueret, intelligi posset. Antonius
 igitur primam quaestionum partitionem in duo
 genera repetit, quorum alterum rursus in tria
 dividatur. c. 10. Tertium vero, quod rhetores
 in laudationibus ponebant, praceptis instrui mi-
 nus necessarium putat. c. 11, 12. Similiter de
 historia (cuius ipsius historiam per parenthesin
 explicat suumque Graecarum literarum studi-
 um excusat c. 12—15), de aliis Oratorum
 officiis, denique de infinita quaestione nihil
 praecipi demonstrat. c. 12—16. Neque
 hoc necessarium esse, si difficillimum genus,
 quod in causarum contentionibus versetur, tra-
 ditum sit: quam sententiam contra Catulum tue-
 tur. c. 16, 17. Iam vero (postquam Graeci-
 los perstrinxit eorumque praceptis se parum
 tri-

tribuere declaravit c. 18—20.) quomodo tandem Orator ille summus instituatur, exponit. Videndum, quid naturâ posse, si aptus videatur, bonum sibi exemplum eligat, addita exercitatione et stilo q.c. 20—24: ubi disputatio de imitationis vi in Graecorum libris conspicua inseritur. c. 22, 23. Deinde quomodo causas tractare debeat, docere incipit c. 24: quas primum penitus cognoscat, et, quae sit ambigui causa, videat. Hic illud e Crassiana distributione assumendo probat, tria esse genera ambigui c. 24, 25; secundo autem genere scripti quoque controversiam complectitur. c. 26. Praeter causae probationem Oratori duo imponit, ut et eos, qui audiant, sibi conciliet, et eorum animos commoveat: causae vero defensioni cum duplex argumentorum genus subiectum sit, quod utrumque et rerum inventione et dicendi ornatu indigeat, novam hinc universi munera Oratorii divisionem inducit. Quaerendum enim statuit, primo quid, deinde quomodo dicamus. c. 27. Harum partium primam sibi sumit, quam sua consuetudine exponenda illustret, alteram Crasso relinquit libro tertio tractandam. Redit igitur ad causae probationem per argumenta, quae ex certis locis semper paratis in omnem causam afferre, non singulis causis seposita e rhetorum praceptoris depromere opor-

oporteat. c. 30 — 35. Hic cum naturam causae videre iusserit, quasi in parenthesi notat istorum magistrorum imperitiam, qui cum duo genera causarum ponant, alterum dicant certis personis et temporibus definiri. c. 31 — 34. Deinde reversus ad argumentorum inventionem tria, quae huc faciant, enumerat; quorum maxime laudata diligentia parum auxilii in arte ponit idque demonstrat exemplo philosophorum, qui sine discendi praceptis ingenio tantum et diligentia copiam argumentorum sibi comparent. c. 35. Quod cum de Aristotele Catulus negaverit, incidit in locum de Graecarum literarum specie vitanda, ubi mentione facta de tribus philosophis, quid illi attulerint arti dicendi, inquirit. c. 36 — 39. Illa vero argumenta e duobus locorum generibus sumi ostendit, eosque breviter persecutus c. 39. 40. de tractatione quaedam addit. c. 41. Hinc progreditur ad duas reliquias partes, quas c. 27. ad Oratoris munus pertinere dixit, collocatione quideni in posterum dilata. c. 42. Quomodo ii, qui audiunt, conciliandi sint, breviter indicat c. 43, quomodo permovendi c. 44 — 47. Haec exemplo suo illustrat c. 47 — 50, quod etiamsi in artis fere loco reponendum censeat (c. 48), tamen pracepta quaedam addit, primum quando animorum concitatione abstinendum sit, deinde quibus rationibus id effici queat. c. 51, 52.

Utrumque vero genus ut coniungendum, ut in variis orationis partibus adhibendum, ut in adversarios retorquendum sit, docet c. 53. Cum autem egregiae sint utilitatis in oratione *facetiae*, Caesar de iis disserere incipit. Quarum duobus generibus positis neutrum doctrina posse tradiri ostendit. c. 54. Quod cum et Catuli et Crassi exemplo confirmare coepit, incidit in alia huic facete dicta, non tam ad id, quod posuit, comprobandum, quam potius ad Crassi in hoc genere excellentiam demonstrandam. c. 55. Quamvis autem nulla iocorum ars sit, posse tamen eam quoque partem dicendi observationibus illustrari, illi inter se disputant. c. 56, 57. Caesar igitur pergit et quinque de risu quaerenda statuit, quorum postquam priora quatuor attigit c. 58, 59, quinto loco de facetiarum generibus exponit: quas cum supra (c. 54.) pro raritate vel frequentia, qua in sermone usurpentur, distinxisset, hic *materia tenus* in duo genera partitur, quorum alterum sit in re, alterum in verbis c. 59—61 (1). Secundum hanc parti-

tio-

(1) Initium *capitis 61*, quod in libris scriptis et editis turbatum videtur, sic transponendum, coniicio:
 „ Haec igitur sit prima partitio, quod facete dicatur, id alias in re haberij, alias in verbo: facetiis autem maxime homines delectari, si quando risus

„ con-

tionem locos assert, unde risus maxime excite-
tur. Ubi postquam ex iisdein locis seria et ri-
dicula posse peti ostendit, nonnullaque genera
ab Oratoris gravitate segregavit c. 61, 62. init.,
primum ea tractat, quae in verbo sunt posita c.
62 — 66, deinde quae in re c. 66 — 71. in fine.
Sermo iam redit ad Antonium nonnulla monen-
tem de ratione et delectu, quo ea, quorum lo-
cos monstraverit, adhibere oporteat. Deinde
duo praecipit, alterum, honeste cedere, alte-
rum, caveré, ne quid causae noceamus. c. 72.
Quod cum Crassus (nisi perfidia) fieri posset ne-
gasset c. 73, ille quibus modis in id incidamus,
ostendit c. 74, 75. Crassus (l. 1. c. 31.) se-
cundum oratoris munus esse dixerat: „inven-
„ta non solum ordine, sed etiam momento
„quodam atque iudicio dispensare, atque com-
„ponere”. Haec igitur Antonius, c. 42 a se
dilata, persequitur. Illum quidem rhetorum

op-

„coniuncte re verbique moveatur. Nunc expóna-
„mus genera ipsa summatim, quae risum maxime
„moveant. Sed hoc etc?”. Saepè Cicero póst ali-
„cuius argumenti absolutionem praecedentia breviter
complexus ita demum ad alia progréditur, velut supra.
c. 26. l. 3. c. 43. Sic quoque, ni fallor, oratio me-
lius procedet, et sqq. „Sed hoc mementote” etc.
aptius cohaerebunt. Haec vero in conjecturae tantum
loco reponantur.

ordinem non aspernatur, sed in ipsa natura possum ostendit, alium vero ab Oratorum iudicio proficiisci, de quo disserit c. 76, 77. Hinc rursus singulas illas partes, in quas rhetores orationem diviserant, praeceptis instruit. c. 78-81 in fine: Omnia vero inveniendi et collocandi, praecepta cum praecipue ad iudiciorum contentiones retulerit, iam progreditur ad secundum causarum genus, *suasiones*, quarum alium, quam Crassus, finem statuit, quidque in iis potissimum observandum sit, breviter explicat. c. 81 in fine. — 84. Quod c. 11. segregaverat *laudationum* genus, hic tamen attingit, et quibus e locis instrui possit, demonstrat. c. 84, 85. Denique de memoriae artificiosae inventione, utilitate et praeceptis agit. c. 87, 88.

Libro tertio Crassus orationis ornatum exposturus prius ostendit perperam de rebus et verbis separatim praecipi solere. Ut enim rerum universitas unum quoddam sit, ut omnes artes humanae arctissime inter se coniungantur, ut ipsius eloquentiae una sit vis atque natura, sic quoque res et sententias in oratione minime esse sciungendas. c. 5-7. Porro praefatur, ut in ceteris artibus, ita in dicendi facultate principes, qui maxime inter se differant, singulos tamen esse laudandos: nec igitur sua pracepta ad omnes eodem modo accommodari posse, sed iis id

a se genus exprimi, quod sibi ipsi maxime probetur.
 c. 7 — 10. Iam ipsius elocutionis quadripartitam distributionem e L. i. c. 32 repetit, cuius duo prima et si se relinquere simulet, tamen breviter exponit, quomodo quidem Latine dicamus, c. 10 — 13, quomodo plane, c. 13. Haec autem nullam efficere admirationem, nisi accedat dictio ornata et apta, qua qui utatur, eum demum esse verum Oratorem. Hinc in eloquentiae laudes evagatur, eamque antiquissimis temporibus cum sapientia et re et nomine coniunctam plurimum in republica valuisse ostendit, quamvis nonnulli potius rerum cognitioni se totos tradiderint. c. 14, 15. Socratem primum eloquentiam a philosophia seiunxisse et familias ab eo profectas omnes ab Oratoris studio abhorrese, praeter Peripateticos et novam Academiam, quarum igitur copiam et vim summus ille Orator sibi adsciscere debeat, c. 16 — 20. Sibi autem quamvis plurimis occupationibus distracto non licuerit omnia illa complecti, tamen se nec philosophis quidquam in disputatione concedere c. 20, 21. et de summi Oratoris perfectione loqui posse, omninoque aliam esse rationem eorum, qui artem aliquam in usum adhibeant, aliam eorum, qui ipsius studio delectati nil praeterea curent. c. 22, 23. Hanc disputationem ad argumentum propositum sic refert,

ut

ut ostendat in orationis ornatū, quam tertiam virtutem posuerat, ante omnia comparandam esse rerum cognitionem, quae ubi adsit, verborum ratio facilis sit, c. 24. Haec iam explicaturus ornatū et genere toto et singulorum verborum sententiarumque luminibus effici docet. Princípio cavere iubet, ne nimia suavitas, ut in aliis rebus, ita hic fastidium pariat, c. 25, 26. Post quae illa partitione repetita c. 26. in fine, ad ornatū maxime valere docet amplificationem, quae cernatur cum in concitandis animis et laudando, tum vero in locis communibus; inter quos memoratae disputationes ancipites rursus eum longe auferunt. Ostendit enim omnes causas definitas ad universi generis consultationes esse revocandas (quarum ambigendi naturam e philosophorum distributione partitur c. 28, 29, alio quodam modo, quam Antonius fecerat l. 2. c. 24 et 25.) atque harum disputationem e philosophia repetendam, quae iniuria eas sibi vindicaverit; quae divisio, ut in aliis rebus, ita hic maximum attulerit damnum. Haec videtur esse sententia, quam per implicatam disputationem diffundit c. 27 - 36. Redit ad orationis ornatū, sed quasi prioris illius partitionis (c. 25.) oblitus aliam inducit, ut primo de verbis simplicibus, deinde de coniunctis dicat. In illorum tractatione etiam allegoria et immutatio e secunda

da parte assumuntur. c. 37 – 43. Ad hanc duo refert; alterum collocationem, alterum modum et formam; de quorum primo breviter agit c. 43; secundum fusus persequitur c. 44 – 52, inserta disputatione de minori difficultate huius rei, quippe in qua, ut in plerisque aliis, utilitatem secura sit pulchritudo c. 45, 46. et in fine refutata illa obiectione, vulgus orationis numeros notare non posse. Quibus expositis e superiori partitione (c. 25.) colorem universae orationis attingit, tum plurima verborum et sententiuarum lumina recenset. c. 52 – 55. Quarta virtute, ut apte dicamus, breviter illustrata c. 55. de actione quaedam addidit c. 56 – 61, ubi postquam de voce primum c. 58, deinde de gestu praecepit c. 59, postremo redit ad vocem eaque quomodo servari possit, ostendit c. 60, 61.

C A P U T S E C U N D U M.

E CRASSI POTISSIMUM PERSONA CICERO.
LOQUITUR.

§ I.

*Graves ei causae fuerunt, cur hoc
faceret.*

Cicero neminem Crasso dicendi laude maiorem, neminem, quem summo studio imitaretur, digniorem arbitratus est. Illo puero (qua aetate quae studia percipiuntur, plerumque per totam vitam animis inhaerent) Crassus in foro et iudiciis regnabat, eiusque dicendi genus ineunti. Oratori prae ceteris placuit. Eius quidem orationem, qua legem Caepionis suaserat, sibi a pueritia quasi magistrum fuisse refert *Brut.* c. 44. Praeterea Crassus patri Ciceronis familiaris fuit, qui et hunc potissimum in deligendis filio praceptoribus auctorem secutus est. Itaque Cicero et ea didicit, quae illi placebant, et ab iisdem doctoribus fuit eruditus (*de Or. l. 2.*

c. I.

c. i. *Corr. Quaest.* p. 37, 45.), inter quos ab A. Licinio Archia, quem ille coluisse dicitur *Or. pro Arch.* c. 3. in fine, cuius vero institutione Ciceronem usum fuisse constat ex eiusdem orationis cap. i. Puerum quidem quinque annorum in Luculli domo ab eo eruditum scribit *Middl. Vit. Cic.* tom. i. p. 14. Eiusdem confilio factum videtur, ut Plotium rhetorem Latinum, qui scholam aperuerat (*Suet. de Cl. Rh.* c. 2.) audire cupiens non audiverit, sed ad Graecos potius sese applicaverit. *Middl. l. c. p.* 13. Hoc certe plane conveniebat cum eius sententia, qui censor, ut supra vidimus (Proleg. § 3.) Latinorum scholas edicto sustulerit. Hinc igitur natus ille Crassi, tamquam summi Oratoris, amor et veneratio, quam Cicero menti penitus impressam ubique per scripta diffundit. Sic *Brut.* c. 36, 38, postquam plurimos Oratores percensuit, ita Crassum et Antonium iis anteponit; eosdemque in *Orat.* c. 30. ita coniungit, ut illi tamen primas tribuere videatur. Hinc eximiae laudes in orationibus, ubi illum, ut eloquentiae et ingenii exemplum, appellare solet. Illius quidem comparationem adhibet in *Cn. Pompeii eloquentia extollenda pro Balbo,* c. i: „ quae enim in L. Crasso potuit, homine nato „ ad dicendi singularem quamdam facultatem, si „ hanc causam ageret, maior esse ubertas, va- „ rie-

„rietas, copia, quam fuit in eo” etc. Et *pro Font. c. 7.* ita de eo praedicat: „Quantus in „L. Crasso pudor fuerit, quod ingenium, „quanta auctoritas, quis ignorat”? Vid. porro *in Verr. III. 1*, *pro Caec. c. 18*. *pro Balbo c. 21*. Obiici possit eum in libris *de Off.* ubi de eo mentio fiat (*I. 1. c. 30, 37.*) multo minus magnifice laudari. Sed non modo provec-tior aetas atque ipsum librorum argumentum Ciceronem a sublimi illo et incitato ad remissius dicendi genus deduxerant, verum etiam fieri potuit, ut ad suum eloquentiae cursum respiciens ipse sibi iam Crasso superior videretur et hinc de eius admiratione paululum minueret. Vel sic tamen eximie laudat *I. 2. c. 13.* Hoc quidem constat, nemini de Romanis Ciceronem tantum in dicendo tribuisse, quantum Crasso. Quod si hunc ipsum in libris *de Oratore* inductum vide-mus, quo quem induceret, neminem aptiorem habuerit, eidem potissimum partes delatas fuisse, quid ipse Cicero sentiret, explicandi, probabiliter coniici mihi videtur.

§ II.

Argumentum petitum a modo, quo Crassus in disputatione inducitur.

Si iam *a priori*, ut Logici dicunt, valde proba-

babile sit, Crasso Ciceronem suam personam
 imposuisse, confirmatur haec sententia modo,
 quo ille inducit, et loco, quem per totam
 disputationem obtinet. In eius villa sermo ha-
 betur, cuius exordium et longe maxima pars ip-
 si tribuitur. Omnino magna in his libris appa-
 ret similitudo cum modo, quo Catonem de se-
 nectute, Laelium de amicitia suam sententiam
 explicantes Cicero inducit. Non tantum Sulpici-
 cius et Cotta, ut eloquentiae praecepta sibi
 tradat, enixe a Crasso petunt eaque venia impe-
 trata summo gaudio effreruntur (*I. 1. c. 21, 29,*
30.); sed Catulus et Caesar, clari iam orato-
 res, ipso nuntio excitati advolant, ut eius ser-
 monis, tamquam eximii cuiusdam fructus, parti-
 cipes siant (*I. 2. c. 3 – 6.*); sed Scaevola se-
 nix, quem unice iuris studio deditum a tali
 disputatione abhorre putes, Crassi audiendi
 cupidum se profitetur (*I. 1. c. 35.*); quin ipse
 Antonius, cuius dicendi facultas maxime cum
 illo comparabatur, quanti tamen illius sermonem
 faciat, eleganter indicat extremo libro secundo.
 Crassus tamquam princeps et magister Antonio
 partes attribuit *I. 2. c. 29*, Sulpicium reprehen-
 dit *I. 3. c. 12*, sermoni finem imponit *I. 1. c.*
62. I. 2. c. 90. Maxime vero principem hunc
 locum ei vindicant eximiae laudes, quibus a ce-
 teris cumulatissime ornatur, quas singulas perse-
 qui

qui infinitum sit. Pauca exempli loco notentur. Scaevola *l. 1. c. 17.* sic eum alloquitur: „ quas „ (artes et doctrinas) ego, si quis sit unus com- „ plexus omnes, idemque si ad eas facultatem „ istam ornatissimae orationis adiunxerit; non „ possum dicere, eum non egregium quemdam „ hominem atque admirandum fore: sed is, si „ qui esset, aut si etiam unquam fuisset, aut „ vero si esse posset, tu esses unus profecto; „ qui et meo iudicio, et omnium, vix ullam „ ceteris oratoribus (pace horum dixerim) lau- „ dem reliquisti”. Cotta *l. 1. c. 22.* imperiti- am excusanti ita respondet: „ namque quod tu „ non poteris, aut nescies, quis nostrum tam „ imprudens est, qui se scire aut posse postu- „ let?” Illius orationi succedere timet Antonius *l. 1. c. 48,* illo audiente et hic *l. 2. c. 88.* et Caesar *c. 57.* sibi de eloquentia vix dicendum existimant. Nam quae splendidiora in quem- quam dici possunt his Antonii *l. 1. c. 27.* „ et „ te, et ceteros summos oratores, quamquam „ tibi par, mea sententia, nemo unquam fuit?” Quibus add. *l. 2. c. 28, 56, 89.* et praeter omnia *l. 3. c. 49,* ubi, quem frustra quae siverat eloquentem, se tandem invenisse profitetur: quam tamen nec veram Antonii sententiam, nec Ciceronis fuisse constat *ex Orat. c. 5, 30.* Voluit tantum maximis, quas poterat, laudibus ei tri- buen-

buendis significare, quanto Crassum ceteris dispu-
tantibus anteferret, dignissimum adeo, qui suam
ipsius exponeret sententiam.

§ III.

*Talia Crassus de se refert, unde Cicero-
nem ipsum sub illius persona latere
coniici posse.*

Si quis hos *de Oratore* libros attentius legat,
simulque ex aliis eiusdem scriptis recordetur,
quātuplē sibi ille placuerit, ei statim arrideret
opinio, Ciceronem Crassi Oratoris imagine pro-
ponenda sui memoriam in lectorum animos re-
vocare voluisse. Quam opinionem quae con-
firment, plura in iis inveniuntur: quippe talia
passim Crassus de se narrat, quae in Ciceronem
convenire aliunde novimus. Ita quod in ipso
huius operis aditu Cicero significat, se aliquan-
do causis relictis in otium concedere velle, idem
de Crasso refert *l. 2. c. 33.* non sine gloriofa
quadam praedicatione, civitate in aegre laturam,
si tanti Oratoris ornamento careret. Idem Crassus
l. 1. c. 42. suum consilium profitetur partes juris
civilis dispersas atque dissipatas colligendi et
generatim dispositas in artis formam redigendi.
Huius rei mentio quoque fit *l. 2. c. 19, 33.*

Hoc.

Hoc autem ipsum consilium Ciceroni agitatum
fuisse tradit Torrent. ad Suet. Caes. c. 44 Gel-
lii locum afferens, ubi liber ille memoratur.
Vid. etiam Quinctil. l. 12. c. 3. et Nitsch Be-
schr. der Rom. tom. II. p. 324 Aliud eiusmodi
vestigium est l. 1. c. 34, ubi Crassus se exerci-
tationis causa Graecorum orationes Latine red-
didisse narrat. Simile quid de Cicerone novi-
mus, qui puer non quidem orationes, sed Xenophontis Oeconomicum vertit, ut scribit de
Off. l. 2. c. 24. Postea vero, ut eloquentiae
studiosis prodesset, illustre illud Demosthenis
et Aeschinis de Corona certamen Latine expli-
cuitque versioni libellum de Optimo genere
Oratorum praemisit. Paucissima de studiis in
republica dicentem facit Crassum: quae vero di-
cit, talia sunt; ut Ciceronem ipsum loqui putes.
Extremo quidem sermone l. 3. c. 60. C. Grac-
chi mentione pinecta sic ait: „Ego vero (ad-
„miratus sum hominis diligentiam et doctrinam)
„ac doleo quidem illos viros in eam fraudem in
„republica esse delapsos” etc. Nec Cicero
tantopere Gracchis offensus fuit, quorum sedi-
tiosa consilia dolore magis, quam odio prosecu-
tus videtur. Vid. Brut c. 27, 33. de Har:
resp. c. 19. Denique Crassum a Scaevola ius
civile didicisse narrans l. 1. c. 10, 55. respice-
re potuit ad se; quem eiusdem hoc in genere
praesi

praeceptis usum fuisse notissimum est. Vid.
Lael. c. 1. Corr. Quaest. p. 52. Middl. tom. 1. p.
17. His indiciis, quibus alia addere me doctioribus proclive sit, conjectura probabilis redditur oratorem, qui his in libris Crassi nomine inducitur, proprie fuisse Ciceronem ex aliena persona (quo maior orationi accederet auctoritas) suam de dicendi facultate sententiam explicantem.

§ IV.

In praefationibus horum librorum nonnulla occurunt, quae cum Crassi disputacione convenientiunt.

Sententia, quam superioribus §§. probare conatus sum, alio confirmatur argumento ab horum librorum praefationibus petito, in quibus quae Cicero posuit, ea ipsi persuasa fuisse nemo sit, qui dubitet. In praefationibus igitur libri primi et secundi nonnulla cum Crassi sermone mirifice convenientia reperiuntur. Mitto gravissimam illam quaestionem *de rerum cognitione Oratori necessaria*, quam e Ciceronis mente *I. 1. c. 2. et I. 2. c. 2.* significata Crassus uberrime persequitur. In quo tamen id vix praeterreundum censeo, quod cum Cicero *I. 1. c. 5.* verborum volubilitatem sine rerum scientia

ir-

irridendam dicat, eodem verbo Crassus hoc vi-
tium perstringit c. 12. Colligamus alia eiusmo-
di minora, in quibus insigni convenientia inter-
utriusque disputationem observata, per analogiam idem de reliquis coniicere liceat. Usus,
L. 1. c. 4. omnium magistrorum praecepta supe-
rare dicitur; eumdein vero Crassus L. 3. c. 55,
gravissimum et in hoc toto dicendi studio diffi-
cillimum vocat. Poëtae, quibus hic magnam
cum oratoribus cognitionem tribuit L. 1. c. 16.
L. 3. c. 7, ii L. 1. c. 3. maxime ex omnibus ar-
tibus et disciplinis cum illis in comparatione
conferuntur. Denique muneris oratorii difficul-
tatem cum Cicero L. 1. c. 5. tum Crassus c. 26.
demonstrat histriorum exemplo, de quibus adeo
diligenter iudicare soleant spectatores, ut vix
aliquis iis placeat.

§ V.

*Conclusio confirmata virorum doctorum
testimoniis.*

Vidimus igitur neminem Crasso aptiorem fuisse, cui Cicero suis partibus imponendis sermo-
ni pondus adderet. Qui si praeterea sic induci-
tur, ut omnes ei summum honorem et auctori-
tatem concedant, si talia de se refert, ubi facile

Ci-

Ciceronem agnoscas; si denique res aliquas eodem modo, quo ille de iis praefatus est, sermone suo explicat, nihil obstat videtur, quin ex his ea ducatur conclusio: *Crassi disputationem ipsius Ciceronis sententiam continere.* Quod et aliis iisque viris eruditionis fama florentibus placuisse video. Corradus quidem in *quaestura p. 45.* afferens locum *de Or. l. 2. c. 1.* haec addit: „ didicit igitur omnia , quae libro primo „ et tertio *de Oratore L.* Crasso placuisse di „ cuntur ”. Francius in egregia oratione *de perfecto et consummato Oratore*, qua huius ipsius operis explicationem auspicatus est, *Orat. 15. p. 243.* Ciceronem in Crasso se depinxisse scribit, Nec aliter sentiunt Ernestus in *Ciceronis operum dedicatione ad Stiglizium p. 59.* et Middl. *l. c. p. 43. tom. 2. p. 98.*

CAPUT TERTIUM.

QUATENUS RELIQUORUM SERMONE CICERO-
NIS CONTINEANTUR SENTENTIA.

§ I.

Inquiritur de Antonio.

Antonius cum ad Crassi in dicendo facultatem proxime accedere cum ceteris omnibus, tum vero Ciceroni videretur, mirari sane neminem subit, hunc ei quoque partem sua*e de Oratore* sententiae explicandam tradidisse. Nullum autem Oratoris officium aptius ex eius persona praeceptis instrui poterat, quam locorum *inven-*
tio ac dispositio, qua unus omnium maxime excellere putabatur. Nec tamen ubique eius, ut Crassi, sermo Ciceronis sententiae respondet; sed multa quoque in contrariam partem pro sua consuetudine disserens inducitur. Itaque ea, quae Antonius his in libris disputat, tripliciter omnino dividi possunt. Siquidem *I. i. c. 18-21.* Crasso sic respondet, ut sermo maximam qui-
dem

dem partem referendis philosophorum placitis consumatur; quae autem de suo addit, Ciceronis sententiam continere videntur exceptis iis, quae de arte sibi ipersuasa dicit c. 20; quam tam men opinionem Crassi sermone vixius immutat c. 24. Item quae Cicero c. 25, 26, e Crassi persona disseruit, Antonius c. 27. fuisse, explicat et rationibus allatis confirmat. Alia plane est ratio *capitum* 48 - 62, ubi Crassi ab eo sententia resellitur. Nempe Cicero Academiae modum secutus illum quoque locum *de Oratoris officio et scientia ei necessaria*, de quo ipse cum Q. fratre dissentiebat (*I. I. c. 2.*), optime illustrari posse ratus est, si in utramque partem de eo disputaretur. Itaque illius partes tuendas dedit Antonio, idque tamquam veritus, ne a lectoribus minus intelligeretur, bis significat *I. I. c. 62.* et *I. 2. c. 10.* Nil tamen obstat, quo minus singula quaedam ab eo disputata, quamvis ad praesens argumentum male traducta, ipsa tamen Ciceronis menti convenient, ut suis locis ostendemus. Tertia eaque longe maxima pars continetur libro secundo, ubi ea *Oratoris officia*, quae supra diximus, uberrime persequitur interiecta Iulii de facetiis disputatione. Antonium autem hic adversari illi sententiam tueri, quam extremo libro superiore proposuisset, praterquam quod Cicero monuit, patet etiam e

comparatis nonnullis locis sibi invicem prorsus
oppositis. - Quantum v. c. differt definitio mate-
riae oratori subiectae, quam legimus *I. i. c. 49.*
ab ea, quae invenitur *I. 2. c. 8. in fine* et *c. 16.*
Virtutuni cognitionem Oratori minime necessari-
am putat *I. i. c. 51.* eidem imponit *I. 2. c. 85.*
Itaque cum prius refellendi causa multa verae
suae opinioni contraria attulerit, hic quid ipse
sentiat, exponens inducitur. Hanec vero eius
disputationem Ciceronis menti convenire, nem-
inem, qui dubitaret, inveni. Neque sane causa
probabilis excogitari poscit, cur Cicero cum li-
bro tertio elocutionem et actionem *suis* praecep-
tis instruat, de reliquis eloquentiae partibus alien-
nam proponeret sententiam: cum praesertim ea
nusquam his in libris refellatur, sed Antonium
et ceteri et ipse Crassus maximis ornent laudibus
I. 2. c. 28, 89, 90. Plurima quoque ei cum
Crasso convenient: si una res eaque non ita
gravis excipitur: partitio quaestionum et causa-
rum ambigi, quas Antonius *c. 24 - 27, 30.*
alia quadam ratione dividit atque Crassus *I. 3. c.*
29. Sed forsitan ita scriptum fuit in illo Antonii
libro, unde omnia ista depromsisse dicitur *I. i.*
c. 48. ut Cicero (quamquam ipse aliter sentiret)
personae servandas gratia non potuerit, quin
hanc ei tribueret sententiam.

§ II.

Caesaris de ridiculis disputationem Ciceronis sententiam continere ostendit.

Caesarem l. 2. c. 54 - 72 e Ciceronis sententia disserere, vel hinc probabile fit, quod ille locus mediae Antonii disputationi inseritur eiusque quasi partem aliquam constituit. Accedit nomen Caesaris, cui viro quantum hoc in genere Cicero tribueret, supra vidimus Proleg. § 3. Sed omni iam demonstratione supersedere sinit ipsius locus ad Div. l. 7. ep. 32, ubi haec leguntur: „cetera, quae sunt a me in secundo libro de Oratore per Antonii personam disputata de ridiculis”. Nam quod illic Antonii, non Caesaris persona memoratur, fieri potuit aut librarii cuiusdam oscitantia, qui cum universo illi in libro secundo sermonem tribui videret, singula non perscrutatus, illius hic quoque nomen reponendum censuerit, aut, quod malim, ipse Cicero memoria lapsus sit praesertim in epistola familiari.

§ III.

Quid de ceteris statuendum sit.

Universa igitur Ciceronis de Oratore sententia
Cras.

Crassi, Antonii, et Caesaris disputatione continetur. Reliqui illorum principum sermonem frequenter interpellant aut eliciendi, aut interrogandi, aut confirmandi, aut exemplis illustrandi, aut denique iucunde variandi causa. Quisque autem ea in medium profert, quae suae personae maxime convenient. Ita Scaevola senili auctoritate gravis ea, quae dicuntur a Crasso, reprehendit *l. 1. c. 9, 10, 36*; nec tam, ut ipse dissereret, inductus videtur, quam ut illum eliceret ad sententiam rationibus et argumentis confirmandam. Alia Ciceroni causa fuit Catuli inducendi, qui omni artium humanitate excultus magnam iis, quae Crassus et Antonius disserunt, iucunditatem assert. Multa scilicet horum sermonibus inerant, quae vel a solitis rhetorum praceptis abhorrerent, vel hominibus alia de causa mirabiliora viderentur. Horum insolentiam ut quodammodo leniat, e persona Catuli dubia moventur, quae statim adversarius diluit. Hoc consilium perspicitur in plerisque locis, quibus eum Cicero loquentem facit, ut *l. 2. c. 10*, ubi mirum videatur, quod Antonius *laudationum* genus praceptis non complectendum censuerit; *c. 17*, ubi Catulus obiciendo ex eodem rationem elicit, cur in causarum contentionibus difficillimum posuerit Oratoris officium; *c. 42*, quod similem continet excusationem *dispositionis*

in posteriore sermonem dilatae; *l. 3. c. 22.*
 ubi per eumdem tollitur admiratio, quomodo
 Crassus ea, quae in Oratore perfecto requirat,
 ipse perdiscere potuerit. Similiter *l. 2. c. 12.*
 docenti Antonio, magni Oratoris esse historiam
 scribere, Catulus occurrere potuisse; at nostri
 certe nullum huic generi adhibuerunt oratio-
 nis ornatum. Sed eleganter hoc interrogati-
 onis ac responsionis forma includitur. Nec
 tamen ubique admirationis tollendae causa Catu-
 lus ceterorum sermonem interpellat, sed etiam
 ut eorum disputationi quedam adiiciat plerum-
 que e libris et historia petitā *l. 2. c. 10. l. 3. c.*
32., ut quedam excipiat contrarii exemplo af-
 ferendo *l. 2. c. 36.*, ut denique Crassum et An-
 tonium laudet *l. 2. c. 14.* (quamquam hoc qui-
 dem loco laudationem sic instituit, ut simul An-
 tonio gravis quaestiones explicandae copiam fa-
 ciat), porro *c. 29, 33, 89. l. 3. c. 49 – 61.*
 Cotta quoque et Sulpicius interdum nonnulla
 obiiciunt, quibus respondendo sententia Cicero-
 nis ab omni dubitatione vindicetur *l. 1. c. 29.*
l. 2. c. 23. l. 3. c. 55. Maxime autem eo spec-
 tat omnis eorum sermo, ut discipulorum perso-
 nam servando, principes illos ad dicendum per-
 ducant iisque auctoritatem addant. Itaque vel
 universe illos audiendi cupiditatem significant, ut
l. 1. c. 21, 22, 35. l. 2. c. 90; vel de certa
 ali-

aliqua re praecepta petunt; ut *I. i. c. 32, 47*, et *I. 2. c. 57*, ubi aptissime Sulpicio, quod porro contra Iulium afferret, non habenti, Crassus succurrit; vel illorum disputationi se fidem habere profitentur; ut *I. 2. c. 23. I. 3. c. 12, 36*. Cum iis hac in re Caesar quodammodo coniungi possit, si eius de iocis disputationem excipias. Hic enim ceteris fere locis illos ad dicendum impellit modo voluntatis ardore testando, ut *I. 2. c. 4, 7, 90. I. 3. c. 5, 61*, modo laudando, ut *I. 2. c. 14*; modo aliquid obiiciendo, ut *I. 2. c. 73*, modo denique, quae Crassus dixerit, sibi probari significando *I. 3. c. 36*.

CAPUT QUARTUM.

ARGUMENTUM A DISPUTANTUM CONSENSU.

PETITUM ILLUSTRATUR.

§ I.

Disputantes saepe inter se consentire ostenditur.

Ad efficiendam ex aliquo libro scriptoris sententiam nihil utilius mihi videri solet, quam similium inter se locorum comparatio. Saepe enim quae res hic verbo tantum attingitur, ea illuc explanatur; quae hic longiori implicatur disputacioni, alibi ea in breve contracta proponitur. Ita denique illud assequimur, ut si quid saepius alio atque alio modo repetitum videmus, id esse principium intelligamus, unde scriptor profiscatur, quo igitur cetera plerumque referri possint. Nullo autem in genere scriptorum maior est huius rei utilitas, quam in dialogis, ubi non tantum hoc attendendum est, si singuli disputantes sibi ipsis constant, sed multo magis etiam, si duobus pluribusve de eadem re similis tri-

tribuitur sententia. Utrumque in Ciceronis *de Oratore* libris invenitur. Atque prius quidem illud genus quamquam plus ad illustrandum prodest quam ad confirmandum, tamen illud Ciceronem docere voluisse rite coniicitur, si quis haereat et habitet in aliquo loco, ac subinde ad eum revertatur, ut Crassus de philosophia male ab Oratoris facultate seiuncta disserens *L. 1. c. 11.* *L. 3. c. 16—20,* *27,* *31,* Antonius de argumentis non e rhetorum doctrina, sed e certis locis petendis *L. 2. c. 30,* *39,* *41.* Alterum genus, quod in eo cernitur, si disputantes sibi invicem consentiunt, dupli modo inducitur. Interdum enim consensus iste non aperta significatione declaratur, facile tamen agnoscitur, cum disputantes vel iisdem verbis, vel pauculum immutatis rem, de qua sermo sit, explicant. Ita quanam in civitate maxime floreat eloquentia, Crassus his verbis significat *L. 1. c. 8:* „haec una res in omni libero populo, maxime in pacatis tranquillisque civitatibus praecipue semper floruit semperque dominata est”. Nihil similius esse potest his Antonii *L. 2. c. 8:* „nam ut usum dicendi omnitem, qui in omni pacata et libera civitate dominatur”. Nec minor apparent convenientia inter *L. 1. c. 17.* et *c. 21,* quibus locis uterque significat se non desperare perfectum Oratorem oriri ali-

aliquando posse. Criberrime autem alter alterius orationem nominatim laudat, eique se assentire praedicat, ut Crassi Antonius *l. 1. c. 28.* (conf. *c. 25.*), *60.* (conf. *c. 33.*), *l. 2. c. 9.* (conf. *l. 1. c. 12, 15.*), *30.* (conf. *c. 29.*) ; ut Antonii Crassus *l. 2. c. 57.* (conf. *c. 8.*), *l. 3. c. 6:* „, una est enim, quod' etc. (conf. *l. 2. c. 82:* „, et quamquam una fere" etc.), *c. 30.* (conf. *l. 2. c. 39.*) .

§ II.

Vis huius argumenti explicatur.

Iam quaeritur, quid hoc consensu Cicero spectaverit ad suam sententiam declarandam vel confirmandam. Crassum igitur si ex eius mente disputare constat, sequitur, omnia loca, quibus huic ceteri se assentire dicunt, idcirco inducere esse, quo magis ea sententia lectorum animis infigeretur; ipsum autem, si quando aliorum opinioni suum calculum adiiciat, eo ipso, quae ab iis dicta sint, ab omni dubitatione vindicare. Hinc etiam Caesaris disputationi magnum accedit pondus, quam laudando confirmat Crassus *l. 3. c. 53.* Eadem est Antonii ratio, si spectemus ea, quae ab isto dicuntur libro secundo, ubi v. c. et Catulus eius sententiam confirmat *c. 10.* et ipse Caesaris praeceptum e Ciceronis mente

flu-

fluxisse consensu suo probat c. 56. Quod autem in altera sermonis parte, quae l. 1. c. 48. sqq. continetur, iis consentit, quae Scaevola dixerat c. 9, 10, hinc minime efficitur eam esse Ciceronis sententiam, cum utrumque refellendi tantum causa induci ostenderimus Cap. 3 §§ 1, 3. Neque vero tantum hoc valet in iis, quae disputationes tamquam suam sententiam proferunt, sed passim etiam veterum philosophorum et rhetorum placita ab altero proposita vel alterum, vel eundem confirmantem videmus, unde quid ipse Cicero de iis sentiat, intelligi possit. Sic eloquentiam esse virtutem, Oratorem esse sapientem e Mnesarchi oratione referenti Antonio l. 1. c. 18. Crassus assentitur l. 3. c. 14, 18. Aliud exemplum est in Apollonio l. 1. c. 28. et in Menedemo ib. c. 19 cuius praceptum „ Caput „ enim esse arbitrabatur Oratoris, ut et ipsis, apud „ quos ageret, talis, qualem se ipse optaret, „ videretur – et uti eorum, qui audirent, sic „ afficerentur animi, ut eos affici vellet Orator”, illuc a se relatum; postea l. 2. c. 41. e sua persona tradit Antonius. Quin Crassus l. 1. c. 13. Graecorum objectioni de Demosthene iam ante respondet, quam ea (c. 19.) ab Antonio memoratur. Nam de universa artis descriptione, quam e rhetoribus Crassus edit l. 1. c. 31, 32, supra monui c. I.

§ III. sed etiam
 sententia maxime cognosci ostenditur Ciceronis
 sententiam, si quis aliquid prius a se
 negatum deinde concedit. Tum ratione
 intermodis utramque est. Oportet enim
 Inter varios modos, quibus Cicero de sua
 sententia mutuis sermonibus implicata passim aet
 liquid significat et suspicari sinit, observasse mihi
 video unum, qui, cum ad consensum apte
 referri possit, hoc eum capite complectendum,
 quia vero plurimum lucis affert, singulari. Si
 illustrandum censui. Scilicet in istis dialogis, ubi
 ipse loquens inducit, saepe post longiorem
 suam disputationem reliquos assentientes facit
 eaque concedentes, quae prius negaverint, quasi
 argumentorum vi et orationis probabilitate vic
 tos. Ita in *Bruto* c. 49. Atticus vulgi iudicium
 cum peritorum iudicio de oratore congruere ne
 gat, Ciceroni autem concedit c. 55. Et *Tusc.*
I. c. 12. adversarius cum animorum immorta
 litatem adeo pernegasset, ut de ea sibi persua
 deri posse vix putaret, idem prorsus assentitur
c. 23, 32. Aliud habetur exemplum *ib. c. 5.*
 coll. c. 11. et *Acad. I. 4. c. 48.* Causa quidem
 huius rei repetenda videtur a Ciceronis ingenio
 quaeviis magnifica de se sentiente, tamquam sic
 disputationem instituisset, ut ea nemini non se
 com-

commendare deberet. Quod si in illis quoque dialogis, ubi sub aliena persona latere voluit, idem accidere cernimus, quid impedit, quo minus eum idem consilium et hic sibi proposuisse arbitremur? Et in quinto quidem *de Finibus* libro c. 32. Q. Cicero se assentire testatur Pisoni, cuius ē personā Marcum disserere satis ostendit Ernestus in eius libri argumento. Eamdem esse rationem existimo nostri operis, ubi talia passim occurruunt, nempe l. 1. c. 35, 36 coll. c. 9, 10: porro l. 2. c. 12. coll. c. 11, unde colligitur, Ciceronem tunc re vera *laudationes* non praeceptis complectendas censuisse (1), deniliquē l. 3. c. 36, ubi Cotta, qui l. 1. c. 62. dubitasset, utrius oratio sibi verior videretur, Crastō consentit, eoque ipso huius sententiam Ciceroni placuisse significat.

(1) Quod vero post ex eiusdem Antonii persona contraria docet l. 2. c. 84. (nam ea quoque tum, cum scriberet, ipsi persuasa fuisse arbitrō); huc referri possunt ea, quae scribit *Orat. c. 71:* „potest enim non solum aliud mihi, ac tibi, sed *mihi ipse aliud alias* videri: nec in hac modo re” etc.

CAP. 3
PARS SECUNDA

CICERONIS DE PERFECTO ORATORE SENTENTIA E CRASSI CETERORUMQUE DISPUTATIONIBUS DERIVATA, ET AD CAPITA QUAEDAM REDACTA PROPONITUR.

SECTIO PRIMA.

QUID UNIVERSE DE PERFECTO ORATORE CICERO SENTIAT, EXQUIRITUR.

CAPUT PRIMUM.

PROPRIMUM ORATORIS EST BENE DICERE.

Omnem disputationem ab eius rei, de qua agitur, definitione ordiri iubet Antonius L. I. c. 48. Cuius praceptum secutus, initio investigandum putavi, quemnam Cicero his in libris Oratorem, quem

quem perfectum Oratorem intelligat. Quam rem totius fere huius disquisitionis difficillimam esse intellexi, ut vix universa in breve quoddam spatium contracta proponi posse videatur. Cum enim omnem Oratoris vim et in rebus et in verbis esse positam cuncti facile videant; de rebus quidem, sive de materia Oratori subiecta, tam vaga perque varias disputationes diffusa est Ciceronis sententia, ut, in definitionis brevitem non cadens, post uberioris indaganda sit. Nullud, quod ei placuisse e pluribus locis constat, nunc significare potero. Oratoris eiusque unius esse propriam orationem grarem, compositam, ornatam et ad hominum sensus accommodatam. Ad hanc opinionem confirmandam triplex afferri potest locorum genus:

I^o. Ea, quibus ostendit reliquas artes eloquentia carere posse, Oratorem autem sine ea non consistere. Et si qui de alia arte ornate locuti sint, illam facultatem eos ab Oratore petitisse. Multi scilicet philosophi, ut Democritus, Plato, Carneades (l. i. c. 11., conf. Orat. c. 20.), medici quoque, ut Asclepiades, tum Philo architectus (l. i. c. 14.) cum suis studiis dicendi facultatem coniunxerant. Unde facile quis existimaret, ornatam et politam orationem vel earum artium propriam, vel iis cum Oratore communem esse. Hoc autem acriter negat

gat Cicero. Itaque *l. 1. c. 11.* Crassum haec dicentem facit: „ etenim videmus iisdem de rebus iejune quosdam et exiliter — disputavisse. „ neque ob eam rem philosophiae non satisferet, quod non habuerint hanc dicendi in arte aliena facultatem”. Eamdem sententiam uberius explicat Antonius *l. 2. c. 9.* his in primis verbis: „ hoc certius nihil esse potest, quam quod omnes artes aliae sine eloquentia suum munus praestare possunt. Orator sine ea nomen suum obtainere non potest: ut certe, si diserti sint, aliquid ab hoc habeant, hic nisi domesticis se instruxerit copiis, aliunde dicendi copiam petere non possit.” Quo loco *eloquentia* mihi simpliciter de ornata et copiosa oratione intelligendum videtur, non de praestanti illa facultate, quam *l. 1. c. 21.* *eloquentis* nomine fuerat complexus. Tantum autem abest, ut illarum artium eloquentia propria sit, ut orationis ornatum, si quando afferrant, omnem ab Oratore petiisse putandae sint. Huc pertinet locus *l. 1. c. 12.* ubi Crassus postquam egit de illis philosophis, qui elegantem dictionem neglexerant, haec ait: „ quid ergo interest? aut qui discernes eorum, quos nominavi, ubertatem in dicendo et copiam ab eorum exilitate, qui hac dicendi varietate et elegantia non utuntur? Unum erit profecto;

„ quod ii, qui bene dicunt, afferunt (1) pro-
 „ prium; compositam orationem, et ornatam et
 „ artificio quodam et expolitione distinctam".
 Similiter in extremo capite; „ atqui totus hic
 „ locus philosophorum proprius videtur: neque
 „ Orator, me auctore, unquam repugnabit:
 „ sed cum illis cognitionem rerum concesserit,
 „ — tractationem orationis — sibi assumet;
 „ hoc enim est proprium Oratoris, — oratio
 „ gravis et ornata, et hominum sensibus ac
 „ mentibus accommodata". Apertius etiam c.
 11: „ quamobrem si ornatus locutus est, sicut
 „ fertur et mihi videtur, physicus ille Demo-
 „ critus; materies illa fuit physici, de qua di-
 „ xit: ornatus vero ipse verborum Oratoris pu-
 „ tandus est. Et si Plato de rebus a civilibus
 „ controversiis remotissimis divinitus est locu-
 „ tus, quod ego concedo: si item Aristote-
 „ les, si Theophrastus, si Carneades in rebus

(1) Hanc vulgatam lectionem praefero subjunctivo
 afferant, quem substituit Ernestus. Illud enim unum
 non referendum videtur ad eos qui bene dicunt; sed ad
 superiora, ut hic sit sensus: unum intererit, una re
 illorum ubertas ab horum exilitate discernitur: eam
 autem rem ii, qui bene dicunt (i. e. Oratores, ut pa-
 tet e comparatis L. 1. c. 6. l. 2. c. 2.) propriam af-
 ferunt, compositam orationem etc.

„ iis , de quibus disputaverunt , eloquentes ; et
 „ in dicendo suaves atque ornati fuerunt : sunt
 „ hae res , de quibus disputant , in aliis quibus-
 „ dam studiis : oratio quidem ipsa propria est
 „ huius unius rationis , de qua loquimur et quae-
 „ rimus ” . c. 14 : „ Atque haud scio , an minus
 „ hoc vobis sim probaturus : equidem non du-
 „ bitabo , quod sentio , dicere . Physica ista
 „ ipsa et mathematica , et quae paulo ante cete-
 „ rarum artium propria posuisti , scientiae sunt
 „ eorum , qui illa profitentur . Illustrare autem
 „ oratione si quis istas ipsas artes velit , ad Ora-
 „ toris ei configiendum est facultatem . Neque
 „ enim si Philonem illum architectum , qui
 „ Atheniensibus armamentarium fecit , constat
 „ perdiserte populo rationem operis sui reddi-
 „ disse , existimandum est , architecti potius ar-
 „ tificio disertum , quam Oratoris fuisse ” : et
 paulo post : „ neque vero Asclepiades is , quo
 „ nos medico amicoque usi sumus , tum , cum
 „ eloquentia vincebat ceteros medicos , in eo
 „ ipso , quod ornate dicebat , medicinae facul-
 „ tate utebatur , non eloquentiae ” . Quae Cras-
 so disputanti et Antonius consentit loco , quen-
 iam attuli , l. 2. c. 9. et Catulus c. 10 : „ tibi
 „ enim assentior , vestrum esse hoc totum , di-
 „ serte dicere , idque si quis in alia arte faciat ,
 „ eum assumto aliunde uti bono , non proprio ;

„ nec suo”. Neque tantum eo sensu proprius
 Oratori vindicatur orationis ornatus, ut si qui alii
 homines copiose dixerint, aliena facultate utan-
 tur; sed ipsa eius rei praecepta et via a sola Ora-
 toris arte petenda est, quod his verbis Antonius
 significat *I. 2. c. 9*: „ aut si via ulla, nisi ab hac
 „ una arte, traditur, aut argumentorum, aut
 „ sententiarum, aut denique descriptionis atque
 „ ordinis”. Cui sententiae cum opponi posse
 Cicero videret Aristotelis ac Theopasti exem-
 plum, qui cum essent philosophi, tamen de di-
 cendi ornamentis scripsissent, haec obiciemt
 facit Scaevolam *I. 1. c. 10*, quem Crassus refel-
 lit *c. 13. 2°*. Frequenter Oratori facultas tri-
 buitur de alienis artibus et studiis, si modo ea in
 tempus cognoverit, melius dicendi, quam illi
 ipſi, quorum eae sunt artes. Audiamus Crassum
I. 1. c. 12: „ quidquid erit igitur quacumque
 „ ex arte, quocumque de genere, id Orator si
 „ tamquam clientis causam didicerit, dicet me-
 „ lius et ornatus, quam ille ipſe eius rei in-
 „ ventor atque artifex”. Quam sententiam de-
 inde illustrat exemplo Antonii *c. 14*, Sulpicii
c. 15. et comparatione a poetis sumta *c. 16*.
 Eamdem laudando confirmat Antonius *I. 2. c. 9*:
 „ Orator de iis rebus, quae ceterarum artium
 „ sunt, si modo eas cognorit, optime potest di-
 „ cere”. Add. *I. 3. c. 21*, ubi Crassus osten-
 dit .

dit Oratorem, per illam orationis facultatem si-
bi propriam, in disputando de rebus in philoso-
phia sitis ipsos philosophos facile superaturum.
3°. Talia loca inveniuntur, quibus etsi id non
diserte doceat, tamen iusta conclusione effici
possit, hanc Oratoris notionem eius animo in-
formatam fuisse. Huc referto *l. 2. c. 27*, ubi
Oratoris praecipua vis in eo ponitur, ut ea, quae
dicenda sunt, ornate, copiose, varieque dicat.
Et ib. *c. 44.* non rebus ipsis, sed *orationi* plu-
rimum praesidii tribuitur ad auditorum animos
permovendos. Historia propter *orationis flumen*
et varietatem eius munus maximum dicitur ib.
c. 45. Denique quod dixi propriam eius esse
orationem, ad hominum sensus accommodatam,
significat hoc Antonius *l. 2. c. 38*: „ haec enim
„ nostra oratio multitudinis est auribus accom-
„ modanda, ad oblectandos animos, ad impel-
„ lendos, ad ea probanda, quae non aurificias
„ statera, sed quadam populari trutina exami-
„ nantur”.

Ex his, ni fallor, apparet, Ciceronem nihil
magis Oratoris proprium existimasse, quam ip-
sam orationis facultatem, sine qua ne cogitari
quidem Orator aut fingi possit, et cuius laudem
ei concedere debeant reliquae artes. Nec ab-
horrent alia eiusdem scripta, e quibus unum al-
terumque locum non probandi causa (nam e li-
bris

bris de Oratore tota sententia elicienda est), sed ut insuper confirmem, afferre liceat. In *Orat. c. 19.* haec ait: „ sed iam illius perfecti Oratoris „ et summae eloquentiae species exprimenda „ est: quem hoc uno excellere, id est, oratio- „ ne, cetera in eo latere, indicat nomen ipsum. „ Non enim inventor, aut co^mpositor, aut ac- „ tor h^aec complexus est omnia, sed et Graece „ ab eloquendo φ^ητωρ, et Latine eloquens dic- „ tus est. Ceterarum enim rerum, quae sunt „ in Oratore, partem aliquam sibi quisque vin- „ dicat; dicendi autem, id est eloquendi, ma- „ xima vis soli huic conceditur". Et *de Offic. I. 1. c. 1:* est Oratoris proprium apte, distin^ct^e, „ ornate dicere".

C A P U T S E C U N D U M.

DE MATERIA ORATORI SUBJECTA ET COGNITIONE AD ELOQUENTIAM TRACTANDAM NECESSARIA.

§ I.

Duplex genus Oratorum Cicero distinguit.

Primum de vulgari Oratore.

Ad materiam quod attinet Oratori subjectam et scientiam ei necessariam; frequenter incidimus in talia loca, quae distinctionem aliquam contineant inter *vulgarem* et *perfectum* Oratorem: de illo igitur Ciceronis sententia breviter exposita, quid huic tribuat, per oppositionem facilius patebit. Neque tamen hanc distinctionem adeo *statuere* videtur, quam potius ob rei difficultatem *admittere*. Primum huius rei vestigium apparet *l. i. c. 15*, ubi postquam sic universam et propriam Oratoris vim definivit: „*is* „*Orator erit, mea sententia, hoc tam gravi* „*dignus nomine, qui quaecumque res incide-* „*rit, quae sit dictione explicanda, prudenter,* „*et*

„ et composite, et ornate, et memoriter dicat
 „ cum quadam etiam actionis dignitate”; mox
 sentit se nimium onus hominibus imposuisse.
 Itaque cum illo tempore Graeci rhetores, ut
 Crassus significat *l. 1. c. 11.* iudicali tantum ac
 deliberativo genere munus oratorium definire so-
 lerent, hoc hominum inertiae concedit Cicero,
 eumque, qui in istis generibus versetur, licet
 non perfecti Oratoris, tamen Oratoris nomine
 dignum censem. *conf. c. 6.* Huic ad eas causas
 tractandas praeter orationis facultatem, de qua
 superiorē capite egi, necessarius est usus foren-
 sis, quo pertinet, „ut sciat”, vēluti Crassus
 ait *l. 3. c. 19.* „aut negare oportere, quod ar-
 „guare, aut, si id non possit, tum ostendere,
 „quod is fecerit, qui insimuletur, aut recte
 „factum, aut alterius culpa aut iniuria, aut
 „ex lege, aut non contra legem, aut impru-
 „dentia, aut necessario, aut non eo nomine
 „usurpandum, quo arguatur, aut non ita agi,
 „ut debuerit ac licuerit”. Eadem res dicitur
 ib. *c. 24:* „instrumentum forense, litigiosum,
 „acre, tractum ex vulgi opinionibus”. Prae-
 terea vulgari illi Oratori perdiscendam commen-
 dat eam philosophiae partem, quae est de vita et
 moribus *l. 1. c. 13, 15.* Quae de reliquis arti-
 bus et studiis aliquando dicere opus est, ea in
 tempus assumere poterit ab hominibus earum re-
 rum

rum peritis *l. 1. c. 15, 16.* Talem igitur vulgarem Oratorem, (minime confundendum cum eo, qui causidici, proclamatoris et rabulae nomine notatur *l. 1. c. 46*) Crassus memorat *l. 1. c. 62:* „verum ego non solum arbitrabar, his praesertim audientibus, a me informari oportere, qualis esse posset is, qui habitaret in subselliis, neque quidquam amplius afferret, quam quod causarum necessitas postulat”, et *l. 3. c. 21.* Eumdem Antonius *diserti* appellatione distinguit ab *eloquenti l. 1. c. 21*, et *copiosi* nomine opponit Oratori *sapienti*, i. e. perfecto *l. 2. c. 23.* Eaque vulgari cognitione contentum se profitetur Sulpicius *l. 3. c. 36.*

§ II.

De Oratore perfecto.

In iisdem causis forensibus et *communibus* (i. e. in quibus de republica disceptatur, vid. *l. 1. c. 49.*) quibus vulgarem illum comprehendenderat Ciceron, praecipue quoque versatur Orator summus et perfectus, vid. *l. 1. c. 12:* „nam si quis erit, qui hoc dicat, esse quasdam oratorum proprias sententias atque causas, et certarum rerum forensibus cancellis circumscriptam scientiam, fatebor equidem in his magis assidue „, ver-

„versari hanc nostram dictionem”. Neque tam
 men iis definitur eius munus, quod contra latissime patet. Cum quidem essent antiqui rhetores, qui praeter illas causas infinitam de omnibus rebus quaestionem Oratori assignarent, hanc sententiam ex Antonii persona Cicero *L. 2. c. 15.*
16 ita circumscribit, ut excludendo res in intimis doctrinis absconditas et a communi hominum vita semotas, illa omnia Oratori complectenda esse doceat, „quae pertineant ad usum
 „civium, morem hominum, quae versentur in
 „consuetudine vitae, in ratione reipublicae, in
 „hac societate civili, in sensu hominum communi,
 „ni, in natura, in moribus”. Nihil igitur est in his rebus, quod quidem graviter ornateque dici debeat, quin sit summi Oratoris proprium. Multa
 huic afferri possunt loca; dummodo teneamus illam Antonii exceptionem. Crassus *L. 1. c. 13*
in fine; „Oratorem plenum atque perfectum
 „esse eum dicam, qui de omnibus rebus possit
 „varie copioseque dicere”. Nec non *L. 3. c. 20*: „illa vis autem eloquentiae (quod vocabulum de perfecti Oratoris facultate intelligendum, sicut Antonius *L. 1. c. 21*. eloquentem memoraverat)” tanta est, ut omnium rerum,
 „virtutum, officiorum, omnisque naturae, quae
 „mores hominum, quae animos, quae vitam
 „continet, originem, vim, mutationesque te-
 „ne-

„ neat; eadem mores, leges, iura describat,
 „ rempublicam regat, omniaque, ad quamcunq;
 „ que rem pertineant, ornate copioseque dicat”.
 Antonius *l. 2. c. 8. in fine*: „ neque enim ulla
 „ non propria Oratoris est res, quae quidem or-
 „ nate dici graviterque debeat”. Itaque ad eius
 munus pertinent laudatio, cohortatio, consola-
 tio aliaque officia, quae recenset Antonius *l. 2.*
c. 10 – 18, praesertim etiam historia, *ib. c. 9,*
12 – 16. Hinc *l. 1. c. 11* Crassus Platonem sibi
 sumimum Oratorem visum esse dicit, et *l. 3. c.*
32 Socrates a Catulo dicitur „ eloquentior —
 „ et disertior, et, ut tu appellas, copiosior et
 „ melior Orator”; quorum tamen neuter ullam
 causam forensem attigerat.

Cum igitur materies Oratori subiecta nullis
 fere terminis circumscripta sit, „ dicendi autem
 „ virtus, nisi ei, qui dicit, ea, de quibus di-
 ;, cit, percepta sint, extare non possit” (ut ait
 Crassus *l. 1. c. 11*, *conf. c. 12, 14 in fine*);
 consequitur maximam plurimarum rerum cogni-
 tionem Oratori necessariam esse. Crassus *l. 3.*
c. 14 „ verum enim Oratori”, inquit, „ quae
 „ sunt in hominum vita, quandoquidem in ea
 „ versatur Orator, atque ea est ei subiecta ma-
 „ teries, omnia quaesita, audita, lecta, dispu-
 „ tata, tractata, agitata esse debent”. Hinc
 idem paulo post eloquentiam appellat vim,
 „ quae

„ quae scientiam complexa rerum sensa mentis „ et consilia sic verbis explicat" etc. Et c. 30. in fine et 31. haec dicit: „ non enim solum „ acienda nobis neque procudenda lingua est, „ sed onerandum complendumque pectus maxi- „ marum rerum et plurimarum suavitate, copia, „ varietate. Nostra est enim — omnis ista pru- „ dentiae doctrinaeque possessio" etc. Quibus antem rebus ea cognitio contineatur, aliquanto fusius persequendum est, si prius nonnulla dixerim de ratione, qua eas addisci vult Cicero. Ceterum Oratorem sine uberrima scientia perfectum esse non posse, ex ipsius etiam persona docetur l. 1. c. 6. et l. 2. c. 1 et 2.

§ III.

De modo doctrinae illius addiscendae.

Ciceronis sententiae priore § expositae hoc obiici poterat: Oratores in tantis occupationibus, quas forum, exercitatio, cetera negotia afferrent, non posse satis temporis tribuere cunctis illis rebus addiscendis, quibus multi homines totas aetates consumsissent. Hoc igitur ipse sibi obiicit ex Antonii persona l. 1. c. 18. init. c. 51. init. et c. 59, qui refellitur a Crasso. Dixerat hic iam l. 1. c. 12 in fine Oratorem philosophis cog- ni-

nitionem rerum concedere, quod in ea solum
 „ illi voluerint elaborare”, et c. 13 *in fine*
 „ esse quasdam artes proprias eorum, qui in
 „ his cognoscendis atque tractandis studium suum
 „ omne posuissent”. Sed idem fusius explicat
l. 3. c. 23, 31, cuius disputationis haec sit
 summa: sine doctrina (quod quidem de iuris ci-
 vilis cognitione contendérat Antonius *l. 1. c. 59.*)
 illae res percipi nequeunt, „ neque tam est acris
 „ acies in naturis hominum et ingeniorum, ut res
 „ tantas quisquam, nisi monstratas, possit vide-
 „ re”. Sed non adeo difficile est eas addiscere,
 dummodo bonus magister et acre adsit ingenium;
 neque enim sequendus est mos eorum, „ qui ip-
 „ sarum artium tractatu delectati, nihil in vita
 „ sunt aliud acturi”; sed tantum assumendum,
 quantum ad usum sufficiat et *elementa rerum*
cognoscenda, (id enim esse videtur *c. 31. fon-*
tes videre) quae quis satis felici praeditus inge-
 nio celeriter percipit. p. 210. 207

CAPUT TERTIUM.

DE VARIIS SCIENTIAE GENERIBUS.

§ I.

Oratori perfecto philosophia necessaria est.

Cicero sua aetate philosophiam ab eloquentia separata haberi, passim in hoc opere queritur. Nimis antiquissimis temporibus omnium rerum, quae ad vitam hominum et mores pertinenter, cognitio coniuncta erat cum dicendi facultate et communi nomine *sapientia*, deinde *philosophia* vocabatur, qua instructi homines suis civitatibus praeerant. In huius rei exemplum afferunt e Graecis Lycurgus, Pittacus, Solon (l. 3. c. 15. ubi locus: „hinc illi” etc. per breviloquentiam sic intelligendus videtur: ab hac rerum scientia et dicendi vi profecti eaque instructi Lycurgi, Pittaci, Solones ad rem publicam accesserunt ac nominis celebritatem nacti sunt), praeterea Theramenes, Dion, Epaminondas

nondas, alii, praesertim autem Pericles ac Demosthenes (*I. 3. c. 16, 19, 34*): e Romanis Coruncanii, Fabricii, Catones, Scipiones, qui cuncti rerum maximarum scientiae, id vero est *philosophiae*, operam dederunt: nam Demosthenem etiam de quo dubitabatur, Platonis auditorem fuisse Cicero putabat, ut patet e *I. 1. c. 20*, nec non e *Brut. c. 31. Orat. c. 4.* Alii vero republica quidem abstinuerunt seque totos ad rerum cognitionem converterunt, sed tamen etiam valuerunt eadem et cogitandi et dicendi prudenter, quales fuere Pythagoras, Democritus, Anaxagoras (*I. 3. c. 15*), Gorgias, Thrasymachus, Isocrates, (*c. 16, 32*). Iam vero Socrates existit, qui philosophiam ab Oratore segregaret, huiusque munus iudiciis tantum et concionibus definiret, idque Socratici deinceps, qui varias ipsi familias condiderunt, secuti sunt. Vid. *I. 1. c. 11, 13. I. 3. c. 15, 16.* Hinc vero factum est, ut Oratores quoque philosophiam despicerent et in rhetorum libris nihil de virtute, de diis immortalibus, de republica, de similibus rebus inveniretur, *I. 1. c. 19, I. 3. c. 19, 20, 21 in fine.* Atque hoc Cicero vocat (*I. 3. c. 16.*) „discidium illud — linguae atque cordis „, absurdum sane et inutile et reprehendendum „, ut alii nos sapere, alii dicere docerent”. Et huius rei indignitate conmota pluribus locis phi-

lo-

losophorum arrogantiam notat, ut *I. i. c. 42,*
43, 49, 50. I. 3. c. 31. Statuit igitur, ut veteres
 illi philosophiam (sive sapientiam) cum eloquen-
 tia coniunxisserent, ita nunc quoque si quis Ora-
 tor ad illorum magnitudinem adspirare vellet,
 ei philosophiam esse assumendam, nec eam a
 summi Oratoris perfectione abesse posse *I. 3. c.*
35. Hinc *I. 2. c. 23. extr. pro perfecto Oratore*
 ponit *sapientem*, et *ib. c. 80* coniungit *sapientiae*
laudem et eloquentiae, *conf. I. i. c. 18, 23. I.*
3. c. 18. Fuit eadem sententia Mnesarchi et
 Charmadae (*I. i. c. 18*), cuius quidem disputa-
 tionem sibi fidem fecisse profitetur Antonius *c. 20.*
 Cum autem iam sic universae philosophiam Ora-
 tori necessariam esse appareat, tum tria sunt,
 in quibus haec necessitas praecipue cernatur.

1°. Quod in Oratore maximum est, ut quo-
 cumque velit, hominum animos trahat (*I. i. c.*
19, conf. I. 2. c. 41), id sine diligentissima
 pervestigatione naturae humanae et causarum,
 quibus mentes permoventur, effici nequit; ea
 vero cognitio ad intimam philosophiam pertinet.
 Hanc igitur philosophiae partem, ut supra vidi-
 mus, ne a vulgari quidem abesse voluit Oratore,
 nedum a perfecto. Itaque Charmadae senten-
 tiae, quam refert Antonius *I. i. c. 19:* „, et uti
 „, eorum, qui audirent, sic afficerentur animi,
 „; ut eos affici vellet Orator: quod item fieri
 „, nul-

„ nullo modo posse, nisi cognosceret is, qui
 „ diceret, quot modis hominum mentes, et qui-
 „ bus rebus, et quo genere orationis in quam-
 „ que partem moverentur; haec autem esse pe-
 „ nitus in media philosophia retrusa atque ab-
 „ ditæ”, non convenit. Crassi disputatio c. 12.
 „ Quis enim nescit, maximam vim existere
 „ Oratoris in hominum mentibus vel ad iram,
 „ aut ad odium, aut dolorem incitandis, vel ab
 „ hisce iisdem permotionibus ad lenitatem mise-
 „ ricordiamque revocandis? quare nisi qui na-
 „ turas hominum, vimque omnem humanitatis,
 „ causasque eas, quibus mentes aut incitantur,
 „ aut reflectantur, penitus perspexerit, dicen-
 „ do, quod volet, perficere non poterit. At-
 „ qui totus hic locus philosophorum proprius
 „ videtur; neque Orator me auctore unquam
 „ repugnabit”, et c. 14: „ num ad moveri possit
 „ oratio ad sensus animorum atque motus vel
 „ inflammandos, vel etiam extinguendos (quod
 „ unum in Oratore dominatur), sine diligentis-
 „ sima per vestigatione earum omnium rationum,
 „ quae de naturis humani generis ac moribus a
 „ philosophis explicantur”. Atque ea ipsa,
 quae Antonius in contrariam partem affert c. 51,
 ad confirmandum composita sunt; vid. modo **P.**
I. c. 3. § 1. conf. etiam quae ipse Cicero monet
I. 1. c. 5: omnes animorum motus” etc.

2º. Virtutum et vitiorum cognitione, quae est etiam philosophiae pars, in laudando et vitiuperando carere non possumus. Ad hoc ipsum demonstrandum Antonius latidandi praecepta fusius persequitur *I. 2. c. 85.*

3º. Exercitationem in utramque partem disputandi, vel contra omne, quod propositum sit, copiose disserendi, quae fuit olim Oratoris propria sive eorum, a quibus omnis de rebus fo- renibus dicendi ratio et copia petebatur, iam philosophi sibi arrogarunt. *I. 1. c. 62. I. 3. c. 27.* Est autem ea Oratori utilissima cum ad exercendam dicendi facultatem (*I. 1. c. 34*, conf. etiam *Tusc. I. 2. c. 3*), tum ad ipsum usum in exornanda oratione (*I. 3. c. 29.*); ut vel sine ea perfectus Orator consistere nequeat *I. 3. c. 19.*

21. Cuius facultatis egregium exemplum in huius ipsius operis libro primo Cicero praebet, ubi Crassus et Antonius in contrariam partem ita disputant, ut in fine Sulpicius et Cotta dubitent, utrius oratio proprius ad veritatem vi- deretur accedere". *I. 1. c. 62.*

§ II.

Quadenam ei disciplina maxime conueniat.

Cum igitur Oratori sapientia necessaria sit, eam

eam autem philosophi sibi vindicaverint, illi nihil restat, nisi ut ab his assumat id, quod sibi ereptum est. Vid. l. 3. c. 27: „sed quoniam” etc. c. 31: „quae quoniam iam aliunde non „possumus, sumenda sunt nobis ab iis ipsis, a „quibus expilati sumus”. Quaeritur autem, quænam familia eorum, quæ nunc existant, Oratori maxime apta sit. Quatuor sectæ a Cicerone in iudicium vocantur, Stoici, Epicurei, Peripatetici et Academicci, siquidem cetereæ jam diu ante eius aetatem extinctæ erant, ut refert l. 3. c. 17. Ac Stoicorum quidem philosophia duabus de causis abhorret ab Oratore perfecto, cum propter ipsa placita, tum propter dicendi genus, quo utuntur. Itaque Antonius l. 1. ostendens, philosophiam Oratori non adhibendam esse, exempla sumit a Stoicis, et in iis quidem perstringendis ipsius Ciceronis sententiam exprimit. Reprehenduntur autem in eo, quod statuunt nullos esse animorum motus l. 2. c. 51; quod vetant orationis vehementiam ac tragedias adhibere ib. 53; „quod omnes, qui „sapientes non sint, servos, latrones, hostes, „insanos esse dicunt, neque tamen quemquam „esse sapientem” l. 3. c. 18. Porro dicendi genus, quo utuntur, nimis est subtile, ieenum, aridum et vulgi auribus minime accommodatum, ib. et l. 2. c. 38. Neque dialectica, qua illi

In primis valent, Oratori multum prodest (*ib.*
 contraria docet *Brut.* c. 90. *Orat.* cap. 32),
 excepta ea parte, quae versatur in ambiguis
 distinguendis, quae Oratori cum dialecticis
 communis esse debet. *I. 2. c. 26.* De Epicu-
 reis, unus locus est *I. 3. c. 17:* „ea philoso-
 phia, quae suscepit patrocinium volupta-
 tis — procul abest — ab eo viro, quem
 quaerimus, et quem auctorem publici consi-
 lii — esse volumus — ego non quaero
 nunc, quae sit philosophia verissima, sed
 quae Oratori coniuncta maxime”. Reliqui
 sunt Peripatetici et Academicci recentiores, quo-
 rum illi propriam sibi vindicaverant exercitatio-
 nem de omnibus rebus in utramque partem dis-
 putandi. Vid. *I. 1. c. 10:* „Peripatetici autem
 etiam haec ipsa, quae propria Oratorum pu-
 tares esse adiumenta atque ornamenta dicen-
 di, ab se peti vincerent oportere” (*Cubi ad-
 iumenta* sunt illà ipsa exercitatio, quam eodem
 nomine significat *Catulus I. 3. c. 22*); porro
c. 62. I. 3. c. 21. Academia vero, quam con-
 siderat Arcesilas (etsi nonnunquam idem ei tri-
 buitur mos, ut *I. 3. c. 27.*) proprie tamen id
 agebat, ut contra omne, quod esset proposi-
 tum, ubere dissereret. Vid. *I. 1. c. 10:* „Insta-
 ret Academia” etc. *I. 3. c. 18.* et conf. *de
 Fin.* *I. 5. c. 4.* Has igitur Cicero philosophias
 Ora-

Oratori perfecto maxime commendat, *l. 3. c. 19,*
21, et ipse divisionem generum ambigui ab iis
 sumtam proponit *c. 28, 29.* Videtur autem hac
 in re neutram potissimum alteri praeposuisse,
 nisi quis Academiam ei magis tamen placuisse
 efficere vellet e *l. 2. c. 38*, ubi Critolao prae-
 fertur Carneades; quam sententiam adiuvant
 etiam *Orat. c. 3. Orat. Part. c. 40.* Ceterum
 de tota hac re conf. *Dial. de caus. corr. eloq.*
c. 31. ibique Gronovius.

§ III.

Quo modo philosophia utendum sit.

Antonius *l. 1. c. 51 – 55* id agens, ut philo-
 sophiam Oratori nocere potius, quam prodesse
 ostenderet, speciosa sane proferebat. Sed ni-
 mirum ille (et in eo vertebarum omne dispu-
 tationis vitium) ipsi philosophiae tribuebat, quod
 tantum tribuendum esset modo, quo eam adhi-
 beret Orator, Huic enim abstinendum ab eru-
 ditis disputationibus ad vulgi aures haud accom-
 modatis et ab isto dicendi genere, quod e Ci-
 ceronis mente significat idem Antonius *ib. c. 18.*
 „ Aliud enim mihi quoddam genus orationis es-
 „ se videtur eorum hominum, de quibus paulo
 „ ante dixisti, quamvis illi ornate et graviter
 „ aut

„ aut de natura rerum, aut de humanis rebus
 „ loquantur. Nitidum quoddam genus est ver-
 „ borum et laetum, sed palaestrae magis et
 „ olei, quam huius civilis turbae ac fori". Phi-
 losophia contra ad exemplum illorum veterum
 Periclis, Coruncanii etc. traducenda est „ ad
 „ hanc civilem scientiam, quo pertinet et quam
 „ intuetur?", ut Crassus docet *I. 3. c. 31.* Et
 is quidem, qui forum et causas tractat (nam
 historia, quae et ipsa ad Oratoris munus refer-
 tur, leniore tamen utitur genere dicendi *I. 2. c.*
15); sed forensis Orator ad philosophiae uber-
 tatem adiungere debet *nervos forenses*, i. e. ro-
 bur et vehementiam orationis. Vid. *I. 3. c. 21*:
 „ quique ad eam rationem adiungat hunc rhe-
 toricum usum, moremque exercitationemque
 dicendi, is sit verus, is perfectus, is solus
 Orator. Nam neque sine forensibus nervis
 satis vehemens et gravis, nec sine varietate
 doctrinae satis politus et sapiens esse Orator
 potest". Conf. *I. 2. c. 16*: „ hisce autem
 ipsis de rebus ut ita loquarur, ut ii, qui iu-
 ra, qui leges, qui civitates constituerunt,
 locuti sunt, simpliciter et splendide, sine ul-
 la serie disputationum et sine ieiuna concerta-
 tione verborum". Porro ei vitanda est om-
 nis suspicio et opinio philosophiae, quippe quae
 animos eorum, qui audiunt, ab Oratore alienet
 eius-

eiusque auctoritatem diminuat, *L. I. c. 51* et *L. 2. c. 36*, ubi Graecae res intelliguntur philosophia, ut vel patet ex initio *capitis 37.*

§ IV.

De iure civili, historia eto.

Proximus a philosophia locus tribuitur *iuris civilis cognitioni*. Vulgari quidem Oratori minus necessaria est, qui, si quando opus sit, peritos adire poterit. *L. I. c. 15.* Atque sic Antonii disputatio *L. I. c. 57 — 60.* si ad vulgarem illum referatur, Ciceronis sententiae convenit. Oratorem autem perfectum (is enim significatur his verbis *c. 37*; „eum, qui hanc personam suscepit, ut amicorum controversias causasque tueatur, laborantibus succurrat, aegris medeatur, afflictos excitet”) iuris civilis cognitione minime cavere posse, fuse ostendit Crassus *c. 35 — 46.* Illi „perdiscens, dum ius civile, cognoscenda leges”; ut ait idem *c. 34.* Hanc sententiam Antonius quoque tueri videtur *L. 2. c. 33*, ubi certe queritur de Iurisconsultis, quorum culpa factum esset, ut Oratores a iure discendo deterrentur. Conf. etiam ipse Cicero *L. I. c. 15*: „neque legum, aut iuris civilis scientia negligenda est”.

Ora-

Oratori summo praeterea commendatur *iuris publici* cognitio, quod quid sit, optime explicari videtur *I. 1. c. 34:* „senatoria consuetudo, „disciplina reipublicae, iura sociorum, foedera, „pactiones, causa imperii”. Historia quoque ei tenenda est, et memoria antiquitatis, ut, quotiescumque opus sit, iusta suppetat exemplorum copia. De qua tota re vid. *I. c.* et *I. 1. c. 14:* „num apud populum de legibus iubendis aut „vetandis: num in senatu de omni reipublicae „genere dici sine summa rerum civilium cogni- „tione et prudentia”; *c. 46. I. 2. c. 30*, nec non *I. 1. c. 5:* „tenenda praeterea est omnis „antiquitas exemplorumque vis”.

Denique requiritur, ut omnibus artibus humioribus et libero dignis perpolitus sit, sine quibus neminem in Oratorum numero habendum censet Crassus *I. 1. c. 16*; quo respicit etiam Antonius *I. 2. c. 17:* „omnium ceterarum orationis, mihi crede, ludus est homini non hebeti, neque inexercitato, neque communium literarum et politioris humanitatis experti”. Praesertim quidem hoc referre licet literarum studium et veterum Oratorum ac poëtarum cognitio, quam dupli de causa commendat. Primum enim ea Latine loquendi elegantia expolitur et augetur, ut ait Crassus *I. 3. c. 10*. Tum lepos, qui plurimum in oratione valet, oritur qui-

quidem e naturali ingenii felicitate; sed illis tam
men studiis multum adiuvatur, id quod Crassus
dicit *I. 1. c. 34*: „libandus etiam ex omni ge-
„nere facetiarum quidam lepos”. His autem
ipsis facetiis, si quando adhibeantur, appetat
Oratorem esse „politum hominem, eruditum,
urbanum”, ut ait Caesar *I. 2. c. 58*. Idem vo-
cabulum *eruditio* in eadem re Cicero usurpat *I.*
1. c. 5: „accedat eodem” etc. et *I. 2. c. 35*:
„ut *erudita* sit (*oratio*)”; alio nempe sensu,
quam quo philosophis *oratio erudita* tribuitur in
Paradoxorum Proöemio aliisque locis. Nec ex-
cluditur armorum ars et palaestra, quippe quae
actioni plurimum utilitatis afferunt. *I. 3. c. 59*.

C A P U T Q U A R T U M.

DE SUMMA MUNERIS ORATORII MAGNI- TUDINE.

§ I.

De huius rei praestantia.

Perfecti Oratoris munus ita his in libris exponitur, ut differentes tamen haud uno loco significant eam rem tantam esse, quae neque suis disputationibus, neque rhetorum praeceptis comprehendi possit. Vid. Crassus *l. i. c. 46. extr. l. c. 14*: „quare omnes istos, me aucto-
„re, deridete atque contemnите, qui se horum,
„qui nunc ita appellantur, rhetorum praeccep-
„tis omnem Oratorum vim complexos esse ar-
„bitrantur, neque adhuc, quam personam te-
„neant, aut quid profiteantur, intelligere po-
„tuerunt”. Idem *ib. c. 20.* omnes rhetores vo-
cat: „perridiculos. Scribunt enim”, inquit,
„de litium genere, et de principiis et de nar-
rationibus. Illa vis autem eloquentiae tanta
„est”

„ est" etc. nec alia de causa duos illorum lepis
 de irridet c. 21. *in fine.* Vid. porro c. 30:
 „ quare non est paucorum libellorum hoc mu-
 „ nus, ut ii, qui scripserunt de dicendi ratio-
 „ ne, arbitrati sunt, neque Tusculani, atque
 „ huius ambulationis antemeridianae, aut nos-
 „ trae pomeridianae sessionis", et Antonius *l. 2.*
c. 19, 20: „ omninoque in hoc omnis est er-
 „ ror, quod existimant, artificium esse hoc
 „ quoddam non dissimile ceterorum, cuiusmo-
 „ di de ipso iure civili hesterno die Crassus
 „ componi posse dicebat: ut genera rerum pri-
 „ mum exponerentur: — deinde singulorum ge-
 „ nerum partes — tum verborum omnium de-
 „ finitiones — sed hoc si in iure civili, si eti-
 „ am in parvis aut mediocribus rebus doctiores
 „ assequi possunt; non idem sentio tanta hac
 „ in re tamque immensa posse fieri". Ad hanc
 vero magnitudinem (quam etiam Crassus signifi-
 cat *l. 1. c. 28:* „ hac re, quam constat esse
 „ maximam") duo referri possunt, alterum *praes-*
stantia, alterum *difficultas*".

Oratore summo et absoluto, qui sapientiam
 cum dicendi facultate coniungeret, nihil Cice-
 roni praestantius visum est, si ad hos quidem
 libros attendimus, ubi creberime illam rem ver-
 bis ad coelum extollit, et quoties in id argu-
 mentum delapsus fuerit, vix modum aut sinem
 invenire sibi potest. Universe hac de re legan-

tur *l. 1. c. 8*, 46, *l. 2. c. 8*, 9. Ipsi *Oratoris* nomini gravitas quaedam inesse significatur *l. 1. c. 15*, 26, 46, ubi venuste respicitur ad antiquam eius vocabuli vim, qua sumebatur pro *legato*, ut vel notum e *Virg. Aen. l. 7. vs. 153.* Eloquentia vero *Virtus* appellatur *l. 1. c. 18*. *l. 2. c. 84.* *l. 3. c. 14.* (quem locum laudat *Quinctilianus* eique assentitur *l. 2. c. 20.*) *c. 18.* Eadem dicitur *l. 2. c. 27*: „Oratoris vis illa „divina virtusque”. *conf. c. 20:* „alterum di- „vinitatis mihi cuiusdam videtur”, *l. 1. c. 46:* „eius artis, cuius cum ipsa natura magnam ho- „mini facultatem daret, tamen esse Deus puta- „batur; ut et ipsum, quod erat hominis pro- „prium, non partum per nos, sed divinitus ad „nos delatum videretur”, et *l. 3. c. 35*: „sin „quaerimus, quid unum excellat ex omnibus, „docto Oratori palma danda est”. Sed si iam singula persequi velimus, in quibus ea cernatur excellentia, modo laudem duci videmus a iucunditate, ut *l. 1. c. 8*: „age vero ne semper „forum, subsellia, rostra, curiamque medite- „re, quid esse potest in otio aut iucundius, „aut magis proprium humanitatis, quam sermo „facetus ac nulla in re rudis”? et *l. 2. c. 8*: „nam, ut usum dicendi omittam — tanta ob- „lectatio est in ipsa facultate dicendi, ut nihil „hominum aut auribus, aut mentibus iucundius „percipi possit. — Qui enim cantus moderatae „ora-

„ orationis pronuntiatione dulcior inveniri pos-
 „ test? quod carmen artificiosa verborum con-
 „ clusione aptius? qui actor in imitanda, quam
 „ Orator in suscipienda veritate iucundior? quid
 „ autem subtilius, quam acutae crebraeque sen-
 „ tentiae? quid admirabilius, quam res splen-
 „ dore illustrata verborum? quid plenius, quam
 „ omni rerum genere cumulata oratio"? modo
 ab eorum, qui audiunt, admiratione et clamori-
 bus, ut *l. 3. c. 14*, conf. *l. 1. c. 33*: „ haec
 „ sunt quae clamores et admirationes in bonis
 „ Oratoribus efficiunt"; modo inde, quod praef-
 clarum sit ea re hominibus antecellere, quam ipsi
 homines bestiis praestent, ut *l. 1. c. 8*: „ hoc
 „ enim uno praestamus vel maxime feris, quod
 „ colloquimur inter nos, et quod exprimere di-
 „ cendo sensa possumus. Quamobrem quis hoc
 „ non iure miretur, summeque in eo elaboran-
 „ dum esse arbitretur, ut, quo uno homines
 „ maxime bestiis praestent, in hoc hominibus
 „ ipsis antecellat"? (*conf. de Inv. l. 1. c. 14*
Quinct. l. 2. c. 16.): modo a tutela et praesidio,
 quod Orator aut sibi, aut aliis afferre potest,
 ut *l. 1. c. 8*: „ quid tam porro regium, tam li-
 berale, tam munificum, quam opem ferre
 supplicibus, excitare afflictos, dare salutem,
 liberare periculis, retinere homines in civita-
 te? Quid autem tam necessarium, quam tene-

„ore semper armā, quibūs vel tectus ipse esse
 „possis, vel provocare improbos, vel te ul-
 „cisci lacesitus” (1) ? c. 37: „qui hanc per-
 „sonā suscepérit, ut amicorum controversias
 „causaſque tueatur, laborantibus succurrat, ae-
 „gris medeatur; afflictos excitet”? c. 46: „tum
 „qui scelus fraudemque innocentis possit dicen-
 „do subiicere odio civium, supplicioque con-
 „stringere: idemque ingenii praesidio innocen-
 „tiām iudiciorum poena liberare”; l. 12. c. 9:
 „eadem facultate et fraus hominum ad perni-
 „ciem et integritas ad salutem vocatur”. Sūm-
 „mū autem pónitur in ea vi, quam habet Ora-
 tor ad civitates constituendas et regendas, ad
 senatum aut populum excitandum, sedandum,
 quoquo velit, flectendum. Vid. rursus l. 1. c. 8:
 „neque vero mihi quidquam — praestabilius
 „videtur, quam posse dicendo tenere hominum
 „coetus, mentes pallicere, voluntates impelle-
 „re, quo velit: unde autem velit, deducere.
 „Haec una res in omni libero populo, maxi-
 „meque in pacatis tranquillisque civitatibus,
 „praecipue semper floruit semperque dominata
 „est. Quid enim est — tam potens tamque
 „mag-”

(1) Posteriorem huius sententiae partem inde a verbis: „quid autem” videtur e Platonis Gorgia li-
basse.

„ magnificum, quam populi motus, iudicium
 „ religiones, senatus gravitatem unius oratione
 „ converti? c. 46: „ idemque languentem la-
 „ bentemque populum aut ad decus excitare,
 „ aut ab errore deducere, aut inflammare in im-
 „ probos, aut incitatum in bonos mitigare: qui
 „ denique quemcumque in animis hominum mo-
 „ tum res et causa postulet, eum dicendo vel
 „ excitare possit, vel sedare? l. 2. c. 8: „ qui
 „ (usus dicendi) in omni pacata et libera civi-
 „ tate dominatur? Hinc quoque statuit homini-
 nes incultos eloquentiae vi ad societatem ci-
 „ vilem traductos esse, l. 1. r. 8: „ ut vero ad
 „ illa summa veniamus: quae vis alia potuit aut
 „ dispersos homines unum in locum congrega-
 „ re, aut a fera agrestique vita ad hunc huma-
 „ num cultum civilemque deducere, aut iam
 „ constitutis civitatibus leges, iudicia, iura
 „ describere? conf. de Inv. l. 1. c. 2. Quint.
 l. c. Ac propterea, quod Orator tantum in re-
 publica locum tenet, eumdem virum bonum es-
 se vult l. 2. c. 20. l. 3. c. 14: „ quae quo ma-
 „ ior est vis, hoc est magis probitate iungen-
 „ da summaque prudentia: quarum virtutum ex-
 „ pertibus si dicendi copiam tradiderimus, non
 „ eos quidem Oratores effecerimus, sed furen-
 „ tibus quaedam arma dederimus” (1). Quod

(1) Hic perperam videtur Ernestus parenthesis pos-
 suis-

si adiungatur, Orator maximum universae civitati ornamentum et salutem affert, *l. i. c. 8. in fine*, et *l. 2. c. 20.* „tantum ego in excellente, „Oratore et eodem viro bono pono esse ornamenti universae civitati”.

*Ipso ergo non nisi diuicius non audiret
eum ratione similis.* **§ II.**

*Quod in omni re verum est, excellentissima
quaeque maxime ardua esse, id perspicitur etiam
in summi Oratoris perfectione.* „Neque
„enim”, ut ait Crassus *l. 3. c. 22.* apud ho-
„mines res est ulla difficilior, neque maior,
„neque quae plura adumenta doctrinae deside-
„ret”. Et Antonius *l. 1. c. 28.* haec dicit:
„in Oratore — acumen dialecticorum, sen-
„tentiae philosophorum, verba prope poëta-
rum, memoria iurisconsultorum, vox tragoe-
diorum, gestus paene summorum actorum est
„requirendus. Quamobrem nihil in hominum
„genere rarius perfecto Oratore inveniri potest”.
Itaque boni Oratores perpauci fuerunt: vid. *l. i. c. 8.* „quid est tam admirabile, quam ex insi-
-gnioribus, et summis orationis mēbris, „ni-
-boni” . . .” *enīcūlū* . . . *enīcūlū* . . . *enīcūlū* . . .
fuisse, et ea verba quarum virtutum referenda esse
ad probitatem et prudentiam.

„nita multitudine hominum existere unum,
 „qui id, quod omnibus natura sit datum, vel
 „solus, vel cum paucis facere possit”? et l. 2.
 c. 46: „cum professus sis, te id posse facere,
 „quod pauci”, ut iam omittam, quae Cicero
 e sua persona disputat in praefatione libri primi.
Perfectus autem sive *eloquens* fortasse nemo in-
 ventus est, ut Antonius e suo libro refert l. 1.
 c. 21, cui consentit Scaevola c. 17: „quas ego,
 „si quis” etc.) Hinc appellat Crassus l. 3 c.
 19: „praeclaram et eximiam speciem Oratoris
 „perfecti”, quae vox e Platonico *Idéa* expres-
 sa significat aliquid summum et perfectissimum,
 quod non existat, sed animo tantum concipia-
 tur. vid. *Orat.* c. 2, 3. Forsitan etiam hac de
 causa pro *informare*, *describere* dicit *quaerere*,
 ib. c. 17: „ab eo viro, quem *quaerimus*”, et
 l. 1. c. 21, 26. Neque tamen quod Scaevola
 l. c. addit: „aut vero si esse posset”, Ciceronis
 menti convenire videtur, qui contra ea spem
 non dissimulat, fore aliquando, ut talis vir ex-
 sistat. Vid. modo, quae respondet Crassus *ibi-
 dem*, et quae Antonius adiungit c. 21. Diffi-
 cultas vero cum oriatur ex iis, quae Oratori
 adesse debent, augetur etiam, si respicimus ad
 eos, qui audiunt. „Magnum quoddam”, Cras-
 sus inquit l. 1. c. 25, „est onus atque munus,
 „fuscipere atque profiteri, se esse, omnibus

„ silentibus, unum maximis de rebus, magno
 „ in conventu hominum, audiendum. Adest enim
 „ fere nemo, quin acutius atque acrius vitia in
 „ dicente, quam recta videat: ita quidquid est,
 „ in quo offenditur, id etiam illa, quae laudan-
 „ da sunt, obruit”. Hac de causa neminem,
 nisi timide, ad dicendum accedere vult c. 26.
 Difficillimum autem ex Oratoris operibus est iu-
 dicatorum contentio, ut docet Antonius l. 2. c.
 17: „ in causarum contentionibus magnum est
 „ quoddam opus, atque haud sciam, an de hu-
 „ manis operibus longe maximum: in quibus”
 etc. quo respicit etiam c. 24. init.

CAPUT QUINTUM.

QUIBUS REBUS FORMETUR ORATOR.

§ I.

De natura.

Quibus rebus Orator formaretur, cum alii alter definivissent, omnia, quae de illa re Cicero his in libris monuit, his tribus complecti posse mihi videor, *natura*, *exercitatione*, *arte*. Naturae quidem princeps tribuitur locus *l. 1. c. 25*, *l. 2. c. 87*: „confiteor equidem huius boni nat- turam esse principem, sicut earum rerum, de quibus ante locutus sum, omnium”, eiusque dona maxima in Oratore requiruntur, quippe qui summam in omni genere perfectionem intueri debeat, et cuius vitia, si qua commiserit, tam acriter ab iis, qui audiunt, observentur, ut docet Crassus *l. 1. c. 25, 26*, Antonius *ib. et c. 28*. Ea vero dona partim ad animum, partim ad corpus pertinent. Animo adsint oportet celeres quidam motus”, ut ait Crassus *l. c.*

sive acumen, pro quo *I. 2. c. 30.* dici videtur „naturalis quaedam prudentia”. Porro memoria requiritur, in qua etiam natura plurimum vallet. Itaque ipso, quem citavi, loco celeres illi motus Crasso dicuntur „ad memoriam firmi „atque diuturni”, idemque ex aliis locis constat, ut *I. 2. c. 32*, ubi ad ea, „quae maxime „propria essent naturae”, referuntur et actio et vero *memoria*, nec non *I. 2. c. 87*. Accedat lepos et festivitas, quam totam a natura proficiunt docet Caesar *I. 2. c. 54*: „sed cum in illo gene „re perpetuae festivitatis ars non desideretur: „natura enim singit homines et creat imitatores „et narratores facetos, et yultu adiuvante et „voce et ipso genere sermonis: tum vero in „hoc altero dicacitatis, quid habet ars loci, „cum” etc. Denique consilium et prudentia desideratur, qua multis in rebus Oratori opus est; v. c. ut, quid dicendum sit, videat, *I. 2. c. 37*; ut in iocando temporis rationem habeat, *ib. c. 60*, ubi quidem haec dicuntur: „tempus „igitur dicendi prudentia et gravitate modera „bimur; quarum utinam artem aliquam habe „remus! sed domina natura est”; ut argumenta utilissima felicitat *c. 76*, conf. *c. 41*; ut quando narratione utendum, quando non utendum sit, consideret *c. 81. init.*

Ad corpus naturae bonitas in his rebus cernitur,

cur, quas Crassus enumerat *l. 1. c. 25*, „lin-
 „guae solutio, vocis sonus, latera, vires,
 „conformatio quaedam et figura totius oris at-
 „que corporis”, conf. Antonius *l. 2. c. 20. init.*
 Et de actione quidem iam obiter monui: uide
l. 1. c. 32. Vox autem, docente Crasso *l. 13. c. 60.*, „est optanda nobis”, i. e. eam nobis ipsi
 fingere non possumus, sed a natura petere debe-
 mus: qua significatione hoc verbum etiam oc-
 currit *l. 2. c. 44.* et *Orat. c. 18.* Dubito vero,
 ad corpus an ad mentem referam illud *decere*,
 quod Roscius dicebat „caput artis” *l. 1. c. 29,*
 conf. *c. 28; in fine.* Videlur quidem in utroque
 situm esse, et universe venustatem quamdam ac
 dignitatem gestus et orationis continere; quam-
 quam ne verbis quidem satis exprimi potest.
 Nam alio sensu *decere* Crassus usurpat *l. 3. c. 55,*
 et Cicero *Orat. c. 21. de Offic. l. 1. c. 37.* Il-
 lud autem *decere* natura quoque sibi vindicat:
 nam Roscius addiderat *l. c. 28*, quod tamen unum
 „id esse, quod tradi arte non posit”. Et An-
 tonius inter naturae dotes, quas in Oratore pos-
 tular, hoc ponit „tentabo quid deceat”. Cum
 igitur tot tantisque naturae donis Orator indi-
 geat, ei, qui ad hoc munus accingere se cupit,
 suae vires prius explorandae sunt, et, quid effi-
 cere possit, diligenter perspiciendum... Quod si
 natura prorsus abhorrete, videlur, potius aliud
 suadig

stu-

studium sequi debet. Vid. quae Crassus et Antonius hac de re differunt *l. 1. c. 25, 28. l. 2. c. 20, 21.* Neque tamen eos, qui mediocri-
valent facultate, plane deterret Cicero, sed arte
naturam adiuvari posse existimat, ut etiam intra
videbimus.

§ II.

De exercitatione.

Si quis igitur natura satis instructus videtur et ad Oratoris nomen adspirat, ei multiplex *exercitatio* suscipienda est, *l. vi. c. 32. in fine:* quod quidem nomen latiore sensu complectitur omnia, quae Orator ipse ad se singendum efficere debet e Ciceronis praceptis. Itaque refertur etiam ad exercitationem cognitionis juris civilis, histo-
riae, ceterarum rerum *l. 1. c. 34.* De quibus cum iam supra dictum sit, liceat hic illud vocabulum angustiore et proprio sensu suinere de studiis Oratoriis extra forum et veras causas. Opponitur iis usus *l. 2. c. 30:* „, vel usu, quem“ etc. conf. *l. 3. c. 55:* „, usus autem“ etc. Quia vero tanti laboris ea sunt (*l. 1. c. 33, 60.*) ante omnia in Oratore adsit studium acerrimum, ut docet *l. 1. c. 17, 21, 30. l. 3. c. 31.* In ipsa autem exercitatione hoc primum est, ut exem-
plum

pluri aliquod sibi eligat, quod intueatur: in quo
 illud videndum, ut et praestantissimum eligat
 exemplum, et ne minima solum, vel etiam vi-
 tiosa imitetur, vid: l. 1. c. 34, l. 2. c. 21, 22,
 l. 3. c. 12. „ Hanc igitur”, ut ait Antonius
 l. 2. c. 23, „ similitudinem qui imitatione asse-
 „ qui volet, tum exercitationibus crebris atque
 „ magnis, tum scribendo maxime persequatur”;
 Nam ut de stilo primum dicam, vocatur hic a
 Crasso l. 1. c. 33. „ optimus et praestantisimus
 „ dicendi effector ac magister” (conf. c. 60.)
 eique quadruplex tribuitur utilitas: quod inven-
 tionem faciliorem et uberiorem efficit, ib.; quod
 collocationem expolit ac format, ib. et l. 3. c.
 49; quod subitam dictionem adiuvat, l. 1. c. 33;
 quod, nimiam ingenii foecunditatem depascit,
 quamquam hanc in adolescentia non improbat
 Antonius l. 2. c. 21, sed tamen ad maturitatem
 revocanda est, ut docet ib. et c. 23. De reli-
 quis exercitationibus nec multum, nec vero ni-
 hil omnino tribuitur subitis dictionibus, plus
 aliquanto meditationi l. 1. c. 33. Commendatur
 etiam eloquentiae studio, ut optimorum Ora-
 torum Graecorum orationes Latine explicit c.
 34, ubi praeterea Crassus haec ait: „ iam vocis,
 „ et spiritus, et totius corporis, et ipsius lin-
 „ guae motus et exercitationes non tam artis
 „ indigent, quam laboris; quibus in rebus ha-
 „ ben-

„benda est ratio diligenter, quos imitemur,
 „quorum similes velimus esse. Intuendi nobis
 „sunt non solum Oratores, sed etiam actores;
 „ne mala consuetudine ad aliquam deformita-
 „tem pravitatemque veniamus”. Haec postre-
 ma, quibus consentit Antonius c. 28: „, gestus
 „paene summorum actorum est requirendus”,
 pugnare videntur cum l. 3. c. 59: „, omnes au-
 „tem hos motus subsequi debet gestus, non
 „hic verba exprimens, scenicus; sed universam
 „rem et sententiam, non demonstratione, sed
 „significatione declarans, laterum inflexione hac
 „forti ac virili, non ab scena et histrionibus,
 „sed ab armis, aut etiam a palaestra”, qui dis-
 sensus vix aliunde explicari possit, quam e ra-
 tione, quam significavi ad finem Partis I. c. 4.
 § 3. (1). Denique „, exēcenda est etiam me-
 „moria, ediscendis ad verbum quam plurimis
 „et nostris scriptis et alienis. Atque in ea
 „exercitatione non sane mihi displiceret adhibe-
 „re, si consueris, etiam istam locorum simula-
 „crorumque rationem, quae in arte traditur”,
 de qua post agendum erit.

§ III.

(1) Constat enim aliquantum temporis interiectum
 Ciceroni fuisse inter libri tertii ac duorum priorum
 confectionem. Vid. Middl. Vit. Cic. tom. 2. p. 97.
 et Franc. Orat. p. 206.

§ III. Quid de arte Cicero sentiat.

De quaestione, utrum dicendi *ars* esset (quod negabat Charmadas, *l. 1. c. 20.*), nil certum his in libris pronuntiat Cicero. Quamquam enim *l. 2. c. 9.* *ārtem* hac in re memorat, *c. 13.* Thucydidi tribuit dicendi *artificium*, et *l. 3. c. 37.* de Oratore dicit: „in quo adiungat *artem*“ saepius tamen dubitantis speciem praefert, ut *l. 1. c. 23.*: „sive est ars, sive artis quaedam, sive similitudo“, *l. 2. c. 7.*: „hoc totum, quid est, sive artificium, sive studium dicendi“, *c. 16. et 87.* Putabat scilicet „omnem esse contentionem inter homines doctos in verbi controversia positam“, ut ait Crassus, *l. 1. c. 23.* *Ars* quidem si per subtilem definitionem contineri censeatur rebus certis, quae a constantibus principiis deducantur, et nunquam fallant, nulla est Oratoris *ars*. Vid. *ib.* et *c. 20.* nec non *l. 2. c. 7.* Eamdem *esse*, concedit, si alio sensu accipiatur de iis, quae postquam observata sint, colligantur et in disciplinae rationem redigantur, *ib.* et *l. 2. c. 8, 57.* Si Logice loqui velis, hanc *methodum analyticam*, illam *syntheticam* dixeris. Potest nimurum observari, quae prosint in oratione, et quibus de cau-

causis alias Orator alio plus efficere possit *L. 1.*
c. 23, 32. L. 2. c. 57. Huic observationi suam
 omnem facultatem acceptam refert Antonius *L. 2.*
c. 28. conf. L. 1. c. 48. Hinc idem *auditionem*
 tanti facit *L. 2, c. 30.* et forum Oratori *ludum*
 esse vult *c. 21.* Itaque praecepta rhetorum,
 quippe quae ex illa observatione orta sint, Ora-
 torem discere iubet Crassus *L. 1. c. 34:* „ om-
 „ niuum bonarum artium (i. e. librorum rhetori-
 „ corum) scriptores ac doctores et legendi, et
 „ pervolutandi, et exercitationis causa laudandi,
 „ interpretandi, corrigendi, vituperandi, refel-
 „ landi”; et Antonius *L. 2. c. 20:* „ ista ipsa
 „ praecepta acceperit”: non solum quoniam hoc
 est „ homine ingenuo liberaliterque educato-
 „ dignum” (*L. 1. c. 31.*) et „ ad cognoscendum
 „ non illibrale” (*cap. 32.*); verum etiam propter
 utilitatem, quam affert. Haec partim in eo
 cernitur, ut ars ea, quae natura vitiosa sint in
 Oratore, limet et emendet (*L. 1. c. 25.*), quae
 bona sint, educet atque confirmet (*ib.* et *L. 2.*
c. 87); partim in eo, ut Orator habeat, quo
 quidque referat: cuius quidem rei haec vis est,
 ut et brevissimam commodissimamque viam ad-
 id, quocunque sibi proposuerit, ingrediatur
(L. 1. c. 52.), nec vero „ ut ea, quae natura,
 „ quae studio, quae exercitatione consequimur,
 „ aut recta esse confidamus, aut parva intelli-
 „ gimus”.

„ ga-

„ gamus, cum, quo referendas sint, didicerit;
 „ mus” *l. 2. c. 57.* Neque tamen ars sola suf-
 ficit, quippe quae nihil docet de philosophia,
 sine qua consistere nequit Orator. Vid. supra
cap. 3. § 1. Et in illis ipsis dicendi praeceptis
 multa perverse tradunt rhetores; ut Antonius de
 iis dicat *l. 2. c. 19:* „aut aliquid afferunt, quod
 „ mihi non dispiceat: aut efficiunt, ut me non
 „ didicisse minus poeniteat”. Multa eorum vi-
 tia reprehenduntur, e quibus unum tantum affe-
 ram, quod saepius perstringit Cicero: eos, cum
 duplex genus statuisserint, alterum quaestioneis in-
 finitae, alterum causae, illud nullis praeceptis
 instruxisse, vid. *l. 2. c. 15, 19. l. 3. c. 28.* Sed
 etiamsi bona sint praecepta, nequeunt tamen elo-
 quentes facere, veluti Crassus docet *l. 2. c. 57:*
 „ quae (observatio) si eloquentes facere posset,
 „ quis esset non eloquens? Quis enim haec non
 „ vel facile, vel certe aliquo modo posset edis-
 „ cere”? conf. *c. 87.* In natura fundamentum
 esse oportet, idque confirmatur ipsorum rheto-
 rum exemplo, quorum nemo ne mediocriter
 quidem disertus fuit (*l. 1. c. 20.*), non quod iis
 praecepta defuerunt, sed quia natura defuit,
 auctore Crasso *c. 25.* Artem autem ita commen-
 dat, ut omnem artificii significationem et suspi-
 cionem Oratori adversariam putet *l. 2. c. 36, 37.*
 Itaque Orator abstineat *definitione*, quippe quae,
 „ ge-

„generē ipso doctrinā redolet”, ut ait Antonius *l. 2. c. 25*; tractationem argumentorum variam esse iubet idem *c. 41*, „ne — cognoscat „artem, qui audiat”; vicissitudines in numeris adhibeantur, ne „nos id, quod faciemus, opera dedita facere videamur”, ut praecipit Crassas *l. 3. c. 50*,

SEC.

S E C T I O S E C U N D A

PRAECEPTA, QUIBUS SINGULAS ORATORII
MUNERIS PARTES INSTRUIT CICERO,
EXPLICANTUR.

Cicero his in libris eam Oratorii muneris partitionem suis praecepsit sequitur, quam plerisque placuisse dicit *de Invent.* l. 1. c. 7. et quam Crassus e rhetoribus sibi traditam (l. 1. c. 31.), ipse quoque memorat c. 42: „in „hac — ratione dicendi, excogitare, ornare, „disponere, meminisse, agere”. Vid. etiam l. 2. c. 19. Quamquam inventionem quidem ab elocutione minime seiungi oportere, neque res a verbis separari posse existimat l. 3. c. 5, 6, 24, 26. *iu fine*: sed hominum opinionibus aliquid datum est. Longe vero maxima disputationis pars versatur in praecipiendo de causarum contentiobus, quippe difficillimo ex Oratoris operibus. Itaque commodissimum hoc mihi visum est, ut quinque capitibus illas quinque partes explicarem, iudicialis potissimum generis ratione habita, sextum adjicerem caput, quo suasiones, laudationes et historiam complecteret.

CA.

CAPUT PRIMUM.

DE INVENTIONE.

§ I.

De iis, quae pertinent ad docendum.

Omnis inventio versatur in triplice argumento: ut doceamus iudices iisque probemus ea, quae defendimus, vera esse; ut conciliemus eorum benevolentiam; ut animos permoveamus. Vid. l. 2. c. 27, 28. init. 29. 77. l. 3. c. 27. De primo quidem, quod,, videtur omnem huius ius generis quasi doctrinam continere" (l. 2. c. 29.), haec praecipit Antonius. Oratori priusquam dicat causam, quae ad eum deferuntur, et omnia, quae illuc spectant penitus cognita esse vult l. 2. c. 24 ubi porro haec ait: „cum rem penitus causamque cognovi, statim occurrit animo, quae sit causa ambigui". Causas enim ambigui, (quas variis modis distribui videmus de Invent. l. 1. c. 8. Orat. c. 34. Top. c. 21. Orat. Part. c. 9. in fine) Antonius

c. 24 - 27; tripliciter dividit. Primum enim
 quaeri potest „ quid factum sit , aut fiat , futurum
 „ rumve sit ” , i. e. utrum id , de quo agitur , re
 vera fiat , factum , futurumve sit ; atque tale plerumque
 genus est ambigui , de quo disputatur in
 criminum causis . Deinde quaeri potest etiam
 quale sit , i. e. „ quantum et cuiusmodi et omni-
 „ nino quale sit — hoc modo : iustum an ini-
 „ iustum : utile an inutile ” , ut explicat Ciceron
 de Invent. l. 1. c. 9. Ad hoc genus referenda
 omnis controversia , quae in scripti interpreta-
 tione versatur , docente Antonio c. 26 , ubi duo
 reprehenduntur , quae posuerat de Invent. l. 2.
 c. 40 : alterum , eas controversias ad separatum
 genus pertinere ; alterum esse quinque causas ,
 unde dubium nascatur ; cum contra in toto illo
 genere nullam esse posse , nisi ex ambiguo , con-
 troversiam Antonius ostendat . Reprehendit
 etiam Graecos , qui adiunxisserent illam quaestio-
 nem , recte factum sit (vid. l. 1. c. 31.) , eam
 que pertinere docet ad genus , in quo quaeritur ,
 quale sit . Tertium genus in eo versatur , quo-
 modo quid nominetur : v. c. utrum Norbanus
 maiestatem minuisse . Haec autem genera Cras-
 sus alia quadam ratione partitur l. 3. c. 29 , 30 ,
 qui tamen dicit „ eadem sunt membra in utrius-
 que disputationibus , sed paulo secus me ,
 atque ab illo , partita ac distributa ” . Et sa-
 ne

ne dissensio; cuius rationem supra per conjecturam expedire tentavi; minor videbitur, si teneamus ea, quae disputat Antonius c. 31, 32: rhetores male disiunxisse controversias certis temporibus ac personis definitas ab infinitis de universo genere quaestionibus; omnem enim disputationem ad universum genus revocari debere, ne iis quidem causis exceptis, ubi de facto ambigitur, neque iis, ubi quaeritur, quale sit. Idem docet Crassus l. 3. c. 29. init.: „omnis igitur res eamdem habet naturam ambienti, de qua quaeri et disceptari potest, sive in infinitis consultationibus disceptatur, sive in iis causis, quae in civitate et in forensi, si disceptatione versantur”; et c. 30: „orationes natissimae sunt igitur orationes eae, quae latissime vagantur, et a privata ac singulari controversialia se ad universi generis vim explicandam conferunt et convertunt, ut ii, qui audiunt, natura, et genere, et universa cognita de singulis reis, et criminibus, et litibus statuere possint. Hanc ad consuetudinem exercitationis vos, adolescentes, est cohortatus Antonius, atque a minutis angustisque concertationibus ad omnem vim varietatemque vos differendi traducendos putavit”, conf. Top. 21, ubi propositum (*θεσις*) dicitur, quod Crassus l. c. consultationem vocat. Cum igitur utrum-

utrumque genus eamdem haberet ambigendi na-
turam, poterat Antonius alterius, Crassus alte-
rius potissimum generis in ambigui causis parti-
endis rationem habere; idque fecerunt. Antonius
exempla sumit a litium contentione, quam
cum maxime tractabat, Crassus ab infinitis phi-
losophorum *consultationibus*, ad quas eum dis-
putationis cursus detulerat. Hoc si teneamus,
possunt eadem fere membra, quae memoravit
Antonius, in Crassi disputatione quodammodo
reperiri. Itaque cum *cognitio*, quam priorem
partem Crassus ponit, tres habeat modos, *con-
iectura* quidem convenit cum Antoniano genere
eo, in quo quaeritur, *quid fiat*, factum futu-
rumque sit, nisi quod Antonius exempla sumit a
tempore praeterito, quippe quod in iudiciis
plerumque tractatur, ille vero a tempore praes-
fenti vel infinito, quod erat *consultationi* aptius.
Definitio maxime respondet ei generi, in quo
de nomine contenditur; *consecutio* denique ei
quaestioni, *quale sit*. Singula autem haec ge-
nera Crassus in minores rursus partes dividit.
Nam quod addit idem de *agendi consilio*, eius
generis prior pars, quae versatur in *officii discep-
tione*, commode referri potest ad Antonii prae-
cepta de suasionibus, altera ad eius doctrinam de
animis permovendis. Postquam igitur Orator
cognovit, ad quod genus sua causa referenda sit,

iam agitur de argumentis, quorum duplex est
 materies, „ una rerum earum, quae non exco-
 „ gitantur ab Oratore, sed in re positae, ratio-
 „ ne tractantur: ut tabulae, testimonia, pacta,
 „ conventa, quaestiones, leges, senatusconsul-
 „ ta, res iudicatae, decreta, responsa et reli-
 „ qua, si quae sunt, quae non pariuntur ab
 „ Oratore, sed ad Oratorem a causa, atque a
 „ re deferuntur”. De his quidem locos meditatione paratos habere debet, e quibus possit ad omnes similes res argumenta depromere, ut docet Antonius c. 27. Alterum genus est argumentorum, quae ipsi Oratori invenienda sunt. In quo illud graviter monet Antonius, ne ad singula causarum genera e rhetorum libris separata petamus argumenta (quamquam id adolescentibus instituendis haud inutile sit), sed ut certos locos ad omnem causam et orationem afferramus. Vid. ib. „ Atque isti quidem, qui do-
 „ cent, cum causas in plura genera secuerunt,
 „ singulis generibus argumentorum copiam sug-
 „ gerunt. Quod etiam si ad instituendos adoles-
 „ centulos magis aptum est, ut, simulac posita
 „ sit causa, habeant, quo se referant, unde sta-
 „ tim expedita possint argumenta depromere:
 „ tamen et tardi ingenii est, rivulos consepta-
 „ ri, fontes rerum non videre, et iam aetatis
 „ est ususque nostri, a capite, quod velimus,

ar-

„ arcessere et, unde omnia manent, videre?; „
 c. 30: „ ac tibi sapienter monenti, L. Crasse,
 „ libenter assentiemur; ut singularum causarum
 „ defensiones, quas solent magistri pueris tra-
 „ dere, relinquamus; aperiamus autem ea capi-
 „ ta, unde omnis ad omnem et causam et ora-
 „ tionem disputatio ducitur. Neque enim,
 „ quoties verbum aliquod est scribendum no-
 „ bis, toties eius verbi literae sunt cogitatione
 „ conquirendae; nec quoties causa dicenda est,
 „ toties ad eius causae seposita argumenta revolu-
 „ vi nos oportet: sed habere certos locos, qui,
 „ ut literae ad verbum scribendum, sic illi ad
 „ causam explicandam statim occurrant”; c. 39:
 „ ego autem si quem nunc plane rudem institui
 „ ad dicendum velim, his potius tradam assiduis
 „ uno opere eamdem incudem diem noctemque
 „ tundentibus, qui omnes tenuissimas particu-
 „ las, atque omnia minima mansa, ut nutrices
 „ infantibus pueris, in os inferant. Sin sit is,
 „ qui et doctrina mihi liberaliter institutus, et
 „ aliquo iam imbutus usu, et satis acri ingenio
 „ esse videatur; illuc eum rapiam, ubi non se-
 „ clusa aliqua aquula teneatur, sed unde uni-
 „ versum flumen erumpat: qui illi sedes, et
 „ tamquam domicilia omnium argumentorum
 „ commonstret, et ea breviter illustret verbis.
 „ que definiat”. Ut autem his locis uti possit

Orator, praeter usum quemdam ac studium, (c. 30, 34.) requiritur acumen, ars et diligentia, quarum huic plurimum in inveniendo tribuitur. c. 35. „Ars demonstrat tantum, ubi „quaeras atque ubi sit illud, quod studeas in- „venire”. Attamen artem aliquam tradit Antonius, et praecipuas argumentorum notas ostendit c. 39, 40, quibus cognitis facile sit argumenta invenire. Sumuntur haec aut ex sua vi, atque natura, aut foris assumuntur. „Ex sua vi” etc. Qui vero loci cuique causarum generi sint aptissimi, id facile iudicatur, ut significat Antonius c. 41, Crassus l. 3. c. 30. Ille de tractandis argumentis haec addit c. 41. in fine: „tractatio autem varia esse debet, ne aut cogoscat artem, qui audiat, aut defatigetur similitudinis satietate. Proponi oportet” etc. Quibus autem rationibus argumento resisti possit, docet c. 53: „sed argumento resistendum est, aut iis, quae comprobandi eius causa sumuntur, reprehendendis, aut demonstrando, id, quod concludere illi velint, non effici ex propositis, nec esse consequens: aut, si ita non refellas, afferendum est in contrariam partem, quod sit aut gravius, aut aequem grave”.

§ II.

De iis, quae spectant ad conciliandum,

Charmadas „ caput — esse arbitrabatur Oratoris, ut et ipsis, apud quos ageret, talis, „ qualem se ipse optaret, videretur — et uti „ eorum, qui audirent, sic afficerentur animi; „ ut eos affici vellet Orator”, ut resert Antonius *l. 1. c. 19.* Quam sententiam ipse sua auctoritate confirmat *l. 2. c. 41:* „ si vero assequetur, ut talis videatur, qualem se videri velit, „ et animos eorum ita afficiat, apud quos aget, „ ut eos, quocunque velit, vel trahere, vel rapiere possit; nihil profecto praeterea ad dicendum requiret”, conf. *c. 42. init.* Itaque nihil in oratione plus valere putat, quam ea, quae pertinent ad *conciliandum* et ad *animos permovendos*, eaque duo diligentissime consideranda censet *c. 27.* Hae vero partes „ minime praecipitis artium sunt perpolitae”, ut ait *c. 49.* Quorum illud quomodo fiat, ut iudici commendetur Orator, et is, pro quo dicat, adversarius autem improbetur, explicat *c. 43.* Rei maxime commendantur dignitate vitae (quod iam Charmadas monuerat *l. c.*) et rebus gestis, „ quae facilius ornari possunt, si modo sunt, quam fangi, si nulla sunt”: praeterea exprimendis

co-

eorum moribus iustis, integris, religiosis, timidis, perferentibus iniuriarum. Oratori vero benevolentia conciliatur leni dicendi genere, et quod facilitatis speciem p[re]ae se ferat, ad quod actio quoque valet. In quo illud p[re]ceptum: „ si quid persequare acrius, ut invitus et coactus facere videare”, servatum videmus ab ipso Cicerone *Orat. 2. de Lege Agr. c. 24:* „ non consuevi homines appellare asperius. Quirites, nisi lacesitus. Vellem fieri posset, ut a me sine contumelia nominarentur ii, qui se demoviros sperant futuros: iam videretis, quibus hominibus omnium rerum et vendendarum et emendarum potestatem permetteretis. Sed quod ego nondum statuo mihi esse dicendum, vos tamen id potestis cum animis vestris cogitare”, conf. etiam infra c. 49, 52. Tali autem oratione praesertim uti iubet in iis causis, in quibus minus potest inflammari animus iudicis acri et vehementi quadam incitatione. Non enim” etc.

§ III.

De animis permovendis.

Venio nunc ad illud, „ in quo sunt omnia” (*I. 2. c. 53.*), ut iudicum vel eorum, qui audiunt,

ant, animi permoveantur. In quo primum id videndum, utrum causa satis magna sit, ne tragedias in nūgis agentes irrideamur, ut docet idem c. 51. Si vero causa postulare videatur, „ optandum est Oratori, ut aliquam permotio- „ nem animorum sua sponte ipsi afferant ad cau- „ sam iudices ad id, quod utilitas Oratoris fe- „ ret, accommodatam” . c. 44. Et fieri po- test, ut Orator priusquam ad causam accedat, intelligat, quid iudices sentiant, sicuti Verres ante iudicium „ omnium iam opinione damna- „ tus” erat, ut ait Cicero *Verr. I. c. 1.* Eius- modi vero causae opponitur ea, quam vocat Antonius; „ ancipitem — et gravem ad animos „ iudicum pertractandos”. Talem si Orator ag- greditur, diligentissime indagare debet „, quid „ sentiant (iudices), quid existiment, quid ex- „ spectent, quid velint, quo deduci oratione „ facillime posse videantur”. (In quo ei ne- cessaria est illa philosophiae pars, quae ver- tur in animorum motibus, de qua supra dixi). „ Si se dant, et sua sponte, quo impellimus, „ inclinant atque propendent”; id arripiendum eaque parte ulterius incumbendum est. „ Sin „ est integer quietusque iudex”, vis orationis, quae certe plurimum potest, maiori cum diffi- cultate est adhibenda, quapropter hoc ipsum vocat *moliri* c. 51. Nisi forte sic animati sint ho-

homines, „ ut nihil ad eorum mentes oratione
 „ flectendas proficere possimus” (*ib.*); tunc
 enim tali oratione omnino abstinentem est,
 „ ne — odio digni putemur, si — convellere
 „ adoriamur ea, quae non possint commoveri”.
 Quibus autem rebus effici queat, ut animi com-
 moveantur, docetur *c. 48 – 53*. Illud vero ante
 omnia monet Antonius *c. 45 – 48*; omnes mo-
 tus, quos aliis adhibere velit Orator, in ipso
 conspici debere, „ Ut enim nulla materies tam
 „ facilis ad exardescendum est, quae, nisi ad-
 „ moto igni, ignem concipere possit: sic nulla
 „ mens est tam ad comprehendendam vim Ora-
 „ toris parata, quae possit incendi, nisi inflam-
 „ matus ipse ad eam et ardens accesferis”. Id-
 que difficile videatur; sed ostendit non tantum
 modo rem, quam agat Orator, amicorum peri-
 cula, famae discrimen insignem habere vim ad
 eum commovendum, sed ipsas sententias et lo-
 eos, quibus utatur, huc mirifice valere; quod
 illustrat et histrionum ac poëtarum et vero suo
 ipsius exemplo. Motus autem hi potissimum ex-
 citandi vel sedandi sunt: „ amor, odium, ira-
 „ cundia, invidia, misericordia, spes, laetitia,
 „ timor, molestia”, quorum longe acerrimus
 est motus invidiae, ut ait *c. 52. init.* In pae-
 ceptis, quae de singulis his tradit, praesertim
 rationem habet eius studii mentibus hominum

in-

insti, quo suam ipsorum utilitatem et incolumentem colunt. Itaque amori conciliando maxime proficere censet, „ si id videare, quod sit „ utile ipsis, apud quos agas, defendere; si — „ pro iis, qui illis boni atque utiles sint, labo- „ rare”. De timore dicit „ interior est ille „ proprius”, idemque observare licet in praecceptis de odio, misericordia, reliquis, conffquae se in Norbani causā fecisse narrat c. 48. Genus autem dicendi vehemens et intentum esse debet, ut docet c. 52. *in fine*: unde etiam vocantur *dicendi faces* c. 51. *init.*

Duo quidem haec genera, de quibus hoc et superiore § egī, quodammodo commiscenda sunt, et alterum altero temperandum praecipiente Antonio c. 53. (1). Idem *ib.* praeterea monet ad utrumque genus, tarde et occulte procedendum esse, cuius rei ipse exemplum praebuit in causa Norbani, quod laudat Sulpicius c. 50: „ quod tuūm p̄incipiūm, dii immortales, fuit? „ qui

(1) *Inflammandum est*. (quod Ernestus uncinis includit et eiiciendum putat) utrum retineri posit, an aliud pro eo substituendum sit, euidem affirmare non ausim. Sed videtur certe aliquod verbum esse deberre, unde pendeat dativus *lenitati*; nam *influere* cum dativo haud sciam, an nunquam apud Ciceronem occurrat.

„ qui timor, quae dubitatio, quanta haesitatio
 „ tractusque verborum! Ut illud initio, quod
 „ tibi unum ad ignoscendum homines dabant,
 „ tenuisti; te pro homine pernecessario, quaes-
 „ tore tuo dicere: quam tibi primum munisti
 „ ad te audiendum viam? Ecce autem, cum te
 „ nihil aliud profecisse arbitrarer, nisi ut ho-
 „ mines tibi civem improbum defendanti ignos-
 „ cendum propter necessitudinem arbitrarentur,
 „ serpere occulte coepisti, nihil dum aliis suspi-
 „ cantibus, me vero iam pertimescente, ut il-
 „ lam, non Norbani seditionem, sed populi
 „ Romani iracundiam, neque eam iniustam, sed
 „ meritam ac debitam fuisse defenderes". „ Exi-
 „ tus tamen spissi et producti esse debent", i. e.
 haec genera non breviter tractanda, sed in iis
 haerendum et habitandum et saepius ad eadem
 redeundum est. Quomodo denique haec in con-
 trariam partem adhibenda sint, praecipit c. 53.
 in fine: „ illa autem" etc. ubi arridet mihi Pe-
 arcii coniectura, pro *inferenda* legentis *infir-*
manda.

Horum trium generum (docendi, concilian-
 di, permovendi,) aliud alii causae aptius esse
 significat Antonius c. 72: „ si causa est in ar-
 „ gumentis — sin autem in conciliatione aut in
 „ permotione causa est", i. e. si argumentorum
 in ea vel conciliationis aut permotionis praeci-
 puus

puus usus est: quo respicit etiam c. 49. *in fine*; „ magis affectis animis iudicum quam doctis”. Cum autem omnis causa et boni aliquid habeat et mali, illud maxime tractandum eique insistendum est (quod appellat *Orat. c. 15: in bonis suis haerere et habitare*): malum cum honesta quadam specie defugiendum, et si nimis difficultia sint adversariorum argumenta, nihil prorsus iis respondendum, ut docet c. 24; „ qui locus „ est talis, ut plus habeat adiumenti, quam in „ commodi, hunc iudico esse dicendum: ubi „ plus mali, quam boni reperio, id totum ab „ iudico atque eiicio”, et c. 72. Illud omnino cavendum, ne quid suae causae obsit Orator. Quamquam id summus ille sponte videt (c. 74. *init.*); sed ii, qui adhuc ab illa perfectione absunt, id facile committere possunt aut lacesendo teste (c. 74), aut adversariorum adiumentis confirmandis, aut offendendis iudicibus, c. 75. De hoc postremo conf. c. 58. *in fine*: „ par- „ cendum est autem maxime caritati hominum, „ ne temere in eos dicas, qui diliguntur”.

§ IV.

De facetiis.

Ad caput de inventione pertinent etiam *fa-*
ce-

cetiae, quarum etsi nullam artem esse statueret
 Cicero (*l. 2. c. 54, 56, 57*), eas tamen prae-
 ceptis quibusdam illustravit, quae quidem dispu-
 tatio magnopere laudatur a *Corr. quæst. p. 74.*
 Multum enim iocus utilitatis assert, et plane
 Oratori convenit cum aliis de causis, tum maxi-
 me „ quod tristitiam ac severitatem mitigat et
 „ relaxat, odiosasque res saepe, quas argumen-
 „ tis dilui non facile est, ioco risuque dissol-
 „ vit": ut ait Caesar *c. 58. conf. c. 83.* Desi-
 nit *ib. locum*, unde risus oriatur, eaque rideri
 dicit „ vel sola, vel maxime, quæ notant et
 „ designant turpitudinem aliquam non turpiter".
 Genera dupli ratione dividit: altera distributio
 invenitur *c. 54*, ut sint duo facetiæ generæ:
cavillatio, quæ est aequabiliter per omnem ser-
 monem fusa (quod ipsum genus *facetiae ξατ'*
ξεχήν dicitur *Orat. c. 26*), et *dicacitas*, quæ
 breviter et acute dictis continetur. Alteram di-
 visionem Cæsar suis præceptis sequitur, quæ
 est item bipartita, ut sit alterum genus *in re*,
 alterum *in verbo*; vid. *c. 59, 61, 62.* Ad id
 genus, quod est *in verbo*, resertur *ambiguum*,
 quod sit falsius, si admiscetur illud genus,
 „ cum aliud exspectamus, aliud dicitur"; porro
paronomasia, nominis interpretatio, nec non il-
 la genera, cum *versus* inseritur aut *proverbium*,
 et „ cum ad verbum, non ad sententiam rem ac-
 „ ci-

„ cipere videare”, denique *immutata oratio* (allegoria), *unius verbi translatio* (metaphora), et *inversio verborum* c. 62—66. Haec autem omnia, quae *verbo* continentur, laudari magis quam rideri solent, ut ait universe c. 71, cum iam de *ambiguo* significasset c. 62. Ad alterum genus, quod ponitur *in re narratio* pertinet, quae est valde faceta (c. 59), sed difficilis; qua complectitur etiam *apologorum narrationes* et id, quod *ex historia trahitur* (c. 66); deinde *imitatio* (quamquam ea parce uti iubet, c. 59, 62), *collatio*, *imago*, *rei obscurae per parvam rem illustratio* (c. 66.), *dissimulatio*, aliaque genera, quae comprehendit c. 71. his verbis: „ *exspectationibus decipiendis*”, (quod quidem genus maxime rideri solere docet c. 63. init. 64. *in fine*, 70.) „ et naturis aliorum irridendis, ipso- rum ridicule indicandis, et similitudine tur- pioris, et dissimulatione, et subabsurda di- cendo, et stulta reprehendendo risus moven- tur”. Illud autem docet c. 61, ex iisdem lo- cis, unde ioci petantur, graves sententias duci posse; conf. c. 65: „ *gravium et iocorum unam esse rationem*”. De modo, quo ioci adhibendi sint, hoc praecipit Antonius c. 56: „ omnino probabiliora sunt, quae lacesiti dicimus, quam quae priores: nam et ingenii celeritas maior est, quae appetet in respondendo, et

„ hu-

„humanitatis est responsio.“ Videmur enim „quieturi fuisse, nisi essemus lacesiti“, quod confirmatur a Caesare c. 58: „maxime respondentis, nonnunquam etiam lacesentis“, et c. 60. Idem haec Oratori praecipit c. 62: nē morosi, superstitionis, suspiciosi, gloriosi, stulti personam prae se ferat; ut oris depravatione abstineat; ut obscoenitatem fugiat. Hac enim accedit ad mimos ethologos (c. 59. *in fine*), quorum aequa ac scurrarum similitudinem evitare debet. Ab his maxime distinctus esse poterit, ratione temporum ac personarum habenda, et nonnunquam retinenda, si quid ridicule dicere possit: quod in Crasso laudabatur, vid. c. 54, 56, 59, 60, 64. Denique monetur, ne iocis petamus admodum improbos, aut miseros, aut eos, qui diligentur c. 58. *in fine*.

(61)

CAPUT SECUNDUM.

DE COLLOCATIONE.

§ I.

Quid universe hac de re Cicero sentiat.

Secunda munieris Oratorii pars erat *collocatio*, cuius, ut ait Antonius *l. 2. c. 76*, „ratio est „duplex: altera, quam affert natura causarum; „altera, quae Oratorum iudicio et prudentia „comparatur”. Superior illa in eo ponitur, ut omnis oratio in partes distribuatur, quam totam rem eti minus curaret Cicero, facillimamque iudicaret (*l. 2. c. 19*), potissimum tamen quatuor partes statuit: *principium*, *narrationem*, *probationem* (ut ita dicam) et *perorationem*, excludens *divisionem* (quam alii addebant, v. *ad Her. l. 1. c. 3.* et ipse addiderat *de Invent. l. 1. c. 14.*), ut quoque *digressionem* sive *amplificationem* (de qua vid. *l. 2. c. 19.* et *Or. Part. c. 8.*) *confirmationem* autem et *reprehensionem* una parte complexus. De altera „quae Orato- „rum

„rum iudicio et prudentia comparatur”, iam Ciceronis sententia breviter explicanda est. Cum igitur tria sint Oratori efficienda, ut doceat, ut conciliet, ut permoveat, „una ex omnibus his rebus res praenobis est ferenda. ut nihil aliud, nisi docere velle, videamur”: ut ait Antonius c. 77 *init. conf.* c. 53: „homines prius ipsum illud, quod proprium sui iudicii est, audire desiderant”. Itaque primum de *argumentis* quaeritur; quorum singulorum vim diligenter expendat Orator: quae minus utilia vindentur, „aut aliis gravioribus consimilia”, plane semoveat; quae retinenda sunt, cum iudicio disponat: et firmissima quidem ab initio et in fine collocet; quae minus firma sunt, in medio. Conf. *Orat.* c. 15: „de firmissimis alia prima ponet, alia postrema, inculcabitque leviora”; et ad *Her.* l. 3. c. 10. Duabus reliquis rebus maxime proprium assignat locum Antonius in exordio et peroratione; attamen commendat, ut saepe ad eas digrediamur, idque pluribus locis fieri posse ostendit. c. 77.

§ II.

De singulis partibus orationis:

Principio non semper utendum est (in parvis enim

enim et infrequentibus causis ab ipsa re exordiendum); plerumque tamen, ut docet Antonius *l. 2. c. 79*: et praesertim in eo requiritur venustas et lenitas ad eum, qui audit, permulcendum atque alliciendum composita. *c. 78.* Nam quae Graeci praeceperant, in principiis id agendum esse, ut eum qui audiat, benevolum, docilem, attentum faciamus, ea non principii propria putat, sed per totam orationem diffundenda. *c. 19, 79.* Illud vero monet *c. 77. in fine*, *78*, priusquam de principio cogites, totam causam et omnes locos perspici ac pertentari debere, ut ex ipsis causae visceribus principium efflorescat, neve sit *vulgare* aut *commune*. *Vulgare* quid sit, significat *c. 78.* his verbis: „ nec „ in alias causas posse transferri”, et utrumque explicat *de Inv. l. 1. c. 18.* „ *Vulgare* est, „ quod in plures causas potest accommodari, ut „ convenire videatur. *Commune* est, quod ni- „ hilo minus in hanc, quam in contrariam par- „ tem causae, potest convenire”. Haec igitur cavere iubet, ut et, ne principium sit „ aut „ exile, aut nugatorium”. Quatuor locos demonstrat *c. 79*, unde sententiae duci possint: ex reo, ex adversario, ex re, ex iis, apud quos agitur. Denique praecipit orationi consequenti connexum esse debere principium *c. 82.*

Narratione nonnunquam supersedere iubet

Antonius c. 81. init. „ neque enim si nota res
 „ est, nec si non dubium, quid gestum sit, nar-
 „ rari oportet, nec si adversarius narravit, nisi
 „ si refellemus”. De ea praecipere solebant
 rhetores: „ rem narrare, ita ut, *verisimilis* nar-
 „ ratio sit, ut *aperta*, ut *brevis*”, ut refert c.
 19. conf. de *Invent.* l. 1. c. 26. ad *Her.* l. 1. c.
 9. Quorum primum illud Caesar „ proprium
 „ narrationis” appellat c. 66, inque eamdem
 sententiam disputat Antonius c. 80. Requirit
 item, ut *aperta* sit, eique rei magis etiam in
 narratione, quam in reliquis orationis partibus
 studendum esse docet ib. ubi simul indicat, qui-
 bus rebus id efficiatur: „ erit perspicua narra-
 „ tio, si verbis usitatis, si ordine temporum
 „ conservato, si non interrupte narrabitur”. Non
 vero nimis *brevem* esse vult narrationem (certe
 si *brevitas* eo sensu accipitur „ cum tantum ver-
 „ borum est, quantum necesse est”); tum quia
 id tollit iucunditatem, quam dicit maximam
 narrationis virtutem: tum quia duabus ceteris
 virtutibus obest. Nam „ et est *probabilis*,
 „ quod gestum esse dicas, cum quemadmodum
 „ actum sit, exponas, et multo *apertius ad in-*
 „ *telligendum* est, si” etc. c. 80. Ea vero de
 narratione detrahatur Orator, quae suae causae
 nocere videantur, ut praecipit c. 81.

Tertia sequitur orationis pars, qua Cicero
 com-

complectitur etiam alteram *divisionis* partem. Cum enim *divisionem* in duabus rebus versari doceant rhetores, ut et quid relinquatur in *controversia*, statuatur, et res, de quibus dicturus sit Orator, exponantur (*de Inv. l. i. c. 22. ad Her. l. i. c. 10*); illud memorat Antonius c. 81: „in quo videndum est quid in *controversiam* „veniat”. Eadem parte comprehendit et *confirmationem suae causae*, et *refutationem adversarii* sive *reprehensionem*; eaque coniuncte tractanda monet *ib.*

Perorationem Antonius breviter tangit c. 81: „*omnia autem*” etc.

C A P U T T E R T I U M.

D E E L O C U T I O N E.

§ I.

Prima virtus, ut Latine dicamus:

In elocutione maximam Oratoris vim posuerat Antonius l. 2. c. 27. in fine, unde fortasse factum est, ut fere totus liber tertius Crassi disputatione de ea re consumeretur. Neque tamen ea praecepta Cicero cunctis apta esse iudicat, cum in diversissimis generibus summi Oratores existant, ad quorum varia ingenia doctoris institutio accommodanda sit, sed ea id genus spectare profitetur, quod sibi maxime placeat l. 3. c. 7 – 10. conf. Brut. c. 56. Itaque ipse quatuor in elocutione praecipienda putat, „ ut Latine, ut plana, ut ornata, ut ad id, quodcunque agitur, apte congruenterque dicamus”. l. 3. c. 10. conf. l. 1. c. 32.

Prima quidem (ut Latine dicamus et plane) facilitia sunt, et in eo, quicunque studet eloquen-

quentiae, adesse debent, ut docet Crassus c. 10:
 „nec sperate (1), qui Latine non possit, hunc
 ornatē esse dicturum: neque vero, qui non
 dicat, quod intelligamus, hunc posse, quod
 admirēmur, dicere”. Attamen pauca p̄ae-
 cepta de iis tradit. Et *Latine loquendi virtuteim*
 non solum ponit in ipsorum verborum puritate
 et structura ad Grammaticam normam exacta,
 quo praeſertim condūcere monet Oratorum ac
 poëtarum lectionem: „sed etiam lingua, et spi-
 „ritus, et vocis sonus est ipſe moderandus”,
 ut ait c. 11. In quo cavere iubet illud in pri-
 mis vitium, ne rusticā et aspera voce veteres imi-
 tari conemur; quo nomine reprehenditur L.
 Cotta non tantum hoc loco, sed etiam *Brut.* c.
 36. Praeterea vitemus *peregrinam insolentiam*
 (c. 12.) i. e. eiusmodi vocis sonum, qui a Ro-
 manā puritate abhorreat; incolas enim Urbis ea
 re peregrinis excellere ostendit.

§ II.

Altera virtus, ut plane dicamus.

Alterum illud, ut perspicue dicat Orator,
 val-

(1) Sic enim legendum coniicio pro sperare, quod
 vix referri potest ad id, quod praecessit, conamur.

valde necessarium Ciceroni vixum esse, colligitur ex his verbis *l. 3. c. 13*: „Oratio — lu-
„men adhibere rebus debet”. Neque tamen
multa de eo praecipit, quippe totam rem facil-
limam existimans. Quibus id rebus effici possit,
his verbis complectitur: „Latine scilicet di-
„cendo, verbis usitatis, ac proprie demon-
„strantibus ea, quae significari ac declarari vo-
„lemus, sine ambiguo verbo aut sermone, non
„nimis longa continuatione verborum, non val-
„de productis iis, quae similitudinis causa ex
„aliis rebus transferuntur, non disceptis sen-
„tentiis, non praeposteris temporibus, non
„confusis personis, non perturbato ordine”.
Et videtur quidem hoc postremum perspicuitati
maxime noxiū duxisse, cum in obscuritatis
exempla tales potissimum Oratores exciteret, qui
praesertim propter *confusam et perturbatam ora-*
tionem reprehendantur.

§ III.

Tertia virtus, ut ornate dicamus.

Supersunt elocutionis duae partes, quas maxi-
mas esse gravissimasque Crassus docet *l. 3. c. 14.*
(*conf. c. 24.*) *ornate* scilicet et *apte* dicendi fa-
cultas. Et *ornate* quidem dicere proprium Ora-
to-

toris arbitrabatur, ut supra ostendere conatus sum. Unde etiam hoc uno verbo saepe significatur universa dicendi laus, ut *l. 1. c. 15.* „multo dicat *ornatus*”, quod ipsum *c. sq.* sic exprimitur; „eloquentissime dicat”, porro *c. 17.* *26.* et *l. 2. c. 9:* „homines *ornatus* illa sua dicunt”. Quid autem propriè sit *ornate* dicere, definitur a Crasso *l. 3. c. 14:* „qui distincte, qui explicate, qui abundanter, qui illuminate et rebus et verbis dicunt, et in ipsa oratione quasi quemdam numerum versus sumque conficiunt; id est, quod dico, ornate te” Singulorum illorum adverbiorum vim paucis illustremus. *Distincte* et *illuminate* referenda videntur ad verborum et sententiarum figuram, de quibus illud usurpatum *l. 2. c. 9:* „eamque variare et distinguere quasi quibusdam verborum sententiarumque insignibus” *l. 3. c. 25:* „sed ita distinctum, ut” etc. et patulo post dicit orationem „conciannam, distinctam, ornatam”: *illuminate* vero de illis figuris universe dicitur *l. 3. c. 6. in fine* et *26. initio*, quamquam in primis ad *verborum* ornamenta pertinet, quae saepe Cicero metaphoris a luce et splendore petitis indicat, ut *l. 2. c. 8:* „res splendore illustrata verborum”; *l. 3. c. 6:* „illustrem sine luce verborum”. conf. *26. in fine* „illuminanda verbis”, *c. 31. in fine* *37,* *38,*

38, 40, 41, 43. *Explicate ne accipiamus pro dilucide*, vetat iam ante facta mentio eius virtutis, quam superiore § attigi; puto igitur significari fusum illud ac profluens sive latum dicendi genus, cui Stoïcorum arida concisaque brevitas opponitur *l. 2. c. 38.* Simili sensu de Oratore dixerat *l. 1. c. 13*: „ hic cum omni gravitate et „ iucunditate explicet”. *Abundanter* denique eospectat, quod Oratori ad ornata dicendum necessarius est multiplex rerum apparatus; quod Antonius Crasso concedit *l. 1. c. 59*: „ cuius „ eloquentia copia rerum debeat esse ornata”, ipse vero significat *l. 2. c. 8*: „ quid plenius, quam omni rerum genere cumulata oratio”; *c. 14*, 34: idemque docetur a Crasso *l. 3. c. 24*, 30. *in fine*. Et hinc intelligitur hac ipsa ornata dicendi virtute comprehendi varietatem, ubertatem, copiam, quae passim Oratori tribuitur, et nonnunquam cum illa vel permutatur, ut *l. 1. c. 12*. (ubi quod in praecedentis capitulis exitu dixerat: „ eloquentes et in dicendo suaves atque „ ornati”, his verbis effert: „ ubertatem in „ dicendo et copiam”, et „ dicendi varietate et „ elegantia”), vel coniungitur, ut *l. 1. c. 11*. *l. 2. c. 27*.

Quae vero Crassus *l. 3.* de orationis ornatu praecipit, consumuntur fere in duas partes. Cum enim omissis oratio *verbis* constet, ea primo *sim-*
gu.

gula, deinde *coniuncta* persequitur, quibus ad finem addit nonnulla de universo colore orationis, nec non de verborum sententiarumque lumenibus. Requiruntur in Oratore „ verba propria, pē pōtarum”, ut ait Antonius *l. 1. c. 28*, unde sit, ut inter ceteras praestantium Oratorum laudes memorari soleat etiam *verborum excellētia*, quibus utantur, veluti Curionis *l. 2. c. 23*. Crassi *c. 45*. Sulpicij Cottaeque *l. 3. c. 8*. Est autem quadruplex verborum genus: *propria*, *inusitata*, *novata*, *translata*. Et in *propriis* quidem verbis nonnisi delectum quemdam adhibendum esse docet Crassus *l. 3. c. 37*, eique rei egregie conducere veterum Oratorum ac poëtarum studium, *c. 10. in fin.* „ usitatis ita poterit „ uti, lectissimis ut utatur, is, qui in veteribus erit scriptis studiose et multū volutas”. Neque tamen ea laus magna est, sed in tribus reliquis generibus potissimum cernitur Oratoris elegantia *c. 37*. Verbis *inusitatis* et vetustis Oratori parce utendum, nec tam frequenter, quam poëtae, (qui „ verborum — licentia liberior” est *l. 1. c. 16*.) ut praecipit idem *l. 3. c. 10*: „ neque tamen erit utendum „ verbis iis, quibus iam consuetudo nostra non „ uititur, nisi quando ornandi causa, parce”, et *c. 38*. Significat hoc etiam *l. 1. c. 34*: „ optimis „ verbis uterer, et tamen usitatis”; et *l. 3. c. 52*; ubi

ubi tria hacc genera brevi praecepto complecti-
tur. Interdum tamen gravitatis et ornandi causa
prisco verbo uti licet. vid. l. 3. loca citata. In
quo suo tenenda sunt: ut *loco* ponatur id verbum
(c. 38.) et „, ut consuetudo ferre possit”, ut
ait c. 43. Saepe etiam Orator *nova* verba facit,
qua in re, ut et in verbis propriis diligendis
exercitatione se adiutum esse profitetur Crassus
l. 1. c. 34. Ad utrumque genus respiciens An-
tonius Oratori tribuit „, verborum aut faciendo-
rum aut diligendorum scientiam”. l. 2. c. 9.
Illud autem dupli modo fit „, vel coniungendis
„, verbis — vel — sine coniunctione”, ut
ait Crassus l. 3. c. 38, 43, ubi hac in re par-
cere iubet auribus et consuetudini. *Translata*
verba (sive metaphoras) ex inopia et angustiis
orta, post ad iucunditatem conversa esse docet
c. 38, iisque magnopere delectari homines, c.
40, 41: „, modus autem nullus est florentior
„, in singulis verbis, nec qui plus luminis affe-
rat orationi” (1), c. 43. Triplex autem in
verbis transferendis consilium Oratori proposi-
tum esse debere, ut ea transferat, „, quae aut
„, clá-

(1) Videntur haec ad metaphoras pertinere. neque,
ut putabat Ernesti, inferendum esse quam $\alpha\lambda\lambda\eta\eta\pi\alpha$.
Quod enim sequitur genus, non ex allegoria profluit,
sed est ipsa allegoria.

„ clariorem faciant rem”, aut quibus „ signifi-
 „ catur magis res tota”, aut quae brevitatem
 conficiant. c. 39. Vitare vero iubet primum
 dissimilitudinem c. 40; „ deinde videndum est;
 „ ne longe simile sit ductum”; tum „ fugienda
 „ est omnis turpitudo earum rerum, ad quas
 „ eorum animos, qui audiunt, trahet similitu-
 „ do”; denique ne sit „ aut maius quam res
 „ postulet, aut minus”, postremo ne sit verbum
 translatum angustius, quam fuisse proprium c.
 41, ubi in fine monet saepe duritiae molliendae
 causa praeponendum esse verbum aliquod. Cum
 autem e translationibus continuatis existat alle-
 goria, hanc quoque persequitur (et in ea vita-
 re iubet obscuritatem) c. 41, nec non metony-
 miam, cuius alia genera aliis ornatiore dicit,
 c. 42. Quamquam utrumque proprie pertineat
 ad verborum continuationem c. 41, 42. Deni-
 que tangit catachresin c. 43. init. „ Abuti-
 „ mur saepe etiam verbo non tam eleganter,
 „ quam in transferendo: sed etiamsi licentius,
 „ tamen interdum non impudenter: ut cum
 „ grandem orationem pro magna, minutum ani-
 „ mum pro parvo dicimus”.

Ad verba continua refertur 1º. *collocatio*,
 quam Crassus attingit l. 3 c. 31: „ quemadmo-
 „ dum verba struat”, exponit autem breviter
 c. 43, et in eol esse docet, „ ut neve asper
 „ eo-

„ eorum concursus , neve hiulcus sit , sed
 „ quodammodo coagmentatus et laevis ” . Com-
 mendat eam ib . et „ id astequemini ” , inquit ,
 „ si verba extrema cum sequentibus primis ita
 „ iungetis , ut ne aspere concurrant , neve vas-
 „ tius diducantur ” . Pertinet huc 2º . modus et
 forma sive numerus orationis , cui plurimum
 tribuit Antonius l . 2 . c . 8 : „ quod carmen ar-
 tificiosa verborum conclusione aptius ” ? eaque
 re maxime Oratorem ab imperito dicendi distin-
 gui docet Crassus l . 3 . c . 44 . Hic igitur praę-
 cepta quaedam de ea tradit praesertim ex Aristote-
 liſ ac Peripateticorum doctrina . Itaque iubet
 orationem articulis membrisque distinguere , qui-
 bus si periodus conficiatur , illud cavendum , ne
 membra in extremo breviora sint , neve perio-
 dus infringatur , c . 48 , saepe autem illo ambitu
 abstinentur et „ carpenda membris minutiori-
 bus oratio est ” c . 49 . Moderanda sunt haec
 numeris quibusdam , liberius tamen , quam so-
 lent poëtae , c . 48 . init . 49 ; unde quoque poë-
 ta dicitur l . 1 . c . 16 . „ numeris adstrictior pau-
 lo ” . Illud quidem maxime vitandum est , ne
 versus efficiatur in oratione , c . 44 , 47 . De
 pedibus improbat iambum et trochaeum iisque
 dactylum , anapaestum ac spondeum praeferit .
 In primis autem probat paeonem , qui cum sit
 duplex , posterirem (v v v —) parem fere statuit
 cre-

cretico (-v-), et utrumque clausulis idoneum putat, „ quas vult longa plerumque syllaba terminari”. c. 47. Hanc vero rem hominum opinione faciliorē ostendit. Verba enim mollissimam esse materiam, quae ad arbitrium singi possit, tum naturae necessitate nos iam quodammodo ad modos perduci (c. 45, 46), et in ea re multum adiuvari exercitatione, c. 49. conf. l. i. c. 33: „ tum ipsa collocatio conformatioque verborum perficitur in scribendo, non poëtico, sed quodam oratorio numero et modo”. Neque solum Oratori natura facultatem adhibendi numeri, sed omnibus hominibus notandi iudicandique tribuit: ut nemo sit auditorum, quin, si quid peccatum sit, videat; ut docet c. 50, 51. Horum itaque ratione habita praecepit, ut clausulis maiorem curam ac varietatem adhibeamus, quippe quas acrius nent homines, quam reliqua, c. 50. Insit etiam orationi color quidam, ac per totum corpus diffusae sint hae virtutes, quas Crassus enumerat l. 3. c. 25: „ ut gravis, ut suavis, ut erudita sit, ut liberalis, ut admirabilis, ut polita, ut sensus, ut dolores habeat, quantum opus sit”. E quibus in primis *venustatem* commendat eamque singulis dicendi generibus insidere vult; quae tria statuit: plenum sive copiosum, quod tamen ne nimis tumeat; tenue, quod ne careat vi;

de-

denique mediocre genus, c. 52. Convenit haec generum partitio, quae memoratur etiam c. 45, 55, cum iis, quae exponit Cicero *Orat.* c. 5, 6, 21 — 29. Praeterea verborum sententiarumque figuris oratio distinguenda est cum ad venustatem, tum ad gravitatem atque vim. Vid. Anton. l. 2. c. 9: „ aut si quisquam dicitur, „ nisi Orator, formare orationem, eamque va- „ riare et distinguere quasi quibusdam verborum „ sententiarumque insignibus”; Crassus l. 3. c. 25, 52. *in fine.* Praecipuas harum conformatio- nium hic enumerat c. 53, 54: quarum nonnullae faciles intellectu sunt, ut *illusio*, *reditus ad propositum*, *interpellatio*; alias Ernestus explanat, ut *erroris inductionem ac dissipationem*. Reliquae difficiliores mihi iam illustrandae essent, nisi eas copiose explicari viderem ad Her. l. 4. c. 13—56: quamquam illic aliis interdum no- minibus insigniuntur, et quedam ad *verba* refe- runtur, quas in *sententiis* ponit Cicero. Singu- la vero loca indicemus, ubi earum (certe ple- rarumque) mentio fit. Quam de sententiarum figuris primam appellat Crassus, commoratio il- lustratur ad Her. l. 4. c. 45; „ *explanatio re-* „ *rumque quasi gerantur, sub adspectum paene* „ *subjectio*”, c. 55, ubi *demonstratio* dicitur, *per cursio*, *significatio*, *brevitas* c. 53, 54; *atte- natio* c. 38. *diminutionis* nomine; *rationis ap-* ta

ta conclusio c. 30. in fine; superlatio atque tra-
 iectio c. 33. init.; rogatio atque percunctatio c.
 15. in fine; expositio sententiae c. 16, ubi ra-
 tiocinatio vocatur; dubitatio c. 29; distributio
 c. 35; correctio c. 26; praemunitio et trajectio
 c. 36, 37. licentiae nomine; morum ac vitae
 imitatio c. 50. notationis titulo; personarum
 inductio c. 53, conformatio nis appellatione; de-
 scriptio c. 39; similitudo c. 45 – 49; exemplum
 c. 49; digestio, c. 40, ubi divisio dicitur; con-
 tentio c. 45; reticentia c. 30. praecisionis nomi-
 ne. Verborum lumina sunt illa: geminatio ver-
 borum, quam ille conduplicationem appellat. Et
 illustrat c. 28; eiusdem verbi repetitio et conver-
 sio, quae explicantur c. 13; in eadem verba ini-
 petus, et concursio, et adiunctio, et progres-
 sio, quae c. 14. complexionis nomen habet; dis-
 tinctio et revocatio verbi convenire videtur cum
 traductione ib. quae similiter cadunt vel desinunt,
 inveniuntur c. 20. Denique nonnulla Crassus
 addit insignia, non desiniens, utrum verborum
 sint an sententiarum. Et gradatio quidem il-
 lustratur ad Her. c. 25; conversio fortasse c. 33;
 abusionis nomine; transgressio c. 32; contrarium
 c. 18; dissolutum c. 30. init.; exclamatio c. 15;
 quod de singulis rebus propositis ductum resertur
 ad singula c. 23, 24. subiectionis titulo; per-
 missio c. 29; continuatum c. 19. imago c. 49;
 dis-

disiunctio c. 27; circumscriptio c. 32, ubi vocatur *circuitio*. Vid. etiam *Quinctil. l. 9. c. 1—4*. Nonnullas autem sententiarum figuras ideo commendat et laudat, quia multum valent ad amplificandum, ut *explanationem, veritatis superlationem, personarum fictam inductionem, vocem liberam*. Scilicet amplificatio, quae ponitur et in augendo et in minuendo (*l. 3. c. 27.*) maximum orationis ornamentum Ciceroni visa est. Antonius quidem *eloquenti* suo illud quoque tribuerat, „ut mirabilius et magnificentius auge, „re posset atque ornare, quae vellet” *l. 1. c. 21.* Et Ciceronis menti convenire videtur eiusdem sententia, quamvis ad rem, de qua illic agitur, male traducta, *ib. c. 51*: „Orator „autem omnia haec, quae putantur in com- „muni vitae consuetudine mala ac molesta et „fugienda, multo maiora et acerbiora verbis „facit: itemque ea, quae vulgo expetenda at- „que optabilia videntur, dicendo amplificat „atque ornat”. Hinc etiam coniunguntur „ornando atque augendo” *l. 2. c. 72.* Crassus autem amplificationem de industria persequitur *l. 3. c. 27* *sqq.* eamque desiderari docet et in explanando et in consiliando, praesertim autem in concitando et magis etiam in laudando ac vituperando. Itaque huc referto, quae dicit Antonius *l. 2. c. 9*: „quis laudare bonos ornatius”? Am-

Amplificationi assignantur etiam a Crasso *loci communis*, quorum triplex genus statuit: primum eorum, qui versentur in vitiis et peccatis incusandis; quos non nisi criminibus confirmatis usurpari vult; alterum eorum, qui „ha-
„bent deprecationem aut miserationem”; ter-
tium denique disputationum ancipitum, quarum
rationem et copiam ab Academicis et Peripate-
ticis petere iubet Oratorem. Praecipit autem,
ut isti loci communes, quamquam de universa-
re tractentur, proprii tamen sint illius ipsius cau-
sae, ad quam pertineant. conf. *Orat. c. 36.*
Cum igitur his rebus ornari debeat oratio, mo-
odus tamen aliquis adhibendus est, ne nimia sua-
vitate fastidium nascatur, quod fieri solere sen-
suum exemplo confirmat. Crassus eamque rem
poëtis, histrionibus ac musicis curae esse ostен-
dit *I. 3. 25, 26.*

§ IV.

Quarta virtus, ut apte dicamus.

Quid sit apte dicere, Crassus definit *I. 3. c.*
14: „qui idem” (i. e. orationis ornatum) „ita
„moderantur, ut rerum, ut personarum digni-
„tates ferunt, ii sunt in eo genere laudandi
„laudis, quod ego aptum et congruens nomi-

K

„no”.

„ noⁿ Quamquam enim *unam* fere vim esse eloquentiae docet Antonius *l. 2. c. 82.* idque confirmat Crassus *ib. 3. c. 6:* „ una est eloquentia, „ quascunque in oras disputationis regionesve „ delata est. Nam sive de coeli natura loqui- „ tur, sive de terrae, sive de divina vi, sive de „ humana, sive ex inferiore loco, sive ex ae- „ quo, sive ex superiore, sive ut impellat ho- „ mines; sive ut doceat, sive ut deterreat, sive „ ut concitet, sive ut reflectat, sive ut incen- „ dat, sive ut leniat, sive ad paucos, sive ad „ multos, sive inter alienos, sive cum suis, si- „ ve secum, roris est diducta oratio, non fon- „ tibus; et quocunque ingreditur, eodem est „ instructu ornatique comitata”; eam tamen alibi aliter exserere debet Orator, et omnino rationem habere primum causae, deinde auditorum, tum suae ipsius personae, denique temporis, auctore] Crasso *ib. c. 55.* Omnem autem eius rei moderationem permittit fere Oratoris prudentiae, nec quidquam praecipit, „ nisi ut „ figuram orationis plenioris, et tentioris, et „ item illius mediocris ad id, quod agimus, „ accommodatam diligamus”.

C A P U T Q U A R T U M.

D E M E M O R I A.

Memoriam Oratori utilissimam Cicero censet,
eiusque rei fructum persequitur Antonius l. 2.
c. 87: „ qui sit autem Oratori memoriae fruc-
„ tus, quanta utilitas, quanta vis, quid me at-
„ tinet dicere? tenere quae didiceris in accipi-
„ enda causa, quae ipse cogitaris? omnes fixas
„ esse in animo sententias? omniem descriptum
„ verborum apparatus? ita audire vel eum,
„ unde discas, vel eum, cui respondendum sit,
„ ut illi non infundere in aures tuas orationem,
„ sed in animo videantur inscribere? Itaque so-
„ li, qui memoria vigent, sciunt, quid, et
„ quatenus, et quomodo dicturi sint, quid
„ responderint, quid supersit: iidemque multa
„ ex aliis causis aliquando a se acta, multa ab
„ aliis audita meminerunt”. conf. c. 35. Pluri-
mum quidem in ea valere putat naturam, sed
hanc adiuvari tamen cum simplici exercitatione,
de qua monet Crassus l. 1. c. 34: „ exercenda
„ est etiam memoria ediscendis ad verbum quam
„ plurimis et nostris scriptis et alienis”; tum

vero artificiosa oratione. quam idem haud spernere se significat, Antonius autem valde commendat et exponit *I. 2. c. 86, 87, 88.* Quod artificium cum et in *rebus* et in *verbis* positum sit, *verborum* memoriam Oratori minus necessariam iudicat, *rerum* illam Oratoris propriam *c. 88*, ad quam *loci* potissimum et *simulacra* conducant. Tota huius rei ratio. de qua locus est insignis *ad Her. I. 3. c. 16.* usque ad finem, perquam mirabilis est et abhorret a nostra cogitatione, ut vix mente concipi possit. Multum autem in ea valuisse videtur *imaginatio*, quae dicitur, et universa res (quantum ego investigare potui) sic fere comparata fuisset. Si quis memoriae studiosus esset; *locos* certos sibi animo informabat, ut *v. c. 11*, aedes, intercolumnium, angulum, fornicem (sive illi re vera existerent sive imaginando fingerentur), eosque ordine quodam disponebat. Si quid iam esset, quod vellet memoria condere, eius rei insignem quamdam *imaginem* seu *simulacrum*, quasi in tabula pictum, sibi mente effingebat; quod commodo exemplo illustratur *ad Her. c. 20.* Ea simulacra ponebat in *locis* idque ita, ut quod primum esset e memoria excitandum, in primo collocaret loco, quod secundum, in sequenti, atque ita deinceps. *Locos* autem constanter servabat, *imagines* tamen duntaxat retine-

nebat, donec suo consilio satisfecissent. Dicturus igitur omnes locos percurrebat, et quodnam simulacrum in quoque loco positum esset, videns in eius *rei memoriam* sponte revocabatur. „ Loci enim cerae aut chartae simillimi „ sunt, imagines literis, dispositio et colloca- „ tio imaginum scripturae, pronuntiatio lectio- „ ni": ut dicitur *ib. c. 17*, quam eamdem hac in re similitudinem Antonius usurpat *c. 86. in fine 88.* Iam vero quae Cicero *l. c. de locorum et imaginum ratione praecipit*, convenient ea fere cum *Auctoris ad Herennium sententia* (et inde multum lucis adipiscuntur), nisi quod ille utendum censet locis *illustribus* (quod verbum hic maxime proprio sensu accipiendum), cum *ad Her. c. 19.* moneatur: „ nec nimis illustres — locos haberri oportet, ne — splendore praefulgeant.

C A P U T Q U I N T U M.

D E A C T I O N E.

§ I.

De voce.

Actionem hic non intelligo totum Oratoris munus, qua significatione insolito sane exemplo occurrit *l. 2. c. 7*; sed illam partem, quam in Oratore definiendo memorat Crassus *l. 1. c. 15*: „cum quadam etiam actionis dignitate”. Crassi et ipsius Ciceronis sententiae hac in re congruit Antonius *c. 49*: „eumque esse praeterea „instructum voce et actione — volo”. Quae quam necessaria Ciceroni visa sit, iam inde cognoscitur, quod naturae dotes illuc spectantes tam acriter postulat *l. 1. c. 25, 28. l. 2. c. 20*, iisque si quis excellat, eum tantopere laudat *l. 1. c. 29. l. 2. c. 21, 45. l. 3 c. 8*. Idem autem de industria docet Crassus *l. 3. c. 56*. Magna tribuitur actioni vis in universis causarum contentionebus *l. 2. c. 17*: „accedat oportet actio „va-

„ varia, vehemens, plena animi, plena spiritus,
 „ plena doloris, plena veritatis”; in concilian-
 dis iudicibus c. 43. in fine „ adhibita etiam ac-
 „ tione leni facilitatemque significantib; sin iocis
 c. 71: „ itaque imbiendus est is; iquitatice
 „ vult dicere, quasi natura quadam apta ad haec
 „ genera, et moribus, ut ad cuiusque modi
 „ genus ridiculi vultus etiam accommodetur:
 „ qui quidem quo severior est et tristiōr —
 „ hoc illa, quae dicuntur, falsiora videri so-
 „ lent”. Quid actione efficiendum sit, Crasfus
 docet l. 3. c. 57: „ animi permotio, quae
 „ maxime aut declaranda aut imitanda est ac-
 „ tione”; et c. 59: „ animi est — omnis ac-
 „ tio”. De duabus autem partibus, in quas
 ea dividitur (voce ac gestu), voci priores de-
 fert Antonius l. 1. c. 59, ubi postquam de ges-
 tu dixit: „ quis neget, opus esse Oratori, in
 „ hoc oratorio motu statuque, Rosci gestum
 „ et venustatem”, haec addit: „ quid est Ora-
 tori tam necessarium quam vox” (1) et de
 utroque coniuncte sic iudicat: „ in gestu, qui
 „ multum Oratorem adiuvat, et in voce, quae
 „ una maxime eloquentiam vel commendat, vel
 „ sus-

(1) Discriben inter opus et necessarium cognosci poterit e l. 2. c. 10: „ etiam si opus est, tamen minus est necessarium”.

„ sustinet". Apertius etiam Crassus *I. 3: c. 60:*
 „ ad actionis usum atque laudem maximam sine
 „ dubio partem vox obtinet". Primum igitur
 de voce dicamus. Varia vocum genera pro sin-
 gulis animi motibus homini natura tribuit. Ha-
 rum praecipuae tribus generibus continentur, ut
 sit vox acuta vel gravis; cito vel tarda; magna
 vel parva; in quorum unoquoque mediocris
 quaedam interiecta est. „ Atque etiam illa sunt
 „ ab his delapsa plura genera, lene, asperum;
 „ contractum, diffusum (quod videtur appella-
 re *sq. cap. plenum*) „ continent spiritu, inter-
 „ missio; fractum, scissum; flexo sono attenua-
 „ tum, inflatum", ut docet Crassus *I. 3. c. 57.*
 His igitur generibus Oratorem cum iudicio uti
 iubet, et quodnam vocis genus iracundia, quod
 miseratio ac moeror, quod metus, quod vis,
 quod voluptas, quod denique molestia deside-
 ret, indicat *c. 58.* Maxime vero commendat
 crebram vocis mutationem et varietatem, quip-
 pe quae cum utilissima sit ad vocem servandam,
 cui rei magnam operam dandam censet, tum ad
 iucunditatem suavissima *c. 60, 61.*

§ II.

De gestu.

In gestu plurimum valere docet Crassus os
 at-

atque vultum, et in eo primas tribuit oculis c. 59.
 „ in ore sunt omnia. In eo autem ipso domi-
 „ natus est omnis oculorum” et mox: „ in hac
 „ nostra actione secundum vocem vultus valet,
 „ is autem oculis gubernatur”. His enim va-
 rias animi permotiones aptissime exprimi posse
 putat. „ Nam oris”, inquit, „ non est nimi-
 „ um mutanda species, ne aut ad ineptias, aut
 „ ad pravitatem aliquam deferamur”. Et de re-
 liquo gestu sic potissimum praecipit, ut a vitiis
 quibusdam dehortetur, velut a scenico motu et
 laterum inflexione, nec non a digitorum argu-
 tiis, de quibus vid. etiam *Orat. c. 18.* Com-
 mendat autem brachii projectionem et suppli-
 sionem pedis, quam utilem se putare Antonius
 quoque significaverat *i. c. 53. in fine.*

C A P U T S E X T U M.

DE GENERE DELIBERATIVO, LAUDATIVO, ET HISTORIA.

§ I.

De suasionibus.

Oratoris esse in senatu et in concione consilium de republica dare, inter omnes rhetores conveniebat, ne iis quidem exceptis, qui illius munus arctioribus terminis includebant. vid. l. 1. c. 6, 11, 14, 31. l. 2. c. 10. Itaque Cicero vulgari quoque Oratori eas partes assignabat; perfecti vero summam praestantiam in eo positam arbitrabatur, ut supra vidimus. Quod autem praecipiebant rhetores, in hoc genere maxime spectandam esse utilitatem (l. 1. c. 31.), improbat Antonius l. 2. c. 82, ac dignitatis potius rationem habendam esse docet; Oratores autem interdum utilitatem sequi, cum plerumque timerent homines „ea neglecta, ne dignitate quidem posse retineri”. Indicat ibi quas

quas res afferre oporteat et in utilitate et in dignitate defendenda, quae nonnunquam inter se pugnant; et in eo maximum ostendit esse momentum, si quid aut non fieri posse aut necesse esse demonstretur. Ad hoc genus tractandum Oratori necessarium putat, ut cognoverit rem publicam (quod item docuerat Crassus *l. 1. c. 14, 46.*), et ut teneat mores civitatis. Variantum autem censet orationis genus pro vario loco et auditoribus *c. 82. init.* In senatu minorem apparatum adhiberi, ingenique ostentationem vitari vult. „Concio”, inquit, „capit, omnem vim orationis et gravitatem varietatemque desiderat”, quod in fine capitulis fusius etiam explicat. Denique ostendit quatuor causas, unde adversa acclamatio populi oritur, cotidemque medicinas, quibus ei malo occurri potest *c. 83.*

§ II.

De laudationibus.

Laudationes ac vituperationes ad Oratorem pertinere putabat Cicero, ut patet *e l. 2. c. 9.* „quis vituperare improbos asperius, quis laudare bonos ornatus — potest?” et *c. 24:* „sive ex persona, ut laudis”. Utrum autem ea-

earum genus aliquod constituendum et separatis
praeceptis instruendum esset (quod nonnulli
rhetores fecerant, *l. 1. c. 31. l. 2. c. 10.*), id
ei minus constabat. Antonius quidem *l. 2. c.
10, 11, 12.* Catulo persuadet eas ab institutio-
ne sua segregandas esse, ubi tamen quasi obiter
nonnulla de iis praecipit. Idem contra *c. 15.*
concedit: „ addat, si quis volet, etiam lauda-
tiones”, easque data opera persequitur *c. 84,*
85. Duplicem laudi materiem subiicit, alteram
positam in fortunae donis, quae „ sunt generis
pecuniae, propinquorum, amicorum, opum,
valetudinis, formae, virium, ingenii, cete-
rarumque rerum, quae sunt aut corporis aut
extraneae”, ut ait *c. 11.* quae *c. 84.* sic de-
scribit: „ genus, forma, vires, opes, divitiae,
ceteraque quae fortuna det aut extrinsecus,
aut corpori”. Haec tamen non propter se
laudantur, sed propter virtutem, quae in iis
vel bene utendo, vel sapienter carendo, vel
eorum amissionem moderate ferendo eluxerit.
Vid. *c. 11.* et de his postremis etiam *c. 85:*
„ magna etiam illa laus et admirabilis videri so-
let, tulisse casus sapienter adversos, non
fractum esse fortuna, retinuisse in rebus as-
peris dignitatem”. Alterum quod laudetur,
est ipsa virtus, quae cum plures habeat partes,
eas virtutes laudationi aptissimas putat, „ quae
vi-

„ videntur in moribus hominum et quadam co-
 „ mitate ac beneficital positaे”, quippe iu-
 cundissimas auditu. Neque tamē reliquas; ut
 sapientiam, animi magnitudinem, ingenii vim
 et eloquentiam, quamquam minus iucunditatis
 habeant, praetermitti vult. *c. 84.* Iubet autem
 in singulis virtutibus laudandis ea facta commen-
 morari, quae illuc proprie pertineant, et maxime
 talia, quae vel sine praemio, vel etiam cum
 labore et periculo suscepta sint: honores quo-
 que, virtutis praemia et res gestas aut homi-
 num aut deorum iudiciis comprobatas, nec non
 comparationem cum ceteris praestantibus viris
 huc adhiberi utile arbitratur. *c. 85.* Ex iisdem
 autem locis homines vituperari posse dōcet *ib.*
c. 11. 10 De dicendi vero genere, quo hinc
 utendum sit, nihil praecipit, sed „ ex his”,
 inquit, „ fontibus, unde omnia ornata dicendi
 „ praecpta sumuntur, vlicebit etiam laudatio
 „ nem ornare”. *c. 11. 7* Nam amplificationem
 hoc in genere plurimum posse, iam supra cog-
 novimus. *ibid.*

§ III.


De historia.


Historiam quoque ad Oratoris munus referen-
 dam Ciceroni visum esse, non tantum ex aliis
 ope-

operibus constat, ut e. *Brut.* c. 64. et *Leg.* l. t.
c. 2; verum etiam his in libris ab Antonio do-
cetur, veluti l. 2. c. 9: „historia vero testis
temporum — nuntia vetustatis qua' vocē alia,
„nisi Oratoris, immortalitati commendatur?“
Quod inde probat, quod orationem formare et
expolire unius Oratoris proprium sit. Idem c.
22. in *Oratorum Graecorum enumeratio*ne Thu-
cydidem memorat; praesertim autem hanc rem
explicat c. 12. sqq. ubi ostendit historicos Ro-
manos ideo minorem dicendi ornatum afferre,
quia eloquentissimi homines eam tem neglexis-
sent; si vero bene tractetur, historiam ad Ora-
torem omnino pertinere. Itaque c. 15. haec
ait: „videtisne, quantum munus sit Oratoris
„historia? haud scio, an flumine orationis et
„varietate maximum“. conf. *Quintil.* l. 2. c.
18, ubi hoc opus in parte oratoria merito se-
ponere profitetur. Universas historiac leges fa-
ciles omnibusque notas putat; ipsam autem ae-
dificationem ponit in rebus et verbis, quorum
utramque breviter instruit c. 15. Orationis qui-
dem genus abesse iubet a forensi asperitate, et
lenem potius aequabilemque tractum adhiberi,
quem in Xenophonte laudat c. 14.

„Honos alit artes omnesque incenduntur ad
„studia gloria“.

Cic. *Tusc.* l. 1. c. 2.





100
101
102
103
104
105
106
107
108
109
110
111
112
113
114
115
116
117
118
119
120
121
122
123
124
125
126
127
128
129
130
131
132
133
134
135
136
137
138
139
140
141
142
143
144
145
146
147
148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200
201
202
203
204
205
206
207
208
209
210
211
212
213
214
215
216
217
218
219
220
221
222
223
224
225
226
227
228
229
230
231
232
233
234
235
236
237
238
239
240
241
242
243
244
245
246
247
248
249
250
251
252
253
254
255
256
257
258
259
260
261
262
263
264
265
266
267
268
269
270
271
272
273
274
275
276
277
278
279
280
281
282
283
284
285
286
287
288
289
290
291
292
293
294
295
296
297
298
299
300
301
302
303
304
305
306
307
308
309
310
311
312
313
314
315
316
317
318
319
320
321
322
323
324
325
326
327
328
329
330
331
332
333
334
335
336
337
338
339
340
341
342
343
344
345
346
347
348
349
350
351
352
353
354
355
356
357
358
359
360
361
362
363
364
365
366
367
368
369
370
371
372
373
374
375
376
377
378
379
380
381
382
383
384
385
386
387
388
389
390
391
392
393
394
395
396
397
398
399
400
401
402
403
404
405
406
407
408
409
410
411
412
413
414
415
416
417
418
419
420
421
422
423
424
425
426
427
428
429
430
431
432
433
434
435
436
437
438
439
440
441
442
443
444
445
446
447
448
449
450
451
452
453
454
455
456
457
458
459
460
461
462
463
464
465
466
467
468
469
470
471
472
473
474
475
476
477
478
479
480
481
482
483
484
485
486
487
488
489
490
491
492
493
494
495
496
497
498
499
500
501
502
503
504
505
506
507
508
509
510
511
512
513
514
515
516
517
518
519
520
521
522
523
524
525
526
527
528
529
530
531
532
533
534
535
536
537
538
539
540
541
542
543
544
545
546
547
548
549
550
551
552
553
554
555
556
557
558
559
559
560
561
562
563
564
565
566
567
568
569
569
570
571
572
573
574
575
576
577
578
579
579
580
581
582
583
584
585
586
587
588
589
589
590
591
592
593
594
595
596
597
598
599
599
600
601
602
603
604
605
606
607
608
609
609
610
611
612
613
614
615
616
617
618
619
619
620
621
622
623
624
625
626
627
628
629
629
630
631
632
633
634
635
636
637
638
639
639
640
641
642
643
644
645
646
647
648
649
649
650
651
652
653
654
655
656
657
658
659
659
660
661
662
663
664
665
666
667
668
669
669
670
671
672
673
674
675
676
677
678
679
679
680
681
682
683
684
685
686
687
688
689
689
690
691
692
693
694
695
696
697
698
699
699
700
701
702
703
704
705
706
707
708
709
709
710
711
712
713
714
715
716
717
718
719
719
720
721
722
723
724
725
726
727
728
729
729
730
731
732
733
734
735
736
737
738
739
739
740
741
742
743
744
745
746
747
748
749
749
750
751
752
753
754
755
756
757
758
759
759
760
761
762
763
764
765
766
767
768
769
769
770
771
772
773
774
775
776
777
778
779
779
780
781
782
783
784
785
786
787
788
789
789
790
791
792
793
794
795
796
797
798
799
799
800
801
802
803
804
805
806
807
808
809
809
810
811
812
813
814
815
816
817
818
819
819
820
821
822
823
824
825
826
827
828
829
829
830
831
832
833
834
835
836
837
838
839
839
840
841
842
843
844
845
846
847
848
849
849
850
851
852
853
854
855
856
857
858
859
859
860
861
862
863
864
865
866
867
868
869
869
870
871
872
873
874
875
876
877
878
879
879
880
881
882
883
884
885
886
887
888
889
889
890
891
892
893
894
895
896
897
898
899
899
900
901
902
903
904
905
906
907
908
909
909
910
911
912
913
914
915
916
917
918
919
919
920
921
922
923
924
925
926
927
928
929
929
930
931
932
933
934
935
936
937
938
939
939
940
941
942
943
944
945
946
947
948
949
949
950
951
952
953
954
955
956
957
958
959
959
960
961
962
963
964
965
966
967
968
969
969
970
971
972
973
974
975
976
977
978
979
979
980
981
982
983
984
985
986
987
988
989
989
990
991
992
993
994
995
996
997
998
999
1000

IOHANNIS RUDOLPHI THORBECKE,
ZWOLLA-BATAVI,
PHILOS. THEOR. ET LITER. HUMAN. CAN-
CIDIATI ET IN ACADEMIA LUGDUNO-
BATAVA STUDIOSI,

COMMENTATIO

A D

QUAESTIONEM LITERARIAM

AB ORDINE

PHILOSOPHIAE THEORETICAE ET
LITERARUM HUMANIORUM
PROPOSITAM:

„Ex iis quae in libris Ciceronis de Oratore
a Crasso, Antonio, Caesare, aliis, de Elo-
quentia disputantur, ipsius efficiatur Cicero-
nis de perfecto Oratore sententia”.

QUAE SECUNDOS HONORES TULIT.

IN VENIENTIA RUMINANTIA

ANNAE 1590
M. T. CICERO
CENSOR ROMANUS
PRO PRAETORIO

CITATIONES

9. A.

Qui verae eloquentiae dat operam, dat prudentiae.

Cicero.

P R A E F A N D A.

D E Q U A E S T I O N I S S E N S U , L I M I T I B U S , T R A C T A N D A E R A T I O N E .

Vires meas periclitaturus in tractanda quaestione ab Ordine Cl. Philosophiae Theoreticae et Literarum Humaniorum proposita, paucis praemissis, exponendum duxi, cum de sensu et limitibus, quibus quaestio mihi concineri videbatur, tum de instituendi responsi ratione, quam, qua sum virium tenuitate, spero probaturum me esse Iudicibus meis, Viris Cl.

Quaestio exigit, ut

Ex iis, quae in libris Ciceronis de Oratore & Crasso, Antonio, Caesare, aliis, de eloquentia disputantur, ipsius efficiatur Ciceronis de perfecto Oratore sententia.

Igitur describendus est *perfectus Orator* ex mente Ciceronis: cuius descriptionis instruendae et hauriendae princeps fons sit dialogus *de Oratore*; in quo Auctor alias personas varia ratione, et in utramque partem de perfecto Oratore disputantes induxit, se ipsum non induxit.

Verum, cum de aliis partibus et locis in Libris *de Oratore* nec disputetur, nec sententiarum varietas inferatur; de aliis vero disputantes in diversas abeant partes, contraria oratione se invicem refellentes; videtur mens propositae quaestio[n]nis spectare modo partem posteriorem.

De quibus enim disputationis partibus inter omnes constat, de iis ambigi nullo modo potest, quaenam sit Ciceronis sententia: non opus est, ut efficiatur, sed plana est, et patet omnibus.

At vero de iis locis, quae sententiarum discrepantia tentantur, ut constituatur et exponatur Ciceronis sententia, Ordinem voluisse putavi. Ita nulla controversia potest esse sententiae Ciceronianae, in praceptis artis Rhetoricae, quibus instruitur dicendi facultas, quaeque omnium communia et contrita praecpta vocat Crassus (*de Orat.* I: 31.): nam ubi de iis ab una aut altera persona in Libris *de Oratore* exponitur, nullam non modo videmus sententiarum discrepantiam, sed praeterea rem ita

Ita comparatam esse intelligimus, ut haec artis praecepta, quaecumque sit ceterum de summo Oratore contentio, ab omnibus Oratori, quibuscumque terminis inclusa, concedantur: quippe quae pertineant ad dicendi facultatem, quae, omnibus fatentibus, Oratoris unice est propria. Et universe hoc est tenendum, quando sermo erit de personarum in Libris *de Oratore* diversis sententiis, veluti de sententia Antonii, tamquam opposita Iudicio Crassi, hoc intelligendum esse de iis harum sententiarum partibus, quibus dissentunt disputantes: nam ceteroquin pluribus in locis, quae omnis fere sententiarum varietatis est ratio, habet v. g. Crassus assentem sibi Antonium: sed eatenus non sunt duae sententiae, sed una. Ita si dicendum aliquando fuerit, Ciceronem non Antonii, sed Crassi partes secutum fuisse; non dicimus, Tullium ab omni se Antonii sententia seiuxisse, sed iis disputationis regionibus, quibus ambo discrepabant, ibi deditum fuisse sententiae Crassi.

Igitur hoc est huius institutae scriptionis, ut capitibus et momentis dissensionis disputantium de perfecto Oratore, indagatis, et accurate constitutis, de his, longe gravissima lite, efficiatur et explicetur Ciceronis sententia.

Itaque non tantum argumentum Librorum

de

de Oratore explicandum erat, sed diligentius eruenda haec disputationis capita et fontes: quorum ratio cum arte cohaeret, cum scriptionis *de Oratore* consilio, forma, personarum disputantium natura, indole, historia, de his omnibus quaedam erant praemittenda. In quibus tamen accuratius quodammodo versandum erat, ut ratio fontis, unde flueret omnis ad Quaestio- nem propositam responsio, rite cognosceretur, ac teneretur. Haec igitur Cap. I. continentur.

Inventa autem sententiarum varietate, inter quas circumspiciendum sit de sententia Ciceronis; huius eligendae et constituendae fontes ac rationes investigandi sunt. Horum autem classem unam, digito quasi indicabat ipsa Quaestio; ex qua ductis argumentis idcirco primum locum assignavi.

Unde cum, si velis, fatis iam constaret de Ciceronis sententia, non alienum tamen a Quaestionis sensu esse duxi, ut si qui alii essent fontes derivandae Tullii sententiae, ii deinceps adhiberentur: praesertim si horum fontium ea esset ratio, quae Oratorem Ciceronianum imprimis illustraret, atque eius informationem adjuvaret et perficeret. — Itaque Cap. II. feci, de fontibus et rationibus efficiendae Ciceronis de summo Oratore sententiae.

Denique Cap. III. describendus erat Orator

ex Ciceronis mente, plenus ille et perfectus, et summus: qui eo plenior et perfectior cogitatione informandus erit, quo minus digne, et pro ea imprimis rei amplitudine, eum, quae est iudicij mei nondum subacti exiguitas, despingere potuit. At cum in Cap. II. de multis partibus summi Oratoris iam exponendum fuisse, ea repetere nolui in Cap. III., quo proprie pertinebant: haec igitur arcessenda et revocanda sunt ad Caput ultimum, a quo divellere ea congebar, ubicumque in eo brevior eram in iis explicandis, quorum iam antea mentio facienda erat.

Ultimo loco monendum mihi est, de ratione tractationis, me religioni mihi duxisse, ubi ipsis Ciceronis verbis aut rem explicandam, aut ipsius sententiam melius possem exprimere, ibi sententiis eius, in quibus perpetuo versabar, sua verba detrahere, easque ingenio meo committere vestiendas et explicandas. Itaque hoc a me Ciceroni tribuendum esse censebam, ut, ubicunque sententias eius laudarem, aut adhiberem, ibi eum quoque, optime eas pronuntiantem, inducerem. Et praeterea, ubi videbam, unum Ciceronis locum ex alio satis illustrari et exponi, ibi mea explicatione nihil opus esse intelligebam, sed Ciceronem malui exponere ex Cicerone. Quia in re eam viam ineundam

es-

esie opinatus sum, non ut singulis locis anxie collectis, et secum invicem comparatis, ex iis efficerem Ciceronis sententiam, quae non uno, alterove loco conclusa est, sed per omnem Tullianorum scriptorum varietatem regnat et dispersa est; verum id mihi faciendum, certe annitendum, ratus sum, ut totam Ciceronianæ sententiacæ magnitudinem comprehendam, haurirem et instituerem ex illa universa mente, quae in omnibus eius scriptis spirat; unde, tamquam a capite et fonte, cetera dimanarunt omnia, et in varios rivulos diducta sunt.

Ad quam ipsam Ciceronis mentem assequendam, cum mirifice me adiuvari posse viderem, et instrui a Quintiliano; memor iudicii Valliae, „ neminem posse, neque Quintilianum „ intelligere, nisi Ciceronem optime teneat, „ neque Ciceronem probe sequi, nisi Quintiliano pareat”, saepius Ciceronis sententiam ex Quintiliano explanare tentavi.

Quibus monitis nihil addendum habeo, nisi illud, quod etiam atque etiam sibi persuasum velim habeant speciminis legendi initium facturi, se habere auctorem, quanto distet intervallo ab ingenii probabili quadam et doctrinae mediocritate, probe sibi conscientem.

C A P U T P R I M U M.

DE CONSILIO, FORMA, PERSONIS, ARGUMENTO,
CONSTITUTIONE LIBRORUM CICERONIS DE
ORATORE.

§ I.

*De consilio conscribendorum Librorum
de Oratore.*

Rogaverat M. Ciceronem frater, ut ad se aliquid conscriberet de omni ratione dicendi; praesertim cum in disputationibus Quintus a fratre soleret dissentire de eloquentiae forma, ratione, munere. Huiç igitur fratris voluntati do-

decesserit nolens Marcus, ipse otium suum, quod Coss. Cn. Pompeio II. M. Crasso II. (1) ipsi relictum erat, ad scribendum libenter conferens (2), de proposita quaestione uberioris exponit; et eam simul operi formam conciliat, ut quid viri omnium eloquentissimi clarissimique senserint de omni ratione dicendi, cognoscatur; et simul ex aliis personis fingere videatur disputationem se inter et fratrem: quod postremum deinde magis etiam constabit (3). Conscripsit autem Cicero, ut diximus, libros *de Oratore*, Coss. Cn. Pompeio II. M. Crasso II, anno altero post revocationem suam ab exilio, cum a Clodio et triumviris resp. ita misceretur, ut Tullius nec antiquam consiliorum suorum rationem amplius sequi, nec aliam constanter fatis, et cum recip. salute ingredi posset. Itaque omne tempus, quod aut resp., quam tuebatur tamen, quantum poterat, aut causae amicorum, quibus sedulo adfuit, aut sua dignitas, quam fraus inimicorum maxime la-

(1) Vid. Middleton, *Leven van Cicero*, vertaald door Zillesen, Deel II. p. 97. F. Fabricius Marcoduranus, *Hist. Cic. per annos descripta* ad a. U. C. 698.

(2) Vid. *de Orat.* I. 1.

(3) Vid. *de Orat.* I. 2.

labefactare conabatur, ipsi relinquebant, omne illud tempus libentissime in literato egit otio, quo a turbis rerum civilium se reficeret. Unde satetur Lentulo (1), promittens, se illi missorum *de Oratore* libros, „ ab orationibus di- „ iungo me fere referoque ad mansuetiores Mu- „ fas": quippe horum temporum otium non- dum illud fuit, quo, rerum summa uni delata, Cicero, a rep. plane remotus, literas et philosophiam imprimis, pro reip. administratione sibi substitutam esse poterat arbitrari (2); et totas philosophicas quaestiones scribendo explicare. Ab hoc mansuetissimo studiorum genere nimis adhuc abhorrebat hoc otium, cui libros *de Oratore* debemus; agitatum illud et interruptum turbis civilibus, aut causis forensibus; quod igitur aptius fuit perficiendo operi, coniuncto et cum reip. procuratione, quam tueri Cicero conabatur, et cum eloquentia, qua quotidie fere utebatur, aut in senatu, aut in concione, aut apud iudicem.

Praeterea hoc tempore primum post aetatem juvenilem, animum ad scribendum adiicere potuerat, atque id ipsum, dum in fluctibus rerum civilium continuo adhuc versabatur: quid itaque

ma-

(1) *ad Fam.* I. 9.

(2) *Conf. de Divin.* I. 2.

magis consentaneum, quam quod Cicero, qui a primâ adolescentia omnia ad virum civilem et Oratorem converterat, primum opus suum ederet ex eo genere, quod ad eloquentiam, cui omnia se debere libenter agnoscebat, quam proxime pertineret: quo gratiam quasi ei, de se optime meritae, referret; atque eam instrueret et ornaret, a qua se plurimum esse instructum et adiutum fatebatur? quid adeo ab Oratore Cicerone, cuius eloquentia fere unice in rep. regnabat, potius exspectari poterat, quam ut eloquentiam celebraret? — Igitur testatur (1), se ante, quam ad opera Philosophica animum appulisset, „ orationes, aut aliquid id genus „ solitum fuisse scribere”.

His causis, cur ad opus Oratorii potissimum argumenti conscribendum, hoc tempore se contulerit, accessit imprimis etiam *consilium*, quo libros *de Oratore* perfecit et edidit. Hoc consilium indicat (2), ad fratrem scribens: „ vis — „ ut mihi saepe dixisti, quoniam quae pueris „ aut adolescentulis nobis ex commentariolis „ nostris inchoata ac rudia exciderunt, vix hac „ aetate digna, et hoc usu, quem ex causis — „ tot tantisque consecuti sumus; aliquid iisdem „ de

(1) *ad Att. XIII.* 12.

(2) *de Orat.* I. 2.

„ de rebus politius a nobis, perfectiusque pro-
 „ ferri". Ediderat scilicet adolescens Cicero
 libros Rhetoricos IV. (ex quibus V. V. D. D.
 existimant duos adhuc superesse, illos qui *de*
Inventione inscripti feruntur (1)); hos autem
 Quintilianus (2) refert, Ciceronem dixisse
 adolescenti sibi esse elapsos, quos igitur (3)
 postea improbavit: „ sunt enim (4) velut re-
 „ gestae in hos commentarios, quas adolescens
 „ deduxerat, scholae" (5): itaque (6) pul-
 cherrimos illos *de Oratore* substituens, hos iam
 editos artis Rhetoricae libros, aliis postea scrip-
 tis quasi damnavit (7). His Quintiliani testi-
 moniis satis illustrari videtur et locus laud. (8),
 et consilium Ciceronis operis *de Oratore* eden-
 di. Voluit enim Rhetoricos antea editos, se
 iam non amplius dignos, obruere novae ex co-
 dem genere scriptio[n]is splendore et praestantia,
 quo

(1) Vid. I. o. A 1 b. Fabricii *Bibl. Lat.* a I. o.
 Aug. Ernesti auctius edita, T. I. Lib. I. c. 8.
 § 3. no. 1. et laud. ibi Vossius, *de nat. Rhet.*
c. XIII. p. 340. édit. Amstel. 1697. Opp. Voss. T. III.

(2) I. O. III. 1. p. 150. ed. Gibson. Lond. 1716.

(3) Ibid. c. 5. p. 159.

(4) Ibid. c. 6. p. 170. (5) i. e. disputationes.

(6) Quinct. I. c. p. 171. (7) Ibid.

(8) *de Orat.* I. 2.

quo gloriam eloquentiae suae, quam in rep.,
usu, apud omnes consecutus erat, etiam scrip-
tis non minuisse videretur, sed aequasse, ac
digne tuitus fuisse. Hoc igitur imprimis consi-
lio statuit, primo, quod sibi contingere, otii
tempore, in hoc negotio elaborare, in quo fa-
mam suam summopere agi existimabat: ut vel
maxime patet ex Epistola ad Leptam (1), in
qua, *Oratorem*, inquit, „ meum tantopere a
„ te probari, vehementer gaudeo. Mihi qui-
„ dem sic persuadeo, me, quicquid habuerim
„ iudicii de dicendo, in illum librum contulisse.
„ Qui, si est talis, qualem tibi videri scribis,
„ ego quoque aliquid sum: si aliter, non re-
„ cuso, quin, quantum de illo libro, tantum-
„ dem de mei iudicii fama detrahatur”. Qui-
bus id effecit, ut hos de perfecto Oratore li-
bros, quos iure ipse auctor sibi vehementer es-
se probatos, fatetur (2), et Atticus in coelum
ferebat (3), posteri censuerint in praestantis-
mis scriptis Ciceronianis primum locum merito
obtinere; de quibus adeo Tullius confitetur,
factum esse a se diligenter: atque eos diu
multumque in manibus fuisse (4).

His

(1) *ad Fam.* VI. 18.(2) *ad Att.* XIII. 19. *Conf.* IV. 13.(3) *ad Att.* IV. 15.(4) *ad Att.* IV. 12.

His denique omnibus addendum est, quod
Cicero tradit *de Oratore* II. 2. Cum nempe
flatueret, talem existere eloquentiam non posse,
qualis fuerit in Crasso et Antonio, non cogniti-
tis rebus omnibus, quae ad tantam prudentiam
pertinerent, tantamque dicendi copiam, quanta
in illis fuerit (1); vulgaris autem opinio es-
set, L. Crassum non plus attigisse doctrinae,
quam quantum prima illa puerili institutione po-
tuisset; M. vero Antonium omnino omnis eru-
ditionis expertem atque ignarum fuisse (2):
„feci,” inquit (3), „eo libentius, ut eum
„sermonem, quem illi quondam inter se de
„his rebus habuissent, mandarem literis: vel
„ut illa opinio, quae semper fuisset, tollere-
„tur, alterum non doctissimum, alterum plane
„indoctum fuisse; vel ut ea, quae existima-
„rem a summis Oratoribus de eloquentia divi-
„nitus esse dicta, custodirem literis, si ullo-
„modo assequi, complectique potuissem; vel
„mehercule etiam, ut laudem eorum iam pro-
„pe senescencem, quantum ego possem, ab
„oblivione hominum, atque a silentio vindi-
„carem. Nam si ex scriptis cognosci ipsi suis
„po-

(1) *de Orat.* II. 2.(2) *de Orat.* II. 1.(3) *Ibidem* C. 2.

„ potuissent, minus hoc fortasse mihi esse plus
 „ tamsem laborandum; sed cum alter non multi-
 „ tum (quod quidem existaret) et id ipsum ad-
 „ lescens, alter nihil admodum scripti reliquis-
 „ set; deberi hoc a me tantis hominum inge-
 „ niis putavi, ut cum etiam nunc vivam illo-
 „ rum memoriam teneremus, hanc immortalem
 „ redderem si possem. Quod hoc etiam spe
 „ aggredior maiore ad probandum, quia non
 „ de Ser. Galbae, aut C. Carbonis eloquentia
 „ scribo aliquid, in quo liceat mihi singere, si
 „ quid velim, nullius memoria iam refellente;
 „ sed edo haec iis cognoscenda, qui eos ipsos,
 „ de quibus loquor, saepe audierunt; ut duos
 „ summos viros iis, qui neutrum eorum vide-
 „ rent, eorum, quibus ambo illi Oratores cog-
 „ niti sint, vivorum et praesentium memoria
 „ teste, commendemus".

Huic loco coniuncta est quaestio, an revera
 habita sit haec disputatio, quod affirmante A.
 Mannuccio (1), negante A. Talaeo (2),
 mihi sane verosimile videtur.

Primo hoc mihi iure efficere videor ex ac-
 cu-

(1) In *Argumento libror. de Orat.* in *Cic. Opp. Rhet.* Vol. II. init. Venet. 1583.

(2) In *praefat. explicatiōnis suae de Orat.* ibid. Vol. II. init.

curata temporis habiti dialogi notatione, et coniunctione cum ipsa horum temporum historia, et statu civitatis (1), quod in aliis non eadem ratione factum est. Dein saepius testatur Cicero, se consignasse, quod acceperit, in horum virorum disputatione esse versata (2); eo modo, ut, cum ipse sermoni non interfuisset, sed cui C. Cotta tantummodo locos ac sententias huius disputationis tradidisset, quo in genere orationis utrumque, et Crassum et Antonium, oratorem Cicero cognovisset, id ipsum in eorum sermone adumbrare conatus fuerit (3): comparat. autem hunc dialogum cum libris Platonis, in quibus omnibus fere Socrates exprimitur (4). — Pugnare denique pro hac nostra sententia etiam videtur locus, quem modo adscripsimus (5), ubi se non scribere dicit de Ser. Galbae aut C. Carbonis eloquentia, in quo liceat ipsi fingere, si quid velit, nulla memoria refellente; sed se edere haec iis cognoscenda, qui eos ipsos, quos principes constituerit sermonis, saepe audierint.

Nec

(1) Vid. *de Orat.* I. 7. III. 1. 2.

(2) *de Orat.* I. 6. Conf. c. 2. II. 2. III. 1. 4.

(3) *de Orat.* III. 4. Cf. I. 7. 8. III. 5.

(4) *de Orat.* III. 4.

(5) *de Orat.* II. 2.

Nec tamen hanc sententiam eo modo intellectam velim, quasi haec *de Oratore* disputatio, ita sit habita, ut conscripsit Cicero, non tantum non, quod attinet ad verba, aut singularum sententiarum in sermone rationem, (hoc enim iam refellitur loco cit. *Cic. de Orat.* III. 4.) sed nec etiam quod ad reliquam constitutionem refert; est enim hic mos dialogorum, ut personae inter se loquentes inducantur, quae nunquam inter se locutae sunt, (quae est excusatio Ciceronis, cum ad Varronem Academica mitteret (1)): et in hac ipsa disputatione, Cicero (2) se defendit, quod die disputationis primo, Scaevolam iam removerit; quod certe non convenit dialogo, accurate ad veritatis speciem composito. Igitur hoc tantum tueri volumus, quod et per se minime abhorret a verisimilitudine, et laudata Ciceronis testimonia, coniunctioque dialogi, cum his ipsis, quibus habitus dicitur, reip. Romanae temporibus, nobis persuadere videntur, sermonem esse aliquando habitum quemdam de ratione dicendi, cuius principes fuerint L. Crassus et M. Antonius: quorum disputationes, ab illis locis ductas, quos ipsi tradiderat Cotta, ita ex in-

ge-

(1) *ad Fam.* IX. 8.(2) *ad Att.* IV. 15.

genio Tullius suppleverit et fixerit, ut distinctam personarum expressionem servarent, a quibus fluxerant.

§ II.

De forma Operis.

Forma librorum *de Oratore* est sermonis per dialogum; ita ut sit disputatio inter personas inductas, „quae est consuetudo dialogorum” (1). „Εἰ δὲ διάλογος λόγος ἐξ ἐρωτήσεως καὶ ἀποκρίσεως συγκείμενος περὶ τινος τῶν Φιλοσοφουμένων καὶ πολιτικῶν, μετὰ τῆς πρεπούσης ἡθοποίας των παραλαμβανομένων προσώπων, καὶ τῆς κατὰ τὴν λέξιν κατασκευῆς (2).

Horum dialogorum inventionem et originem (3) alii referunt ad Zenonem Eleatem (4); Aristoteles (5) autem (6), ad Alexamenum Sty-

(1) Iudice Cicerone *in Brut.* c. 60.

(2) describente Diog. Laërt. L. III. p. 215. ed. Stephan. 1593.

(3) auctore Diog. Laërt. l. c.

(4) Conf. W. Tr. Krug, *Gesch. der Phil. alt. Zeit.* § 43. not. b. p. 118. et quos ille citat Auct.

(5) loco, qui exstat apud Athenaeum L. XI. cuius verba laudat Casaubon. ad Diog. l. c.

(6) Ut idem Diog. tradit l. c.

Styrum seu Teium, cui consentiri dicit Phavorinum in Commentariis. Ceterum ex iudicio Diog. Laërt. (1), Plato demum id genus expolivit, antea adhuc rude, et perfecit; quo sensu forte etiam optime cum antecedentibus conciliari possit. aliis locus Phavorini, quem Diogenes (2) statuisse dicit in L. VIII. παντοδαπῆς ἴσοπλας, Platonem primum dialogos induxisse.

Ad dialogi autem formam eligendam, Ciceronem consilium ducere debebat, quo hos libros conscripsit.

Voluit, ut in § 1. diximus, cum fratri tradere, quae viri omnium eloquentissimi clarissimique sensissent de omni ratione dicendi (3): tum etiam disputationem se inter et fratrem, eius rei, de qua dissentiebant, sed ad alias personas translatam, efformare (4): denique Antonii et Crassi memoriam tueri: sententias et dicta custodire literis: laudem ab oblivione vindicandi.

(1) I. c. et vid. imprimis D. Wyttēn b. v. ce. in Epist. ad v. ce. Ph. G. van Heusde, praemissa huius Specimini Critico in Platonem p. XL. sqq.

(2) L. III. p. 201. conf. Krug, I. c. § 75. not. b. pag. 204.

(3) *de Orat.* I. 2. (4) *de Orat.* ibid.

dicare (1). Quibus omnibus maxime consente
tanea erat forma dialogi: praecipue cum tradat
Cicero (2), hanc, quam literis consignavit,
de summo Oratore disputationem, revera quon-
dam a Crasso et Antonio fuisse habitam; quam
ex locis a Cotta sibi traditis, adumbraverit (3).
Qua ratione igitur revera disputatio habita es-
set, eam maxime sequi Cicero debebat in con-
scribendo.

Describit Tullius formam, cuius sequendae
causas explicuimus, in epist. ad Lentulum (4):
„ scripsi — Aristotelico more, quemadmodum
„ quidem volui, tres libros in disputatione ac
„ dialogo *de Oratore*, quos arbitror Lentulo
„ tuo fore non inutiles;” et ad Atticum (5)
mentione huius operis *de Oratore* facta: „ quae —
„ his temporibus, inquit, scripsi, Ἀριστοτέλειον
„ morem habent: in quo sermo ita inducitur
„ ceterorum, ut penes ipsum sit principatus” (6).
Ita non tantum Cicero Aristotelium morem ser-
vavit in dialogis: sed etiam testatur (7), se in
singulis libris uti *proöemiis* (8), „ ut Aristote-

(1) *de Orat.* II. 2. (2) *de Orat.* I. 2. 6. III. 4.

(3) *de Orat.* III: 4. (4) *ad Fam.* I. 9.

(5) XIII. 9. (6) vid. tamen Wyttensb. v. ce.
in Epist. laud. p. L. sqq. (7) *ad Att.* IV. 15.

(8) De quibus conf. Middlet. *leven van Cic.*
vertaald door Zilleßen, D. III. p. 68, 69. not. 1.

teles in iis, quos ἐξωτερικοὺς vocat". Igitur cum ex Aristotelicorum scriptorum ratione esset diiudicandum, quomodo eam Cicero servarit, tulit fati iniquitas, ut contra, mos Aristotelicus ex imitatione Ciceroniana cognoscendus sit. Nam dialogos Aristotelicos (1) superstites habemus nullos, quod eo magis dolendum, quia διαλόγικα haec scripta perdita, ipsa eadem esse videntur quae ἐξωτερικαὶ vocat, ut appareat ex l. c. (2) tum imprimis ex Ammonio Hermea (3), qui diserte pronuntiat, Aristotelis libros exotericos forma fuisse διαλογικούς, exotericos vero seu acroamaticos αὐτοπροσωπούς, sive ex sua ipsius persona disputationes. Unde igitur efficiendum esset, nobis ex operibus Aristotelis omnes libros esotericos, nullos exotericos esse reliquos: cum contraria fors Platonis scriptis contigisset (4). Nam etiam si

no-

(1) quos tamen eum scripsisse, intelligitur cum ex ll. citr. tum ex iis, quos laudat W. Tr. Krug, *Gesch. der Phil. alt. Zeit.* § 83. not. b. p. 237.

(2) *ad Att. IV. 15.*

(3) *ad Aristot. Categ.* fol. 2. postrem.

(4) Vid. omnino Krug, l. c. et Auct. ibi laud. quibus addatur Sam. Rachelius *Introd. in Philos. Mor. Aristot.* praefixa eius editioni *Ethic: Aristot. ad Nicomachum*, Helmaestad. 1670. c. X. p. 94 seqq. et Wyttensb. v. ce. in *Epist. laud.* p. XLVII. XLVIII. et in *Praecept. Phil. Log.* p. III. c. I. § 9.

nobis deficiant opera Aristotelica eius formae, quam Cicero sibi proposuerat, in eam tamen incidentur scripta Platonis, quorum exemplo Cicero se defendit (1), cum Atticus ipsi obiecisset, in dialogo *de Oratore* Scaevolam post primam disputationis diem, non recte esse dimotum.

Ceterum necesse non arbitror ipsam hanc dialogae disputationis rationem describere: nota est omnibus, per se intelligitur, et optime ex ipsis disputationibus perspicitur.

§ III.

De dialogi personis.

Pauca quaedam mihi visa sunt esse praemittenda, ex quibus personarum, inter quas dialogus *de Oratore* habetur, historica aliqua notitia comparetur. Nam qua ratione singulae cum disputationis capite coniunctae sint, id commodius infra dicetur.

Uti eloquentiae aevo suo, ita et huius disputationis princeps est L. Licinius Crassus (2):

(1) *ad Att.* IV. 15.

(2) Non Marcus, ut male nominatur apud Auct. *Dial. de Orat.* c. 35. conf. Gell. XV. 11. nec con-

natus a. U. C. 614, cum 34 annos Ciceroni aetate praefstaret (1), qui natus est a. U. C. 647. A puero summo studio, summis doctribus, omnem doctrinam, et dicendi rationem didicit (2). Affinis fuit C. Marii (3). Nono decimo aetatis anno (4) insecurus est C. Carbonem, qua occasione praeclarum dedit iustitiae exemplum, quod ab oblivione vindicavit Valerius Maximus (5): et vigesimo septimo defendit Liciniam virginem Vestalem, qua in causa eloquentissimus fuit (6). Aedilitate cum collega Scaevola magniscentissima functus est (7). Consul fuit a. U. C. 658 cum Q. Mucio Scaevola (8).

Auc.

Confundendus cum P. Licinio Crasso Muciano, quod aliquoties factum est vid. Bachius, *Hist. Iurispr. Rom.* L. II. c. II. Sect. IV, § 34.

(1) *in Brut. c. 43.* (2) *de Orat. II. 89.*

(3) Vid. *de Orat. I. 15. pro L. Corn. Balbo*, c. 21. Stemma gentis Liciniae, vid. apud Ruperti, *Tab. Geneal. Gent. Rom.* Götting. 1794. p. 110 seqq. et nostrum Oratorem p. 113.

(4) referente *Auct. Dial. de Orat. c. 34.* conf. Cic. *in Brut. c. 43.* L. III. *Act. in Verrem. c. 1. de Off. II. 13. 14. ad Fam. IX. 21.* Val. Max. III. 7. ex. 10. conf. *de Orat. I. 10. 34.*

(5) VI. 5. ex. 6. (6) Cic. *in Brut. c. 43.*

(7) *de Off. II. 16.*

(8) *in Brut. ibid.* Val. Max. VIII. 15, ex. 6. conf. F. Fabric. *Hist. Cic.* ad a. U. C. 658.

Auctores fuerunt hi Cosl., quos Cicero (1) vocat, *omnium*, quos viderit, *sapientissimos*, legis Liciniae Muciae; cum Crasso soli sit tribuenda lex Licinia, eodem anno lata (2). Ex consulatu Crasso obtigit citerior Gallia; qua in administratione (3), „ spiculis prope „ scrutatus est Alpes, ut, ubi hostis non erat, „ ibi triumphi causam aliquam quaereret”. Ibi igitur latrones quosdam confecit (4), sed triumphi, quem postulavit, impediente collega, repulsam tulit (5). Ceterum vero eam provinciam quam integerrime rexerit: nam C. Carbonem, (cuius patrem actione sua in exilium pepulerat) qui eum ad acta ipsius speculanda eo secutus erat, in tribunal recepit, cumque eo de omnibus rebus communicavit: nec potuit Carbo ullam criminandi Crassi causam reperire (6). Censor (7), quod munus gesit a. U. C. 66o cum Cn. Domitio Ahenobarbo, fus-

(1) Fragm. *Orat. pro Cornel.* I. *de Off.* III.

(2) Vid. Bachius, *Hist. Iurispr. Rom.* L. III. c. II. Sect. I. § 67. edit. VI. et qui ibi laudd. Auct.

(3) Ut Cic. ait. *In Pison.* c. 26.

(4) Cic. *de Invent.* II. 37.

(5) *In Pison.* c. 26.

(6) Vid. Val. Max. III. 7, ex. 10. sed conf. L. III. *Act. in Verr.* c. 1.

(7) *de Orat.* II. 89.

sustulit edicto latinos dicendi magistros (1). Iurgia inter Crassum et collegam in censura, memorant Plinius (2), Valerius Maximus (3), Macrobius (4), imo orationem contra collegam censurem habitam Antonius (5). Homo enim fuit L. Crassus lauto et opiparo vitae cultu (6): et universe elegantissimus, hilaris, „praeiens ingenio semper, et faceto lepore solers” (7). Lateris dolore periit a. U. C. 662, postquam aliquot dies ante, auctoritatem Senatus fortissime et vehementissime contra impugnantem Cos. Philippum vindicaset; quod Cicero magnifice et Oratorio plane modo describit (8). Hominem *clarissimum* atque eloquen-

(1) ut ipse refert *de Orat.* III. 24. conf. Suet. *de cl. Rhet.* c. 1. Gell. XV.ii. Auct. *Dial. de Orat.* c. 35.

(2) H. N. XVII. 1. (3) IX. 12. ex. 4.

(4) *Saturn.* II. 11.

(5) *de Orat.* II. 11. conf. *In Brut.* c. 44.

(6) Conf. Plin. H. N. IX. 52. XXXI. 2. XXXIII. 11. XXXIV. 3. XXXVI. 3.

(7) Plin. XVII. 1. conf. Cic. *in Brut.* c. 40. 38. *de Off.* I. 30. 37. *de Orat.* II. 54 sqq.

(8) *de Orat.* III. 1. 2. 3. 4. conf. I. 7. Quint. I. O. XI. 1. p. 615. Val. Max. VI. 2. ex. 2. F. Fabric. *in Hist. Cic.* ad a, U. C. 662.

quentissimum eum appellat Cicero (1), sapientissimum Romanae civitatis (2); Oratorem in primis nominis Romani Plinius (3); summae dignitatis et eloquentiae virum Valerius Maximus (4), quem dicit (5) iudicum suffragia robustissimis et felicissimis eloquentiae stipendiis rexisse, forique fuisse principem, ut Aem. Scaurus curiae (6); et quae aliae laudes continentur II. citt. (7) Crassi variae memorantur causae et orationes (8). Notatur a Cicerone (9). Crassi inconstantia, ex habita temporum ratione profecta, cum in oratione legis Serviliae summis

(1) L. III. *Act. in Verr.* c. 1.

(2) *In Pison.* c. 26. *conf. pro Client.* c. 51.

(3) H. N. XVII. 1. *conf. Vellei. Pat.* II. 9. § 1.

(4) VI. 2. ex. 2. (5) *Idem VIII.* 5. ex. 3.

(6) *Conf. Cic. pro L. Corn. Balbo,* c. 1. 21.

(7) *Conf. etiam in Brut.* c. 36 seqq. c. 87. *de Orat.* II. 1. 2. I. 52. et passim. *Quinct. I. O. XI.* 3. p. 637. 353. Quodnam dicendi genus secutus fuerit, diiudicat *Quinct. XII.* 10. p. 703.

(8) *de Orat.* I. 56. II. 6. 32. 40. 54. 55. 56. 67. *de Off.* II. 18. III. 16. *pro Domo* c. 19. *in Brut.* II. citt. *Val. Max. IX.* 1. ex 1. *Testimonium vehementissimum adv. Marcellum Val. Max.* VIII. 5. ex. 3. *Cic. pro Fontei.* c. 7. 8.

(9) *pro Client.* c. 51.

mis ornasset senatum laudibus (1); at eius rursus auctoritati, quantum posset, detraxisset, L. Plancium, quem accusabat M. Brutus, defendens (2).

Secundum in libris *de Oratore* locum occupat M. Antonius, natus a. U. C. 610. siquidem triennio integro, sive quadriennio minus pleno (3), maior fuit Crasso, cuius annum natalem diximus esse 614. U. C. Avus fuit Triumviri (4), cuius pater Cretici nomen adeptus est (5). Quaestor in Asiam proficiscens, incesti postulatus, sed absolutus est; qua in res singularem fidem et constantiam servi sui est expertus (6). Consul fuit a. U. C. 654. cum A.

(1) *in Brut.* c. 43. 44.

(2) *de Orat.* II. 55.

(3) Qua ratione diversam computationem locorum *in Brut.* c. 43. et *de Orat.* II. 87. recte conciliavit Corradus ad 1. *Brut.* cit.

(4) Plutarch. *in Antonio* init.

(5) Plutarch. ibid. vid. porro Florus III. 7. et quos ibi laudant. V. V. D. D. Hunc etiam memoravit Cicero L. II. *Act. in Verr.* c. 3. et L. III. c. 91. conf. Vell. II. 3. § 3. 4. et quae ibi notarunt V. V. D. D. — Stemma gentis Antoniae dedit G. A. Rupert. *in lib. cit.* p. 25.

(6) Vid. Val. Max. L. III. c. 7. ex. 9. L. VI. c. 8. ex. 1.

A. Postumio Albino (1): et Censor a. U. C. 656. cum L. Valerio Flacco (2), in quo munere ambitus reus factus est (3). Proconsul autem Ciliciam administravit (4). Interfectus est, cum Marius a Cinna Romam revocatus, totam urbem caede et sanguine repleret (5) a. U. C. 666, sive iusu Marii (6), sive Cinnae (7), sive utriusque (8). „ Misfi au- „ tem (9) a saevissimis ducibus milites ad M. „ Antonium obtruncandum, sermone eius ob- „ stupefacti, destrictos iam et vibrantes gladios „ cruento vacuos, vaginis reddiderunt. Quibus „ digressis, P. Annus (is enim solus in ambi- „ tu expers Antonianae vocis steterat) crudele „ ini-

(1) Cic. post red. ad Quir. c. 5. conf. F. Fabric. Hist. Cic. ad a. U. C. 654.

(2) de Orat. II. 89. III. 3. Val. Max. II. 9. ex. 5.

(3) de Orat. II. 68.

(4) de Orat. I. 13. II. 1. Brut. c. 45. quamvis aliter locum primum interpretetur F. Fabric. Hist. Cic. ad a. U. C. 651.

(5) Vid. Livius Epit. LXXX.

(6) Ut asseverat Plutarch. in Mario, p. 431. ed. Francof. I. D. in Antonio init.

(7) quae est sententia Ciceronis Tusc. Q. V. 29.

(8) quod tradit Vellei. Pat. II. 22. § 3.

(9) verba sunt Valerii Max. VIII. 9. § 2.

„ imperium truculento ministerio peregit.
 „ Quam disertum igitur eum fuisse putemus,
 „ quem ne hostium quidein quisquam occidere
 „ sustinuit, qui modo vocem eius ad aures
 „ suas voluit admittere!” ita ut facile fidem
 habeamus Plutarcho (1), qui in eo commendat
 $\lambda\delta\gamma\omegaν \Sigmaιρῆνα καὶ χάριν.$ Ceterum cum Vale-
 rii narratione consentiunt Velleius (2), et Plu-
 tarchus (3). Illo autem gaudio C. Marius caesum
 Antonium accepit, ut caput eius abscisum lae-
 tis manibus inter epulas per summam animi
 ac verborum insolentiam aliquamdiu teneret:
 „ clarissimi et civis et Oratoris sanguine con-
 „ taminari mensae sacra passus. Atque etiam
 „ P. Annium, qui id attulerat, in sinum suum,
 „ recentis caedis vestigiis aspersum, rece-
 „ pit” (4); quibus convenit Florus (5), scri-
 bens; Antonii cōsularis caput in Marii mensis
 expositum esse (6). Cicero (7) „ M. Anto-
 „ nii

(1) in *Mario*, p. 431. l. E.

(2) II. 22. § 3. (3) in *Mario* p. 431. l. E.

(4) auctore Valerio Max. IX. 2. § 2.

(5) III. 21. § 14.

(6) Conf. Lucan. *Pharsal.* L. II. vs. 121 sqq.
 Plutarch. l. c. D. E. F. Fabric. *Hist. Cic.*
 ad a. U. C. 666.

(7) de *Orat.* III. 3.

„ nii, inquit, in his ipsis rostris, in quibus ille
 „ remp. constantissime Consul defenderat, quae-
 „ que Censor imperatoriis manubiis ornarat,
 „ positum caput illud fuit, a quo erant multo-
 „ rum civium capita servata". Mala vero Reip.
 impendentia Antonium praevidiisse, auctor est
 idem Cicero (1), et significat Lucanus (2).

Unum modo libellum conscripsit de ratione
 dicendi (3): orationem vero nullam unquam
 scripsit, ut si quid aliquando, quod non opus
 esset, ab se esset dictum, posset se negare di-
 xisse (4); sed refellit Cicero (5) falsam opinio-
 nem, quasi Antonius tabulas nunquam confe-
 cisset. Iudicium de eius eloquentia Tullius
 variis locis (6) exponit, eum dicens (7), *om-
 nium, quos audierit, eloquentissimum, quem vo-
 cat Velleius (8), principem ciuitatis atque elo-*

(1) *ad Fam.* VI. 2.

(2) *Lucan. Phars.* L. II. vs. 121.

(3) *Vid. in Brut.* c. 51. *de Orat.* I. 21. *Orat.*
c. 5. Quint. I. O. III. 1. p. 149.

(4) *Cic. pro Cluent.* c. 50.

(5) *Act. in Verr.* L. I. 23.

(6) *Vid. in Brut.* c. 36. 37. 38. 39. 44. *Orat.*
c. 5. Tusc. Q. V. 19.

(7) *Tusc. Q. I. c.*

(8) *II. 22. § 3. conf. ibid. c. 9. § 1.*

eloquentiae. Optime ceterum Antonium ex-
primit ipsa eius in libris *de Oratore* oratio (1).
Adolescens iam accusationem suscepit (2):
et causas praeter suam, de qua diximus, de-
fendit M' Aquilii, repetundarum postulati (3);
et Norbani (4): denique pro se etiam omni
contentione dixit lege Varia (5).

Sequitur Q. Mucius Scaevola, collega
Crassi in omnibus honoribus, praeterquam in
tribunatu et censura (6); filius P. Mucii Scae-
volae (7), Ciceronem in iuris civilis disciplinam
recepit, mortuo Q. Mucio Scaevola Augu-
re (8). Pontifex M. fuit (9) et Proconsul Asia-
m rexit, per novem modo menses (10), in-
no-

(1) Vid. imprimis *de Orat.* II. I. 2. III. 9. et
conf. Quinct. I. O. II. 15. p. 124. c. 17. princip.
XI. 3. p. 637. 667. XII. 11. init.

(2) Vid. Cic. *de Off.* II. 14.

(3) *de Orat.* II. 47. *Epit.* *Liv.* LXX.

(4) *de Orat.* I. c.

(5) *Tusc.* Q. II. 24.

(6) Vid. Cic. *in Brut.* c. 43.

(7) Stemma gentis *Muciae* exhibuit Rupertus in
lib. laud. p. 145 sqq. de Q. Mucio Scaevola P. M.
vid. p. 146. 147.

(8) Cic. *de Amic.* c. 1. *in Brut.* c. 89.

(9) Cic. *de Amic.* ibid.

(10) *ad Att.* V. 17.

nocentissime (1), ita ut dies festus, *Mucia* dictus, in eius honorem institutus sit (2): et senatus deinceps in eam provinciam ituris magistratibus, exemplum atque formam officii Scaevolam decreto suo proponeret (3). *Hominem omnium moderatisimum* (4); et *temperantiae, prudentiaeque specimen* (5), eum Cicero dixit: *divini, humanique iuris auctorem celeberrimum*, Vellejus (6). Vir fuit summae gravitatis, quem et Crassus, cuius ficer fuit (7), omni veneratione prosequebatur (8). Fuit non tantum, hereditaria familiae suae laude, iuris peritissimus (9); sed etiam eloquentissimus (10):
qua

(1) *Act. in Verrem* L. II. 10. conf. *in Cæcil.*
c. 17.

(2) *Act. in Verr.* L. II. 21.

(3) *Val. Max.* VIII. 15. ex. 6.

(4) *de Off.* II. 16.

(5) *de Nat. D.* III. 32. conf. *Val. Max.* IV. 1.
ex. 11.

(6) II. 26. § 3.

(7) *de Orat.* I. 7. 9. II. 6.

(8) Vid. *de Orat.* I. 24. et conf. *Val. Max.*
IV. 5. ex. 4. *de Orat.* I. 36. *ad Att.* IV. 15.

(9) Vid. *de Off.* I. 32. *Vellei. Pat.* II. 9. § 2.
conf. *Bachius, Hist. Iurisp. Rom.* L. II. c. II.
Sect. IV. § 39.

(10) Vid. *in Brut.* c. 39. seqq.

qua ratione in disputationem de summo Oratore recte inducitur. Orationes etiam reliquit, ex quibus dicendi eius elegantiam satis perspici iudicat Brutus (1). Trucidatus fuit in Mariano tumultu ante simulacrum Vestae a. U. C. 671 (2).

Post Scaevolam memorandus est Q. Lutatius Catulus pater, de cuius sermone iudicium fert Cic. in Brut. c. 35. cum aliis locis filii mentio fiat (3); eiusdem, qui inducitur in Libr. II. Academicarum Quaestionum, Patrem C. Marius IV. Cos. collegam habuit a. U. C. 651 (4): et cum eo. Cimbricae victoriae gloriam communicavit (5),
de

(1) in Brut. c. 44.

(2) Cic. de Nat. D. III. 32. de Orat. III. 3. Epit. Liv. LXXXVI. Lucan. Pharsal. II. vs. 126. seqq. Vellei. Pat. II. 26. § 3. Florus III. 21. § 21. conf. F. Fabricius, Hist. Cic. ad a. U. C. 671.

(3) de Off. I. 30. in Brut. c. 35. 62. et aliis, quos laudat I. o. Aug. Ernesti, in Cl. Cic. parte Hist. Stemma gentis Lutatiae vid. apud Ruperti, l. c. p. 126.

(4) Cic. Tusc. Q. V. 19. pro Archia, c. 3. Plutarch. in Mario p. 431. l. E et p. 413. in Sylla p. 453. l. A. conf. F. Fabric. Hist. Cic. ad d. a.

(5) Cic. Tusc. Q. l. c. Plutarch. in Mario p. 431. Vellei. Pat. II. 12. § 5. c. 22. § 4. Val. Max. IX. 12. ex. 4.

de cuius manubiis Q. Catulus porticum in arca Flacci fecit (1). Revocatus Marius exul coegerit Catulum, ut vita se privaret (2). Q. Catulum Cicero (3) ita similem ducit Laelio, ut pene alter fuerit Laelius: praecipue laudatur in eo sermonis Latini puritas et integritas (4): „multae literae, summa non vitae solum, atque naturae, sed orationis etiam comitas”; magna eruditio (5). Laudat vero Cicero (6) cum eius orationes, tum illum librum, quem de consulatu, et de rebus gestis suis, conscriptum molli et Xenophonteo genere, miserat ad A. Furium Poëtam. Minus aptus erat ad causas (7); sed in rep. magnus et summae dignita-

(1) Cic. pro domo c. 38. Val. Max. VI. 3. ex. 1.

(2) Vid. Cic. de Orat. III. 3. Tusc. Q. i. c. de Nat. D. III. 32. Plutarch. in Mario l. c. 1. E. Vellei. II. 22. § 4. Florus III. 21. § 16. Val. Max. IX. 12. ex. 4. Lucan. Pharsal. II. 173. sq. conf. F. Fabric. Hist. Cic. ad a. U. C. 666.

(3) Tusc. Q. V. 19.

(4) Vid. in Brut. c. 35. de Orat. III. 8.

(5) in Brut. ibid. conf. de Off. I. 30. et praecipue c. 37.

(6) in Brut. ibid.

(7) in Brut. c. 35.

tatis; *vir*, iudice Cicerone (1), *omni laude praestans.*

Q. Catulum excipiat frater (2) C. Iulius Caesar (3), qui item fratrem habuit L. Iulium (4), consulem a. U. C. 663, cum P. Rutilio Lupo (5). Rogantibus Sardis, M. Albucium accusavit (6). Reliquit aliquot orationes (7), ex quarum una pro Sardis habita, multa ad verbum transtulit C. Iulius Caesar Dictator in divinationem suam (8). Reliquit etiam quasdam tragoeidas (9), ex quibus Adrastum laudat Festus in *Prophetae*, Tecmessam M. Victorinus. Iudice Cicerone (10), cum ex orationibus, tum ex tragoeidiis, lenitas eius

(1) *de Orat.* III. 3.

(2) *de Orat.* II. 3. *de Off.* I. 37. *ad Att.* XIII. 19.

(3) C. Caesar Strabo vocatus a Vellei. II. 9. § 2. Caesar Strabo a Suet. *Caes.* c. 55.

(4) *de Orat.* III. 3.

(5) Vid. F. Fabricii *Hist. Cic.* ad d. a. — Stemma gentis *Iuliae*, vid. a Ruperti confectum in lib. saepius laud. p. 95. sqq. de C. Iulio Caesare Strabone p. 96.

(6) *Cic. in Caecil.* c. 19. *de Off.* II. 14. Suet. *in Caes.* c. 55.

(7) *in Brut.* c. 48.

(8) Suet. *Caes.* l. c.

(9) *in Brut.* l. c. (10) *in Brut.* ibid.

eius sine nervis perspici potest. Ædilis Curulis fuit a. U. C. 665 (1), a. ante Marii tumultum, in quo periit: petenti autem hoc anno Consulatum, omissa praetura, contra leges, petitione extraordinaria (2), restitit P. Sulpicius Tribunus pl. (3). Igitur C. Caesarem quotidie fere accuratas conciones habentem Cicero audivit (4); et P. Sulpicii, in Tribunatu eadem ratione quotidie concionantis, totum genus dicendi penitus cognovit (5). Denique interfectus est a. U. C. 666, in illa communis senatus caede, hospitis Etrusci, nomine Sextilii, quem gravissimi criminis reum defenderat (6), scelere proditus (7). „ Festivitate et facessiis. C. Iulius L. F. superioribus et aqua, „ „ li-

(1) in *Brut.* c. 89. (2) in *Brut.* c. 63.

(3) in *Harusp. resp.* c. 20.

(4) in *Brut.* c. 89.

(5) in *Brut.* ibid. ac laudat Priscian. I. V. orationem *C. Iulii*, qua *Sulpicio* respondit. conf. Dio d. Sic. *Exc.* ex L. XXXVII. et F. Fabric. *Hist. Cic.* ad a. U. C. 665.

(6) Val. Max. V. 3. ex. 3.

(7) Cic. de *Orat.* III. 3. *Tusc.* Q. V. 19. in *Brut.* c. 89. Florus III. 21. § 14. et ibi Freinsheim. *Epit. Liv.* LXXX. conf. F. Fabric. I. c. ad a. 666.

„ „ libus suis omnibus praestitit; Oratorque
 „ „ fuit, minime ille quidem vehemens, sed
 „ „ nemo unquam urbanitate, nemo lepore,
 „ „ nemo suavitate conditior (1): in quo mi-
 „ hi videtur fuisse specimen humanitatis, salis,
 „ suavitatis, leporis? (2).

Praeter has quinque personas, quibus dispu-
 tatio *de Oratore* concluditur, audiendi et discen-
 di causa adsunt P. Sulpicius, et C. Cotta.

P. Sulpicius Rufus, 10 annos maior Hor-
 tensio (3), qui natus est a. U. C. 639 (4); Tri-
 bunus pl. fuit a. U. C. 665 (5): in historia tur-
 barum reip. Romanae notissimus. Qui „, diser-
 „ tus, acer, opibus, gratia, amicitiis, vigo-
 „ re ingenii atque animi, celeberrimus; cum
 „ antea rectissima voluntate apud Populum ma-
 „ ximam quaesisset dignitatem” (6): postea eo
 pro-

(1) *in Brut.* c. 48.

(2) *Tusc. Q.* V. 9. *conf. de Orat.* II. 54. 56. 57.
III. 8. de Off I. 30. 37. exempla vid. ap. *Cic. in
Brut.* c. 60. *Quinct. I. O. VI.* 3. p. 358.

(3) Vid. *Brut.* c. 88.

(4) Vid. L. C. Luzzac, *Dissertat. de Hortensio*
Sect. I. § 1.

(5) *Cic. in Brut.* c. 89. *de Amic.* c. 1. *conf. de
Orat.* I. 7. *Nepos in Attico* c. 2. *Vellei.* II.
 18. § 5. *conf. F. Fabric. Hist. Cic. ad d. a.*

(6) *Vellei.* II. 18. § 5. vid. et § 6.

prolapsus est, ut Plutarchus (1) vere eum vocet ἀγθρωπον οὐδένος δεύτερον ἐν ταῖς ἀκραις ναιναις. Sed postquam omnia seditionibus, et turbis agitasset, et miscuisse (2), tandem huius temeritatis poena, interfecto Sulpicio, non sine magno reip. malo (3), a Sylla constituta est (4): a. U. C. 665. Multum utebatur Pomponio Attico, cui affinis erat (5). Eloquentiam eius illustravit accusatio, cum, aliquot annos ante tribunatum (6), seditiosum et inutilem ci-
vem, C. Norbanum, in iudicium vocaret (7), quem defendit M. Antonius (8). Universelo-

(1) *in Sylla.*

(2) quarum historia legitur I. l. citt. quibus add.
Florus III. 21. § 6.

(3) iudice Cicerone *de Orat.* III. 3.

(4) *Vellei.* l. c. et 19. § 1. *Florus* III. 21. § 7. *Cic. de Orat.* III. 3. *de Harusp. resp.* c. 20. *in Catilin.* III. 10. *in Brut.* c. 63. 89. *Val. Max.* VI. 5. ex. 7. *Epit. Liv.* LXXVII. conf. F. Fabric. *Hist. Cic.* ad a. 665. et Ruperti, *in lib. laud.* p. 223. et Auct. *ibi citat.*

(5) *de Amic.* c. 1. *Nepos in Attico* c. 2.

(6) Vid. *de Orat.* I. 7. II. 47. seqq.

(7) *de Off.* II. 14. *de Orat.* II. 47. seqq. conf. *Quinct.* I. O. XII. 7.

(8) *de Orat.* ibid.

eloquentia valuit plurimum (1); et cum Crassum vellet imitari (2), „ eius tanta in dicendo gravitas, tanta iucunditas, tanta brevitas „ fuit, ut posset, vel ut prudentes errarent, „ vel ut boni minus bene sentirent, persicere „ dicendo” (3). Orationem nunquam scripsit, neque potuit (4).

C. Aurelius Cotta (5), aequalis Sulpicii (6), petebat tribunatum (7) eo anno, quo mortuus est Crassus (8): sed eo, paucis diebus post, per invidiam est depulsus (9): quod ita intellexit Io. Aug. Ernesti, quasi (10) C. Cotta eo tempore fuisse Tribu-

(1) Vid. iudicium *Ciceronis in Brut.* c. 55.

(2) *in Brut.* l. c.

(3) *de Harusp. resp.* c. 19. conf. *Vellei. II. 9.*

§ 2. c. 36. § 2. *de Orat.* I. 8. 29. III. 8.

(4) *Cic. in Brut.* c. 56.

(5) non confundendus cum *L. Cotta* Tribuno pl. a. U. C. 659. de quo *Cic. de Orat.* II. 47. Val. Max. VI. 5. ex. 4. — Stemma gentis *Aureliae* dedit Ruperti, lib. cit. p. 32. sqq.

(6) *in Brut.* c. 49. 88.

(7) Vid. *de Orat.* I. 7.

(8) *de Orat.* III. 1.

(9) *de Orat.* ibid. c. 3.

(10) *in Cl. Cic. Parte Hist.*

bunus pl.; sed ipsa temporis ratio docet, Ciceronem (1) potius significare, Cottam de petitione tribunatus depulsum fuisse. Quo facto non multo post electus est e civitate (2); a. U. C. 662 (3), reus lege Varia factus (4). Rediit tamen, victo Carbone, cum Sylla, a. U. C. 671, quo Q. Scaevola P. M. est occisus (5). Consul fuit a. 678. collega L. Octavio, cum Cicero quaestura fungebatur (6). Tullit eo anno leges Aurelias (7): de quibus tamen rursus abrogandis ipse ad senatum retulit (8). Proconsul in Galliam profectus (9), triumphi cupiditate, nullo certo hoste, flagravit,

(1) *de Orat.* l. c.

(2) *de Orat.* III. 3. *in Brut.* c. 88. 89.

(3) *Conf. Fabric.* l. c. ad d. a.

(4) *in Brut.* c. 89. qua occasione habuit pro se orationem, *lege Varia* inscriptam, quam scripsit eius rogatu *L. Aelius*, vid. *in Brut.* c. 56.

(5) Vid. *in Brut.* c. 90. *conf. F. Fabric.* l. c. ad d. a.

(6) *Cic. Act. in Verrem.* L. III. c. 7. *conf. in Brut.* c. 92. et *Fabricius* l. c. ad d. a.

(7) *de quibus* vid. *Bachius, Hist. Iurisp. Rom.* L. II. c. II. Sect. I. § 76.

(8) *Cic. in fragm. Orat. pro Corn.* I.

(9) *in Brut.* c. 92.

vit, quem tamen ei honorem mors ademit (1). Familiaris fuit Ciceronis, qui eum vocat (2) *hominem summa prudentia clarum* (3); et idem est, cui Academiam secuto, hae disputationis partes deferuntur in Libris *de Natura Deorum* (4): quemque cupiebat Atticus, ut Cicero in Academicis cum Varrone, veteris Academiae defensore, disputantem fecisset; sed maluit Cicero suam ipsius personam Varroni opponere (5). Longe aliud atque Sulpicius, dicendi genus sectatus est (6): sed cum vellet imitari Antonium, a cuius vi longe aberat (7), id effecit, ut iudices,, idem facerent a se commoti, quod „a Sulpicio concitati” (8): et cum Hortensio primas in foro partes tenebat, cum Cicero ex Asia rediisset (9): a. U. C. 676. Causas egit pro M. Canuleio, et Cn. Dolabella consulatu-
ri

(1) *Cic. in Pison.* c. 26.

(2) *in Fragm. Orat. pro Corn.* I.

(3) *Conf. in Pison.* c. 26.

(4) *Vid. de Nat. D.* I. 6.

(5) *Vid. ad Att.* XIII. 19.

(6) *de quo vid. Cic. in Brut.* c. 55.

(7) *in Brut.* l. c.

(8) *in Brut.* ibid. *conf.* et c. 56. 59. 92. *de Orat.* III. 8.

(9) *in Brut.* c. 92.

ri (1), quem repetundarum postulaverat C. Caesar, ille qui postea Dictator factus est (2), 21^o aetatis anno (3): sed causam optimam sibi extortam esse C. Cottae patrocinio, fateri debuit (4).

Apparet igitur, quasnam personas in Dialogum de *Oratore* Cicero induxerit: quas ipse dixit (5), *eloquentissimos*, et *omni dignitate principes*, quibus summa dicendi laus a civibus concessa erat; auctoritate in rep. iam praestantes, aut deinceps praestituros.

Ex iis, quae diximus, facile efficitur, in quaenam tempora Cicero hanc *de Oratore* disputationem reiecerit. Habita enim est a. U. C. 662. Coss. L. Marcio Philippo, Sext. Iulio Caesare (6), cum Cicero se adhuc puerum fuisse testatur (7), ludorum Romanorum diebus apud L. Crassum in Tusculano (8): qui vix

(1) in *Brut.* ibid.

(2) Suet. in *Caes.* c. 4. 55.

(3) Auct. *Dial. de Orat.* c. 34. sed conf. Causa b. ad Suet. *Caes.* c. 4.

(4) Val. Max. VIII. 9. ex. 3. Alia eius causa memoratur in *Bruto.* c. 60.

(5) *de Orat.* I. 6.

(6) *de Orat.* I. 7.

(7) *ad Att.* XIII. 19.

(8) *de Orat.* I. c.

vix decem diebus post finitum illum sermonem morte extinctus est (1). Si accuratius etiam velis, colligitur ultimus disputationis dies fuisse d. 5. Id. Septemb. quia ipsis Idibus in Senatu Crassus eum morbum contraxit (2), quo septimo die est consumtus (3).

§ VI.

De argumento.

Ingentis illius imaginis, quam Cicero uno Oratoris nomine comprehendit, cum plures sint, variaeque partes, earum alias aliis operibus Rheticis singulas Tullius tractavit. Sic e. g. praecepta artis Rhetoricae complexus est Libris II. *de Inventione*: in *Bruto* historiam Criticam quasi eloquentiae et Oratorum dedit, agens de claris Oratoribus Graecis et Romanis ad sua usque tempora: formam externam summi Oratoris, sive perfectae eloquentiae, vel rationem qua Oratori dicendum sit, persequitur. in

(1) *de Orat.* III. 1. conf. F. Fabric. l. c. ad a. 662.

(2) *de Orat.* l. c. et c. 2.

(3) *ibid.* c. 2.

in *Oratore*, libro singulari (1): deinde cum in inventione Rhetorica vel maximum sit cognoscere locos seu sedes, unde argumenta petantur, haec doctrina eiusque accommodatio ad quaestiones traditur in *Topicis*: quod genus dicendi summi Oratoris sit, paucis exponit in scriptione *de optimo genere Oratorum*: denique in *Partitionibus Oratoriis*, in filii institutionem, omnem dicendi artem quaestionibus et responsis ita descripsit, ut, quae aliis locis uberior dixerat, hic contracta, disponantur ordine.

At omnes omnino has partes, et plures etiam, continet opus *de Oratore*; quod cum cetera fere scripta eloquentiam, angustiori sensu dictam, sive dicendi disciplinam complectantur, coniungit etiam intelligendi scientiam, sive sapientiam universam, et civilem imprimis, quae eloquentiae subiecta esse debet. Itaque tribus his *de Oratore* libris tota Oratoris imago absolvitur: et fatetur ipse Auctor (2), nihil sibi quidem videri „ in Crassi et Antonii sermone „ esse praeteritum, quod quisquam summis in- „ geniis, acerrimis studiis, optima doctrina, „ maximo usu, cognosci, ac percipi potuisse „ arbitraretur”. Quod autem dici possit li-

brum

(1) *Conf. Quintil. I. O. XII. proœm.*

(2) *de Orat. II. 3.*

brum inscriptum *Brutum*, seu de claris *Oratibus*, in eo argumento versari, quod a tribus *de Oratore* libris plane sit alienum, nec adeo in iis tractetur; animadvertisendum est, historiam eloquentiae ad Oratorem perficiendum propriè quidem non facere; itaque Ciceronem eam dedita opera in libris *de Oratore* non explicuisse; quamquam praecipua eius capita passim inseruit (1): sed voluit Tullius, ut libris *de Oratore*, sibi vehementer probatis (2), nihil deeset ex eo genere, quod de eloquentiâ dici aut expromi posset, hanc disciplinae historiam, tamquam librum IV, reliquis *de Oratore* libris adiungere (3).

Quandoquidem igitur, ut diximus, omnes *Oratoris* partes hoc uno *de Oratore* opere complexus est, hi libri in dupli imprimis argumento versantur: uno, de doctrina et scientia rerum, quibus

(1) ad quod genus pertinent I. 1. *de Oratore* I. 4. 6. 13. 36. 37. II. 2. 3. 12. 13. 14. 22. 23. 37. 84. III. 7. 8. 9. 11. 12. 15. 16. 19. 28. 32. 33. 34. 35.

(2) *ad Att. XIII. 19.*

(3) Vid. A. Manuccius *in Argument. Brut.* p. 170. Cic. *Opp. Rhet.* Vol. II. Venet. 1583. et Middlet. *Ieyen van Cic. D.* II. p. 364.

bus Orator debet esse instructus: altero, de dicendi instrumento, seu arte ipsa ornatius explicanda.

At vero hoc tamen quodammodo est circumscribendum: cum enim, iudice (1) Cicerone, vis Oratotis, professioque ipsa bene dicendi, hoc fuscipere ac polliceri videatur, ut *omni de re*, quaecumque sit proposita, ab eo ornatae; copioseque dicatur": cumque adeo variae sint partes dicendi, sive in re civili, sive in historia conscribenda, sive in disserendo de philosophia, seu in aliis quibusvis rebus versatis; Graeci, auctore Tullio (2), partitionem quamdam artium fecerunt, neque in universo genere singuli elaboraverunt, sed seposuerunt a ceteris dictionibus eam partem dicendi, quae in forensibus disceptationibus iudiciorum, aut deliberationum versaretur, et id unum genus Oratori reliquerunt (3). Igitur „non complctar, inquit (4), in his libris amplius, quam quod huic genieri, re quaesita, et multum disputata, summorum hominum prope consensu est tributum": praesertim quia non dubitabat, quin si omnia complecti voluisset,

hoc

(1) *de Orat.* I. 6.

(2) *de Orat.* I. c.

(3) *Conf. omnino de Orat.* III. 6.

(4) *de Orat.* I. 6.

hoc plerisque immensum, infinitumque videtur (1). Itaque in his libris *Oratorem* imprimis considerat *yirum civilem*: cuius et doctrinae apparatus et instrumentum dicendi persequatur. Eadem ratione *Oratoris* descriptionem, pro arctiori tractationis consilio, arctioribus limitibus includit in *Oratore* c. 21. (2).

Cicero ipse ad Lentulum (3), horum librorum argumentum his verbis tradit: „abhorrent — a communibus praexceptis (4): ac omnem antiquorum, et Aristotelicam, et Isocrateam rationem orationem complectuntur”.

Aristoteles vero in libris *exotericis*, qui dicebantur, ea prodidit, „quae (5) ad rhetori cas meditationes, facultatem argutiarum, civiliumque rerum notitiam conducebant”.

Nam Aristoteles arti dicendi „plurima adiumenta atque ornamenta subministravit (6):

„et

(1) I. cit.

(2) quem I. respexit *Quinctil. I. O. XII. Proöem.* et in animo habuit *de Orat. III. 36.* conf. etiam *Orat. c. 29.*

(3) *ad Fam. I. 9.*

(4) non enim repetii „ab incunabulis nostrae veteris puerilisque doctrinae quedam ordinem praceptorum”. *de Orat. I. 6.*

(5) verba sunt A. Gellii XX. 5.

(6) Cic. *de Invent. I. 5.*

„ et veteres scriptores artis dicendi unum in
 „ locum conduxit, et nominatim cuiusque
 „ praecepta, magna conquisita cura, perspicue
 „ conscripsit, atque enodata diligenter expo-
 „ suit: at tantum inventoribus ipsis suavitate et
 „ brevitate dicendi praestitit, ut nemo illorum
 „ praecepta ex ipsorum libris cognoscat; sed
 „ omnes, qui, quid illi praecipiant, velint intel-
 „ ligere, ad hunc, quasi ad quemdam commo-
 „ diorem explicatorem, revertantur” (1). Sed
 praeterea etiam prudentiam et sapientiam civi-
 lem, rerump. rectiones, status, mutationes, ita
 tractavit, ut nihil ab eo, perfecto Oratori, non
 suppeditatum esse possit existimari (2).

Ilsocratis autem, cuius item rationem orato-
 riā se complexum esse libris *de Oratore* pro-
 fitetur (3), „ domus (4) cunctae Graeciae
 „ quasi ludus quidam patuit, atque officina di-

„ cen-

(1) *de Invent.* II. 2. *conf. de Orat.* II. 10. 36. 38.
 III. 35. 47. 49. *Orat.* c. 14. 32. 36. 51. 64. *de In-
 vent.* I. 35. II. 2. 3. *Top.* c. 1. *Quinctil.* I. O.
 I. 4. p. 30. II. 15. p. 103. c. 17. p. 134. c. 21.
 p. 145. III. 1. p. 148. 149. X. 1. p. 574. *Dio-
 nyf. Hal. de Colloc. verb.* § 89.

(2) *Conf. Cic. de Fin.* V. 4.

(3) *ad Fam.* I. 9.

(4) verba sunt Ciceronis in *Brut.* c. 8.

„ cendi, magnus Orator, et perfectus magister”,
 qui „ et ipse scripsit multa praeclare, et do-
 „ cuit alios”: pater eloquentiae (1): „ cuius
 „ e ludo tamquam ex equo Troiano meri prin-
 „ cipes extiterunt” (2).

Talia igitur tantaque cum Aristoteles et Isocrates subministrarint eloquentiae, ea omnia complexum se esse libris *de Oratore* declaravit Cicero (3). Ex quibus profecto argumenti gravitatem et amplitudinem intelligimus; quippe quod omnia, quae cum perfecto Oratore coniuncta sunt, contineat.

Hoc denique argumentum ita distinxit, ut in L. I. magis tractaret eam scientiam, quae dicendi facultati subesse deberet, ut Orator existat: in reliquis potius ipsam artem exponeret; ita ut „ primi libri sermo (4) non alienus a Scaevo- lae studiis” sit: „ reliqui τεχνολογιαν habeant”.

§ V.

(1) *de Orat.* II. 3.

(2) *de Orat.* II. 22. conf. III. 29. et omnino *Orat.* c. 13. *de opt. gen. Orat.* c. 6. conf. etiam *Quinc-*
til. I. O. III. 1. p. 148. Dionysii Hal. iudicium
de Isocrate § 2. 7.

(3) *ad Fam.* I. 9.

(4) quemadmodum *ad Att.* scribit IV. 15.

§ V.

De constitutione Librorum de Oratore.

Postquam in § antecedenti vidimus, quid Cicero in libris *de Oratore* sibi tractandum proposuerit, iam hoc § videtur explicanda ratio huius argumenti tractandi, et constituenda capita et momenta totius disputationis, ut inde, quotuplex sit sententiarum varietas, cognitum habeamus.

Eloquentiae alia quodammodo ratio est, atque artium ceterarum: in his enim, si quaeritur, quid singulis sit proprium, ut inde, quid sit, intelligatur, non alio modo responderi potest, quam definienda materia, quae huic arti sive scientiae subiecta est: sic e.g. *philosophi* est descriptio, ut is, qui studeat omnium rerum, divinarum atque humanarum, vim, naturam, causasque nosse, et omnem bene vivendi rationem tenere et persequi, nomine hoc appellatur (1): *iurisconsulti* proprium est, legum et consuetudinis eius, qua privati in civitate utuntur, et ad scribendum, et ad respondendum, et ad cavendum, peritum esse (2): si quaere-

re-

(1) auctore Antonio *de Orat.* I. 49.

(2) ibid. c. 48.

retur, quis sit *imperator*, definiremus cum Antonio (1), administratorem quemdam belli gerendi: atque ita in aliis: ex quibus videmus, in ceteris artibus atque doctrinis, ipsius artis, aut eius, quod huic arti proprium sit, definitionem unice versari in descriptione materiae, quae huic arti est subiecta; nec in his, si materies non indicetur, intelligi potest, quid sit; secerni enim materia non potest ab artis definitione: nec ultra eiusmodi definitionem amplius quidquam potest quaeri. At *Eloquentiae*, si quaeritur, quid sit proprium, seu quid sit *Eloquentia*: nemo ibit inficias, quin respondeatur, eloquentiae proprium est, apte et ornate, et ad persuadendum accommodate dicere. Qua descriptione unusquisque videt, non contineri materiem eloquentiae: nam quaeri amplius potest: de quibus igitur rebus eloquentiae est, apte et ornate, et ad persuasionem accommodante posse dicere?

Itaque de eloquentia duplex oritur quaestio: una quid sit, altera quamnam materiem, et quasi ditionem ei subiici oporteat?

Quod ad prius, omnes facile concedunt, unius eloquentiae esse eloquendi facultatem, i. e. apte, et ornate, et ad persuasionem apposite

(1) I. c.

sit posse dicere; et si qui aliarum artium hoc faciant, id non consequi artis suae beneficio, sed eloquentiae.

Ad alteram autem quaestionem si accedatur, in diversas statim docti abeunt partes: deque ea est inter eos gravissima lis, atque omnis dissensio. „ Neque enim Oratoris vis et facultas, „ sicut ceterarum rerum angustis et brevibus „ terminis cluditur” (1); et praecclare observat Aristoteles (2), alias quidem artes et scientias docendi et persuadendi vim habere in eo tantum genere, in quo versentur singulae: sic e.g. Medicinam tantummodo in eo, quod ad sanitatem aut morbos attinet; Geometriam in iis, quae magnitudinibus contingunt, Arithmeticam in numeris; atque similiter ceterae omnes: Eloquentiam autem unam, auctoritatem possidere persuadendi in omni re quacunque. Quoniam igitur non certi, sed infiniti pene et immensi ponuntur eloquentiae termini, de his copiosissima est ad disputandum materies.

In libris vero *de Oratore* tres in primis de materia, cui quasi regno, praeficitur Orator, sententiae diversae explicantur, et suis singulae ratione-

(1) *Auct. Dial. de Orat.* c. 30.

(2) *Rhet.* L. I. c. II. § 1—5. quem locum postea etiam adscribemus.

tionibus probantur; prout amplissimis, angustioribus, et angustissimis terminis Eloquentiae ditio circumscribitur. Unde de tota etiam Eloquentia trifariam iudicatur, sive tres eius formae variae effinguntur.

Eloquentiae, quam latissimo et amplissimo sensu intelligimus, quaeque igitur *de omni quaunque re apte*, ornate, et ad persuasionem accommodate possit dicere, ex iis quae diximus, in duas imprimis partes potest distingui: alteram, scientiam rerum omnium, de quibus aliquando dicendum sit; alteram, ipsam dicendi facultatem. Hanc speciem Oratoris in animo habuit, et expressit Cicero *de Oratore* I. 6. Crassus ibidem c. 8. conf. c. 9. et c. 16. vid. et c. 49. Quinctil. I. O. II. 21. (1).

Po-

(1) Ab hac ratione non longe discessit G. I. Vossius, *de Nat. Rhet.* c. IV. p. 323. T. III. Opp. *Voss.* edit. Amst. 1697, qui distinguendum esse docet inter duas officii Oratorii partes, pro quibus subiecti, quod vocat, ratio diversa sit. Priorem partem ponit *θεωρητικὴν*, qua secum cogitat Orator, quae argumenta ac disponendi ratio, cuiusmodi ornatus, aut actio, maxime videatur conducere ad animos impellendos: alteram autem *πραγματικὴν*, quatenus orationis instrumento studeat hominibus persuadere. Θεωρίας autem cum Aristotele statuit Vossius

Potest autem haec rerum omnium doctrina accommodari Viro civili: atque ita *Eloquentiae civilis*, angustioribus quodammodo, quam illa omnia complectens, sed latis tamen etiam finibus conscriptae, rursus eodem modo duae sunt partes; quarum una est *scientia illa civilis*, quae dicitur Plutarcho (1) ἡ πολιτικὴ δύναμις; altera artificiosa *Eloquentia*, quae vocatur *Rhetorica*, quam partem rationis civilis facit Cicerro (2). Quam divisionem si teneamus, *scientia civilis* complectitur omnem materiam Oratori sive *Eloquentiae* subiectam; *Rhetorica* magis formam hanc scientiam efferendi, explicandi, cum aliis communicandi; quippe cuius finis sit, *persuadere dictione* (3): quam partem proinde recte *instrumentum Oratoris* appellat Sulpicius (4). „ *Instrumentum* autem voco, sine „ quo

si us obiectum, quod dicitur, quamlibet rem: πράξεως obiectum, animum eorum, apud quos causa dicitur. Nos autem eam rationem teneamus, quae Ciceronianae maxime videatur consentanea.

(1) *in vit. Cicer. c. 4.*

(2) *de Invent. I. 5.*

(3) *de Invent. ibidem.*

(4) *de Orat. II. 90.* Ad Ciceronis autem locum, quem laudavimus (*de Invent. I. 5.*), respexit Quintil. I. O. II. 15. *Rhetoricen*, „ Cicero,” in-

, quo conformari materia, et in id quod velimus effici opus, non possit? (1).

Di-

Inquit, „scientiae civilis partem vocat, civilis autem „scientia idem quod sapientia est”. De quibus Vossius (*de Nat. Rhet.* c. VII. ad fin.) adsentitur Rombortellio (*Praefat. ad Cic. libros Rhet.*) Quinctilianum Ciceronis mentem non assecutum fuisse; cum Cicero non universe sapientiam, sed sapientiam πολιτικήν intellexerit: quamquam eidem Vossio non displiceat, et Quinctilianum sapientiam dixisse haud aliud, atque prudentiam civilem. Videtur autem Quinctilianus vocem sapientiam usurpare eo sensu, quo veteres Graecos eam adhibuisse exponit Crassus *de Orat.* III. 15, et de quo uberioris dicetur postea. Obscuriorem quodammodo, quam Cicero rationem init Aristoteles *Rhet.* L. I. c. II. § 14. seqq.

Ἐπεὶ δὲ αἱ πίστεις δίὰ τούτων εἰσί, Φανέροι ὅτι ταῦτα τρία ἔσει λαβεῖν, τοῦ συλλογίσασθαι δυναμένου, καὶ τοῦ θεωρῆσαι περὶ τὰ ἄλλη, καὶ τὰς ἀρετὰς, καὶ τρίτον τοῦ περὶ τὰ πάθη, τί τε φύσεων ἔστι τὰ παθῶν, καὶ ποῖον τι, καὶ ἐκ τίνων ἐγγίνεται, καὶ πῶς ὡς τυμβαίκη τὸν ρήτορικὴν, εἰον παραφύεις τι τῆς διαλεκτικῆς εἶναι, καὶ τῆς περὶ τὰ ἄλλη πραγματείας, ἢν δίκαιον ἔστι προσαγγείεις πελετικὴν. Διὸ καὶ ὑποδύεται ὑπὸ τὸ σχῆμα τὸ τῆς πολιτικῆς, ἢ ρήτορικῆς. Cuius loci talis sensus mihi videatur constituendus: eius est persuadere, qui et dialecticae usum in argumentationibus perceperit; et moralē doctrinam acquisiverit; et animos et affectus tractandi ac permovendi rationes tenuerit: quod postremum eximie Oratoris est proprium. Igitur cum

Rhe-

Distingui autem inter formam Oratoris priorem, latisime patentem illam omniaque comple-

Rhetorica, latiori sensu intellecta, perspicere debeat omnia, quae ad persuasionem faciant, (ex definitio- ne, quam dedit init. huius cap. § 1.) pars ipsi assu- menda est ex *Dialectica*, pars ex *Philosophia moralis*, sive potius *politica*, cum animorum incitandorum ra- tio ad *Rheticam* pertineat omnis: quibus tribus re- bus scientia persuadendi continetur. Quoniam autem parte quadam sua, *Rheticam* incurrit in *Philosophiam politicam*, ideo huius scientiae civilis formam induit totam, καὶ (ibid. § 16.) οἱ ἀντιποιόμενοι ταῦτα, τὰ με- δίαι ἀπαιδινοῖς, τὰ δὲ διὰ ἀλαζονεῖς, τὰ δὲ καὶ ὥλλας ἀπίστα- ἀνθρωπικά. Ridiculum enim est, cum ex magna et ampla doctrina civili, pars modo quaedam contingatur *Rheticam*, magistros artis *Rheticas* sibi ab hac par- ticula totius scientiae nomen et gloriam arrogare. Fortasse respicit *Aristoteles* eos, qui inter dicendi magistros et sophistas πολιτικοὶ vocabantur, de qui- bus videbimus infra. Sequentia vero (§ 17.), ἐστι γὰρ μάρτιος τὰ τῆς διαλεκτικῆς, καὶ ὄμοιώνα, καθάπερ καὶ ἀρχομένος εἰπομένου eodem modo, quo antecedentia videntur in- telligenda esse; *Dialecticam* aliquam partem cum *Rhe- torica* habere communem; sive partem *Rheticas* quamdam, esse partem etiam *Dialectices* (conf. Vossius *de Nat. Rhet.* c. XVIII.), in quo consistit igi- tur etiam illa similitudo: ex quibus satis explicatur locus (*Rhet.* L. I. § 1), quem laudat, Ἡ φιλοσοφίᾳ ἐστι ἀντιστρόφος τὴν διαλεκτικήν: cuius rei ratio redditur in se- quen-

plexam, et virum civilem, efficitur imprimis, ex loco de *Oratore* I. 11. ubi Crassus,, nam si „ quis,” inquit, „ hunc statuit esse Orato- „ rem, qui tantummodo in iure aut in iudiciis „ possit, aut apud populum aut in senatu, co- „ piose loqui, tamen *huic ipsi* multa tribuat et „ concedat necesse est”. Igitur Crassus de- scribens, ut apparebit postea, virum civilem, il-

quentibus ea, quia quamdam materiem habeant com- munem (conf. explicatio Ciceronis in *Orat.* c. 32. *Acad.* Q. I. 9. *Sext.* *Emp.* *adv.* *Math.* VII. § 6. et omnino *Fabric.* in not. K.) Recte Vossius (*de Nat. Rhet.* c. VII. ad fin.) comparat locum Cice- ronis de *Orat.* I. 28. ubi Antonius in *Oratore* requirit „ acumen *Dialecticorum*, sententias *Philoso- phorum*”. Denique conferatur de explicandis I. 1. Ar- istotelis laudd. G. J. Vossius *de Nat. Rhet.* c. IV. p. 323. c. VII. p. 329 et 330. Locum Ar- istotelis *Rhet.* Lib. I. c. II. § 14 et seqq. lau- datum vid. a Quintiliano I. O. II. 17. p. 134.

(1) Quintil. I. O. II. 21. extr. — Praeclare autem hoc discrimen observatum videmus a Plutarcho (*in vit. Cic.* c. 4.), ubi de Cicerone loquens ἀσπερ ἔργανον. Inquit, ἐξέρτε τὸν ῥήτοριν λόγον, καὶ ἀνεκμεῖ τὴν πολιτεικὴν δύναμιν, αὐτοὺς τε ταῖς μελέταις διαπονῶν, καὶ τοὺς ἐπανουμένους μετὶ τὸν ῥήτορα. Conf. om- nino ibidem c. 32. ubi eadem ratione φιλοσοφίαν tam- quam ἔργον, et ῥήτοριν velut ἔργανον, sibi invicem op- ponit.

illum, quanquam et huic multa sint tribuenda, diversum tamen esse significat ab imagine, quam ipse informaverat, cuique plura etiam convenient. Idem magis etiam colligitur ex I. l. de Oratore I. 6. 15. dignis, quae omnino conferantur (1). Ad hanc illustrissimam formam est etiam referendus ille, quem a se nondum visum Antonius vocabat *eloquentem*: „ego,” inquit (2), „scripsi etiam illud quodam in li-
 „bello, disertos me cognosce nonnullos, elo-
 „quentem adhuc neminem: quod eum statue-
 „bam *disertum*, qui posset satis acute, atque
 „dilucide apud mediocres homines, ex com-
 „muni quadam opinione, dicere; *eloquentem*
 „vero, qui mirabilius, et magnificentius au-
 „gere posset, atque ornare quae vellet, om-
 „nesque omnium rerum, quae ad dicendum
 „pertinerent, fontes animo ac memoria conti-
 „neret. Id si est difficile nobis, qui ante quam
 „ad dicendum ingressi sumus, obruimur ambi-
 „tione et foro; sit tamen in re positum, atque
 „natura”.

Ter-

(1) Refert etiam Quint. I. O. II. 15. p. 125. quosdam circa res omnes, quosdam circa res modo ci- viles versari Rhetoricen putavisse: atque hoc senten- tiarum discrimin cap. laud. et passim alias apud eum obseruantur.

(2) de Orat. I. 21.

Tertio vero tota eloquentia potest arctioribus etiam includi terminis: ita ut Orator intelligatur is, qui forensibus causis sufficiat: tum prior pars lata et ampla civilis rationis fere tollitur omnis: et relinquitur modo pars altera, quae comprehendit dicendi facultatem causis accommodatam; eam vero quam cum Crasso (1) recte quis dixerit: „instrumentum forense, litigiosum, acre, tractum ex vulgi opinionibus, exiguum sane atque mendicum: quo quod tradunt isti, qui profitentur se dicendi magnistros, non multum est maius”.

Atque hac triplici imprimis ratione in libris *de Oratore* eloquentia et Orator considerantur. Prima et altera ratione praesertim Crassus variis l. l. Libro I, et III. Oratorem informat et explicat, ita tamen ut plerumque ad virum civilem sermo convertatur et applicetur, eique eloquentia illa omnia complexa accommodetur. Nimirum hoc cohaeret cum argumenti, quod in § praecedenti explicuimus, limitibus, quos sibi Cicero proposuerat. Vidimus enim auctorem his libris praecipue tractare voluisse eam partem dicendi, quae viro civili, summorum hominum prope consensu, tributa est (2). Cui

con-

(1) *de Orat. III. 21.*

(2) cuius angustioris circumscriptio rationes erunt reddendae in cap. III.

consilio consentaneum est, si Crassus ad hanc eloquentiam semper fere revertitur, Oratorem autem universe, tamquam omnibus in artibus et scientiis orationis ministrum, complectitur in disputatione sua adversus Scaevolam, *de Orat.* I. 11—17. (1) et III. 6. Hoc sensu Orator est „ primus eius artis antistes, cuius cum ipsa natura magnam homini facultatem daret, tamen esse Deus putabatur, ut et ipsum, quod erat hominis proprium, non partum per nos, sed divinitus ad nos delatum videretur” (2). At rursus Oratorem virum civilem considerat I. 25. 26. 31. et seqq. et praecipue c. 34. 36—47. conferatur etiam c. 62. et in toto libro III. oratio instituta est de viro civili (3).

Hanc

(1) ad hanc enim rationem ineundam cogebat eum Scaevola e sermo.

(2) *de Orat.* I. 46.

(3) Quod vero ipse Cicero facit in *Orat.* c. 19. et 30. sevocans genus dicendi viri civilis a ceteris dictionibus et dicendi generibus omnibus, id minime est comparandum cum ratione Crassi, sed coniunctum est cum peculiari consilio *Oratoris* Libri singularis, quo explicare maxime Cicero voluit illud genus dicendi, quod Oratori tamquam viro civili convenit, separatum ac discretum a ceteris omnibus. Crassus autem, ut accuratius explicandum erit in

cap.

Hanc igitur personam viri civilis Crassus tuncatur, variasque eius partes et munera explicat Libro I. ad cap. 47: Libro autem III. hunc Oratorem instruit et ornat, cum quod ad scientiam ei subiectam attinet, rerum copia et doctrina, tum quod ad illius viri instrumentum, orationem, sententiarum et verborum luminibus atque ornamentis; elocutionis deinde et pronuntiationis, quas reliquerat Antonius (1), tractatione: ea autem ratione, ut ex ornamentis, quali, quantaeque formae inserviant, facile perspiciatur.

Antonius e contra, longissime a Crassi sententia recedens Libr. I. c. 47. ad fin. libri, angustissimis, de quibus diximus, Oratorem describit limitibus. Eloquentiam a ceteris scientiis et artibus omnibus sevocatam, in artificio dicendi considere iubet, atque operarium quasi Oratorem facit, et ad forenses causas et orationes, orationis auxilio non aucto, non exornato vix sufficientem.

Sed paulo illustriorem speciem eiusdem Oratoris fingit Antonius Libro II. et proprius accedit ad Crassi de viro civili sententiam. De scientia atramen et doctrinae copia Oratoris pauca

cap. III, ditionem eloquentiae non ita coarctat, quam omnem ad virum civilem convertit.

(1) Vid. *de Orat.* II. 85. 90. III. 5. 6.

ca affert; quippe qui ipse doctrina ornatus sit, multo minore quam Crassus: de dicendi ratione unice ferme praeceptis exponit. Tractat adeo ex quinque Rhetorices partibus tres priores; *inventionem, dispositionem, memoriam*; et nisi postrema, *eloctionem, et pronuntiationem* reliquisset Crasso (1), totam Rheticam absolvisset. De quibus tamen ipsi relictis, longe magnificientius, quam Antonius de prioribus, Crassus disserit libro III. Ita ut etiam inde apparet, illum multo illustriorem et ampliorem Oratoris imaginem animo complexum fuisse. Cum autem, *quae* dici ab Oratore oporteret, sibi summisset Antonius, et Crasso, *quemadmodum* illa ornari deberent permisisset (2), censet Cicero (3), quandoquidem, „ tria videnda sunt „ Oratori, quid dicat, et quo quidque loco, „ et quomodo": prima duo non tam insignia esse ad maximam laudem, quam necessaria, atque esse in his partibus minus artis, quam laboris: at „ illud longe maximum, videre, quo- „ nam modo (4). Quomodo autem dicatur, „ est in duobus, in *agendo* et in *eloquendo*" (5).

Haec

(1) Vid. *de Orat.* II. 28. 29.

(2) *de Orat.* III. 5.

(3) *Orat.* c. 14.

(4) *Orat.* c. 16.

(5) *ibid.* c. 17.

Haec sufficiente universo, ex quibus summa et capita disputationis *de Oratore* intelligantur: quae de una aut altera parte inter disputantes saepius oriuntur lites, aut argumenta, quibus singulae sententiae firmantur, de iis omnibus deinceps accuratius exponetur, cum locus etiam erit, ipsas sententiarum varietates diligentius et copiosius explicandi.



C A P U T S E C U N D U M

DE FONTIBUS ET RATIONIBUS EFFICIENDÆ
CICERONIS DE SUMMO ORATORE SEN-
TENTIAE:

Ttriplex fons indicari posse videtur, ex quo fluant rationes, efficiendæ Ciceronis de summo Oratore sententiae.

I^{us} Et is quam proxime cum verbis positae Quaestionis coniunctus, ducitur *ex rationibus desumptis a disputantium personis, argumentandi modo, sententiarum denique probatarum aut refutatarum pondere.*

II^{us} Ex iis, quae ipse Cicero sibi addiscenda et comparanda putavit, ut Oratoris summi vim et nomen merito teneret. Quibus enim copiis instructus Cicero, Oratorem demum se

profesus est, iis certe optime suam de *Oratore* sententiam expressit, atque exemplo suo et imagine confirmavit.

III^{us} *Ex locorum et sententiarum, a Cicero, ex sua ipsius persona, pronuntiatorum, convenientia, cum huius aut alterius personae in libris de Oratore sermone.*

Ex duobus prioribus fontibus liceat haurire, quantum quidem nostrae sinent vires, hoc capite: rationes ex tertio petitas, quibus ultima confirmatio continetur, commodius adiiciens capite tertio.

§ I.

De rationibus desumptis a disputantium personis, argumentandi modo, sententiarum denique probatarum aut refutatarum pondere.

Disputationi, quae libro I. continetur, adfuerunt L. Crassus, ficer eius, Q. Mucius Scaevola, M. Antonius, C. Cotta, et P. Sulpicius (1). Memorantur Libro II. praeter Scaevolam qui profectus erat (2), iidem, accedente insuper Q. Catulo, cum C. Julio fra-

tre

(1) Vid. *de Orat.* I. 7.

(2) Vid. I. 62. II. 3.

tre (1), Libro denique tertio Crasso adsunt illi-
dem; qui secundo libro (2).

Ut vero facillime dijudicemus; quaminam, ex
horum varia multiplicique disputatione, senten-
tiam Cicero fuerit amplexus; quaestio antea
redigenda est ad formam, quam fieri potest, sim-
plicissimam. Segegrandae igitur ante omnia per-
sonae illae, quarum sententiae in censum venire
non posunt, ex quibus Ciceronis sententia
constituatur:

Ad hanc classem referendi sunt primo loco
C. Cotta, et **P. Sulpicius**, adolescentes, in
quos magnam spem maiores natu ponebant (3);
magnam dicendi laudem iam adeptos (4): sed
qui adsunt tantum discendi causa (5). Audiunt
igitur, et interrogant, si quid ipsis videatur,
disputantes; ipsi vero nec refellunt positam ab
alio sententiam; nec novam aut suam profe-
runt (6).

Maioris quodammodo momenti personam
sustinet **Q. Mucius Scaevola**, cum tamen
ad-

(1) Vid. II. 3.

(2) III. 5.

(3) *de Orat.* I. 7.

(4) I. 8. III. 8.

(5) *Conf.* I. 8. 21. 22.

(6) Vid. I. 21. 22. 29. 30. 32. 35. 47. 62. II.
23. 50. 57. 90. III. 12. 36. 55.

ad sit, ut diximus, non nisi primi libri disputationibus. Contra Crassum enim disserit (1), concedendum illi non esse arbitratus, unum, quod ab Oratoribus civitates et initio constitutas, et saepe conservatas esse dixisset (2); alterum, quod omnem omnino doctrinam Oratori esse comprehendendam statuisset (3).

Posterior autem pars, cum refellitur a Crasso (4), tum uberioris multo postea ab Antonio tractatur, et gravioribus argumentis confirmatur (5), quam ob causam illa magis ad Antonii, quam ad Scævolae sermonem pertinet: praesertim cum ipse Mucius post Crassi refutationem, se cum illo non amplius luctaturum significet (6); victoriam ei quasi concedens, ut accipit Antonius (7). Ad priorem autem oblicationis partem, qua prudentia potius, quam eloquentia, constitutas esse civitates, ipsam adeo eloquentiam reip. saepius nocuisse, disputavit Mucius, ita Crassus respondit; animadvertendo, eloquentian a rerum cognitione et prudentia non

es-

(1) I. 9 — 11.

(2) I. 8.

(3) ibidem.

(4) I. 11 — 17.

(5) I. 48. seqq.

(6) I. 17.

(7) I. 49.

esse sciungendam: ut de illa obiectione non amplius cogitare videatur Scaevola: praecipue autem deinceps (1), explicanda tota ratione et disciplina summi Oratoris, iis ipsis, quae de summo Oratore praedicat, Crassus satis superque Scaevolam refellit: qui igitur (2) laudans Crassi orationem, eum omnes aperuisse censet fontes bene dicendi; et (3) formam Oratoris, cum opinione maiorem, melioremque Crassus instruxisset, et ornasset, eam vehementer se probare fatetur. Inferius, cum magis ad sententiarum ipsarum pondus, quam ad personas attendemus, plura addendi locus erit.

Nec igitur ea, quae una vice paucis disputat Scaevola, nec urget, aut confirmat, sed statim cedendo (4) amittit, adhiberi posunt, unde Ciceronis de summo Oratore sententia constituatur. Videtur namque Scaevola hoc loco inductus esse a Cicerone, non ita ut sententiam quamdam suam, a caeteris diversam, exponat et tueatur; sed magis, ut in contrarium disputando, tamquam auctor sermonis et moderator, commoveat et excite ingenium Crassi: quo huic

OC-

(1) I. 36 — 47. imprimis c. 47.

(2) c. 47.

(3) I. 35.

(4) quod etiam Antonius miratur I. 49.

occasio detur latius et copiosius de universa
Oratoris facultate explicandi et disserendi; cu-
jus rei ansam satis aptam nondum praebebat
Crassi exordium (1); continens de praestantia
studii dicendi quaedam monita ad Cottam et
Sulpicium. Dimovendaे citius Scaevolae per-
sonae rationes reddit Cicero, *ad Atticum*
IV. 15. conf. *de Orat.* I. 36.

Vacuum Scaevolæ locum Lib. II. occupant
Q. Catulus, et C. Iulius Caesar (2): de quo-
rum altero, qua ratione cum disputatione de-
summo Oratore coniunctus sit, prius videamus.

Q. Catuli persona expressa et oratio con-
firmat iudicium Ciceronis, quod supra attuli-
mus (3). Instructum et ornatum se ostendit
literis, etiam Graecis (4). Variat autem non-
numquam, et interrupit orationis cursum
disputantium, eam exemplis aut assensu suo
comprobans, interdum quaerendo et negando
überiore explicationem expertens (5).

Cae-

(4) I. 8.

(2) *de Orat.* II. 3. 4.

(3) Vid. *in Brut.* c. 35. *de Orat.* II. 18. III. 8.

(4) Vid. *de Orat.* II. 5. 12. 13. 14. 18. 36. 37.

III. 32.

(5) Vid. II. 10. 12. 13. 17. 36. 37. 42. 89. III.
22. 24. 32. 49.

Caeterum suam sententiam, aut exponendo; aut defendendo, in medium assert nullam, sed alius semper sententiae tandem assentitur; qua asseptione imprimis illud saepius confirmat, „neminem sapientiae laudem et eloquentiae sine „summo studio et labore et doctrina consequi „posse” (1). Igitur neque in partibus, quae Catulo assignatae sunt; ullus potest esse fons, efficienda sententiae Ciceronis. Iam de C. Iulio Caesare videndum, quemnam in duobus postremis *de Oratore* libris obtineat locum.

Caesar antea quidem multo minus quam Catulus, Antonii et Crassi sermoni se immiscuerat; sed quod, ut constitit antea, festivitate et facetiis omnibus praestabat, ideo ipsi deferuntur partes, de toto iocandi genere, de lepore, de sale Orationis, quatenus haec omnia ad Oratorem pertineant, disputandi; quas adeo peragit *de Orator*. II. 54 – 56. 58 – 72. Postea rursus ceterorum sermonem non interpellat, nisi per raro quaerendi gratia (2). Patet igitur in reliquis quidem C. Iulium cum capite disputationis non cohaerere; sed quod attinet ad unum illum locum de iocorum et facetiarum usu in Oratione, animadvertisatur, eius tractandi rationem a

ce-

(1) Vid. II. 14. 89. et III. 22.

(2) Vid. II. 73. III. 36. 69.

ceteris neque improbari, neque refelli, sed omnium assensu confirmari: itaque quae ex persona Caesaris disputat Cicero, ea ex sua sententia disseruisse existimandus est; praesertim cum haec pars eam potissimum ob causam Iulio tractanda imponitur, quia ut vidimus, ille hoc in genere unus omnium maxime excellebat. Quod autem praestantem in suo genere et ceteros facile superantem de eodem hoc genere potissimum disputasse finxit, illud certe ipse Cicero fecutus est (1).

Hoc loco mentio etiam facienda videtur loci Ciceronis (2), qui repugnat quodammodo rationi, quae hodie in libro II. *de Oratore* obtinet. Scilicet ita scribit (3) Cicero ad *Volumnium*: „ais — ut ego discesserim, omnia omnium dicta, in his etiam *Sextiana*, in meis conferri? quid? tu id pateris? non defensisti? non resistis? Evidem sperabam, ita notata me reliquisse genera dictorum meorum, „ut

(1) Videmus igitur *Quinctilianum* I. O. VI. 3. ubi de ridiculis disputat, semper verba Caesaris Ciceroni tribuentem: videatur e. g. p. 345. et conf. *de Oratore* II. 58. vid. p. 347. et conf. *de Orat.* II. 67. et *Quinctil.* p. 351.

(2) *ad Famil.* VII. 32.

(3) I. c.

„ ut cognosci sua sponte possent, sed quando
 „ tanta faex sit in urbe, ut nihil tam sit ἀνύθη-
 „ πον, quod non alicui venustum esse videatur:
 „ pugnα, si me amas, nisi acuta ἀμφιβολία,
 „ nisi elegans ὑπερβολή, nisi παράγραμμα bel-
 „ lum, nisi ridiculum παρὰ προσδοκῶν, nisi ce-
 „ tera, quae sunt a me in secundo libro de Ora-
 „ tore per Antonii personam disputata de re-
 „ diculis, ἐντεχνα et arguta apparebunt, ut sa-
 „ cramento contendas, mea non esse". At in
 libro II. de Oratore nihil de iocis et ridiculis
 disputat Antonius; sed simulac ad eum locum
 pervenit, transfert has partes in Caesarem (1):
 et sermone Caesaris ad finem perducto, ipse
 pergit de aliis partibus muneris Oratorii ex-
 ponere (2).

Duplici ratione nobis haec difficultas tolli
 posse videtur. Scilicet statuendo, Ciceronem
 errore μυημονικῷ putasse, se de iocorum gene-
 re et facetiarum disputationem etiam assignasse
 Antonio, ut reliqua, quae libro II. continen-
 tur, fere omnia: quo fit, ut facilius errare Ci-
 cero potuerit, cum Antonius totum fere li-
 brum II. occupet.

Ex altera vero ratione dicendum esset, con-
 sti-

(1) Vid. II. 54.

(2) Vid. II. 72.

stitutionem Libri II. *de Oratore*, antea quidem eam fuisse, ut et ille de facetiis locus ad partes pertineret Antonii, quam deinceps ita Cicero immutarit, ut nunc habemus. Loquitur itaque (1) de priore partium distributione. Nec talis posterior immutatio exemplis confirmari non posse, vid. Cic. *ad Att.* XIII. 12. 19. 16. conf. *Epiſt.* 22. 13. 14. Ex quibus patet, iam antea edita fuisse *Academica* ut videtur, Libris II, quae deinde in IV. distribuit: quam duplum Academicorum editionem Interpretes iam ab A. Talaeo (2) inde, animadverterunt, quamvis de ratione imputationis in diversas abierint sententias (3). Sed quod ad rem nostram attinet, illud ex locis allaris constat, Ciceronem saepius operum iam absolutorum aut editorum aliam personarum et partium divisionem fecisse, aut

(1) in *Epiſt. laud.*

(2) in *Epiſt. dedicat:* ad eius Praelectt. in Cic. *Academ.*

(3) Vid. Victor. *ad Acad.* II. I. I. A. Fabricius, *Bibl. Lat.* T. I. L. I. c. 8. § 6. princ. Davif. *ad Acad.* I. c. not. I. F. Fabricius in *Hist. Cic.* ad a. U. C. 708. Middleton, *leven van Cic.* D. II. p. 433. 434. et alios, quos laudat, ipse hac de re copiose differens. Io. Aug. Goerenzius, in *Introd. ad Cic. Acad.* praefixa eius editioni *Acad. Cic.* Lips. 1810. p. xiv. seqq.

aut aliam quamdam iis mutationem induxisse; ut e. g. cum forte animadvertiset, se librum quemdam suum de gloria eodem proöemio instruxisse, quo iam antea librum Acad. III, statim novum proöemium exaravit, quod ut, altero desecato, libro agglutinet, ab Attico petit (1). Igitur, quid impedit, ut statuamus, Ciceronem in dialogo *de Oratore*, denuo forte edito, mutavisse aliquid in partium distributione? Praesertim cum in eodem genere alias Ciceronis error notandus sit. Scripsit enim *ad Atticum* (2); „ sunt *de Oratore* nostri tres, „ mihi vehementer probati: in iis quoque per- „ sonae sunt, ut mihi racendum fuerit: Cras- „ sus enim loquitur, Antonius, Catulus senex, „ C. Iulius frater Catuli, Cotta, Sulpicius”. In qua enumeratiope statim videmus praetermis- sum esse Scaevolam, qui ratione coniunctionis cum disputationis capite, certe aequo minus praetermittendus erat, quam Catulus, Cotta, aut Sulpicius.

Per-

(1) *ad Att. XVI. 6.* Sic etiam scribit *ad Att. XIII. 21.* se quaedam mutasse in libro *de Fin. V.* iam descripto: et Libris Catulo et Lucullo nova proöemia esse addita, in quibus uterque laudetur: *ad Att. XIII. 32. conf. Quintil. I. O. III. 6. p. 171.*

(2) XIII. 19.

Personæ igitur, quas recensuimus, non confunctorae sunt, ut vidimus, cum quaestione, quamnam de summo Oratore sententiam Cicero habuerit: reliquæ sunt Antonius et Crassus, quos Cicero tamquam capita et fontes totius disputationis constituit, cum censeat (1); nihil sibi quidem videri „ in Crassi et Antonii sermone „ ne esse praeteritum, quod quisquam summis „ ingeniis, acerrimis studiis, optima doctrina, „ maximo usu, cognosci ac percipi potuisse „ arbitraretur". Itaque inter eos sub iudice lis erit. Videamus priore loco de Antonio.

Ut illum vero, quem statuimus, ordinem servemus, consideremus primum, quid *ex persona* Antonii ad sententiam Ciceronis possit effici.

Antonius, quamquam egregius Orator, tamen, iudice Cicerone, inferior erat Crasso. Quod cum ex ceteris testimoniis in cap. I. laudd. constat, tum imprimis ex *Bruti* cap. 37. seqq.: ibi enim, etiamsi Antonio multa tribuat, tamen Crasso statuit nihil fieri potuisse perfectius (2), et universe facile perspicias, maiores ibi laudes Crasso quam Antonio deferri: Antonium inter alia tradit, diligenter loquendi laude

ca-

(1) *de Orat.* II. 3.

(2) Vid. *in Brut.* c. 38.

caruisse (1), quae Crasso fuit propria maxime (2). Reprehendens in Curione, quod nullum poëtam noverat, nullum Oratorem legerat, nullam memoriam antiquitatis collegerat; non publicum ius, non privatum, et civile cognoverat (3), illud tamen ei commune fuisse dicit (4) cum Antonio, qui parum his artibus fuisset instructus: sed hunc tamen unum illud habuisse dicendi opus elaboratum: contra summum studium et summa doctrina erat in Crasso: quod imprimis manifestum est ex loco *de Oratore* II. 2. ubi ea ratione Crassum comparat cum Antonio, ut dicat, tollendam esse opinionem hominum, alterum non *doctissimum*, alterum *plane indoctum* fuisse (5). Crassum vero vocat Scaevola (6), *hominem omnium sapientissimum atque eloquentissimum*, qui non in libellis, sed in maximis causis, et in hoc domicilio

im-

(1) ibidem c. 37.

(2) l. c. c. 39.

(3) conf. *de Orat.* I. 34.(4) *in Brut.* c. 59.(5) conf. *de Orat.* III. 1. I. 49. 50. de Crassi juris civilis scientia existimari potest ex loco *de Oratore* II. 33. conf. I. 42.(6) *de Orat.* I. 23.

imperii et gloriae sit consilio, linguaque princeps, quem in dicendo semper putaverit Deum, cui, ex sententia Antonii (1), par nemo unquam fuit: clarissimo viro, et amplissimo principi civitatis (2). Universæ Crassus ubique primum Oratoriae laudis occupat locum (3). Igitur summi et fere perfecti Oratoris de eloquentia sententiae, ipse de summo et perfecto Oratore quaerens, quomodo non assentiret Cicero? Hoc certe minime verosimile videbitur, Tullium praetulisse minoris Oratoris de perfecto Oratore iudicium ad eiusdem mediocritatem comparatum, maximi Oratoris auctoritati, qui maiorem sententiae suae præstantiam, sui ipsius exempli splendore probaret et commendaret.

Dein, quod iam attigimus (4), consignavit Cicero in Libris *de Oratore* disputationem quasi se inter et fratrem: scribit scilicet Marcus ad Quintum (5): „ soles nonnunquam hac de re „ a me in disputationibus nostris dissentire, „ quod ego prudentissimorum hominum arti- „ bus

(1) *ibid.* c. 27.

(2) *ibid.* c. 52.

(3) Vid. *de Orat.* I. 9. 10. 17. 20. 21. 22. II. 89. III. 1. seqq. conf. quae diximus in fine Cap. II.

(4) c. I. § 1. 2.

(5) *de Orat.* I. 2.

„bus eloquentiam contineri statuam: tu au-
„tem illam ab elegantia doctrinae segegrandam
„putes, et in quodam ingenii, atque exerci-
„tationis genere ponendam": quibus verbis
momenta et capitā controversiae de summo Ora-
tore, ut apparuit antea, comprehenduntur. Igi-
tur Cicero Crassi et Antonii personis utitur,
quibus representetur disputatio se inter et fra-
trem: praesertim, quoniam Antonius exemplo
suo egregie tuebatur sententiam Quinti, eique
velut inserviebat; quippe qui parum doctrina
instructus, sed dicendi opus habens elabora-
tum (1), incredibili quadam valebat vi *inge-
nii* (2), omniaque in *exercitatione* ponenda
esse censebat (3).

Hae rationes petitae ab Antonii persona nobis
evincere iam videntur, Ciceronem non Antonii,
sed quae una superest, sententiam Crassi am-
plexum fuisse. Videamus porro, quid efficiatur
ex Antonii argumentandi modo, et sententiarum
eius defensarum aut refutatarum pondere.

Igitur primum universē duplēcē Antonii sen-
tentiam exponamus, ut de locis et momentis
disputationis melius possit iudicium ferri.

An

(1) in *Brut.* c. 49.(2) *de Orat.* I. 38.(3) *de Orat.* I. 61.

Antonius contra Crassum disputans L. I. c.
 48 — 62. tertiam Oratoris formam arctissimis
 illam inclusam terminis et sane exiguum depin-
 git: „Oratorem, inquit (1), equidem non
 „facio eumdem, quem Crassus, qui mihi vi-
 „sus est, omnem omnium rerum atque artium
 „scientiam comprehendere uno Oratoris officio
 „ac nomine: atque eum puto esse, qui verbis
 „ad audiendum iucundis, et sententiis ad pro-
 „bandum accommodatis uti possit in causis fo-
 „rensibus atque communibus. Hunc ego ap-
 „pello Oratorem, eumque esse praeterea in-
 „structum voce, et actione, et lepore quo-
 „dam volo”. Seiunctum eum putat a civita-
 tum rectoribus, et consilii publici auctoribus,
 a philosophia, a iuris civilis scientia, historia,
 prudentia iuris publici, antiquitatis itinere, ex-
 emplorum copia: quae, si quando opus est,
 mutuari, et quasi ut aliena libare Orator pos-
 sit. Omnia igitur, quae Orator praeter dicendi
 facultatem sibi assumet, Antonius existimat
 quasi in alienum solum excursus, qui ad Orato-
 rem, tamquam Oratorem, non pertineant; om-
 nem eius vim et ditionem nuda dicendi faculta-
 te contineri censet, eloquentiae materiem et re-
 rum copiam, dicendi facultati fere substernit
 nul-

nullam; Oratoremque facit causidicūm et opē-
rariūm quemdam: quem ad altiora quaeque et
ampliora vetat accedere. „Ergo” (ipsius verba
audiamus) „sit Orator nobis is, qui – accom-
„modate ad persuadendum pos sit dicere. Is
„autem concludatur in ea, quae sunt in usu
„civitatum vulgari ac forensi, remotisque ce-
„teris studiis, quamvis ea sint ampla atque
„praeclara, in hoc uno opere, ut ita dicam,
„noctes et dies urgeatur” (1): quae congru-
unt plane cum definitione *diserti*, quam antea
dederat (2): „eum statuebam *disertum*, qui
„posset satis acute, atque dilucide apud medio-
„cres homines ex communi quadam opinione
„dicere”. Hinc, quoniam tam exiguis fini-
bus totum Oratoris munus circumdederat, ut
illud in linguae volubilitate, et orationis usu,
eloquentiae velut instrumento, fere unice con-
sidere iuberet, Crassus partes officia artis et
praecepta *Rhetorica* explicandi, illi potissimum
mandat, quippe haec facilius exposituro, quibus
omne Oratoris regnum concluderat (3); prae-
fertim cum Antonius, iudice Cicerone (4), pa-
rum

(1) *de Orat.* I. 61.

(2) *ibid.* I. 21.

(3) *de Orat.* I. 62.

(4) *in Brut.* c. 59.

rum quidem artibus esset instructus; sed tamen unum illud haberet, dicendi opus elaboratum.

Ab illustrioribus et splendidioribus initii exorsus, L. II. c. 8 seqq., iam non refellendi studio ductus, sed suam sententiam dicens (1), latius patenti muneri Oratorem praeficit. At re vel sic tamen Crassiani Oratoris magnitudinem assequitur. Nam etiamsi eodem, quo Crassus (2), utatur principio, nimirum quocunque bene, et graviter, et ornate dicendum sit, id esse unius Oratoris proprium, et si qui aliarum artium bene loquantur, hos adsumto aliunde uti bono, non proprio, nec suo (3); tamen hoc principium muneri Oratoris non ita accommodat, ut omnia quae ornate debeant dici, cum sine rerum scientia verborum volubilitas inanis et irridenda sit, Oratori tradat; sed quamvis longe lateque pateat ipsa ars bene dicendi, tamen negotium Oratoris multo arctioribus terminis describit.

Etsi enim Historia, nulla alia nisi Oratoris voce, immortalitati possit commendari (4), tamen, quod saepissime dicitur, Oratoris esse,
de

(1) *de Orat.* II. 10.

(2) *ibidem* I. 11 seqq.

(3) *ibid.* II. 9.

(4) *de Orat.* II. 12 seqq.

de infiniti generis quaestione dicere, id modicis
includendum est regionibus (1); at „ omnia,
inquit (2), „ quae pertinent ad usum civium,
„ morem hominum; quae versantur in consi-
„ tudine vitae, in ratione reip., in hac societate
„ civili, in sensu hominum communi, in na-
„ tura, in moribus, comprehendenda esse Ora-
„ tori puto: si minus, ut separatim de his re-
„ bus philosophorum more respondeat; at cer-
„ te, ut in causa prudenter possit intexere:
„ hisce autem ipsis de rebus, ut ita loquatur,
„ ut ii; qui iura, qui leges, qui civitates con-
„ stituerunt, locuti sunt; simpliciter et splen-
„ dide, sine ulla serie disputationum, et sine
„ iejuna concertatione verborum": et universè
censet, praeter hominum lites, omnium ceterarum
rerum orationem ludum esse homini non
hebeti, neque inexercitato, neque communian*i*
literarum et politioris humanitatis experti: „ in
„ causarum, inquit, „ contentionibus, mag-
„ num est quoddam opus, atque haud sciā;
„ an de humanis operibus longe maximum" (3).
Igitur Antonius, non egrediens suam ipse in
doctrina mediocritatem, ita instituit Oratorem,
ut

(1) ibid. c. 15, 16.

(2) I. c. c. 16.

(3) I. l. c. 17.

ut sit tinctus literis; audierit aliquid, legerit, praecepta rhetorica acceperit: cetera omnia magis ingenii cuidam, et exercitationis generi committenda esse iudicat (1): quam sententiam suam complectitur his tribus Oratori tribuendis (2): „ sit — doctrina liberaliter institutus, „ et imbutus usu, et satis acri ingenio”.

Antonii igitur Orator non eo tantum nomine differt a Crassiano, ut maxima illa rerum omnium ditio ei non subiiciatur; sed ne tamquam virum civilem quidem eum tam magnifice ornat, atque tot tantisque copiis instruit Antonius, quot et quantis Crassus; sed eum metitur ex usu communi civium et Reip.; cum Crassus primum universè, quod „ vis *Oratoris* professioque ipsa bene dicendi — suscipere ac polliceri videtur” (3), quocunque in quavis disciplina aut arte ornate possit dici, aut debeat, id ab hac arte detrahatur, et cum ipsa disciplina aut arte Oratori tradat; de quo eum melius iubeat dicere, quam ipse disciplinae doctor: et deinde *civilem* illum *Oratorem* ita singat, ut hanc omnium rerum scientiam ad usum civilem, qui imprimis conspicitur in civitatibus fundandis,

sta-

(1) Vid. *de Orat.* I. c. 20. 23.

(2) I. l. c. 39.

(3) *de Orat.* I. 6.

stabilitiendis, regendis, omnem convertat. Ceterum usque ad finem Libri II. Antonius Oratorem, tanquam qui in causis versetur, in deliberationibus (1), et laudationibus (2), praceptis instituit de ratione dicendi ex suo plenumque usu derivatis. Attamen ex quinque partibus, quibus ars dicendi constat, sumit sibi tractandas tantum tres priores, inventionem, dispositionem, denique memoriam (3); ornatum vero orationis, id est elocutionem et actionem, Crasso relinquit, de quibus hic expopnat Lib. III.

Singula quaedam paulo accuratius invisemus. Ceterarum doctrinarum et artium apparatum ab Oratore sciungens, fatetur tamen Antonius, Oratorem „callidum quemdam — et nulla in „re tironem ac rudem, nec peregrinum atque „hospitem in agendo esse debere” (4). Deinde ad singula, quae ad Oratorem Crassus dixerat pertinere, transit. Igitur primum Philosophiam necessariam non esse, quia ab ea demum Orator minime discat iudicem inflammare, sed nec utilem, quia philosophi alienissima saepe do-

(1) II. c. 81 seqq.

(2) ibid. c. 84 seqq.

(3) I. I. c. 86 seqq.

(4) I. I. c. 50.

doceant ab Oratoris ratione et disciplina (1); Altero loco (2) tollere conatur necessitatem scientiae iuris civilis, unde ducta argumenta, eius iudicio, minus proficiant, quam vis dicendi, ornamentiis Oratoriis, et venustati coniuncta. De quibus autem causis nullum est dubium, eae in indicium non vocantur: maximam igitur partem iuris civilis Oratori ignorare licet (3). De illa vero iuris parte, de qua ambigitur, si quae incidat quaestio, non est difficile Oratori, aut auctorem consulere, aut cum viro docto communicare (4). Quibus ipsis dicendis, cum iam sentiat Antonius eo esse perventum, ut utilitatem iuris civilis magis probaret, quam refelleret, concedere cogitur, se negare non posse, prodesse ullam scientiam, „ ei praesertim, cuius eloquentia copia rerum „ debeat esse ornata;” sed obstat dicit, „ multa et magna et difficultia esse ea, quae sunt „ Oratori necessaria, ut eius industriam in plura studia distrahere nolit” (5). Et reliqua, quae adiuvare non negat, historiam, et pruden-

(1) ibid. c. 51—55.

(2) c. 55—61.

(3) I. l. c. 57.

(4) ibid. c. 57. 58.

(5) ibid. c. 59.

dentiam iuris publici, et antiquitatis iter, et exemplorum copiam, si quando opus sit, mutuari se posse dicit a viro, istis rebus instruc-
 to (1). Concludit „ sit Orator nobis is, qui
 „ ut Crassus descripsit, accommodate ad persuau-
 „ dendum possit dicere. Is autem concludatur
 „ in ea, quae sunt in usu civitatum vulgari ac
 „ forensi: remotisque ceteris studiis, quamvis
 „ ea sunt ampla atque praeclara, in hoc uno
 „ opere, ut ita dicam, noctes et dies urgea-
 „ tur”.

Craslus vero causa sua sisus, nec quae ipse
 antea dixisset, Antonii argumentis ullo modo
 esse debilitata conscius, satis habet respondis-
 se (3); „ operarium nobis quemdam, Antoni,
 „ Oratorem facis, atque haud scio, an aliter
 „ sentias, et utare tua illa mirifica ad refellen-
 „ dum consuetudine, qua tibi nemo unquam
 „ praestitit. Verum ego non solum arbitrabar,
 „ his praesertim audientibus, a me informari
 „ oportere, qualis esse posset is, qui habitaret
 „ in subselliis, neque quidquam amplius adfer-
 „ ret, quam quod causarum necesitas postula-
 „ ret; sed maius quidquam videbam, cum cen-
 „ sc-

(1) c. 60.

(2) c. 61.

(3) c. 62.

„ sebam , Oratorem , praesertim in nostra rep. ,
 „ nullius ornamenti expertem esse oportere”.

Et vero , quamvis sententiam suam non declarasset Tullius , quod fecit , facile nihilominus ex utriusque adductis rationibus et refutatis , effici posset , quibusnam partibus sese adiungat .

Nam quae in medium Antonius argumenta attulit , ea cadunt ex iis , quae Crassus iam antea disputaverat , aut aliis locis ab ipso Cicerone reselluntur et exploduntur . Nec aliter fere ac Plato , qui in Oratoribus irridendis , ipse summus Orator esse videbatur (1) , Antonius probando , ius civile , philosophiam , historiam , litteras , ad Oratorem non pertinere , omnium earum rerum se non mediocriter esse peritum ostendit (2) : cum omnia , quae cum Oratore sunt coniuncta , minus nesciret , quam nescire vellet videri . Memorat enim Cicero (3) , illum vel Athenis , vel Rhodi , se doctissimorum hominum

(1) Vid. *de Orat.* I. II.

(2) Ideo et Catulus , ad finem Antonii disputatione perducta , „ gaudeo” , inquit , „ iudicium animi mei comprobari , quod semper statui , neminem sapientiae laudem et eloquentiae sine summo studio , et labore , et doctrina , consequi posse” .
de Orat. II. 89.

(3) *de Orat.* II. I.

num sermonibus deditis (1): neque sibi adolescenti, multa ex eo saepe quaerenti, nullius rei, quae quidem esset in his artibus, de quibus ipse Tullius tum temporis aliquid existimare posset, rudem aut ignarum esse visum (2): sed „probabiliorem hoc populo orationem fore „censebat suam, si omnino didicisse nunquam „putaretur” (3).

Prae-

(1) *Conf. de Orat.* I. 18 seqq.(2) Quae Ciceroni etiam causa inter alias extitit, conscribendi dialogi *de Oratore*, ut opinio toleretur, Antonium plane indoctum fuisse; conf. omnino *de Orat.* II. 2. et quae antea dicta sunt.(3) *Conf. omnino de Orat.* II. 36. 37. Nec sine ratione adeo Antonius nihil a Graecis assumpsisse volebat videri: quippe Graecae literae primitus Romae contemnebantur, et aditu fere intercludebantur. Vid. Krug *Gesch. der Philos. alt. Zeit.* § 149. a. p. 367. et ll. laud. in not. b. imo Ciceronis temporibus nondum melius multo res se habuit: vid. ibidem § 152, p. 372. et in nota b. p. 373. *Acad.* II. 2. *conf. Garve Anmerk. zu Cic. Pflichten*, B. II. p. 4 seqq. ed. Sta 1801. Ex quo Graecorum devictorum contemtu derivandum M. Ciceronis senis dictum, quod assert *Caesar de Orat.* II. 66. „Romanos homines similes „esse Syrorum venalium: ut quisque optime Graece „sciret, ita esse nequissimum”. Fatetur ipse Ciceron (*ad Fam. XV. 4.*) Philosophiam illam veram et antiquam, quibusdam otii ac desidiae videri. Et dicitur Plu-

tar-

Praeterea autem tota fere Antonii contra Crassum disputatio resutatur eo, quod ei in memoriam revocat Crassus (1), se significare non luisse, qualis esse posset Orator, qui tantum causis sufficeret; sed Oratorem se informasse, perfectum illum, et plenum, detractis omnibus vitiis, atque omni laude cumulandum (2). Quod non semper tenet Antonius. Verum prius Crassum probare sibi, quae dicit, testatur, „ nec dubito”, inquit (3), „ quin multo lo- „ cupletior in dicendo futurus sit, si quis om- „ nium rerum atque artium rationem, naturam- „ que comprehenderet;” et distinguit inter di- fertum et eloquentem: *disertum* statuens eum, „ qui posset satis acute atque dilucide apud „ mediocres homines ex communi quadam ho- „ mi-

tarcho (*in Vit. Cic. c. 5.*) Tullius ταῦτα δι- τὰ Ρωμαῖων τοῖς βαναυστότατοις πρόχειρα καὶ συνήθη ἥγηστα, Γραικὸς καὶ σχολαστικὸς, ἀκούων. Ceterum dissimulandae scientiae causa eadem fuit Antonio et Apro, de quo vid. *Auct. Dial. de Orat. c. 2.* De Anto- nio conf. *Quinctil. I. O. XII. 9.* quo pertinet *Cic. de Orat. c. 42.* conf. etiam *Quinctil. II. 17. princ.*

(1) *de Orat. I. 62.*

(2) quod saepius iam monuerat antea, vid. *de Orat. I. 16. 17. 26. 28. 44. 46.*

(3) *I. 18.*

„ minum opinione dicere (1): *eloquentem* vero
 „ qui mirabilius et magnisicentius augere pos-
 „ set, atque ornare quae vellet, omnesque om-
 „ nium rerum, quae ad dicendum pertinerent,
 „ fontes animo ac memoria contineret. Id si
 „ est difficile, (ita pergit) nobis, qui ante,
 „ quam ad discendum ingressi sumus, obrui-
 „ mur ambitione et foro, sit tamen in re posi-
 „ tum atque natura (2). Ego enim, quantum
 „ auguror coniectura, quantaque ingenia in nos-
 „ tras hominibus esse video, non despero, fo-
 „ re aliquem aliquando, qui et studio acriore,
 „ quam nos sumus, atque fuimus, et otio ac
 „ facultate discendi maiore, ac matuoriore, et
 „ labore atque industria superiore, cum se ad
 „ audiendum, legendum, scribendumque dedi-
 „ derit, existat talis Orator, quem quaerimus,
 „ qui iure non solum *disertus*, sed etiam *elo-*
 „ *quens* dici possit” (3).

At vero deinceps, quasi non quaereretur Orator ille summus et *eloquens*, sed quibus, quam minimis quis copiis instructus, tamquam mediocris Orator, et *disertus*, causis posset sufficere;

que-

(1) cuius generis Oratorem descripsit *de Orat.* I. 61.

(2) cum contraria plane et opposita affirmet *de Oratore* I. 49. 50.

(3) *de Orat.* I. 21.

queritur primum, tot tantaque coimplerti, difficile esse factu „ praesertim”, inquit, „, in „, hac nostra vita, nostrisque occupationibus; „, deinde illud etiam verendum est, ne abstra- „, hamur ab hac exercitatione et consuetudine „, dicendi populari et forensi” (1). Atque cum hoc esset consecutus Roscius, ut in quo quisque artificio excelleret, is in suo genere *Roscius* diceretur (2), Antonius illud esse horribile dicit, Crassum voluisse Oratorem quasi in suo genere esse quemdam Roscium (3); dum Crassus summum Oratorem quaerens, insuper modeste adiecerat (4); „, hanc ego absolutionem, „, perfectionemque in Oratore desiderans, aqua „, ipse longe absum, facio impudenter: mihi „, enim volo ignosci; ceteris ipse non ignosco”.

In hiis vero, quae dicit Antonius (5), de philosophia, aut perverse philosophiae usum ostendit, aut uititur placitis Stoicorum, Platonis, aliorum, ab Oratore abhorrentibus: et eodem tempore ab Oratore exigit, quae non nisi a Philosophia petat (6): de Academica philo-

fo-

(1) I. 18. conf. c. 59. 60. 61.

(2) Vid. *de Orat.* I: 28.

(3) ibidem I. 61.

(4) I. 28.

(5) I. 55.

(6) I. c. c. 51.

sophandi ratione, Oratori imprimis adaptata, mentionem non facit.

In iuris civilis scientia eo fere reddit omnis disputatio, ut, quo ab ineunte aetate illud studium evitet Orator, in tempore, si quando opus sit, auxilium aut ab auctoribus, aut a viris peritis mutuetur (1). Neque alia ratione ex historia, antiquitate, prudentia iuris publici, literis, expedire se potest (2); ita ut appareat ex ipsa Antonii argumentatione, Oratorem, qui vel minime causis sufficiat, non plane his artibus posse carere; et fatetur (3), „ calidum quemdam hunc et nulla in re tironem ac rudem, nec peregrinum, atque hospitem in agendo esse debere”: sed (4) „ aliud est esse artificem cuiusdam generis atque artis, aliud in communi vita et vulgari hominum confuetudine nec hebetem nec rudem”. Orator igitur ille vulgaris, non perfectus et plenus, qualem desiderabat Crassus, sed talis, qualis ipsi sibi videbatur Antonius (qui universe Oratorem ex se, non ex summi illius imagine expressit (5),) omnium rerum non omnino de-

(1) I. c. c. 55—61.

(2) I. c. c. 60.

(3) c. 50.

(4) ibid. c. 58.

(5) In quo igitur Crassum immerito incusat, quem

debet esse rudis: unde sequitur, si perfectiorem quemdam informes, illum magis iam in scientiarum et artium copia debere versari: denique perfectissimum; cui nihil potest deesse, ea ratione his rebus omnibus esse auctum et ornatum, qua voluit Crassus. Atque ita Antonius, si ab iisdem, quibus Crassus, initiis et consilio profectus fuisset, ad eundem exitum et finem pervenisset: iam vero tenuiorem quamdam, et exiliorem formam sectatus, de se, non de summo Oratore exemplum capiens (1), eius imago Oratoris multo minus aucta, et ornata prodire debebat; cui adeo multa facile poterant deesse, quae in eloquente suo ipse desiderasset et requisivisset.

Et antea quidem, quam ipse in disputationem vocetur, lasentitur Crasso, non tantum in eo, quod hic de quaestione utrum ars sit eloquentia, statuerat (2), sed multo magnificentius

eti.

quem sibi videri dicit, Oratoris facultatem, non illius artis, sed ingenii sui finibus, immensis pene, describere (*de Orat.* I. 49.), in eodem revera peccat. Antonius, Oratoris munus doctrinae et copiae suae terminis, fane non amplissimis, coarctando.

(1) Dum contra Crassus saepius in memoriam revocat, se non de sua, sed *de Oratoris facultate* dixisse, *de Orat.* I. 16. et II. antea laudd.

(2) Vid. *de Orat.* I. 23. 24. conf. c. 28.

etiam, quam postea *de Oratore* sentit: in quo
 „ acumen”, inquit (1), „ dialecticorum, sen-
 „ tentiae philosophorum, verba prope poëta-
 „ rum, memoria iurisconsultorum, vox tragoe-
 „ dorum, gestus pene summorum actorum est
 „ requirendus. Quamobrem nihil in hominum
 „ genere rarius perfecto Oratore inveniri po-
 „ test: quae enim singularum rerum artifices
 „ singula si mediocriter adepti sunt, probantur,
 „ ea, nisi omnia summa sunt, in Oratore proba-
 „ ri non posunt”. Itaque Crassus postquam
 Antonius, ab hac sententia deinde longissime
 discedens, exiguis sane finibus Oratorem cir-
 cumscripsit; „ operarium,” ait (2), „ nobis
 quemdam, Antoni, Oratorem facis, atque
 haud scio, an aliter sentias, et utare tua illa
 mirifica ad refellendum consuetudine, qua tibi
 nemo unquam praestitit”. Quod egregie An-
 tonius confirmat: scilicet, postquam initio Lib.
 II. copiosius multo, et amplius, et illustrius de
 Oratore praedicaverat, „ Crassus (3), nox
 te, inquit, nobis, Antoni, expolivit, homi-
 nemque reddidit. Nam hesterno sermone,
 unius cuiusdam operis, ut ait Caecilius, re-
 „ mi-

(1) *de Orat.* I. 28.

(2) *de Orat.* I. 62.

(3) *de Orat.* II. 10.

„ migem aliquem aut baiulum, nobis Orato-
 „ rem descripseras, inopeim quendam humani-
 „ tatis, atque inurbanum. Tum Antonius, he-
 „ ri enim, inquit, hoc mihi proposueram, ut
 „ si te refellissem, hos a te discipulos abdu-
 „ cerem; nunc, Catulo audiente et Caesare;
 „ videor debere non tam pugnare tecum, quam
 „ quid ipse sentiam, dicere”.

Ultimo loco res nobis erit cum Crasso, cu-
 ius de summo Oratore sententia iam una su-
 perest, quam Ciceronis esse dicamus; post-
 quam probare sumus conati, reliquarum perso-
 narum iudicium in Ciceronem cadere non po-
 tuisse. Quae igitur de Crasso afferemus, po-
 tissimum inservient maiori confirmationi eorum,
 quae antea dicta sunt: quamvis inde per se
 etiam intelligetur, quae ex Crassi persona Tul-
 lius de Oratore disseruit, ea ex sua mente dis-
 seruisse. Si quis vero post ea, quae iam dixi-
 mus, maiorem etiam probationem requirat, nec
 alteram illam Antonii sententiam, quam propo-
 suit Libr. II., Ciceroni convenire, (cum tamen
 pleraeque rationes, ex quibus priorem a Cice-
 ronis iudicio dimovimus, etiam in illam poste-
 riorem valeant) iam nullam difficultatem reli-
 quam esse confitebitur, quando etiam hanc,
 quam aggredimur, probationis partem absolve-
 rimus.

Ita-

Itaque iis, quae precedentibus intextuimus, primum addamus illa, quae ex *persona* Crassi efficiantur, ut eius sententia constituatur, esse Tullii: dein ex argumentandi ratione et sententiuarum pondere colligamus, cuius victrix sit sermo, et suo se robore facile tueatur adversus omnes impugnationes, ab eius partibus stare ipsum auctorem.

Uti diximus, Crassus erat talis Orator, quo perfectius Cicero fere nihil desiderabat: sed praeterea ipse Tullius institutus fuit et formatus, Crasso auctore et moderatore; quod certe maxime valet ad demonstrandum, Ciceronem Crassi potissimum personam elegisse, sub qua latet ipsius de perfecto Oratore sententia.

Tradit autem Cicero (1), se et fratrem Quintum ea didicisse, quae Crasso placerent, et ab his doctoribus, quibus ille uteretur, eruditos fuisse: at constat, et inferius de hac re plura dicentur, Tullium institutione usum fuisse doctissima, et ea, quam postea ipse maxime laudavit, quaque optime via sternebatur ad illum Oratorem, quem Crassus depingit, a nulla arte aut scientia alienum. Igitur Crassus, questus (2), se ante ad agendum, quam ad cog-

(1) *de Orat.* II. 1.

(2) *de Orat.* I. 17.

cognoscendum venisse, sibique, si minus ingenium, certe doctrinam et otium et studium illud discendi acerrimum, defuisse, experiri in Cicerone discipulo potuit, „ si ad alicuius in- „ genium vel maius, illa, quae ipse non atti- „ gisset, accessissent, qualis ille et quantus „ Orator futurus esset” (1). Itaque auctori illius disciplinae, cui debebat, quod doctus in forum venissem (2), ex qua (3) repetebat, quicquid in se esset, aut ingenii, aut facultatis, illi igitur non assentiret de summo Oratore, a quo illud sibi tributum esse intelligebat, ut suum nomen dein non hominis, sed ipsius eloquentiae esse videretur?

Igitur L. Crassus Ciceroni princeps extitit, et ad suscipiendam et ad ingrediendam horum studiorum rationem, cuius auctoritati et consilio forte etiam recte tribuas, quod Cicero ad M. Titinnium retulit (4); „ equidem memoria „ teneo, pueris nobis primum latine docere „ coepisse L. Plotium quemdam: ad quem cum „ fieret concursus, quod studiosissimus quisque „ apud

(1) ibidem.

(2) *in Brut. c. 90.*

(3) Praesertim *in Orat. pro Archia.* Vid. c. 1.
6. 7.

(4) servato loco a Suet. *de cl. Rhet.* c. 2.

„ apud eum exerceretur, dolebam mihi idem
 „ non licere. Continebar autem doctissimo-
 „ rum hominum auctoritate; qui existimabant,
 „ *Graecis exercitationibus ali melius ingenia*
 „ *posse*": quod egregie convenit cum effatis
 Crassi (1); qui censor latinos Rhetoras sustu-
 lerat: et contra, Archiam, cui Tullius tanta
 debuit, quanta pro illo orationem habens, de-
 claravit, praceptorum Ciceroni esse commen-
 datum et adiunctum, imprimis auctore L. Cras-
 so, a quo Archias colebatur (2), vere suspi-
 cemur.

Porro non tantum Crassi in legem Caepionis
 orationem, sibi a pueritia quasi *magistrum* fuis-
 se, Cicero fatetur (3), sed eum etiam (4) per
 Crassi personam descriptisse exercitia sua Orato-
 ria, non immerito colligere videntur, F. Fa-
 bricius (5), et Middletonus (6). Certe eo
 modo de iis disseritur, ut Cicero aliter sentire,
 eaque non sequi, vix potuerit, neque abhor-
 rent ab iis exercitationibus, quibus se usum fu-
 is-

(1) *de Orat.* III. 24.

(2) *pro Archia* c. 3.

(3) *in Brut.* c. 44.

(4) *de Orat.* I. 34.

(5) *in Hist. Cic.-ad a. U. C.* 663.

(6) *leven van Cicero* Tem. I. p. 20.

isse ex sua persona asseverat (1), quamquam non necessarium duxerit, eadem, quae iam aliquando (2) dixerat, alio rursus loco repetere. Imprimis constat, Tullium ad Crassi exemplum preecepta (3) et se composuisse, instituta exercitatione vertendi et explicandi Graeca Latine: de qua Quintilianus (4) „ vertere graeca in „ latinum veteres nostri Oratores optimum iu- „ dicabant. Id se L. Crassus in illis Ciceronis „ *de Oratore* libris dicit factitasse. Id Cicero „ sua ipse persona frequentissime praecepit: „ quin etiam libros Platonis atque Xenophoni- „ tis edidit hoc genere translatos” (5). Rationem adeo; quam Crassus commendat, ipse fecutus (6), huius exercitationis, explicandi scilicet magis ad sensum, et stili imitationem, quam vertendi; eamdem sibi praescripsit Cicero (7).

Quam deinde similitudinem Ciceroni esse

cum

(1) *in Brut.* c. 89.

(2) *in loco de Orat. laud.*

(3) Vid. *de Orat.* l. c.

(4) *I. O. X.* 5. princip.

(5) *de Platone* satis notum. *Oeconomicum* Xenophontis se vertisse adolescentem, auctor est *de Offic.* II. 24.

(6) *de Orat.* I. 34.

(7) Vid. *de opt. gen. Orat.* c. 5. conf. *Suet. de cl. Rhet.* c. 1. *Plin. Epist.* VIII. 9.

cum Crasso iudicat Brutus (1), eam revera inter hos viros magnam intercessisse, reperimus. Doctus et omnibus ingenuis artibus instructus, Crassus ad dicendum accessit: in quo Cicero eum secutus, longe superavit: ut postea apparebit. Magnopere Crassus versatus erat in iuris civilis scientia (2), et publici, ipse vir civilis praestantissimae dignitatis; quae laudes, ut videbimus, Ciceroni quam maxime tribuenda sunt. Ornatus erat Crassus magna graecarum copia litterarum (3), quas Cicero, cum exhausisset, effecit, ut ab iis postea Romanis hominibus non multum petendum esset. Historiae et exemplorum cognitione bene munitus erat Crassus (4): abundabat Tullius. Nihil sane ipsis philosophis Crassus in disputatione concedebat (5): Cicero in ipsis philosophiae penetralibus habitabat. Catulus (6) satis mirari non potest, quomodo Crassus „occupatissima „in civitate, vel privatorum negotiis pene „omnibus, vel orbis terrae procuratione, ac „sum-

(1) *in Brut.* c. 40.

(2) Vid. *de Orat.* II. 33. conf. I. 42.

(3) Vid. *de Orat.* III. 5 seqq. qua caruit fere Antonius, vid. *ibid.* I. 14.

(4) Vid. *in Brut.* c. 38. 39.

(5) Vid. *de Orat.* III. 20. 21.

(6) *de Orat.* III. 32.

„ summi imperii gubernatione districtus, tan-
 „ tam vim rerum, cognitionemque comprehen-
 „ derit, eamque omnem cum eius, qui consi-
 „ lio et oratione in civitate valeat, scientia
 „ atque exercitatione sociarit?": quid autem di-
 cendum censuisset idem Catulus, si non tam
 Crassi quam M. Tullii Ciceronis aequalis fu-
 issset?

Patet adeo, in omnis doctrinae possessione et Crassum versatum fuisse, et simili ratione Ciceronem: Crassum autem pro suis temporibus excelluisse, et praestitisse omnibus: at Ciceronem a philosophia, a iure civili, ab historia, ab omnibus bonis magnisque rebus instructorem, ea addidisse, quae unice fere addi adhuc poterant (1).

Ex his, quae aliis pluribus possent augeri, similitudinis notis, inter Crassum et Ciceronem, rursus alia dicitur ratio, utriusque sententiae confirmandi consensus. Scilicet sine dubio Tullius stetit ab eius partibus, cuius, ipse Oratore perficiendo, ipse vestigia legit, quamvis maioribus auctus copiis et auxiliis longius progressus sit.

Ita persona L. Crassi facit, ut cum Quintili-

(1) Conf. in Brut. c. 44.

(2) I. O. X. 3. init.

lano (2) dicamus; Ciceronem sententiae suae personam L. Crassi, in disputationibus, quae sunt *de Oratore* adsignando, iudicium suum cum illius auctoritate coniunxisse.

Quod attinet ad argumentandi vim et sententiatarum pondus, animadversum est antea, contra obiectiones Antonii, Crassi sententiam faciliter tutam esse, tum sua ipsius firmitudine et auctoritate, tum ex debili et vacillante Antonii refellendi ratione. Quae ibi diximus, satis sufficere arbitramur, ut hoc loco nihil addendum sit.

Nec necesse videtur, hoc loco exponere de sententia Crassi, ut fecimus de Antonii iudicio; cum ea uberior et copiosius cognoscenda sit ex Cap. III.

At hoc loco minime negligendae sunt Q. Mucii Scaevolae, qui tamquam auctor disputationis initium facit, contra Crassi sententiam, obiectiones: hae enim ipsum caput controversiae de summo Oratore tangunt. Nam quae antea de hac re diximus, ea magis pertinebant ad personam Scaevolae, quam sententiatarum eius et orationis indolem, et vim ad refutandum Crassum.

Crassus (1), sermonem quemdam de studio dicendi inferens, formam illam Oratoris comprehendit insignem, longe lateque patentem et

con-

(1) *de Orat.* I. 8.

conspicuum. Oratorem omnis sapientiae, omnis consilii in Rep. quasi fontem, civitatum adeo condendarum, conservandarumque et regendarum auctorem; et praeterea remoto foro, concione, iudiciis, senatu, in omni genere sermonis et humanitatis perfectum. Huius de Oratore sententiae adversatur Scaevola, dupli ratione; et sapientia, et doctrinâ a dicendi facultate segregandâ. Igitur (1) civitates arbitratur non constitutas disertorum oratione, sed prudentum consiliis; resp. a viris sapientibus, eloquentiae expertibus, conservatas, ab hominibus eloquentissimis plerumque dissipatas et perditas. Hinc (2) ad ipsos huius et antiqui temporis Oratores provocans, illos omnes significat ignaros legum, morum maiorum, auspiciorum, religionum, iuris civilis, suo exemplo probare, illos omnia haec eruditionis genera ad Oratorem non pertinere existimare. Porro transit ad alteram rationem Crassi oppugnandam; statuens (3), Oratoris non esse in omnis sermonis disputatione copiosissime versari, sed singula doctrinae genera ad singulos suos possesores et doctores referenda esse; qui singuli iure sibi vindicent,

(1) l. c. c. 9.

(2) l. l. c. 10.

(3) l. c. c. 16.

cent, quodcunque Orator temere in suam ditio-
nem transferre conetur. Igitur nec omnis doctrina,
quod asseveraverat Crassus, Oratoris propria est.

Ad haec Crassus refutanda (1), uno uti-
tur argumento, sed eo gravi, et copiose et
fusce exposito. A Graecis dici illa, quae
Scaevola attulerat, monens, haerere illos ho-
mines contendit in verbi controversia (2): tri-
buenter Oratori tamquam viro civili, ut in iu-
diciis, aut apud populum, aut in senatu, co-
piose loquatur, at quae cum hac ipsa eloquen-
tia, quam ei concedunt, sint coniuncta, non
videntes; „neque enim sine multa pertractatione
„omnium rerum publicarum, neque sine le-
„gum, morum, iuris scientia, neque natura
„hominum incognita, ac moribus, in his ip-
„sis rebus satis callide versari, et perite po-
„test. Qui autem haec cognoverit, sine qui-
„bus ne illa quidem minima in causis quisquam
„recte tueri potest, quid huic abesse poterit
„de maximarum rerum scientia” (3)? et
„dicendi — virtus, nisi ei, qui dicit, ea de
„quibus dicit, percepta sint, existare non po-
„test” (4). Igitur Orator, auctore Crasso,

non.

(1) l. 1. c. 11—17.

(2) c. 11.

(3) ibid.

(4) l. 1.

non repugnabit, quasdam doctrinas et artes proprias esse eorum, qui in his cognoscendis atque tractandis studium suum omne posuerunt, sed tractationem orationis gravis et ornatae sibi suntem (1), quam Oratoris esse omnes concedunt. Nec si aliarum scientiarum periti, de suis artibus diserte disserunt, hoc vi et artificio suarum artium consequuntur, sed eloquentiae. Contra cum eloquentia sine rerum ipsarum scientia nulla sit, omnium rerum cognitio fere Oratoris propria est, quippe sine qua Orator perfectus esse non posit. Huc itaque tendit sermo Crassi, ut minus suam sententiam dicat, quam ostendat, etiamsi concedatur Scaevolae, tamen ex hac ipsa sententia necessario sequi, rerum cognitionem Oratori esse tradendam. Quam argumentandi vim perspiciens Scaevola (2); „ non „ luctabor”, inquit, „ tecum, Crasse, ampli- „ us, id enim ipsum, quod contra me locutus „ es, artificio quedam es consecutus; ut et „ mihi, quae ego vellém, non esse Oratoris, „ concederes: et ea ipsa, nescio quomodo, „ rursus detorqueres, atque oratori propria „ traderes. Tua enim oratio fuit eiusmodi, „ non ut ullam artem, doctrinamve contemne- „ res,

(1) ibid. c. 51.

(2) c. 17.

„ res, sed ut omnes comites ac ministras Ora-
 „ toris esse diceret”. Ita quasi suscipiendo et
 amplectendo Scaevolae sententiam, suam Cras-
 sus confirmat. Quod illustrent verba eius se-
 quentia (1): „ si quis *universam* et *propriam*
 „ *Oratoris vim* definire, complectique vult, is
 „ Orator erit, *mea sententia*, hoc tam gravi-
 „ dignus nomine, qui quaecunque res incide-
 „ rit, quae sit dictione explicanda, prudenter
 „ et composite et ornate et memoriter dicat,
 „ cum quadam etiam actionis dignitate. Sin
 „ cuiquam nimis infinitum videtur, quod ita
 „ posui, *quacunque de re*, licet hinc, quan-
 tum cuique videbitur, circumcidat, atque
 amputet: tamen illud tenebo, si quae ceteris
 in artibus aut studiis sita sunt, Orator igno-
 rer, tantumque ea teneat, quae sunt in dis-
 ceptionibus, atque in usu forensi, tamen
 his de rebus ipsis, si sit ei dicendum,
 cum cognoverit ab iis, qui tenent, quae sint
 in quaque re, multo Oratorem melius, quam
 ipsos illos, quorum eae sunt artes, esse di-
 cturum”.

Praeterquam autem, quod Crassus hac ratio-
 ne, confidente ipso Scaevola, et iudice Antonio,
 et nostro iudicio, sententiam suam contra Scae-

vo-

(1) I c. c. 15.

volae impugnationis partem imprimis alteram, recte vindicavit (1): Cicero ex sua ipse persona alio loco, priori etiam obiectioni occurrendo, et sententiam Crassi firmavit, et suam quam apertissime declaravit.

Neque enim nobis cum Quintiliano (2), exinde, quod Cicero hos *de Inventione* libros postea improbavit, sequi videtur, Ciceronem sententias etiam, his libris contentas, postea abiecisse omnes, quia tractationem, tamquam rudem et inchoatam et maturore aetate indignam, condemnavit.

Igitur Cicero (3) saepe et multum hoc secum se cogitasse tradit, bonine an mali plus attulerit hominibus et civitatibus copia dicendi, ac summum eloquentiae studium (4). Sed tandem rationem in eam ipsum duxisse sententiam, ut existimaret, eloquentiam sine sapientia nimium obesse plerumque, prodesse nunquam; atque adeo detrimenta rebus publicis ab hominibus eloquentissimis illata, inde originem traxerunt, quod hi studium sapientiae cum dicendi ratione non

(1) *de Invent.* I. 1 seqq.

(2) *I. O.* II. 15. p. 124.

(3) *de Invent.* I. 1.

(4) quibus, ut diximus, constat prior pars disputationis Mucii.

non coniunxerant: tum demum ab eloquentia ad rem publicam plurima commoda veniunt, si moderatrix omnium rerum praesto est sapientia (1); quae ipsa tamen sine eloquentia parum prodest civitatibus (2). Rationes porro, ex quibus caput efferre potuit audax illa dicendi malitia, praecclare Tullius exponit (3).

Ita Cicero Crassi sententiam ab omni parte stabilivit, et ea ratione instruxit, ac tuitus est, ipsarum etiam sententiarum, quas Crassus pronuntiat, ponderē et auctoritate; ut suum Tullius iudicium melius confirmare non potuerit; et dubitandi locus sit nullus, quin eam sententiam fuerit amplexus, quam eā argumentorum munivit gravitate et copiā, quae caeteras sententias omnes infirment et labefactent, rem vero suam quam firmissimo praesidio cingant.

§ II.

(1) *de Invent.* I. 4. conf. quae in eamdem sententiam Socratem cum Phaedro differentem fecit Plato in dialog. *Phaedro*, T. III. p. 259 seqq. et praecipue p. 273.

(2) *I. c. c. 1.*

(3) *ibidem et seqq.*

§ II.

De iis, quae ipse Cicero addiscenda sibi et comparanda putavit, ut summi Oratoris vim et nomen merito teneret.

Videamus iam, quamnam Oratoris personam sibi putaverit tuendam Cicero; et quibus copiis instructus ille ad dicendi opus accesserit, qui (1) „ non immerito ab hominibus aetatis „ suae regnare in iudiciis dictus est: apud pos- „ teros vero id consecutus, ut Cicero iam non „ hominis nomen, sed eloquentiae habeatur: „ quo (2) uno nihil natura melius, nihil un- „ quam perfectius, consummatiusque produxit. „ Ille eum, quem quaerimus, invenire non po- „ tuit: nos in illo inveniemus, et nec sibi, „ nec Antonio visum, in illo ipso videbimus: — „ quem qui intelligit, veram eloquentiae, et „ perfecti Oratoris ideam, animo comprehen- „ dit” (3). Illam igitur imaginem eloquentiae

Ci-

(1) Iudice Quintiliano *I. O. X. 1.*

(2) verba sunt P. Francii *de perfect. et consummat. Orat. Orat. XV. p. 159. Edit. Amstel. 1692.*

(3) Conf. Vellei. Pat. c. I. 17. § 3. Plin. Hist. Nat. VII. 30. et testimonia collecta in *I. o. Alb.*

F 2.

Ciceronianae investigemus, et oculis ab omni parte lustremus: quibus initiiis, et quasi lineamentis, orta sit, indagemus: qua ratione magis magisque deinceps progressa et exornata sit, quaeramus: absolutam denique, et omni appara-
tu auctam et cumulatam, ita contemplemur, ut continuo inde appareat, quaenam Ciceronis fuerit ex illis sententiis, quae in Lib. *de Oratore* exponuntur. Neque enim veluti Phidias, qui praestantissimae humanae formae simulacrum effingere potuit, animam simulacro indere non potuit, Cicero non modo describendo aut praecipitis, sed suo ipse exemplo, illustrem istam imaginem primus et informavit et ostendit.

Recte autem censuit P. Francius (1), cognitionem eloquentiae Oratoris antiqui, ex cognitione morum, institutorum, rerum publicarum veterum, esse hauriendam: quas res si ignoremus, profecto, quid sit Orator, intelligi nequeat. Inde scilicet docebimur, quemadmodum alio dicendi genere Demosthenes et Cice-
ro, hic Romae, ille Athenis, usi sint, pro alia harum civitatum constitutione, sic universem rationem Oratoris, aut Graeci aut Ro-

ma-

Fabricii *Bibl. Lat.* a Io. Aug. Ernesti aucti-
us edita T. I. L. I. c. 8. § 2.

(1) in *Orat. laud.* p. 158. 159.

mani, toto coelo discrepare ab hodierno Oratoris munere.

Quae antiqui Oratoris ratio; praesertim quae spectat remp: Romanam, antea videtur expōnenda:

„ Duae (1) sunt artes, quae possunt locare
 „ homines in amplissimo gradu dignitatis: una
 „ Imperatoris, altera Oratoris boni: ab hoc
 „ pacis ornamenta retinentur; ab illo belli pe-
 „ ricula repelluntur” (2): Igitur

ētsi bella quierunt
*Non periiit virtus: licet exercere togatae
 Munera militiae, licet et sine sanguinis haustū
 Mitia legitimo sub iudice bellā moyere.
 Hinc quoque servati contingit gloria ciyis,
 Alaque victrices intexunt limina palmae.
 Sic etiam magno iam tum Cicerone vigente,
 Laurea facundis ceserunt arma togatis (3).*

Ac-

(1) Cic. pro Muraena c. 14.

(2) Conf. laudes dignitatis militaris l. c. c. 9. 10.

(3) Auctor Panegyr. in Calp. Pison. vers. 26 seqq. vers. 35 seqq. qui versu postremo respicere videtur ad notos versus Ciceronianos:

Cedant arma togae, concedat laurea linguae:

O fortunatam natam me consule Romam!

Conf. de Off. I. 22. in Pison. c. 29 seqq. Quinctil. I. O. XII. 1. p. 613.

Accuratus autem rem inspicienti facile apparebit, his duabus personis, laude militari aut Oratoria ad summos honores adscendentibus, adiungendam esse tertiam *Iurisconsulti*: quam igitur reliquis recte addidit E. Otto (1). Quae triplex distinctio, si temporibus antiquioribus ante Ciceronem minus adhuc convenit (2), ut deinceps constabit, eius certe aetate iam invaluit. Quod imprimis patebit ex eadem pro Muraena Oratione (3): quamvis ibi in rei sui gratiam rem militarem unice fere extollit, *Iurisconsulti* dignitatem ob accusatorem Serv. Sulpicium nimis quodammodo deprimit, cum (4) utriusque sit summa honestas, quam, si sibi per Servium liceret, pari atque eadem in laude poneret (5). Nimirum *Iurisconsultus* proprius fuit,

(1) in dissert. *de vit. Serv. Sulpicii* c. III. § 1. quem laudat et sequitur V. Doct. L. C. Luzac in disf. *de Hortensio* Sect. II. c. I. § 1.

(2) quamvis iam ante Ciceronis aetatem *Iurisconsulti* proprius sic dicti fuerunt: praeter exemplum, quod assert Cicer. in *Brut.* c. 30, *Mucios* nominasse sufficiat.

(3) c. 9 seqq.

(4) ut fatetur Orator c. 9.

(5) „ Duae enim sunt artes *civiles* ac *forenses*, „ quae plurimum et laudis habent et gratiae”, iudice codem Cicerone in *Orat.* c. 42.

fuit, qui se ad cavendum et respondendum de jure, consulentibus dederat, legum et consuetudinum, quibus privati in civitate utuntur, peritus (1).

Quae tamen Oratoris et Iurisconsulti partes non ita separatae intelligantur, ut optimi qui que Oratores et Iurisconsulti, iuris civilis peritiam et eloquentiam non tamquam communem quoddam bonum possederint. Ergo Crassus eloquentium iuris peritisimus, ex iure civili tantum assuebat, quantum esset Oratori satis. Iuris peritorum eloquentissimus Scaevola, ex eloquentia illa hausit, quibus ius civile facile posset tueri (2): quod eadem ratione in Ciceronem et Serv. Sulpicium transferendum esse Brutus censet (3). Et honorum et reip. administratione perfuncti (quae maxime antiquorum temporum fuit ratio) saepe senectutis celebrandae et ornanda perfugium et decus quaerebant in iuris interpretatione: quod sibi proposuit Crassus (4), testatus (5), esse „ domum „ Iu-

(1) Vid. *de Orat.* I. 48. conf. *de Invent.* I. 11. II. 21.

(2) in *Brut.* c. 38 - 40. *de Orat.* I. 36 seqq.

(3) in *Brut.* c. 40.

(4) *de Orat.* I. 45.

(5) ibidem. Conf. *Quinctil.* I. O. XII. 11.

„ Iurisconsulti totius oraculum civitatis". At
multo latius patet Oratoris, quam Iurisconsulti
officium; qui ab hoc eo tantum differt, ut
consuli se de iure civili non patiatur (1).

Quae autem omnium rerumpublicarum est
ratio, ab ea nec Romania Resp. discrepavit, ut
scilicet pacis praesertim temporibus, nihil cer-
tius ad summa honoris fastigia evehat, quam
eloquentia, animis populi quasi imperans,
„ rerumque domina (2), flexanima atque om-
„ nium regina rerum" (3): quae „ una res in
„ omni libero populo, maximeque in pacatis,
„ tranquillisque civitatibus praecipue semper
„ floruit; semperque dominata est" (4).

Nec mirum profecto hoc cuiquam videbitur,
qui intimam Oratoris coniunctionem cum tota
civitatis constitutione perspectam habuerit.

; Ve-

(1) Ceterum quam diligenter et a Cicero et Poëtis etiam, hoc discrimen. Iurisconsulti et Oratoris notatum et servatum fuerit, ex locis apparet cit: ab eodem Luzac l. l. § 2. p. 104. nota 3. et p. 105. 106. quibus tamen addatur Cicero in *Top.* c. 17.

(2) ut eam vocat Balbus *de Nat. D.* II. 59.

(3) quemadmodum Poëtae dicitur apud Cic. *de Orat.* II. 44.

(4) *de Orat.* I. 8.

„ Vetus (1) illa doctrina eadem videtur et
 „ recte faciendi et bene dicendi magistra, ne-
 „ que disiuncti doctores, sed iidem erant viven-
 „ di praeceptores atque dicendi: ut ille apud
 „ Homerum Phoenix, qui se a Peleo patre
 „ Achilli iuveni comitem esse datum dicit ad
 „ bellum, ut illum efficeret *Oratorem verborum*
 „ *actoremque rerum*. Hanc (2) cogitandi,
 „ pronuntiandique rationem, vimque dicendi,
 „ veteres Graeci *sapientiam* nominabant. Hinc
 „ illi Lycurgi, hinc Pittaci, hinc Solones, at-
 „ que ab hac similitudine Coruncanii nostri,
 „ Fabricii, Catones, Scipiones (3), fuerunt,
 „ non tam fortasse docti, sed impetu mentis
 „ simili et voluntate. Evidem, inquit Cras-
 „ sus (4), saepe hoc audivi de patre et de so-
 „ cero meo, nostros quoque homines, qui ex-
 „ cellere sapientiae gloria vellent, omnia, quae
 „ quidem tum haec civitas posset, solitos esse
 „ complecti. Meminerant illi Sext. Aelium,
 „ M' vero Manilium nos etiam vidimus trans-
 „ verso ambularem foro; quod erat insigne,
 „ eum, qui id faceret, facere civibus omnibus
 „ con-

(1) *de Orat.* III. 14.

(2) *ibidem.*

(3) *conf. in Brut.* c. 21. 22.

(4) *de Orat.* III. 33.

„ consilii sui copiam: ad quos olim et ita am-
 „ bulantes, et in solio sedentes domi, sic adi-
 „ batur, non solum, ut de iure civili ad eos,
 „ verum etiam de filia collocanda, de fundo
 „ emendo, de agro colendo, de omni denique
 „ aut officio aut negotio referretur (1). Haec
 „ fuit P. Crassi illius veteris, haec Ti. Corun-
 „ canii, haec proavi generi mei, Scipionis, pru-
 „ dentissimi hominis, sapientia: qui omnes
 „ Pontifices Maximi fuerunt, ut ad eos de om-
 „ nibus divinis, atque humanis rebus referre-
 „ tur: iidemque et in *senatu*, et apud *populum*,
 „ et in *causis* amicorum, et domi et militiae,
 „ consilium suum fidemque praestabant. Quid
 „ enim M. Catoni (2), praeter hanc politissi-
 „ mam doctrinam transmarinam atque adventi-
 „ tiam, defuit? num quia ius civile didicerat,
 „ causas non dicebat? aut, quia poterat dicere,
 „ iuris scientiam negligebat? at utroque in ge-
 „ nere et laboravit et praestitit. Num propter
 „ hanc ex privatorum negotiis collectam grati-
 „ am, tardior in Rep. capessenda fuit? nemo
 „ apud populum fortior, nemo melior sena-
 „ tor: idem facile optimus imperator: denique
 „ nihil in hac civitate, temporibus illis, sciri
 „ dis-

(1) *Conf. de Off.* II. 19.

(2) *Conf. in Brut.* c. 17. seq.

, discive potuit, quod ille non cum investiga-
rit, et scierit, tum etiam conscripscerit".

Haec igitur antiqua forma erat virorum ci-
lium, qui nullam partem Reip. aut communis
civium utilitatis a se alienam existimarunt, quos
tamen rectius cum *Crasso sapientes* appelles,
quam aut philosophos, aut *Oratores*, quibus
nec subtilior illa doctrina, tota rerum cognitioni
dedita, neque cultior ille orationis ornatus ade-
rat (1); quosque verius cum septem sapienti-
bus, qui vocantur, compares (2)..

Illa igitur ratio, postquam adventitiae ex
Graecia scientiae ad Romanos etiam deferri coep-
tae erant, magis forma, quam re immutata est.
Cum enim a Graecis divisio quaedam artium in-
ducta esset, apparebat, unam illam antea, eam-
demque dicendi et faciendi sapientiam ex pluri-
bus revera disciplinis collectam et conflatam es-
se. Orator itaque, seu potius vir ille πολιτικὸς,
qui antea non nisi una doctrina, sed ea ampla,
et magna, et pluribus constans partibus, com-
prehendenda erat, iam multas artes, et disci-
pli-

(1) Conf. omnino C. i. c. in *Brut.* c. 14. 36.

(2) Conf. de *Orat.* III. 34. et iudicium de L. Torquato in *Brut.* c. 45. Diutius autem hoc loco
huius rei immoraremur, nisi propositum esset, in c. III.
imprimis, fusius de ea exponere.

plinas sibi habebat subiectas, quasi partes anti-
quae illius sapientiae.

Manebat tamen illud, officium viri civilis, qui iam verius dici poterat *Orator*, propter orationem, quae accesferat, et magis instructam facultatem dicendi, omnes omnino Reip. partes continere: qua ratione tribus praesertim cerneretur partibus maioribus; defendendo aut accusando in *iudiciis*: explicanda sententia in *curia*: suadendo vel dissuadendo in *concione*. His enim tribus, quasi arctissimis vinculis, Orator cum fontibus et capite administrandæ Reip. coniungebatur.

Inde Quintilianus haec a se invicem discernens (1), Catonem, „ eloquentem senatorem” vocat. Scaurus dicitur habuisse dicendi genus ad patrocinia mediocriter aptum, — ad senatoriam „ vero sententiam, cuius erat ille princeps, vel maxime (2). Q. Metellus Numidicus et eius collega M. Silanus, dicebant de rep., quod esset illis viris et consulari dignitati satis” (3). In Crasso „ fuit — et popularis dictio excellens: Antonii genus dicendi multo aptius iudiciis, quam concionibus”

(1) *I. O.* II. 1.

(2) *in Brut.* c. 29.

(3) *ibidem* c. 35.

„bus” (1). Contra „Aphilia aptior concio-
 „nibus, quam iudiciis” (2). P. Lentulum iu-
 dicat Cicero (3), ad remp. duntaxat, „quod
 „opus esset, satis habuisse eloquentiae”. In
 Cn. Domitio „porro, satis — suisse orationis
 „atque ingenii, quo et magistratus personam
 „et consularem dignitatem tueretur”: quod
 idem de „C. Coelio dixerim, industriam in eo
 „summam suisse, summasque virtutes, eloquen-
 „tiae tantum, quod esset in rebus privatis ami-
 „cis eius, in repub. ipsius dignitati satis” (4).
 L. Torquatum „non tam cito Rhetorem dixis-
 „ses, (etsi non deerat oratio), quam ut Grae-
 „ci dicunt, πολιτικὸν (5)”; quem igitur magis
 ad antiquam illam virorum civilium formam, de
 qua dicebamus, referres.

Sed etiamsi non omnes ad cunctas muneras
 Oratorii partes aequae sufficerent ac valerent,
 summo Oratori omnes erant coniungendae, ut
 eas coniungit Crassus (6), iudicans, nihil esse
 „tam potens, tamque magnificentum, quam popu-

,, li

(1) I. l. c. 44.

(2) I. l. c. 48.

(3) ibid. c. 28.

(4) ibid. c. 45. conf. c. 42. 48. 62. 70.

(5) I. l. c. 45.

(6) *de Orat.* I. 8.

„ *li motus, iudicum religiones, senatus grayi-*
 „ *tatem, unius oratione posse converti*”: et
 statui posse Oratorem illum, „ qui in iure
 „ aut in *iudiciis* possit, aut apud *populum*, aut
 „ in *senatu* copiose loqui” (1). Eadem illa
 tria coniunctim memorans. Crasfus loquitur (2)
 de „ orationibus hisce ipsis *iudiciorum, concio-*
 „ *num, Senatus*”: et philosophia, inquit (3),
 Epicuri „ nos avocat a *rostris*, a *iudiciis*, a
 „ *curia*”; locutus alio loco (4) de eo, qui
 „ *forum*, qui *curiam*, qui *causas*, qui *remp.*
 „ *spectet*”. Cicero (5) eloquentiam, proprie-
 sic dictam, versari dixit, „ in disceptationi-
 „ bus — *iudiciorum, concionum, senatus*”.
 Quintilfanus (6) Oratoris ditioni subiecit *iudi-*
cia, consilia, conciones, senatum, omne denique
 officium boni civis: cum praesertim „ maxima
 „ quasi Oratori scena videatur *concionis*” (7).
 Atque rep. unius iam imperio subacta, adeoque
 sublata hac tertia, duo reliqua adhuc memorat

Au-

(1) ibid. c. 11.

(2) ibid. c. 16.

(3) I. I. III. 17.

(4) ibid. III. 23.

(5) *de Off.* I. 37.

(6) I. O. XII. 11. princip.

(7) *de Orat.* II. 83. conf. III. 55. I. 8. 9. 10.

Auctor Panegyr. in Calp. Pison. (1). Alia ratione iisdem temporibus Auctor dial. de Orat. (2) hunc tertium locum implet, eloquentiae vocans, „ praesidium simul et telum, quo pro- „ pugnare pariter et incessere, vel in *iudiciis*, „ sive in *senatu*, sive apud *Principem* possis”.

Singulas partes accuratius inspiciamus.

Quod attinet ad primam officii Oratoris partem. accusandi aut defendendi in iudiciis, ortam iam et constitutam et stabilitam imprimis Romuli instituto, coniunctionis patronorum et clientium, apparet, eam quasi primum gradum suisce capessendae Reip., cum laudis et honorum cupidi adolescentes nulla magis ratione amorem populi et favorem sibi conciliare possent, quam si innocentibus atque oppressis vindicandis, eoruinque causis in iudicio magno animo tuendis, noxiis atque opum, aut amicorum auctoritate insolentioribus, fortiter accusandis, operam navarent: „ quid enim tam regium, tam liberale, „ tam munificum, quam opem ferre supplicibus, excitare afflictos, dare salutem, libera- „ re periculis, retinere homines in civita- „ te” (3)?

Igi-

(1) vers. 86 seq.

(2) c. 5. conf. c. 8.

(3) *de Orat.* I. 8. conf. c. 40, 46. *de Off.* II. 4. et de

Igitur Poëtae illius laudes libenter celebrarunt, si quis dici posset *praesidium fori*, quo nomine Cottam ornavit Ovidius (1); aut qui esset

Insigne moestis praesidium reis,
 ut Asinius Pollio Horatio (2): aut cuius
, Defensura reos vocem moestos facundia mittit.
 ut Calpurnii Pisonis (3): cuius adeo magna erat virtus,
, Exonerare pios modo, modo onerare nocentes (4).
 sive denique, cuius eloquentiae memoria servabatur, ut
, Unica sollicitis quondam tutela salusque.
 tamquam Ciceronis a Corn. Severo (5).

Igitur ut

, Conveniens homini est, hominem servare, voluptas,
 ita

, Et

de hac muneric Oratorii parte omnino etiam Quintil. I. O. XII. 7.

(1) *Epist. ex Pont. IV. epist. 16. vers. 46.*

(2) *Carm. Lib. II. Od. 1. 13.*

(3) *Auct. Panegyr. in Calpurn. Pison. vers. 39. 40.*

(4) *Idem ibid. vs. 87.*

(5) *in fragm. apud Senec. Rhet. Suas. VII.*

„ *Et melius nulla quaeritur arte favor :* (1)
 nam praeterquam, quod nihil, „ tam necessa-
 „ rium, quam tenere semper arma, quibus vel
 „ tectus esse possis, vel provocare integros,
 „ vel te ulcisci lacesitus (2): praeterea

„ *Melius nulla quaeritur arte favor,*”
 quia illa ars viam ad remp. capessendam opti-
 me sternebat: populus enim, in quem operam
 et laborem impendebant, qui dignitate caeteris
 praestare cupiebant, eos in remunerationem
 honoribus donabat et magistratibus: in quibus
 digne et cum salute civium tuendis, omnis sita
 erat optimi cuiusque patricii ambitio, gloria,
 ac vitae dignitas. Ad illud igitur honoris fasti-
 gium evesti, viri siebant *civiles*, quos Graeci
 $\piολιτικούς$ dixerunt (3), in quorum officiis rite
 exsequendis, duae reliquae, quas enumeravi-
 mus, eloquentiae partes cernuntur, quibus par-
 tibus constat eloquentia, quam eximie voca-
 bant

(1) Ovid. *Epist. ex Pont.* Lib. II. Epist. 9. vs. 39.

(2) *de Orat.* I. 8. conf. c. 45.

(3) Paulo alia ratione atque apud Athenienses, ubi
 exorsi a iudiciis et causis privatis, procedendo ad cau-
 cas publicas, eo ipso Oratores cum Reip. administratione
 copulabantur, et viri civiles siebant. Conf. Heeren
Ideen, Th. III. Abth. I. Abschn. XIII. p. 408 seqq.

bant *civilem*, quae distinguebatur a *forensi*; cuius prioris generis curasse se ut orationes suae consulares, exempla referrent, ipse testatur Cicero (1): ad quem tamen locum eloquentiae illius *civilis*, tamquam generis cuiusdam dicendi, origo paulo altius repetenda videtur.

Qui antiquitus inter cives suos eminebant, quales, praeter Thaletem, septem sapientes, Lycurgus, alii, florebant, quae dicebatur, *sapientia* (2), i. e. rerum civilium scientia, cum et rebus agendis, et vi dicendi animis persuadendo, ceteris praecellerent. Vis illa dicendi sufficiebat quidem ad rudes illorum hominum mentes, quippe locuti sunt hi „simpliciter et „splen-

(1) *ad Att. II. 1.*

(2) Plutarch. in *Themistocle* initio p. 112. D. Edit. Francof. 1599. loquitur de *Mnesiphilo*, οὐτε πρόσδος ὄντος, οὐτε τῶν φυσικῶν κληρέστων φιλοσόφων, ἀλλὰ τὴν καλουμένην σοφίαν, οὗτον δὲ δεινότητα πολιτικήν, καὶ δραστήριον συνέσιν, ἐπιτηδεύματα πεποιημένου καὶ διασώζοντος, ἦτερ αἰρεσιν ἐκ διαδοχῆς ἀπὸ Σόλωνος: ubi diserte auctor a se invicem distinxit *Rhetoras*, *Philosophos*, qui tum temporis non nisi naturalium rerum investigationi dediti erant, et *viros civiles*, scientia et vi illa politica instructos, quae proprie *sapientia* vocabatur: quamvis Crassus (*de Orat. III. 6.*) in hac re minus proprie usurpet nomen *Philosophiae*: ac curatius Seneca, *Epiſt. XC.*, „opus esse coepit „legibus, quas et ipsas inter initia tulere *sapientes*“.

„splendide” (1); sed ipsa tamen rudis erat, et ornatu carens. Spectabantur magis res, quam verba (2): et sapientiae, quamvis dicendi facultate parum copiosa adiutae, auctoritas satis valebat. Nam ad animos, parum etiamnum excultos, etiam ornatioris eloquentiae vis frustra adhiberetur, quae, ut caeterae artes, non nisi politioris humanitatis comes est, atque socia. Subsequentibus autem temporibus, cum varietas multarum artium, et doctrinarum, iam inter Graecos coli coepta esset, eo ipso facultas dicendi virorum civilium magis polita est et instructa: ad quam aetatem pertinent Pericles, Alcibiades, Critias, Theramenes: „quibus temporibus, quod dicendi genus viguerit, ex Thucydidi scriptis, qui ipse tum fuit, intelligi maxime potest; grandes erant verbis, crebti sententiis, compressione rerum breves; et ob eam ipsam causam interdum subobscuringi” (3). Hanc δεινότητα πολιτικὴν, ut refert Plutarchus (4), praecclare etiam tenuit Mnesiphilus, qui eam est tuitus, et servavit,

ve-

(1) censente Antonio de *Orat.* II. 16.(2) Conf. omnino de *Orat.* II. 22.(3) Cic. in *Brut.* c. 7. in quem locum, et modo laud. de *Orat.* II. 22. 23. quasi commentarius vid. Runcken. Hist. Crit. Orat. Graec.(4) in *Themistocl.* p. 112.

velut sectam, ex successione Solonis, ὃν οἱ μετὰ ταῦτα δικανικαῖς μίξαντες τέχναις, καὶ μεταγαγόντες ἀπὸ τῶν πράξεων τὴν ἀσκησιν ἐπὶ τοὺς λόγους, σοφιστὰς προσηγορεύθησαν. In quibus primam originem magistrorum dicendi notatam videmus. quam eleganter more suo exponit Cicero (1): ex auctoritate virorum illorum civilium, de quorum genere dicendi modo eius iudicium adscriptissimus, „ ut intellectum „ est, quantam vim haberet accurata et facta „ quodammodo oratio; tum etiam magistri dicendi subito extiterunt: tum Leontinus Gor- „ gias, Thrasymachus Chalcedonius, Protago- „ ras Abderites, Prodicus Ceius, Hippias Ele- „ us, in honore magno fuit, aliique multi, „ temporibus iisdem, docere se profitebantur, „ arrogantibus sane verbis, quemadmodum cau- „ sa inferior, (ita enim loquebantur) dicendo „ fieri superior posset (2). Iis opposuit se- „ , So-

(1) *in Brut.* c. 8.

(2) Ab his (auctore Dionys. Hal. *de ant. Orat. in iud. de Isocrate* § 2.) confusam dicendi exercitationem Isocrates accepit; et primus hic subtilitate disserendi, et naturae obscuritate relicta, ad orationes civiles se contulit, et in ea facultate constanter elaboravit. De Sophistis conf. porro Krug *Gesch. der Phil. alt. Zeit.* § 15. p. 114 sq. et Auct. ibi laud.

„ Socrates, qui, subtilitate quadam disputationis, refellere eorum instituta solebat verbis. „ Hinc (1) discidium illud extitit quasi linguae „ atque cordis, ut alii nos sapere, alii dicere „ docerent". Sophistae igitur, qui iam fere soli ad se dicendi artem traxerant, induxerunt subtilius quoddam et politius; et elegantius, et tenuius dicendi genus, quod a civili illo charactere, gravi et ampio, et presso, rebus magis, quam verbis conspicuo, magnopere abhorruit. Attamen cum Rethores et Sophistae integrum dicendi provinciam ad se potissimum pertinere statuerant, deinceps (2) hanc etiam πολιτικὴν φρασίν affectarunt, seiunctam ab illa ornatori dicendi ratione. Itaque Iulius Pollux (3) distinguit *Rhetorem* a *Sophista*, ita ut *Rhetorem* eundem faciat atque πολιτικὸν: φήτωρ, inquit, ῥητορικὸς δὲ αὐτὸς καὶ πολιτικὸς σοφιστὴς: et paulo post ῥητορεύειν ait esse πολιτικὸν εἶναι, et distinguit ab eo σοφιστὴν εἶναι (4). Igitur πολιτικοὶ fuerunt inter dicendi magistros, atque adeo πολιτικὸν dicendi ge-

(1) *de Orat.* III. 16.

(2) Ut recte observat L. Cresollius *in Theatr. Rhet.* L. I. c. 3. *in Thes. Antiq. Graec.* T. X.

(3) Lib. IV. S. I.

(4) Conf. G. I. Vossius *de Nat. Rhet.* c. I.

genius constitutum fuit, a ceteris diversum (1):
 Quin et Athenis schola erat πολιτικῶν λόγων;
 et in sequentibus temporibus πολιτικὸς θρόνος
 ibidem constitutus fuit, cui praeerat istius fa-
 cundiae magister peculiaris (2). Eam autem
 formam dicendi praecipue sibi vindicasse, atque
 in orationibus excoluisse Demosthenes dicitur,
 ut vel satis intelligitur ex iudicio Ciceronis (3):
 „fuit — mihi commodum, quod in iis oratio-
 nibus, quae Philippicae nominantur, enitue-
 rat civis ille tuus Demosthenes, et quod se
 ab hoc refractariolo iudicali dicendi genere
 abiunxerat, ut σεμνότερος τις καὶ πόλιτικώτε-
 ρος videretur, curare, ut meae quoque es-
 sent orationes, quae *consulares* nominaren-
 tur”. Scilicet migraverat paulatim haec πολι-
 τικὴ dicendi forma, quae horridior quodammodo
 et concisior accepta erat a viris antiquis illis civili-
 bus; in ornatiorem, copiosiorem, orationisque
 luminibus instructam et distinctam: cuius con-
 stans tamen character granditas verborum et sen-
 tentiarum; dum Sophistarum oratio, delectationi
 ma-

(1) Conf. I. l. c. a L. Cresollio l. c.

(2) de quibus omnibus vid. Cresollius l. c.
 p. 26. Photius in *Bibliothec. Cod. c. XLVIII.* p. 169.
 ed. Dav. Hoefchelii laudat Αἰξικὸν πολιτικοῦ λόγου.

(3) ad Att. II. l.

magis apta, quam incitationi, in floridiore genero et molliori et limatori consedit (1). Alia quodammodo ratione respiciens ad civitatis suae antiquam conditionem, Cicero dixit, de L. Torquato (2), „ quem non tam cito Rhetorem „ dixisses (et si non deērat oratio). quam ut Graeci „ ci dicunt, πολιτικὸν? Quemadmodum etiam antea iam explicavimus, et recte etiam vidit L. Cresollius (3), hoc refertur ad antiquos in Rep. Romana viros civiles, qui magis usu et rerum civilium scientia, quam ornata oratione valabant; ex quorum genere unus fuit L. Torquatus. Eodem modo rerum experientiam, non dicendi genus, spectavit, cum neminem Coelio πολιτικώτερον testaretur se cognovisse (4), et (5) ἀπολιτικώτατον, in rep. gerenda rudem et fere hospitem.

His expositis de genere dicendi, ad ipsum civilem in Romana civitate virum revertamur.

Igitur „ vir ille vere civilis, et publicarum, „ privatarumque rerum administratiōni actus, „ commodatus, qui regere consiliis urbes, funere dare

(1) quod επιδικτικὸν vocatum describit Cicero in *Orat. c. 11. 13.*

(2) in *Brut. c. 45.*

(3) l. c.

(4) ad *Fam. II. 8.*

(5) ad *Att. VIII. 20.*

„ dare legibus, emendare iudiciis posit, non
 „ alius est profecto, quam Orator” (1): quem
 proinde (2) recte dixerimus, „ auctorēm pu-
 „ blici consilii, et regendae civitatis ducem,
 „ et sententiae atque eloquentiae principem in
 „ senatu, in populo, in causis publicis” (3).
 Audiamus, quam magnifice adhuc de Oratoris
 munere praedicet Aper (4) iis temporibus,
 cum non nisi umbra veteris reip. supererat,
 adeoque Oratoris omnīs fere illa antiqua ditio,
 ipsa maxima scena, erant ablatae: „ Orator
 „ eloquentia parare simul et tueri amicitias,
 „ adsciscere nationes, complecti provincias po-
 „ test: quo studio non aliud in civitate nostra
 „ vel ad utilitatem fructuosius, vel ad dignita-
 „ tem amplius, vel ad Urbis famam pulchrius,
 „ vel ad totius imperii atque omnium gentium
 „ notitiam illustrius excogitari potest. Nam
 „ si ad utilitatem vitae omnia consilia, facta

„ nos-

(1) Quineti l. in proœm.

(2) cum Crasso de Orat. III. 17.

(3) conf. omnino Cic. pro Sextio c. 45. 46. Eadem ratione Graeci vocabant δημαρχούς, qui Latinis Oratores. Gell. N. A. III 13. „ Callistratus Athenensis Orator in rep. fuit: illi δημαρχούς appellant”. Conf. Vossius de Nat. Rhet. c. I. et praecipue Valkenaer in Diatrib. c. XXIII. p. 251 seqq.

(4) In Dial. de Orat. c. 5.

„ nostra dirigenda sunt, quid erit tutius, quam
 „ eam exercere artem, qua semper armatus pree-
 „ fidum amicis, opem alienis, salutem peri-
 „ clitantibus, invidis vero et inimicis metum
 „ et terrorem ultro feras, ipse securus. et ve-
 „ lut quadam perpetua potentia ac potestate
 „ munitus? Cuius vis et utilitas, rebus prope-
 „ fluentibus, aliorum praesidio et tutela intelli-
 „ gitur; sin proprium periculum increpuit, non
 „ hercule lorica aut gladius in acie firmius
 „ munimentum quam reo et periclitanti, elo-
 „ quentiae praesidium simul et telum, quo pro-
 „ pugnare pariter et incessere, vel in iudicio,
 „ sive in senatu, sive apud principem positis".
 Talia tantaque de Oratore praedicari adhuc po-
 terant, eo reip statu, ut pars eloquentiae *civi-
 lis*, amplissima sane illa, et longe illustrissima,
 et patens latisime, plane iam evanisset. Abie-
 rat scilicet e civium mentibus ille altior spiri-
 tus, quo ad se quisque proxime pertinere totam
 remp. existimabat, omniaque consilia et facta,
 non (1) ad *utilitatem vitae* suae potius, quam
 ad communis utilitatis rationem dirigenda esse
 statuebat. Veteribus propterea etiam, „ nisi ea
 „ virtus, quae constat ex hominibus tuendis,
 „ i. e. ex societate generis humani, attingat
 „ cog."

(1) ut Aper l. l.

„ cognitionem rerum, solivaga cognitio et ie-
 „ iuna videbatur". At si nihilominus Aper
 aevi sui Oratorem, in exiguum sane gyrum
 compulsum, tanto ardore laudare et celebrare
 potuerit, quanto ampliori sensu et latiori Cras-
 sus de Oratore, in regno suo adhuc toto regnante,
 statuere censendus est: „ perfecti Oratoris
 „ moderatione et sapientia; non solum ipsius
 „ dignitatem, sed et privatorum plurimorum, et
 „ universae reip. salutem maxime contineri" (2).
 Nam h s temporibus „ quanto (3) quisque plus
 „ dicendo poterat, tanto facilius honores asse-
 „ quebatur: tanto magis in ipsis honoribus
 „ collegas suos anteibat; tanto plus apud prin-
 „ cipes gratiae, plus auctoritatis apud patres,
 „ plus notitiae ac nominis apud plebem para-
 „ bat. Hi clientelis etiam exterarum nationum
 „ redundabant; hos ituri in provincias magis-
 „ tratus reverebantur; hos reversi colebant; hos
 „ et Praeturae et Consulatus vocare ultro vide-
 „ , ban-

(1) Cic. *de Off.* I. 44. Inde igitur, nisi ab illa cogitandi scientia fluarent commoda in utilitatem communem, nisi agendi sapientia accederet, nihili erat: hinc coniuncta illa cognoscendi agendique sapiencia.

(2) *de Orat.* I. 8.

(3) *Auct. Dial. de Orat.* c. 36.

„ bantur; hi ne privati quidem sine potestate
 „ erant, cum et populum et senatum consilio
 „ et auctoritate regerent. Quin imo sibi ipsi
 „ persuaserant, neminem sine eloquentia aut
 „ assequi posse in civitate; aut tueri conspicu-
 „ um et eminentem locum. Nec mirum; cum
 „ etiam inviti ad populum producerentur; cum
 „ parum esset in senatu breviter censere, nisi
 „ qui ingenio et eloquentia sententiam suam tue-
 „ retur: cum in aliquam invidiam aut crimen
 „ vocati, sua voce respondendum haberent;
 „ cum testimonia quoque in publicis non ab-
 „ sentes, nec per tabellam dare, sed coram et
 „ praesentes dicere cogerentur. Ita ad summa
 „ eloquentiae praemia, magna etiam necessitas
 „ accedebat, et commoda. Disertum haberi
 „ pulchrum et gloriosum, sed contra, mutum
 „ et elinguem videri, deforme habebatur". Er-
 go non minus „ rubore (1), quam praemiis
 „ stimulabantur; ne clientulorum loco potius,
 „ quam patronorum numerarentur: ne traditae
 „ a maioribus necesitudines ad alios transirent:
 „ ne tamquam inertes, et non suffecturi hono-
 „ ribus, aut non impetrarent, aut impetratos
 „ male tuerentur".

Igitur constat „ Cn. Pompeium, et M. Cras-
 „ sum

(1) l. l. c. 37.

„ sum non viribus modo et armis , sed ingenio
 „ quoque et oratione valuisse : Lentulos et Me-
 „ tellos et Lucullos , et Curiones ; et ceteram
 „ procerum manum , multum in his studiis ope-
 „ rae curaeque posuisse : nec quemquam illis
 „ temporibus magnam potentiam sine eloquentia
 „ consecutum ”.

Nemini itaque mirum videbitur , quan-
 doquidem is „ usus dicendi — in omni pa-
 „ cata et libera civitate dominatur ” (1) , si et
 praesertim „ in rep. Romana primas elo-
 „ quentia tenuit semper , urbanis , pacatisque
 „ rebus ” (2) : cui „ est in toga dignitatis prin-
 „ cipatus datus ” (3) ; nam „ magnus erat di-
 „ cendi labor , magna res , magna dignitas ,
 „ summa autem gratia ” (4). Posteaquam
 enim , „ imperio omnium gentium constituto ,
 „ diuturnitas pacis otium confirmavit , nemo
 „ fere laudis cupidus adolescens non sibi ad di-
 „ cendum studio omni enitendum putavit . Ac
 „ primo quidem totius rationis ignari , qui ne-
 „ que exercitationis ullam viam , neque aliquod
 „ prae-

(1) *de Orat.* II. 8. conf. I. 8.

(2) *Orat.* c. 41.

(3) *de Off.* II. 19. ita ut *Auctor Dial. de Orat.*
 c. 7. testetur , nullorum prius , quam Oratorum nomina
 parentes liberis suis ingessisse.

(4) *pro Muraena* c. 13.

„ praeceptum artis esse arbitrarentur, tantum,
 „ quantum ingenio et cogitatione poterant,
 „ consequebantur. Post autem auditis Oratori-
 „ bus Graecis, cognitisque eorum literis, ad-
 „ hibitisque doctoribus, incredibili quodam
 „ Romani homines dicendi studio flagraverunt.
 „ Excitabat eos magnitudo et varietas, multitu-
 „ doque in omni genere causarum, ut ad eam
 „ doctrinam, quam unusquisque studio assecu-
 „ tus eset, adiungeretur usus frequens, qui
 „ omnium magistrorum praecepta superaret".
 Erant autem, (ut vidimus), „ huic studio maxi-
 „ ma — exposita praemia, vel ad gratiam, vel
 „ ad opes, vel ad dignitatem (1)".

Hac antiqui Oratoris forma, et cum universa
 Rep. coniunctione, explicata, iam ad Ciceronem
 Oratorem nos convertamus. In Cicerone autem
 omnia ea simul apparent, quae summum Oratorem
 possunt praeparare, instruere deinde, et ornare,
 cumulare denique atque perficere; ita ut cum Fran-
 cio (2) dicendum sit, ad hunc Oratorem forman-
 dum conspirasse velut videri naturam ac doctrinam.

Stirpe oriundus fuit Tullius antiquissima et
 perillustri (3); at maiores ipse (4) coram po-
 pu-

(1) *de Orat.* I. 4.

(2) *in Orat. laud.* p. 160.

(3) *de Legib.* II. 1.

(4) *de lege Agrar.* *contra Rullum Orat.* II. c. 1.

pulo fatetur, laude populari et honorum luce caruisse (1). Patre usus estimprimis docto et literarum amante (2), quique id praesertim videtur egisse, ut cui ipse se imparem sentiebat, filios omnibus praeclaris rebus, laudis et honorum cupiditate incenderet (3). Itaque cum consobrinis suis Aculeonis filiis, et ea discebant, quae L. Crasfo placebant, et ab his doctoribus, quibus ille utebatur, erudiebantur (4).

Annos natum quinque, a prima iam pueritia incep-

(1) „Fit autem interdum, ut nonnulli, omissa imitatione maiorum, suum quoddam institutum consequantur: maximeque in eo plerumque elaborant, ii, qui magna sibi proponunt, obscuris orti maioribus”: (*de Off. I. 32.*) quo nihil melius in ipsum Ciceronem convenit. Nam et hoc non parum contulit ad eius laudis et gloriae cupiditatem, quod quasi conditor nobilitatis familiae suae haberetur. Igitur cum primum remp. attingeret, „fertur iuveniliter elato animo dixisse, enisurum se, ut illustrius Ciceronis nomen Scauris et Catulis efficiat”. (*Plutarch. in Vit. Cic. c. 1.*).

(2) quem, qua erat infirma valetudine, aetatem egisse in literis tradit filius, *de Legibus II. 1.*

(3) Vid. *de Orat. II. 1.*

(4) *de Orat. I. c.*

censum studio dicendi (1), puerum pater Romam perduxit, optimisque magistris et praestantissimis instituendum tradidit. Quo tempore praceptorum imprimis usus est Archia, a quo omnium bonarum literarum et artium amore afficiebatur; studio et scientia imbuebatur: „ quoad, inquit (2), longissime potest mens mea respicere spatium praeteriti temporis, et pueritiae memoriam recordari ultimam, inde usque repetens, hunc video mihi principem et ad suscipiendam, et ad ingrediendam rationem horum studiorum extitisse": ex quibus (3) „ haec quoque censetur oratio et facultas: quae quantacunque in me, nunquam amicorum periculis defuit: quae si cui levior videatur; illa quidem certe, quae summa sunt, ex quo fonte hauriam, sentio".

Praeter hanc optimarum artium institutionem, a primo tempore aetatis (4) iuri studere temini — neque unquam mihi visus es, ita te ad dicendum dedisse, ut ius civile contemneres": cui Cicero assentitur, fratri, ut se ad respondendum de iure daret, respondentis

(1) ut ipse prodidit *de Orat.* I. c.

(2) *pro Archia* c. 1.

(3) *ibid.* c. 6.

(4) verba sunt Attici ad *Ciceronem de Legib.* I. 4.

dens (1), id quidem „ nullum esse in experi-
„ undo periculum”. Studii iuris civilis exem-
plum habemus in *Epist. ad Fam.* VII. 22: ita
ut aliquando per iocum Serv. Sulpicio minitare-
tur, si stomachum ipsi moverint Iurisconsulti,
triduo se Iurisconsultum se professorum esse (2).
Quinetilianus (3), M. Tullius, inquit, „ non
„ modo inter agendum nunquam est destitutus
„ scientia iuris, sed etiam componere aliqua de
„ eo cooperat: ut appareat, posse Oratorem
„ non discendo tantum iuri vacare, sed etiam
„ docendo”. Orationes denique quam egregi-
um et consummatum Iurisconsultum ubique os-
tendunt (4) ! Quomodo, et a quibus praecep-
toribus, iuris disciplinam acceperit, cum satis
sit notum, enarrare non opus est (5).

Dicendi suum studium acerrimum exponit *in Brut* c. 89 et seqq. Oratores in foro quotidie au-
ditiv; et domi ab exercitationibus Oratoriis nul-
lus

(1) *de Legg.* I. c.

(2) *pro Muraen.* c. 13.

(3) *I. O.* XII. 3.

(4) *Conf. Bachius Hist. Iurispr. Rom.* L. II.
c. II. Sect. IV. §. 43. et quae ibi notantur p. 258 seqq.
edit. VI. cura A. C. Stockmanni Lips. 1806.

(5) Vid. *de Amic.* c. 1. *in Brut.* c. 89. *Plu-*
tarch. Vit. Cic. c. 3.

Ius dies vacuus erat: optimis magistris operam dedit tum imprimis Moloni. Roma dein profectus, Athenas et per Asiam iter faciens, cum summis semper dicendi magistris et Oratoribus se exercuit: quibus nondum contentus, Moloni perficiendum se Rhodi tradidit: reversus non destitit omni genere exercitationis, tum stilo imprimis, et declamitando, facultatem dicendi perpetuo augere: ita ut testetur (1), neminem se diutius causas declamitasse: quin et in praetura scholam Rhetoris frequentavit (2). Latinus et fusi de his omnibus ipse Tullius disseruit *in Brut.* l. 1. Sed videamus, quomodo ceteras Oratoris partes excoluerit.

„ Eloquentiae, censuit esse Cicero (3), si „ cut reliquarum rerum, fundamentum sapienti- „ am": seu universe (4) philosophiam „ artium „ omnium laudatarum procreatricem quamdam „ et quasi parentem: matrem (5) omnium be- „ ne factorum beneque dictorum": itaque fatetur Catoni (6), philosophia „ nec mihi ca- „ rior

(1) *Tuscul. Quaest.* I. 4.

(2) Vid. Suet. *de ill. Graum.* c. 7. *de clar. Rhet.* c. 1. Macrob. *Saturn.* III. 5.

(3) *Orat.* c. 21.

(4) *de Orat.* l. 3.

(5) *in Brut.* c. 93.

(6) *ad Fam.* XV. 4.

„ rior ulla unquam res in vita fuit, nec homi-
 „ num generi maius a Diis munus ullum est da-
 „ tum. Haec — mihi tecum communis est,
 „ societas studiorum atque artium nostrarum,
 „ quibus a pueritia dediti ac devincti, soli pro-
 „ pemodum nos philosophiam illam veram et
 „ antiquam, quae quibusdam otii esse ac desi-
 „ diae videtur, in forum atque in remp. atque
 „ in ipsam aciem pene deduximus". Nec iniur-
 ia, sed summo iure tantam Oratoris et elo-
 quentiae immutationem, et quasi novam plane
 formam, sibi tamquam auctori tribuit. Cicero
 enim sibi vindicavit, et velut rebus repetitis in
 corpus eloquentiae adduxit (1), quocunque
 latissimae Oratoris speciei detractum ab aliarum
 disciplinarum doctoribus sibi videbatur: nec
 spem fecellit Antonii (2), aliquem extitulum
 aliquando, qui merito *eloquens* dici posset, cum
 eius nomen in ipsius *eloquentiae* nomen, iudice
 Quinciliano (3), abiisse videretur. Primus
 omnium Romanorum in rep. Romana imaginem
 ostendit perfecti Oratoris, i.e. moderatoris totius
 reip., auctoris publici consilii, iuris periti, lite-
 rarum, antiquitatis, legum, historiae, philoso-
 phiae

(1) *Conf. Quintili.* XII. 2. p. 632.

(2) *de Orat.* I. 21.

(3) *I. O.* X. 1.

phiae cognitione imbuti: „ neque se tanta in
 „ eo unquam sudisset libertas, si ingenium suum
 „ conseruo fori, non ipsius rerum naturae fini-
 „ bus terminasset” (1) Quid autem Oratori,
 opera sua, accesserit, non obscure ipse significa-
 vit: loquens (2) de Servilia lege, quam Cras-
 sus suasit, „ his Coss., inquit, eam legem sua-
 „ sit, quibus nati sumus, cum ipse (Crasus)
 „ esset Q. Caepione natus, et C. Laelio, tri-
 „ ennio ipse minor, quam Antonius; quod id
 „ circa posui, ut dicendi latine prima maturi-
 „ tas, in qua aetate extitisset, posset notari;
 „ et intelligeretur, iam ad summam pene esse
 „ perductam, ut eo nihil ferme quisquam ad-
 „ dere posset, nisi qui a philosophia, a iure
 „ civili, ab historia suisset instructior. Erit,
 „ inquit M. Brutus, aut iam est iste, quem ex-
 „ spectas? nescio, inquam”. Quibus verbis
 Cicero nobis videtur manifesto ad se ipsum al-
 ludere, postquam mentionem sui oblique iam
 iniecerat, memorando Crassum sibi 34 annos
 aetate praestare, legemque Serviliam suasse eo-
 dem illo anno, quo ipse natus fuerit. Igitur
 ingenuus propositetur (3), se boni aliquid attulisse

iu-

(1) ex iudicio Quint. *I. O.* XII. 2.(2) *in Brut.* c 44.(3) *ibid.* c. 32.

iuventuti, „ magnificentius, quam fuerat, ge-
 „ nus dicendi, et ornatius": seque (1) propter
 exquisitius, et minime vulgare orationis genus,
 animos hominum ad se, dicendi *novitate*, con-
 vertisse; quae novitas, quanam in re posita fue-
 rit, declarat quasi ex contrario et per *ἀντίθεσιν*
 seqq. (2): „ nihil de me dicam; dicam de ce-
 „ teris, quorum nemo erat, qui videretur ex-
 „ quisitus, quam vulgus hominum; studuisse li-
 „ teris, quibus fons perfectae eloquentiae conti-
 „ netur: nemo, qui philosophiam complexus
 „ eset, matrem omnium bene factorum, bene-
 „ que dictorum: nemo, qui ius civile didicis-
 „ set, rem ad privatas causas, et ad Oratoris
 „ prudentiam maxime necessariam: nemo, qui
 „ memoriam rerum Romanarum teneret; ex-
 „ qua, si quando opus eset, ab inferis locu-
 „ pletissimos testes excitaret: nemo, qui bre-
 „ viter arguteque, incluso adversario, laxaret iu-
 „ dicum animos, atque ab severitate paulisper
 „ ad hilaritatem risumque traduceret: nemo,
 „ qui dilatare posset, atque a propria ac defi-
 „ nita disputatione hominis ac temporis, ad
 „ communem quaestionem universi generis ora-

„ tio-

(1) l. l. c. 93.

(2) l. c.

„ tionem traduceret (1); nemo, qui delectandi gratia, digredi parumper a causa: nemo, „ qui ad iracundiam magnopere iudicem, nemo, „ qui ad fletum posset adducere: nemo, „ qui animum eius, (quod unum est Oratoris „ maxime proprium) quocunque res postularet, „ impelleret. Atque (2) haud scio, an plerique „ nostrorum oratorum ingenio plus valuerint, „ quam doctrina: itaque illi dicere melius, quam „ praecipere, nos contra fortasse possumus”.

Sic igitur Tullius, quem (3) „ a prima aetate omnis ars et doctrina liberalis, et maximam philosophia delectavit”, puerilibus studiis relictis, praceptoribus doctis et quidem Graecis usus, philosophiae operam navavit (4), quod studium (5) „ sibi nunquam intermissum,

, a

(1) „ Orator enim, non ille vulgaris, sed hic excellens, a propriis personis et temporibus semper, si potest, avocat controversiam, (latius enim de generi, quam de parte disceptare licet) ut; quod in universo sit probatum, id in parte sit, probari necesse”. *Orat. c. 14. conf. c. 36.*

(2) *Orat. c. 42.*

(3) affirmante ipso ad *Serv. Sulpicium* epistola, *ad Fam. IV. 3.*

(4) auctore *Plutarcho in Vit. Cic. c. 2.*

(5) ipsum denuo audiamus de se referentem in *Brut. c. 91.*

„ a primaque adolescentia cultum et semper
 „ auctum”, cum Oratore coniunctissimum sem-
 per existimavit (1).

Profitetur enim (2), se non „ mediocrem a.
 „ primo tempore aetatis in eo studio operam
 „ curamque consumisse, et cum minime vide-
 „ retur, tum maxime se philosophatum esse.
 „ Quod et orationes declarant, refertae philo-
 „ sophorum sententiis, et doctissimorum homi-
 „ num familiaritates, quibus semper eius domus
 „ floruit: et principes illi, Diodotus, Philo,
 „ Antiochus, Posidonius, quibus institutus erat.
 „ Et si omnia philosophiae pracepta referun-
 „ tur ad vitam, et publicis et privatis in rebus
 „ ea praestitit, quae ratio et doctrina praescrip-
 „ ferat”.

Hacc, quae brevi omne philosophiae studium
 Ciceronis complectuntur, paulo copiosius ex-
 plicemus.

Puer iam praceptorum natus est Phaedrum,
 Epicureum (3): adolescens (4), „ cum prin-
 ceps Academiae Philo, cum Atheniensium

(1) Vid. praeter ea, quae diximus, *Orat. c. 4.*

21. 33. 34.

(2) *de Nat. D. I. 3.*

(3) *ad Fam. XIII. 1.*

(4) Ipsius verba adscribimus ex *Brut. c. 89.*

„ optinatibus Mithridatico bello domo profu-
 „ gisset; Romamque venisset, totum ei me-
 „ tradidi, admirabili quodam ad philosophiam
 „ studio concitatus; “deinde” triennium fere
 Urbs fuit sine armis, „ Hortensio primas in
 „ foro agente: at vero ego (1) hoc tempore
 „ omni noctes et dies in omnium doctrinarum
 „ meditatione versabar. Eram cum Stoico Dio-
 „ doto: qui cum habitavisset apud me mecum-
 „ quievixisset, nuper est domi meae mortuus,
 „ a quo cum in aliis rebus, tum studiofissime in
 „ Dialectica exercebar; quae quasi contracta et
 „ adstricta eloquentia putanda est (2). At cum
 „ iam (3) essem biennum versatus in causis,
 „ et iam in foro celebratum meum nomen es-
 „ set, Roma sum profectus. Cum venissem
 „ Athenas, sex menses cum Antiocho, veteris
 „ Academiae nobilissimo et prudentissimo phi-
 „ losopho, fui; studiumque philosophiae, nun-
 „ quam intermisum, a primaque adolescentia
 „ cultum et semper auctum, hoc rursus summo
 „ auctore et doctore renovavi” (4). Athenis
 inde profectus, et itinere per Asiam facto,

Rho-

(1) in Brut. c. 90.

(2) Conf. l. c. c. 41.

(3) l. l. c. 91.

(4) Conf. Plutarch: in Cic. c. 4.

Rhodum adiit, ibique operam dedit Posidonio, nobilissimo scholae Stoicæ philosopho (1), quocum (2) 17 fere annis post, epistolarum adhuc commercium egit. In ipso adeo turbulentio consulatu (3), consilia communicavit cum P. Nigidio, Philosopho Pythagorico, quo plurimum utebatur in publicis negotiis (4).

Cicero vero, cum Philosophiam praesertim sibi addiscendam putasset in usum Oratoris, illa philosophorum genera amplexus est, unde plura utilitas cum universe in rationem illam civilem, et vitam publicam, tum in ipsam eloquentiam redundaret. Ad utrumque autem omnium plurimum conferebat philosophia *Peripatetica*: posteriori imprimis parti egregie proderat disciplina *Academica*.

Ex his breviter expositis clarius perspicietur coniunctio philosophiae cum eloquentia in Cicero; atque adeo tota viri civilis ratio.

„ Dico (5) a veteribus Peripateticis, Academico mi-

(1) Conf. Plutarch. I. I.

(2) uti patet ex Epist. ad Att. II. 1.

(3) teste Plutarch. I. c. c. 20.

(4) Plutarch. ibidem. conf. Gell. XV. II. X. II. Macrob. Saturn. VI. 8. Cic. de univ. c. I. et omnino Epist. ad Fam. IV. 13.

(5) de Finib. IV. 2.

„ micisque, qui re consentientes, vocabulis
 „ differebant, eum locum, quem *civilem* recte
 „ appellaturi videmur, graece πολιτικὴν, gravi-
 „ ter et copiose esse tractatum. Quam multa
 „ illi de rep. scripsérunt? quam multa de legi-
 „ bus? ex quorum (1) scriptis et institutis,
 „ cum omnis doctrina liberalis, omnis historia,
 „ omnis sermo elegans sumi potest; tum varie-
 „ tas est tanta artium, ut nemo sine eo instru-
 „ mento ad ullam rem illustriorem satis orna-
 „ tus possit accedere: ab his Oratores, ab his
 „ imperatores, et rerum publicarum principes
 „ extiterunt". — „ Tertia (2) enim pars bene-
 „ vivendi — est ab iisdem non solum ad pri-
 „ vatae vitae rationem, sed etiam ad rerum pu-
 „ blicarum rectionem relata. Omnium fere
 „ civitatum, non Graeciae solum, sed etiam
 „ barbariae, ab Aristotele mores, instituta,
 „ disciplinas; ab Theophrasto leges etiam cog-
 „ novimus: cumque uterque eorum docuissest,
 „ qualem in Rep. principem esse conveniret,
 „ pluribus praeterea cum scrip̄issest, qui esset
 „ optimus Reip. status: hoc amplius Theophras-
 „ tus, quae esent in Rep. inclinationes rerum
 „ et momenta temporum, in quibus esset mo-

„ de-

(1) *de Finib.* V. 3.

(2) *ibid.* c. 4.

„ derandum , utcunque res postularet". Fin-
 git igitur Cicero contra Catonem Stoicum dis-
 putans , véteres illos Platonicos , si reviviscant ,
 cum Catone ita locuturos (1): quaenam ratio
 fuit , cur Stoicos nobis anteferres ; „ praefer-
 „ tim cum in Rep. princeps esse velles , ad
 „ eamque tuendam cum summa tua dignitate
 „ maxime a nobis ornari atque instrui possis ?
 „ Nobis enim ista quaesita , a nobis descripta ,
 „ notata , paecepta sunt : omnium rerum pu-
 „ blicarum rectiones , genera , status , mutatio-
 „ nes , leges etiam , et instituta ac mores civita-
 „ tum perscrissimus . Eloquentiae vero , quae et
 „ principibus maximo ornamento est , et qua te
 „ audivimus valere plurimum , quantum tibi ex
 „ monumentis nostris addidisses ?" (2).

Sed praeterea veterum Academicorum et Pe-
 ripateticorum disciplina ad ipsum dicendi usum
 erat aptissima , atque inde eloquentia plurima mu-
 tuabatur adiumenta .

Cum enim „ in dicendo vitium vel maximum
 „ sit ,

(1) l. c. IV. 22.

(2) Conf. de Orat. I. 10. Quot autem et quanta
 sapientia civilis debeat Platonis , quis est , qui igno-
 ret ? conf. imprimis egregia Diss. I. L. G. de
 Geer , diatrib. in politices Platon. principia , Ultrai.
 1810.

„ sit , a vulgari genere orationis , atque a con-
 „ suetudine communis sensus abhorrere” (1);
 „ maxime ea ratio cum eloquentia consentitur ,
 „ quae peperit dicendi copiam , et in qua dicun-
 „ tur ea , quae non multum discrepant ab opi-
 „ nione vulgari” (2).

Mihi , inquit Cicerō (3) , „ semper Peripa-
 „ teticorum Academiaeque consuetudo , de om-
 „ nibus rebus in contrarias partes disserendi ,
 „ non ob eam causam solum placuit , quod ali-
 „ ter non posset , quid in quaue re verisimile
 „ esset , inveniri , sed etiam , quod esset ea
 „ maxima dicendi exercitatio . Quam (4) mul-
 „ ta enim non solum praecepta in artibus , sed
 „ etiam exempla in orationibus bene dicendi
 „ reliquerunt (5). Primum enim ipsa illa ,
 „ quae

(1) *de Orat.* I. 3.

(2) *Paradox.* proœm.

(3) *Tuscul.* *Quaest.* II. 3.

(4) *de Finib.* IV. 2.

(5) „ Quis enim uberior in dicendo Platone ?
 „ Lovem aiunt Philosophi , si Graece loquatur , sic
 „ loqui ? Quis Aristotele nervosior ? The o-
 „ phrasto dulcior ? Lectitavisse Platonem stu-
 „ diose , audivisse etiam Demosthenes dicitur ;
 „ idque apparet ex genere et granditate verborum ”.
 „ (*Brut.* c. 31. *conf.* *Orator* c. 4.) Plato enim
 „ non

„ quae subtiliter disserenda erant, polite apte-
 „ que dixerunt, cum desinentes tum partien-
 „ tes” (1): porro in arte inveniendi, „ e qui-
 „ bus locis, quasi thesauris, argumenta de-
 „ promerentur, — artificio et via tradiderunt,
 „ quae quidem res efficit, ne necesse sit, iis-
 „ dem de rebus semper quasi dictata decantare,
 „ neque a commentariolis suis discedere. Nam
 „ qui sciet, ubi quidque positum sit, quaque eo
 „ veniat, is, etiamsi quid obrutum erit, po-
 „ terit eruere, semperque esse in disputando su-
 „ us”. Quod Crasso (2) occasionem praebet
 querendi, facultatem in utramque partem dispu-
 tandi (3), quae propria sit Oratorum, ad se tra-
 xisse Academicos et Peripateticos Philosophos,
 qui adeo dividant omnem civilem orationem, in
 ho-

„ non intelligendi solum, sed etiam dicendi gravissimus
 „ auctor et magister”. (*Orat. c. 3*).

(1) Testatur igitur *Cic. de Invent.* I. 23. se par-
 titionum praecepta ex philosophia hausisse: et (*de
 part. Orat. c. 40.*) eas e media Academia sua floru-
 isse; neque sine ea aut inveniri, aut intelligi, aut
 tractari posse.

(2) *de Orat. III. 27.*

(3) *Conf. de Orat.* I. 34. 62. III. 21. *Tusc.*
Quaest. II. 3. Aristot. Rhet. I. 1. ob quam inventam,
 ut tradit Plutarch. in *Alexandro*, Aristoteles apud
 Alexandrum aliquando male audiit.

horum alterutrum genus, aut definitae controversiae certis temporibus ac reis, aut infinite de universo genere quaerentis: atque cetera eiusdem generis tractent (1). Sed maiore etiam affinitate Philo Academiam cum Oratore coniunxit: „nunc enim (2) apud Philonem, quem in Academia maxime vigeat, re audio, etiam harum (nimirum alterius illius generis, quod est temporibus, locis, reis, definitum) „, iam causarum cognitio exercitatioque celebratur” (3). Igitur Cotta post Crassi disputationem de iis, quae ad Oratorem pertinere censeret, scilicet, omnem ruinam scientiam; „me quidem,” inquit (4), „in Academiam totum compulisti: — et profecto nunquam conquiescam, neque defatigabor ante, quam illorum ancipites vias rationesque, et pro omnibus, et contra omnia disputandi, percepero”. Cicero autem expertus, „fateor, ait (5), me Oratorem, si

(1) quae recenset III. 38. conf. *de Finib.* IV. 2. 3.

(2) ita Crassus *de Orat.* l. c. c. 28.

(3) Conf. porro de meritis Aristotelis, eiusque successorum, circa dicendi ornatum et praecepta, loca laudata in Cap. I. § 4.

(4) *de Orat.* III. 36.

(5) *Orat.* c. 3.

„ modo sim, aut etiam quicunque sim; non ex
 „ Rhetorum officinis, sed ex Academiae spatiis
 „ extitisse. Illa enim sunt curricula multipli-
 „ cium, variorumque sermonum, in quibus
 „ Platonis primum impressa sunt vestigia; sed
 „ et huius et aliorum philosophorum disputa-
 „ tionibus et exagitatus maxime Orator est et
 „ adiutus. Omnis enim ubertas, et quasi silva
 „ dicendi, ducta ab illis est": et (1) „ cum
 „ hoc genere philosophiae, quod nos sequimur,
 „ magnam habet Orator societatem: subtilita-
 „ tem enim ab Academia mutuatur, et ei vi-
 „ cissim reddit ubertatem orationis, et orna-
 „ menta dicendi".

Apparet igitur, Ciceronem ex uberrimis Philosophiae Academicae et Peripateticae fontibus hausisse praecæpta reip. sapienter tractandæ: seque ad eamdem philosophiam contulisse, unde dicendi facultatem augeret, instrueret, atque ornaret: quod utrumque egregie faciebat ad magnitudinem illius viri civilis, cuius cogitationem animo fuerat complexus, condendam et perficiendam. Quo facto totum se accommodavit ad sententiam Crassi, praecipientis (2): „ si illam præclaram „ et eximiam speciem Oratoris perfecti et pul-

„ chri.

(1) *de Fato. c. 2.*

(2) *de Orat. III. 19.*

„ chritudinem adamastis; aut vobis haec Car-
 „ neadia, aut illa Aristotelia vis comprehen-
 „ denda est". Et confirmavit eadem ratione,
 instituto suo, et exemplo (1), eiusdem Crassi
 iudicium (2), inter ceteras Philosophorum fa-
 milias, non coniunctas satis Oratori, aut ac-
 commodatas inveniri.

Cumulare hanc Oratoris Ciceronis descriptio-
 nem liceat, et contractam includere verbis
 Auctoris Dial. de Orat. (3). „ Refert Cicero, se
 „ apud Q. Mucium ius civile didicisse, apud
 „ Philonem Academicum, apud Diodotum Stoï-
 „ cum, omnes philosophiae partes penitus hau-
 „ sissee: neque his doctoribus contentum, quo-
 „ rum ei copia in Urbe contigerat, Achaiam
 „ quoque et Asiam peragrasse, ut omnem om-
 „ nium artium varietatem complecteretur. Ita-
 „ que hercule in libris Ciceronis deprehendere
 „ licet, non Geometriae, non Musicae, non
 „ Grammaticae, non denique ullius ingenuae
 „ artis scientiam ei defuisse. Ille Dialecticae
 „ subtilitatem, ille moralis partis utilitatem,
 „ ille rerum motus, causasque cognovit. Ita
 „ enim est, — ita, ex multa eruditione, ex
 „ plu-

(1) quod verbis fecit *de Finib.* IV. 9.

(2) *de Orat.* III. 16—20.

(3) c. 30.

„ pluribus artibus, et omnium rerum scientia,
 „ exundat et exuberat illa admirabilis eloquentia” (1).

Exposita igitur Oratoris persona, quam Cicerio primum cogitatione, dein doctrina et usu assecutus est, minus ad nos pertinere videtur, ut ostendamus, quomodo in ipsa Rep. hanc personam tuitus fuerit. Haec enim, cum a consilio et scriptioris terminis nimis longe nos abducent, tum aliunde nota, explicatione non indigent: denique ea continerent, quae fuerunt Ciceroni cum ceteris, qui summos in rep. honores gesserunt, communia, ac non diversa, nisi pro diversa a ceteris Ciceronis indole, institutione, doctrina et consilio, quae ex dictis satis intelliguntur.


At vero illud est huius institutae scriptioris ac temporis, observare, quam praecclare conveniat haec Ciceroniana imago cum Crassiani Oratoris specie: ita ut haec non magis ex summi et perfecti Oratoris idea, quam ex Ciceronis exemplo informata et expressa esse videatur. Qui consensus ita patet, et in omnium oculos in-

(1) „ Dum fatetur Cicerio (*de Off. I. 44.*), „ nos
 „ quicquid ad remp. attulimus, (si modo aliquid at-
 „ tulimus), a doctoribus, atque a doctrina instructi
 „ ad eam, et ornati accessimus”.

Incurrit, ut indicare non sit necesse; sed persuadere nobis certo certius videatur, Crassum in Libris *de Orat.* inductum esse, qui disputaret ex sententia Ciceronis, quandoquidem Tullius suum iudicium, cum Crassi auctoritate coniunctum, nullo alio melius argumento, quam suo ipse exemplo, confirmare potuit.

C A P U T T E R T I U M.

CICERONIS DE PERFECTO ORATORE SENTENTIA.



Vidimus, quae ex persona Crassi de perfecto Oratore disseruntur, continere ipsam Ciceronis sententiam. Eam igitur iam Crassi verbis exponere poterimus. Cum vero ex Cap. II. supersit ea confirmationis pars, quae dicitur ex iis locis, ubi ex sua ipsius persona disputans Tullius, sententiam, quae Crassi dicitur esse, suam facit, quemque tertium fontem esse, diximus efficiendae Ciceronis sententiae, eam partem Crassi sermoni pasim inseremus.

Distinguitur autem materia Eloquentiae et forma, sive instrumentum: ut cognovimus, carbo disputationis de summo Oratore proprie ver-

ti-

titur in controversia de parte priori: de qua igitur Ciceronis sententia constituenda est: si quae vero partes aut quaestiones cum parte etiam posteriori coniunctae, et in Libris de Oratore tractatae, maiore aliqua illustratione indigeant, de iis ultimo loco dicamus.

Considerandum itaque erit loco primo, quasnam rationes ex historia et antiquitatis memoria Crassus hauriat, ex quibus suam de Oratore sententiam efficiat et tueatur.

Duplex enim in hac re valet argumentationis genus: unum, ductum ex ipsa Eloquentiae natura, et communni artium atque doctrinarum nexu, unde divelli fere non possunt: alterum derivatum, ut ita dicam, ab experientia, sive ab ipsorum Oratorum historia, origine, forma, antiquiori et recentiori, progressibus; ex quibus quali quantoque apparatu instructi fuerint Oratores, et esse potuerint, constet.

Eloquentiae (1) „ vis — scientiam complexam „ rerum, sensa mentis et consilia sic verbis ex- „ plicat, ut eos, qui audiant, quocunque in- „ cubuerit, possit impellere: quae, quo maior „ est vis, hoc est magis probitate iungenda, „ summaque prudentia: hanc (2), inquam, co- „ gi-

(1) verba sunt Crassi de Orat. III. 14.

(2) de Orat. I. c. c. 15.

„gitandi pronuntiandique rationem, vimque
„dicendi, veteres Graeci *sapientiam* nomina-
„bant”.

Itaque (1) „septem fuisse dicuntur uno
„tempore, qui *Sapientes* et haberentur, et vo-
„carentur. Hi omnes, praeter Milesium Tha-
„len, civitatibus suis praefuerunt”. Antiqui
autem (2) πατὰν τεχνὴν σοφίαν ἔλεγον: unde
etiam σοφισῆς universe invaluit pro sapiente (3).
Ab hac vero, quam antiqui vocabant, *sapien-*
tia (4), „illi Lycurgi, hinc Pittaci, hinc So-
„lones, atque ab hac similitudine Coruncanii
„nostris, Fabricii, Catones, Scipiones fue-
„runt, non tam fortasse docti, sed impetu-
„mētis simili et voluntate”. Quibus verbis
cum Crassus antiquam sapientium civilium for-
mam, tum ex historia Graecorum, tum ex Rep.
Romana, in rem suam trahat, eumdem ordinem
secuti, sententiam eius persequamur.

„Ve-

(1) *Ibid. c. 34.* *For. c. 120.* *Ad. 200.* *120.* *120.*

(2) ut *Hesychius* ait.

(3) quo priore nomine primum dictum esse Solonem, probat *Vossius de Nat. Rhet. c. II. et c. X.* initio. *Conf. L. Crefollius in Theat. Rhet. Lib. I. c. 7.*

(4) *de Orat. III. 15.* *Conf. quae de sapientia ve-*
terum dicta sunt in c. H. § 1.

„ Vetus (1) quidem illa doctrina, eadem vi-
 „ detur et recte faciendi et bene dicendi ma-
 „ gistra, neque disiuncti doctores, sed iidem
 „ erant vivendi praceptoribus, atque dicendi;
 „ ut ille apud Homerum Phoenix, qui se a
 „ Peleo patre Achilli iuveni comitem esse da-
 „ tum dicit ad bellum, ut illum efficeret *Ora-.*
 „ *torem verborum, actoremque rerum*”;
 „ *μίθων τε φυτῆρος ἐμεναι, πρηκτῆρα τε ἔργων*” (2).

Ab his temporibus si recesseris, perveniemus
 ad septem sapientes, qui „ omnes (3), pree-
 ter Milesium Thalen, civitatibus suis praefue-
 runt. Quis doctior iisdem illis temporibus,
 aut cuius eloquentia literis instructior fuisse
 traditur, quam Pisistrati? qui primus Home-
 ri libros, confusos antea, sic disposuisse di-
 citur, ut nunc habemus. Non fuit ille qui-
 dem civibus suis utilis, sed ita eloquentia flo-
 ruit, ut literis, doctrinaque praestaret (4).
 Quid Pericles? de cuius dicendi copia sic ac-
 cepimus, ut, cum contra voluntatem Atheni-

„ en-

(1) ita Crassus *de Orat.* III. 15.

(2) quae sunt ipsa verba Phoenicis apud Homere-
num, *Iliad.* IX. vs. 443.

(3) inquit Crassus *de Orat.* III. 34.

(4) Conf. *in Brut.* c. 7. 10.

„ ensium loqueretur pro salute patriae, seve-
 „ rius tamen id ipsum, quod ille contra popu-
 „ lares homines diceret, populare omnibus et
 „ iucundum videretur: cuius in labris veteres
 „ comici (etiam cum lilli maledicerent, quod
 „ tum Athenis fieri licebat) leporem habitasse
 „ dixerunt, tantamque in eo vim fuisse, ut in
 „ eorum mentibus. Qui audissent, quasi acule-
 „ os quosdam relinquenter. At hunc non cla-
 „ major aliquis ad clepsydram latrare docuerat,
 „ sed ut accepimus, Clazomenius ille Anaxago-
 „ ras, vir summus in maximarum rerum scien-
 „ tia. Itaque hic doctrina, consilio, eloquen-
 „ tia excellens, quadraginta annos praefuit
 „ Athenis, et urbanis eodem tempore et belli-
 „ cis rebus (1). Quid Critias? quid Alcibia-

Sed inquit, quod si quis periret, non des?

(1) Conf. in Brut. c. 7. 11. et non abhorrens
 iudicium Antonii de Orat. II. 22. Quod autem in
 Brut. c. 11. dixit Cicero, Periclem primum ad-
 hibuisse doctrinam, intelligentum est de eruditione,
 quam ab Anaxagorā discendo perceperat, cum anti-
 quiorum magis fuisse sapientia, ex usu et exercita-
 tione habsta; quam doctrina, dum artes et scientias
 nondum fere seorsim excoli et tractari coeptae erant.
 Siquidem etiam in Phaedro Platonis, hoc
 Periclem praestitisse ceteris dicit Oratoribus
 Socrates, quod is Anaxagorae Physici fuerit

L. 161. 2, au-

„ des ? civitatibus suis quidem non boni, sed
 „ certe docti atque eloquentes, nonne Socrati-
 „ cis erant disputationibus eruditii (1)? Quis.
 „ Dionem Syracusium doctrinis omnibus expo-
 „ livit? non Plato? atque eum idem ille non
 „ linguae solum, verum etiam animi ac virtutis
 „ magister, ad liberandam patriam impulit, in-
 „ struxit, armavit (2). Aliisne igitur artibus
 „ hunc Dionem instituit Plato, aliis Isocrates
 „ clarissimum virum Timotheum, Cononis pae-
 „ stantissimi Imperatoris, filium, summum ip-
 „ sum Imperatorem, hominemque doctissimum?
 „ aut aliis Pythagoreus ille Lysis Thebanum
 „ Epaminondam, haud scio, an summum virum
 „ unum omnis Graeciae? Aut Xenophon Age-
 „ silium? aut Philolaum Archytas Tarentinus?
 „ aut ipse Pythagoras totam illam veterem Ita-
 „ liae Graeciam, quae quondam Magna vocata-
 „ ta est (3)? Evidem non arbitror. Sic enim

„ vi-

„ auditor: a quo censet, eum, cum alia praecella-
 „ quaedam, et magnifica, didicisset, uberem et foe-
 „ cundum fuisse, gnarumque, (quod est eloquentiae
 „ maximum) quibus orationis modis, quaeque ani-
 „ morum partes pellerentur". (*Orat. c. 4.*)

(1) *Conf. in Brut. c. 7. de Orat. II. 22.*

(2) *Conf. de Off. I. 44. Corn. Nep. in Diones. c. 3. ibique V. V. D. D.*

(3) *conf. de Off. I. c.*

„ video ; unam quamdam omnium rerum , quae
 „ essent homine erudito dignae , atque eo , qui
 „ in rep. vellent excellere , fuisse doctrinam ;
 „ quam qui accepissent , si iidem ingenio ad
 „ pronuntiandum valuissent , et se ad dicendum
 „ quoque , non repugnante natura , dedissent ,
 „ eloquentia praestitisse”.

Huic egregio loco nihil addi posse videtur , ut
 ex historia Graeca et antiquitate informetur an-
 tiquus vir civilis : praesertim cum iam antea in
 cap. II hunc Oratorem attigerimus : licet ta-
 men quaedam in maiorem illustrationem adiicere.

Ut ordine procedamus , quantopere antiquis-
 simis temporibus omnis sapientia cum sapientia
 civili coniuncta fuerit , patet ex septem , quos
 Cicero protulit , sapientibus : nec Thales merito
 excipitur ; qui si civitati suae non praefuit , cer-
 te princibus , e. g Croeso de rebus civilibus
 consilii auctor extitit (1) . Eadem ratione in
 sequentibus Philosophis , unice ceterum naturae
 contemplationi intentis , Pythagora , Democrito ,
 Anaxagora (2) , Xenophane , Parmenide , Em-
 pedocle , aliis , plures videmus uno alterove mo-

(1) Conf. Heeren Ideen Th. III. Abth. I. Ab-
 schn. XIII. p. 384.

(2) quos nominat Crassus de Orat. III. 15.

do cum rebus civilibus connexos: ita v. g. Anaxagoras instituit Periclem, inter viros civiles principem, eique civitatem gubernanti perpetuo affuit: de Empedocle testimonium est Diogenis Laertii (1), eum libertatem Agrigentinorum tuitum fuisse: de Pythagora autem, quis non novit, qualis fuerit in rerum publicarum Scientia (2)? Quantaque Platoni, fere divino, debere Demosthenem Cicero putarit, declaravit in Oratore Cap. IV. Brut. c. 31.

Quod attinet ad Solonem, conditionemque scientiae civilis horum temporum, non praetermittendus est insignis locus Plutarchi (3): qui ostendens Anaxagorae auditorem Themistoclem non fuisse, μᾶλλον, inquit, οὖν ἀν τις προσέχοι τοῖς Μνησιφίλου τὸν Θεμιστοκλέα τοῦ

Φρεσ-

(1) Lib. VIII. p. 607. seqq. Edit. Stephanii 1593.

(2) Qualia autem, quantaque de ratione Politica fuerint merita Pythagorae, perspectum habebit, qui legerit Heeren l. 1. Abschn. XIV. p. 427. seqq. conf. W. Tr. Krug *Gesch. der Phil. alt. Zeit.* § 36. p. 100. seqq. et quos ibi laudat autores.

(3) In *Themistocle* p. 112. D. Edit. Fran-
cosurt. 1599.

Φρεαρίου (1) ζηλωτὴν γενέσθαι λέγουσιν, οὔτε ὁμότορος ὅντος, οὔτε τῶν Φυσικῶν κληθέντων Φιλοσόφων, ἀλλὰ τὴν καλουμένην σοφίαν, οὕσαν δὲ δεινότητα πολίτικην, καὶ δραπέτων συνέσιν, ἐπιτήδευμα πεποιημένου καὶ διασώζοντος, ὡςπερ αἵρεσιν ἐκ διαδοχῆς ἀπὸ Σόλωνος, ἦν οἱ μετὰ ταῦτα δικαιιαῖς μιᾶντες τεχναῖς, καὶ μεταγαγόντες ἀπὸ τῶν πράξεων τὴν ἀσκησίν ἐπὶ τοὺς λόγους, σοφισαὶ προσηγορευθήσαν. τούτῳ μὲν οὖν ἥδη πόλιτευόμενος ἐπλησταζεν. Unde apparet disciplinae civilis instituendae, quasi quādam familiari et scholam conditam fuisse a Solone, quam velut hereditariam accepit Mnesiphilus et servarit: ex qua prodiit etiam Themistocles. Heerenius (2) Vir cl. cogitat, de amicorum sodalito quodam, quibus cum suas de principiis et ratione sapientiae civilis Solon sententias communicaverit: quas rursus a natu maioribus iuniores acceperint traditas, et propagarint.

Egregie porro idem Heerenius (3) tria tempora distinguit; primum, in quo dux anteponebatur viro civili; cuius exemplum et caput statuit Themistoclem: alterum, in quo duce de pres.

(1) ubi legendum videtur τοῖς τὸν Θεμιστοκλέα Μη. τιφίου τοῦ Φρεαρίου etc.

(2) Ideen I. c. Abschn. XIV. p. 435, 436.

(3) I. l. Abschn. XIII. p. 387.

presso, vir civilis priorem tenebat locum, sive
 aetas Periclis: tertium, in quo vir civilis age-
 bat seorsim a duce, quod tertium tempus est
 Demosthenis. In omnibus illis aetatibus eadem
 regnat vis politica coniuncta semper cum facul-
 tate dicendi, sed diversis rationibus auctoritatem
 nanciscebatur in Rep. In prima aetate omnis
 auctoritas viri civilis nitebatur laude militari;
 neque poterat quis in Rep. cum consilii digni-
 tate versari, nisi rebus in bello gestis inclaruis-
 set; quibus aditu sibi parato, sapientia civili,
 munita vi dicendi minus adhuc dum exulta,
 rebus magis et sententiis, quam ornatu verbo-
 rum insigni, animis civium imperabat: ita *sa-*
pientissimum virum Athenienses agnoscebant
 Themistoclem (1). Iu' aetate altera, civitate
 magis ad pacem et conditionem suam internam
 conversa, primas partes occupabat illa *δεινότης*
 civilis, philosophiae et doctrinae apparatu ma-
 gis iam instructa, et dicendi genere grandi
 quodam et compresso, et cibro sententiis (2),
 adiuta; cum mallent iam homines sibi verbis
 persuaderi, quam sapientiae non exornatae aucto-
 ritate duci et abripi. „ Pacis enim est comes,
 „ otique socia, et iam bene constitutae civita-
 „ tis

(1) Conf. Thucyd. I. 138.

(2) Conf. Cic. in Brut. c. 7.

„tis quasi alumna quaedam eloquentia” (1). Huius ex secunda aetate viri civilis effigiem conspicimus Periclem, profectum illum ex disciplina Anaxagorae et elegantiis Aspasiae! Denique in aetate tertia vim civilem videmus utentem illa regina rerum et animorum domina, eloquentia plena illa et cumulata: quae cum iam multo ante in civitate Atheniensium regnasset, quid efficere posset, iam velle experiri videbatur in Demosthene! Eloquentiae artificiosae et copiosae auxilio satis nunc se scientia civilis tuebatur, neque alio adminiculo egebat ullo, et virum civilem videmus eundem atque Oratorem, dignissimum qui proprie hoc nomine appellatur: qui exorsus a causis privatis, defendendo aut accusando, in iudiciis, per actiones et causas publicas cum ipsa reip. administratione coniungebatur (2).

Sequitur ut, duce Crasso, videamus de forma viri civilis ex Historia Romana.

„Equidem (3) saepe hoc audivi de patre et de socero meo, nostros quoque homines, qui excellere sapientiae gloria vellent, omnia, quae

„qui-

(1) in Brut. c. 12.

(2) Caeterum de diverso harum aetatum ingenio vid. omnino Heeren l. c. p. 387. seqq.

(3) inquit Crassus, de Orat. III. 33.

„ quidem tum haec civitas posset, solitos esse
 „ complecti. Meminerant illi Sex. Aelium, M.
 „ vero Manilium nos etiam vidimus transverso
 „ ambulantem foro; quod erat insigne eum,
 „ qui id faceret, facere civibus omnibus consilio
 „ sui copiam: ad quos olim et ita ambulantes,
 „ et in folio sedentes domi, sic adibatur, non
 „ solum ut de iure civili ad eos, verum etiam
 „ de filia collocanda, de fundo emendo, de
 „ agro colendo, de omni denique aut officio
 „ aut negotio referretur. Haec fuit P. Crassi
 „ illius veteris, haec Ti. Coruncanii, haec pro-
 „ avi generi mei, Scipionis, prudentissimi ho-
 „ minis, *sapientia*, qui omnes Pontifices Ma-
 „ ximi fuerunt, ut ad eos de omnibus divinis
 „ atque humanis rebus referretur: iidemque et
 „ in Senatu, et apud *Populum*, et in *causis*
 „ amicorum, et domi et militiae, consilium
 „ suum fidemque praestabant. Quid enim M.
 „ Catoni, praeter hanc politissimam doctrinam
 „ transmarinam atque adventitiam defuit? Num
 „ quia ius civile didicerat, causas non dicebat?
 „ aut quia poterat dicere, iuris scientiam ne-
 „ gliebat? At utroque in genere et laboravit
 „ et praestitit. Num propter hanc ex privato-
 „ rum negotiis collectam gratiam tardior in rep.
 „ capessenda fuit? Nemo apud populum fortis-
 „ or, nemo melior senator: idem facile opti-
 „ mus

„ mus imperator, denique nihil in hac civitate
 „ temporibus illis sciri, discive potuit, quod
 „ ille non cum investigarit et scierit, tum etiam
 „ conscriperit” (1). Idem tuetur ipse Cice-
 ro (2): „ contendo,” ait, „ cum ad naturam
 „ eximiam atque illustrem accesserit ratio quae-
 „ dam, conformatioque doctrinae: tum illud
 „ nescio, quid praeclarum ac singulare solere
 „ existere. Ex hoc esse hunc numero, quem
 „ patres nostri viderunt divinum hominem, Afri-
 „ canum: ex hoc C. Laelium, L. Turium,
 „ moderatissimos homines, et continentissimos:
 „ ex hoc fortissimum virum, et illis tempi-
 „ bus doctissimum M. Catonem, illum senem,
 „ qui profecto, si nihil ad percipiendam colen-
 „ damque virtutem, literis adiuverantur, nun-
 „ quam se ad eorum studium contulissent”.

Efficit igitur Cicero ex historia cum Graeco-
 rum, tum Romanorum, virum civilem, sive
 Oratorem, (de cuius forma plura diximus in
 C. II.) antiquissimis temporibus fuisse omni
 doctrina, quae tum erat, instructum, et cum
 dicendi, tum imprimis sapientiae laude floruisse.
 Non erant illis temporibus, certe non multi (3),

qui

(1) *Conf. de Orat.* I. 37.

(2) *pro Archia* c. 7.

(3) *Vid. de Orat.* III. 15.

qui ab agendo remoti, unice in scientiis aetatem consumerent: sed omnes artes et scientiae, ex solo fere usu et experientia rerum huiusmaius, non nisi hoc ipso usu poterant percipi: et quandoquidem praeterea (ut animadversum iam antea) omnia ad rem publicam referebantur, mirari non possumus, qui illis temporibus celebrantur sapientes et docti, omnes fuisse viros politicos, summa dignitate et honoribus claros, qui, quam acquisiverant, rerum peritiam, non in docto otio atque in literatis recessibus custodiebant abditam, et consenescere sinebant, sed in solem et in pulverem et in ipsam aciem deducentes, ad communem civium utilitatem expromebant.

Hac igitur ratione omnis scientia et doctrina, quae una *sapientia* continebatur, antiquitus ad virum civilem sive Oratorem pertinuit fere unice: unde poterant queri Cicero et Quintilianus, depulsos esse de sua ditione Oratores, et alios alias eius ditionis partes sibi iniustissime vindicasse: de qua re postea accuratius videbimus.
 „ Fuerunt ita haec, ut Cicero apertissime „ colligit, quemadmodum iuncta natura sic of- „ ficio quoque copulata: ut iidem sapientes at- „ que eloquentes haberentur”: sunt verba Quintiliani (1), qui alio loco (2), „ Cicero,” in-

(1) In Proœm.

(2) I. O. XII. 2. p. 631.

inquit, „ pluribus libris et epistolis testatur,
 „ dicendi facultatem ex intimis sapientiae fon-
 „ tibus fluere: ideoque aliquamdiu praecepto-
 „ res eosdem fuisse morum atque dicendi”.
 Quibus Quintilianii testimonii simul sententiam
 Ciceronis habemus confirmatam.

Sed audiamus Crassum exponentem, quomodo
 forma Oratoris ab antiqua illa ratione paulatim
 deflexerit.

„ Quod erant (i) quidam, iisque multi, qui
 „ aut in rep. propter ancipitem, quae non po-
 „ test esse sciuncta, faciendi, dicendique sa-
 „ pientiam florcent, ut Themistocles, ut Peri-
 „ cles, ut Theramenes, aut qui minus ipsi in
 „ rep. versarentur, sed huius tamen eiusdem
 „ sapientiae doctores essent, ut Gorgias, Thra-
 „ symachus, Isocrates: inventi sunt, qui cum
 „ ipsi doctrina et ingenii abundarent, a re-
 „ autem civili, atque a negotiis, animi quodam
 „ iudicio, abhorrerent, hanc dicendi exercita-
 „ tionem exagitarent atque contemnerent: quo-
 „ rum princeps Socrates fuit, is, qui omnium
 „ eruditorum testimonio, totiusque iudicio
 „ Graeciae, cum prudentia, et acumine, et ve-
 „ nustate et subtilitate, tum vero eloquentia,
 „ varietate, copia, quam se cunque in partem
 „ de-

(i) *de Orat. III. 16.*

„ dedisset, omnium fuit facile princeps. In
 „ iis, qui haec, quae nos nunc quaerimus,
 „ tractarent, agerent, docerent, cum nomine
 „ appellarentur uno, quod omnis rerum opti-
 „ marum cognitio, atque in iis exercitatio,
 „ philosophia nominaretur, hoc commune no-
 „ men eripuit. sapienterque sentiendi et ornate
 „ dicendi scientiam, re cohaerentes, disputa-
 „ tionibus suis separavit (1). Hinc discidium
 „ il-

(1) Quod autem Cicero h. l. et in *Brut.* c. 8.
 Isocratem et Sophistas, qui vocantur, a viris
 civilibus videtur secernere, id non intelligendum est,
 quasi hi viri in una dicendi exercitatione et institutio-
 ne consenserint, nihilque ad eos pertinuerit ratio ci-
 vilis. Isocrates quidem, cum ipse ad remp acc-
 edere non auderet, se non minus scientiae civilis,
 quam dicendi doctorem profesus est, idque cum tes-
 tantur eius orationes, tum viri civiles ex eius disci-
 plina profecti. Conf. Heeren *Ideeën* I. 1. Abschn.
 XIII. p. 409. 410. Tum vero Sophistae, Gorgias,
 Thrasymachus, et quos ceteros nominat
 Cicero in *Brut.* c. 8, non tantum inserviebant
 adolescentibus iis rebus instituendis, quae ad virum
 civilem requirebantur, i. e. dicendi facultate et co-
 gitandi, sed etiam a civitatibus suis ad legationes
 obeundas, aliasque publicas res gerendas, utpote sa-
 pientes viri adhibebantur, ut e. g. de Gorgia et
 Prodigio tradit Plato in *Hippiamai.* T. III. p. 232.

B.

„ illud extitit quasi linguae atque cordis, ab-
 „ surdum sane, et inutile et reprehendendum,
 „ ut alii nos sapere, alii dicere docerent”.
 Dein recensitis variis philosophorum familiis ex
 Socratis multiplici disputatione profectis, per-
 git (1): „ haec autem, ut ex Apennino flumi-
 „ num, sic ex communi sapientium iugo, sunt
 „ doctrinarum facta divertia, ut Philosophi
 „ tanquam in superum mare Ionium defluerent,
 „ Graecum quoddam et portuosum: Oratores
 „ autem in inferum hoc Tuscum et barbarum,
 „ scopulosum atque infestum laberentur, in quo
 „ etiam ipse Ulysses errasset”. — „ Si igitur ye-
 „ terem illum Periclem, aut hunc etiam, qui
 „ familiarior nobis propter scriptorum multitudi-
 „ nem est, Demosthenem, sequi vultis, et si illam
 „ praeclaram et eximiam speciem Oratoris perfe-
 „ cti et pulchritudinem adamastis, aut vobis haec
 „ Carneadia, aut illa Aristotelia vis comprehen-
 „ denda est. Namque, ut ante dixi, veteres il-

B. C. Recte igitur Cicero de *Orat.* III. 16. et il-
 los et Isocratem dicendi, facienda doctores vo-
 cat. Ceterum de ortu, ratione, doctrina Sophista-
 rum, conf. Heeren Ideën I. c. Abschn. XIV. p.
 438. seqq. de Geer *Diatr.* c. I. Sect. I. p. 3. sqq.
 et II. II. Sect. II. § 4. p. 55. not. 1.

(1) *de Orat.* I. c. c. 19.

„ Il usque ad Socratem , omnem omnium re-
 „ rum , quae ad mores hominum , quae ad vi-
 „ tam , quae ad virtutem , quae ad Remp. per-
 „ tinebant , cognitionem et scientiam ; cum di-
 „ cendi ratione iangebant : postea dissociati (ut
 „ exposui) a Socrate diserti a doctis , et dein-
 „ ceps a Socraticis item omnibus , philosophi-
 „ eloquentiam despicerunt , Oratores sapienti-
 „ am : neque quidquam ex alterius parte tetige-
 „ runt , nisi quod illi ab his , aut ab illis himu-
 „ tuarentur , ex quo promiscue haurirent , si
 „ manere in pristina communione voluisent .
 „ Sed , ut pontifices veteres , propter sacrificia
 „ ciorum multitudinem tres viros epulones esse
 „ voluerunt , cum essent ipsi a Numa , ut etiam
 „ illud ludorum epulare sacrificium facerent ,
 „ instituti : sic a se causarum actores et a com-
 „ muni philosophiae nomine separaverunt , cum
 „ veteres dicendo et intelligendi mifificam so-
 „ cietatem esse voluisent ” .

Rationem , cur Socrates , quem sophistarum
 disputationes quasi genuerunt (1) , artem dicen-
 di exagitarit , indicavit Cicero (2) et recte per-
 spexisse videtur Quintilianus (3) . „ Ut pri-
 mum , ”

(1) de quo vid. Heeren l. l. Abschn. XIV. p.
444. seqq.

(2) in Brut. c. 8. (3) in Proœm.

„mūm;” inquit, „lingua esse coepit in
quaestu, institutumque bonis eloquentiae ma-
le uti, cūram morum, qui diserti habeban-
tur, reliquerunt”. Sophistae scilicet, tem-
pore Socratis, Gorgias, Thrasymachus, alii
venalem habere coeperant eloquentiam (1),
eamque ad mālum quemque usum convertere.
Igitur Socrates hunc dicendi usum primus op-
pugnavit (2), et sibi sumens sapientiam, quam
illi ab artificio dicendi separaverant et secluse-
rant, dicendi illis magistris (3) omnī ratione se
opposuit. Neque enim Gorgias, Prodicus, cae-
teri, rerum omnium scientiam, cum disputandi
facultate non coniungebant (4), sed instructo
illo dicendi apparatu tam male utebantur, ut
mirum non sit, illam perniciosaē eloquentiam
despexisse Socratem, Platonem adeo ex civitate
sua arcuisse (5).

A

(1) quod ipsa arguit *Sophistarum* descriptio Aristote lis de *Sophist.* Elench. c. 1. et Ciceronis *Acad.* Q. II. 23.

(2) de *Orat.* III. 16.

(3) „quos λογοδιάλογος appellat in *Phaedro* So-
crates” (*Orat.* c. 12.)

(4) Vid. quae modo diximus, et de *Orat.* III. 32.

(5) Quae est sententia Quintilianī I. O. II.
15. et Voss. de *Nat. Rhet.* c. II. conf. etiam c. III.

et

A Socrate igitur inde, haec ars dicendi sapientiae et philosophiae penetralibus quasi exclusa est, cum antea sine sapientia exercitatio dicendi ne subsisteret quidem, quae avulso peperit illas calamitates, de quibus queruntur Scaevola (1) et Cicero (2). Sic (3) eloquentia haec forensis spreta a philosophis, et repudiata, multis quidam illa adiumentis magnisque caruit: sed tamen ornata verbis atque sententiis, iactationem habuit in populo, nec paucorum iudicium, preprehensionemque pertinuit. Ita et doctis eloquentia popularis, et disertis, elegans doctrina defuit". Philosophiae enim tres partes; doctrina disserendi, cognitio naturae, et pars ea, quae versatur in vita et moribus,

Fenelon Gesprekken over de Welsprekenheid, vertaald door J. M. Schrant p. 39. seqq.

(1) *de Orat.* I. 39.

(2) *de Invent.* I. 3. seqq. Quae inanis verborum volubilitas Sophistis relicia commovit etiam Aristotelem, ut disciplinae dicendi institutionem, et quasi patronatum susciperet, quemadmodum tradit Crassus *de Orat.* III. 35. vid. *de Invent.* II. 2. 3. *Orat.* c. 51. et confitit quae annotavit I. M. Schrant ad Fenelonium l. l. p. 12. not. 5. annotat. p. 8. 9. Aliter rem exponit Diogenes Laert. lib. V. init. p. 301.

(3) *Cic.* in *Orat.* c. 3.

bus; quam maxime Oratori sunt necessariae;
 „ Ad (1) has tot, tantasque res adhibenda
 „ sunt ornamenta innumerabilia, quae sola tum
 „ quidem tradebantur ab iis, qui dicendi nu-
 „ merabantur magistri. Quo sit, ut veram il-
 „ lam et absolutam eloquentiam nemo conse-
 „ quatur, quod alia intelligendi, alia dicendi
 „ disciplina est: et ab aliis rerum, ab aliis
 „ verborum doctrina quaeritur": et „ tam-
 „ quam (2) ab animo corpus, sic a sententiis
 „ verba", divelluntur. Unde eloquentia „ in-
 „ firmioribus ingenii velut praedae fuit" (3).

Hac Oratoris historia magna ex parte inniti-
 tur sententia Ciceronis de summo Oratore. Ad
 hanc antiquam formam, quam ex illo descripsi-
 mus, provocabat, quoties de ditione Oratoris
 agebatur. Hanc respiciens Crassus ait (4);
 exercitatio de universo genere in utramque par-
 tem disferendi „ nunc propria duarum Philo-
 „ phiarum, de quibus antea dixi (Peripatecicæ
 et Academicae), „ putatur, apud antiquos erat
 „ eorum, ea quibus omnis de rebus forensibus
 „ dicendi ratio et copia petebatur. De virtute

enim

(1) Ibidem c. 5.

(2) de Orat. III. 6.

(3) Quintil. I. O. in proœmio.

(4) de Orat. III. 27.

„ enim , de dignitate , utilitate , honore , igno-
 „ minia , praemio , poena , similibusque de re-
 „ bus , in utramque partem dicendi animos , et
 „ vim . et artem habere debemus . Sed quoniam
 „ de nostra possessione depulsi , in parvo et eo
 „ litigioso praediolo relict i sumus , et aliorum
 „ patroni , nostra tenere , tuerique non potui-
 „ mus : ab iis , quod indignissimum est , qui
 „ in nostrum patrimonium irruperunt , quod
 „ opus est , nobis mutuemur . Nostra (1) est
 „ enim (si modo nos Oratores sumus , si in ci-
 „ vium disceptationibus , si in periculis , si in
 „ deliberationibus publicis adhibendi auctores et
 „ principes sumus) nostra est , inquam , omnis
 „ ista prudentiae doctrinaeque possessio , in
 „ quam homines , quasi caducam atque vacuam ,
 „ abundantes otio , nobis occupatis , involave-
 „ runt : — quae quoniam iam aliunde non pos-
 „ sumus , sumenda sunt nobis ab iis ipsis , a
 „ quibus expilati sumus , dummodo illam ad
 „ hanc civilem scientiam , quo pertinent , et
 „ quam intuentur , transferamus ” . Scilicet illa
 rerum omnium doctrina , ex Philosophis , me-
 ditando , non agendo , intentis , longe aliam
 formam acquisiverat , atque habuerat , cum ad-
 huic in ditione erat virorum civilium : igitur
 trans-

translata, debet rursus ab Oratore ad illam antiquam formam redigi.

Ceterum hos locos, et praecipue priorem, ferre commentatus est Quintilianus (1): non
 „ frusta, inquit, „ in tertio de Oratore li-
 „ bro L. Crassus cuncta, quae de aequo, ius-
 „ to, vero, bono, deque iis, quae sunt con-
 „ tra posita, dicuntur, propria esse Oratoris
 „ affirmat: ac philosophos, cum ea dicendi vi-
 „ ribus tuerentur, uti rhetorum armis, non suis.
 „ Idem tamen confitetur, ea iam esse a philoso-
 „ phia petenda, videlicet, quia magis haec illi
 „ videtur in possessione earum rerum fuisse.
 „ Hinc etiam illud est, quod Cicero pluribus
 „ libris et epistolis testatur, dicendi facultatem
 „ ex intimis sapientiae fontibus fluere: ideoque
 „ aliquamdiu praeceptores eosdem fuisse morum
 „ atque dicendi. — Quia igitur deserta ab iis,
 „ qui se ad eloquentiam contulerunt, studia sa-
 „ pientiae, non iam in actu suo, atque in hac
 „ fori luce versantur, sed in porticus et gym-
 „ nasia primum, mox in conventus scholarum
 „ recesserunt; id, quod est Oratori necessari-
 „ um, nec a dicendi praeceptoribus traditur,
 „ ab iis petere nimirum necesse est, apud quos
 „ remansit. Evolvendi penitus auctores, qui

„ de

(1) I. O. XII. 2. princip.

„ de virtute praecipiunt, ut Oratoris vita cum
 „ scientia divinarum rerum sit humanarumque
 „ coniuncta. Quae ipsae, quanto maiores ac
 „ pulchriores viderentur, si illas ii docerent,
 „ qui etiam eloqui praestantissime possunt? Ut
 „ namque sit tempus unquam, quo perfectus.
 „ aliquis (qualem optamus) Orator hanc para-
 „ tem, superbo nomine et vitiis quorumdam bo-
 „ na eius corruptum, invisam, vindicet
 „ sibi, ac velut rebus repetitis, in corpus elo-
 „ quentiae adducat". — Quem locum cum egre-
 gie illustret Ciceronis sententiam, facere non
 poteramus, quin adscriberemus. Eamdem il-
 lam Oratorum segnitiem in tuendo regno suo
 incusat idem Quintilianus (1) his verbis; „ a
 „ philosophorum lectione, ut essent nobis
 „ multa petenda, vitio factum est Oratorum,
 „ qui quidem illis optima sui operis parte ces-
 „ serunt". Idem facit in proöemio, ubi pree-
 „ clare hac de re exponitur". Contra, Ora-
 torem instituens perfectum, nihil magis cupit,
 quam ut antiqua illa forma reducatur: „ illum
 „ enim, inquit (2), „ quem instituo, Roma-
 „ num quemdam velim esse sapientem, qui non
 „ secretis disputationibus, sed rerum experimen-
 „ tis,

(1) I. O. X. 1. p. 566. vid. et II. 21. p. 144.

(2) I. O. XII. 2. princip.

„ tis, atque operibus, vere civilem virum ex-
„ hibeat?

¶ Has igitur rationes sententiae Ciceronianaæ et
Quinctilianeæ qui habuerit perspectas, non sta-
tim; ut mihi videtur, assentietur Vossio (2),
graviter culpanti Ciceronem et Quinctilianum,
quasib intelligendi et diceendi disciplinas distin-
guere a se invicem non potuerint.

Hoc modo Cicero suam de summo Oratore
sententiam hausit ex antiquitatis exemplis, ex
quibus, qualis debeat esse forma Oratoris, ap-
pareat: alterum demonstrandi genus repetit ab
ipsa rei natura, ita ut ex ipsa Oratoris descrip-
tione et munere constet, quaenam summo Oratori
tribuenda sint. Ante omnia igitur constituenda
est, ex qua velut fonte omnis de Oratore
disputatio ducitur (2), *descriptio summi Ora-*
toris: nam de summo Oratore quaeri, necesse
non est ut moneam (3).

Iudice Cicerone (4) „ vis (5) Orato-
ris, professioque ipsa bene dicendi, hoc
„ fus-

(1) *de Nat. Rhet.* c. II.

(2) *Conf. de Orat.* I. 48.

(3) Vid. *de Orat.* I. 16. 17. 26. 28. 44. 46. III.
20. 22. *Orat.* c. 2. 3. 29.

(4) *de Orat.* I. 26.

(5) „ Quam autem vim quaeque res habeat, de-
„ finitio explicat". *de Orat.* III. 29.

„ suscipere ac polliceri videtur, ut *omni de re*,
 „ quaecunque sit proposita, ab eo ornatae, co-
 „ pioseque dicatur”: et per Crassi perso-
 nam (1): „ *Oratorem plenum atque perfectum*
 „ esse eum dicit, qui *de omnibus rebus* possit
 „ varie copioseque dicere”; ex cuius senten-
 tia (2): „ *Orator erit — hoc tam gravi dignus*
 „ *nomine, qui, quaecumque res inciderit, quae*
 „ *sit dictione explicanda, prudenter et composi-*
 „ *te, et ornate et memoriter dicat, cum quadam*
 „ *etiam actionis dignitate*”: quae est etiam *elo-*
quentis definitio Antonii (3).

Sed ratio huius descriptionis reddenda est:
 quam indicare liceat verbis Quinctilani (4): an
 dubitabitur, ubicunque vis ingenii et copia
 dicendi postulatur, ibi partes esse Oratoris
 praecipuas? (5) Scilicet de quacunque re,
 in quacunque scientia aut arte, quaestio inci-
 dat, ea certe inventione, dispositione, proba-
 tione, refutatione, elocutione, adhibitis, expli-
 can-

(1) *de Orat.* I. 13.

(2) *ibid.* c. 15.

(3) Vid. *de Orat.* I. 21. conf. c. 49. Eamdem
sententiam profitetur *Cicero de Orat.* II. 2. conf.
III. 19. 20. 21.

(4) In Proœm.

(5) *Conf. Quinctil.* I. I. II. 21. p. 144.

canda est: igitur ubicunque res clare et dilucide et ornatae exponenda est; ibi certe sunt partes eius, ad quem illa unice pertinent. Illas igitur partes, quae inter varias artes ac disciplinas dispersae sunt, si quis in unam personam colligat, efficitur perfectus Orator, omnium artium orationis minister, qui a nulla scientia aut doctrina alienus esse potest: „ dicendi enim virtus, nisi ei, qui dicit, ea, de quibus dicit, percepta sint, existare non potest (1): diceret (2) namque bene nemo potest, nisi qui prudenter intelligit. Quare, qui eloquentiae verae dat operam, dat prudentiae. Sunt (3) autem aliae quasi ministrae, comitesque sapientiae: quarum altera, quae sint in disputacione vera atque falsa, quibusque positis quid sequatur, distinguit et iudicat: quae virtus omnis in ratione, scientiaque disputandi sita est: altera autem Oratoria. Nihil est enim aliud *Eloquentia*, nisi copiose loquens sapientia: quae ex eodem hausta genere, quo illa, quae in disputando uberior est, atque latior, et ad motus animorum, vulgique sensus accommodatior”.

II-

(1) *de Orat. I. 11.*(2) *in Brut. c. 6.*(3) *de Part. Orat. c. 23.*

Illud itaque principium, *Eloquentiam nihil aliud esse*, nisi copiose loquentem sapientiam, quam firmissime est tenendum: ex qua demum ratio sententiae Ciceronis, Quintiliani, et universae veterum, de Eloquentia, recte poterit intelligi, exponi, atque illustrari.

Neque hoc principium non egregie confirmatur, si ad originem Eloquentiae (1) revertimur: nihil enim aliud est Eloquentia, nisi perfectio illius facultatis, qua una praestamus vel maxime feris (2), conciliatricis humanae maxime societatis (3): quod nimirum colloquimur inter nos, et quod exprimere dicendo sensa possumus" (4). Erit igitur is perfectus Orator, qui optime sensi et cogitationes exprimat, et aliis tradat: quae cum variis sint artibus atque scientiis distinctae et distributae, ad omnem illam artium et doctrinarum multiplicatem, Oratoris vis se extendere debet: quis enim hoc non ultro intelligit, sine rerum scientia verborum volubilitatem inanem esse et irridendam? quocum convenit illud Horatii (5):

Scri-

(1) de qua praeclare disserentem vid. Ciceronem de Invent. I. 1. seqq.

(2) Conf. de Invent. I. 4.

(3) de Legg. I. 19.

(4) de Orat. I. 8.

(5) de Art. Poët. vs. 309.

Scribendi recte, sapere est et principium et fons.

"Iure itaque Cicero", mea quidem sententia, inquit (1), „nemo poterit esse omni laude cumulatus Orator, nisi erit omnium rerum magnarum atque artium scientiam consecutus. Etenim ex rerum cognitione efflorescat et redundet oportet oratio; quae nisi subest, res ab Oratore percepta et cognita inanem quamdam habet elocutionem et pene puerilem (2). Censet autem (3) hoc principue esse huius de Oratore institutae scriptoris et temporis, „, neminem Eloquentia, non modo sine dicendi doctrina, sed ne si omni quidem sapientia florere unquam et praestare potuisse. Etenim ceterae fere artes se ipsae per se tuentur singulae; bene dicere autem, quod est scienter, et perite et ornate dicere, non habet definitam aliquam regionem, cuius terminis septa teneatur: omnia, quaecumque in hominum disceptationem cadere posunt, bene sunt ei dicenda; qui hoc se posse profitetur, aut eloquentiae nomen relinquendum est".

Huic de eloquentia magnifice sentiendi rationi auxiliabatur alia veterum de intimo omnium

(1) *de Orat.* I. 6.

(2) *Conf. de Orat.* I. 11. 12. 14.

(3) *de Orat.* II. 1.

um artium et doctrinarum consensu, non nisi ad
 tantam, quantam in Platone et aliis antiquis
 suspicimus, animi et divini fere spiritus magni-
 tudinem, adaptata cogitatio (1): de qua expo-
 nentem audiamus Crassum: mihi quidem veteres
 „ illi, maius quiddam animo complexi, multo
 „ plus etiam vidisse videntur, quam quantum
 „ nostrorum ingeniorum acies intueri potest:
 „ qui omnia haec, quae supra et subter, unum
 „ esse, et una vi, atque una confessione natu-
 „ rae constricta esse dixerunt. Nullum est enim
 „ genus rerum, quod aut avulsum a ceteris per
 „ se ipsum constare, aut, quo cetera si careant,
 „ vim suam, atque aeternitatem conservare pos-
 „ sit. Sed si haec maior esse ratio videtur, quam
 „ ut hominum possit aut sensu, aut cogitatione
 „ comprehendendi: est etiam illa Platonis vera vox,
 „ omnem doctrinam harum ingenuarum et hu-
 „ manarum artium uno quodam societatis vin-
 „ culo contineri. Ubi enim perspecta vis est
 „ rationis eius, qua causae rerum atque exitus
 „ cognoscuntur, mirus quidam omnium quasi
 „ consensus doctrinarum concentusque reperi-
 „ tur. — Etenim (2) omnes artes, quae ad hu-
 „ ma-

(1) *de Orat.* I II. 5.

(2) Ita Cicero Crassi sententiam confirmans,
pro *Archia.* c. 1.

,, manitatem pertinent habent quoddam com-
,, mune vinculum, et quasi cognatione quadam
,, inter se continentur".

Ea ratione veteres dicendi facultatem non distraxerunt a rerum scientia; sed quia Orator in omni re debebat esse eloquens, ideo ei quoque subiiciebant omnium rerum scientiam: hanc enim illam *sapientiam* intelligebant, omnium rerum divinarum atque humanarum doctrinam, cuius et dilucide et graviter et copiose eloquendo tradendae, Oratorem habere facultatem oportet. „Nunquam enim negabo (1), esse quasdam artes proprias eorum, qui in his cognoscendis atque tractandis studium suum omne posuerunt: sed Oratorem plenum atque perfectum eum dicam, qui de omnibus rebus possit varie copioseque dicere". Crassi scilicet sive Ciceronis non fuit ratio eiusmodi, ut ullam artem doctrinamve contemneret, sed ut omnes comites ac ministras Oratoris esse diceret (2). „Ceterarum igitur rerum, „quae sunt in Oratore, partem aliquam sibi quisque vindicat: dicendi autem, i. e. eloquendi maxima vis, soli huic conceditur" (3): qui ita „pri-

(1) Ita *Crassus de Orat.* I. 13.

(2) Quemadmodum fatetur *Scaevola de Orat.*

I. 17. (3) *Cic. in Orat.* c. 19.

„ primus sit eius artis antistes , cuius cum ipsa
 „ natura magnam homini facultatem daret , tamen
 „ esse Deus putabatur , ut et ipsum , quod
 „ erat hominis proprium , non partum per nos ,
 „ sed divinitus ad nos delatum videretur” (1).

Nemo enim hoc detractum velit Eloquen-
 tiae , quod unice ei est proprium , „ oratio gra-
 „ vis et ornata , et hominum sensibus ac men-
 „ tibus accommodata (2): nam (3) unum erit
 „ profecto ; quod id , qui bene dicunt , affe-
 „ rant proprium ; compositam orationem et or-
 „ natam et artificio quodam et expositione dis-
 „ tinctam”. Perfectum nempe Oratorem
 „ hoc (4) uno excellere , i. e. oratione , cete-
 „ ra in eo latere , indicat nomen ipsum. Non
 „ enim inventor aut compositor , aut actor haec
 „ complexus est omnia , sed et Graece ab elo-
 „ quendo φυτώρ , et latine *eloquens* dictus est.
 „ Quam obrem (5) , si ornate locutus est , sicut
 „ fertur , et mihi videtur , Physicus ille Demo-
 „ critus , materies illa fuit Physici , de qua di-
 „ xit , ornatus vero ipse verborum , Oratoris
 „ pu-

(1) *de Orat.* I. 46.

(2) ibidem c. 12.

(3) I. 1.

(4) *Orat.* c. 19.

(5) *de Orat.* I. 1. cap. 11.

„pudandus est. Et si Plato de rebus a civilibus controversiis remotissimis, divinitus est
 „locutus, quod ego concedo: si item Aristoteles, si Theophrastus, si Carneades in rebus
 „iis, de quibus disputaverunt, eloquentes et
 „in dicendo suaves, atque ornati fuerunt: sint
 „hae res, de quibus disputant, in aliis qui-
 „busdam studiis: oratio quidem ipsa propria
 „est huius unius rationis, de qua loquimur et
 „quaerimus. Nam (1) si quae est ars alia,
 „quae verborum aut faciendorum, aut diligen-
 „dorum scientiam profiteatur: aut si quisquam
 „dicitur, nisi Orator, formare orationem, eam-
 „que variare et distinguere, quasi quibusdam
 „verborum, sententiarumque insignibus: aut si
 „via ulla, nisi ab hac una arte traditur, aut
 „argumentorum, aut sententiarum, aut deni-
 „que descriptionis atque ordinis: fateamur aut
 „hoc, quod haec ars profiteatur, alienum es-
 „se, aut cum aliqua alia arte esse commu-
 „ne: — quamobrem certius nihil esse potest,
 „quam quod omnes artes, aliae sine eloquentia
 „suum munus praestare possunt, Orator sine
 „ea nomen suum obtinere non potest: ut ce-
 „teri si diserti sint, aliquid ab hac habeant:
 „, hic

(1) In hac enim re Antonium Crassus ha-
bet sibi assentientem de Orat. II. 9.

„ hic , nisi domesticis se instruxerit copiis , aliqui-
 „ de dicendi copiam petere non possit (1). —
 „ Una (2) est enim , quod et ego hesterna die
 „ dixi , et aliquot locis antemeridiano sermone
 „ significavit Antonius (3) , eloquentia , quas-
 „ cunque in oras disputationis regionesve dela-
 „ ta est . Nam sive de coeli natura loquitur ,
 „ sive de terrae , sive de divina vi , sive de hu-
 „ mana , seu ex inferiore loco , sive ex aequo ,
 „ sive ex superiore , sive ut impellat homines ,
 „ sive ut doceat , sive ut deterreat , sive ut con-
 „ citet , sive ut reflectat , sive ut incendat , si-
 „ ve ut leniat , sive ad paucos , sive ad mul-
 „ tos , sive inter alienos , sive cum suis , sive
 „ secum , rivis est deducta oratio , non fonti-
 „ bus , et quocunque ingreditur , eodem est in-
 „ structu , ornataque comitata ” . Igitur „ cete-
 „ rarum — rerum , quae sunt in Oratore , par-
 „ tem aliquam sibi quisque vindicat , dicendi
 „ autem , i. e. eloquendi , maxima vis soli huic
 „ conceditur ” (4)

At vero si Crassi vel Ciceronis de ditione
elo-

(1) II. II. c. 10. 11. et reliqua cap. 9.

(2) verba sunt Crassi *de Orat.* III. 6.

(3) Vid. *de Orat.* II. 15. 16.

(4) confirmante iudicium suum Cicerone *in Orat.* c. 19.

eloquentiae sententiam recte volumus habere perspectam et cognitam, res simili quodam declaranda est. Igitur cogitatione informandus est campus, amplissimus et pene immensis finibus circumscriptus; in quo omnes artes atque scientiae suam singulae ditionem possident, sibi tributam et suis terminis coercitam, quasi materiem: at nulla provincia assignata est eloquentiae; haec certam sedem non habet, neque ullis continetur finibus; „neque enim Orationis vis et facultas sicut ceterarum rerum, „angustis et brevibus terminis cluditur” (1); aut habet „definitam aliquam regionem cuius terminis septa teneatur” (2): vagatur per totum campum, cum ei liceat, „ubicumque constiterit, consistere in suo” (3): nam omnes singularum artium ditiones lustrans et inviens, in quamcunque deferatur, in ea regnat una, hac advéniente artes et scientiae omnes obstupescunt, mirantur, suum imperium iam magis proprium adventanti Eloquentiae, quam sibi antiquis et legitimis possessoribus, videri: sed invitae coguntur palmam et principatum in suo singulae regno concedere Eloquentiae. Quae adeo

(1) Auct. dial. de Orat. c. 30.

(2) iudice Cicerone de Orat. II. 2.

(3) de Orat. III. 31.

adeo omne omnium artium et doctrinarum patrimonium et imperium sibi vindicat; et dum provinciae iure ad suos quaéque possessores et dominos referantur, his tamen ipsis possessoribus et dominis, i. e. artibus et scientiis, imperat. — Eamdem plane rationem sequitur Aristoteles. (1): "Εσω δὴ ῥητορικὴ δύναμις περὶ ἔκαστου τοῦ θεωρῆσαι τὸ ἐνδεχομένου. πιθανόν. Τοῦτο γὰρ οὐδεμιᾶς ἔτερας ἔστι τεχνῆς ἔργον. τῶν γὰρ ἀλλων ἑκάστη, περὶ τὸ αὐτῆς ὑποκείμενὸν ἔστι διδασκαλικὴ, καὶ πισική ὅλου ἱατρικῆς περὶ ὑγιεινὸν καὶ νοσερόν· καὶ γεωμετρία περὶ τὰ συμβεβικότα πάθη τοῖς μεγέθεσι· καὶ ἀριθμητικὴ περὶ ἀριθμόν· δομοίως δὲ καὶ αἱ λοιπαὶ τῶν τεχνῶν καὶ ἐπιτημῶν. Ή δὲ ῥητορικὴ περὶ τοῦ δοθέντος, ὡς εἰπεῖν, δοκεῖ δυνάσθαι θεωρεῖν τὸ πιθανόν. διὸ καὶ Φαμὲν αὐτὴν. οὐ περὶ τι γένος ἴδιου ἀφωρισμένου ἔχειν τὸ τεχνικόν. (2).

- Ex Oratoris descriptione, quam exposuimus, ultro itaque constat, quaenam ipsi dictio tradenda sit; utente Cicerone ea argументandi ratione, ut initium sumatur ab eo, quod omnes sponte Oratori concedunt, loquendi nimirum graviter et ornate, et copiose facultate; et deinde ostendatur, quaenam cum hac dicendi vi, longe lateque patenti, ita necessario sint

con-

(1) *Rhet.* Lib. I. c. II. § 1-5.(2) *Conf.* Voss. in *Nat. Rhet.* c. IV.

coniuncta, ut unum sine altero tribui Oratori non poscit.

Ex hac ampla et ad omnia pertingenti, Oratoris specie, intelligitur etiam ratio, cur tam pauci Oratores boni reperiantur (1).

Hanc autem universam vim dicendi, quae ad omnes artes et scientias aequa pertinet, tamquam orationis et sermonis administra, Cicero summum Oratorem instituens, non ita coarctat, sed magis ad unum virum civilem potissimum et res civiles convertit, cuius rei variae sunt causae.

Primum inter has causas locum obtinet illa, quam tradit Cicero *de Orat.* I. 6. et Crassus ibidem I. 15: ne nimis infinitum ac vagum, et videretur, et esset, si Oratoris officium ad omnes omnino res universae referretur. Et vero necessarium fere erat, ut Cicero sua aetata paululum recederet et remitteret de forma virorum civilium antiqua, a quibus nulla ars, nulla doctrina, quae quidem eorum temporibus sciri, discive potuit, aliena erat: sed iis artium et scientiarum incrementis, quibus auctae florabant tempore Ciceronis, maius pene erat, quam quod ab ullo homine, iure humanitatis, posset

ex-

(1) de qua re vid. Cic. *de Orat.* I. 2—6. 21. III. 22. *in Brut.* c. 6. seqq.

exspectari, si eae omnes Oratori attingendae et comprehendendae essent. At Cicero, dicat quis, summum et perfectum Oratorem informare voluit; — sed nec illud summum aut perfectum nimis abhorrens et remotum esse debet ab hominis cuiusquam facultate: et proclivius humana natura, in ipso illo perfecto effingendo, ad ea relabitur, quae se saltem aliquando assequi posse speret.

Cum hac causa coniuncta est alia, quam item Cicero memorat *de Orat.* I. 6. et *Crassus* III. 15. seqq. Nimirum Graeci ob illud longius prolatum artium pomoerium, partitionem quamdam fecerant, quae iubebat sua se potius ditione, eaque ampla, continere, quam in alias omnes, aliis addictas, evolare: cum praesertim post illam divisionem inductam, confitendum esset, quasdam artes et scientias esse proprias eorum, qui in iis excolendis studium suum ponerent omne, et aetatem consumerent (1): eamque ob causam formam acquisivisse, sibi singulas propriam, saepiusque a ratione civili longius remotam (2).

Tertio Eloquentia, quamvis, ut pronuntiandi vis et instrumentum, ad omnes artes aequa pertinent, tamen ab omni inde aevo, praecipue sem-

(1) *Conf. de Orat.* I. 13. 18. sup eb (1)

(2) *Conf. omnino de Orat.* III. 31.

semper floruit, et viguit, in rerum civilium et publicarum administratione: quo factum est, ut reip. quam maxime, et quasi unice propria visa sit, et velut consecrata; quod Cicero exprimens, „ foro,” dixit, „ natam esse Eloquentiam am” (1). Porro cum ex omnibus laudibus constat, quibus veteres Eloquentiam celebrarunt, tum imprimis etiam ex oratione Crassi, et Antonii (2).

Quoniam porro Eloquentia quam arctissimis vinculis connexa erat, cum omni veterum vita publica, eaque rursus cum vita privata, dum universe antiqui vitam agerent magis publicam quam privatam, non mirandum est, Ciceronem omnem Eloquentiae ditionem facilius convertisse ad virum civilem. Vidimus in Cap. II. nullam aliam fuisse rationem et viam, nisi Eloquentiae, excellendi inter cives, adque rem publicam accedendi. Igitur ad ea, quae ibi dicta sunt, provocamus.

Dein vere etiam dici potest, Eloquentiae materiem, quam tractet, digniorem esse nullam, quam rem publicam et civium salutem. Illud demum est curriculum, dignum, in quo omnes fa-

(1) in Brut. c. 82.

(2) Vid. de Orat. I. 8. et II. 8. 9. de Offic. II. 14.

cultates suas exerceat, et prodat vires. „ Quid
 „ enim est tam potens, tamque magnificentum,
 „ quam populi motus, iudicum religiones, se-
 „ natus gravitatem, unius oratione converti?
 „ Quid tam porro regium, tam liberale, tam
 „ munificum, quam opem ferre supplicibus,
 „ excitare afflictos, dare salutem, liberare peri-
 „ culis, retinere homines in civitate? Quid au-
 „ tem tam necessarium, quam tenere semper
 „ arma, quibus vel tectus ipse esse possis, vel
 „ provocare improbos, vel te ulcisci lacesi-
 „ tus? — Ut vero ad illa summa veniamus,
 „ quae vis alia potuit aut dispersos homines
 „ unum in locum congregare, aut a fera,
 „ agrestique vita ad hunc humanum cultum,
 „ civilemque deducere, aut, iam constitutis
 „ civitatibus, leges, iudicia, iura, describe-
 „ re” (1).

Postremo loco non omittendum est, Cicero-
 nem ipsum fuisse virum civilem, qui Eloquen-
 tiæ civili omnia se débère, libenter profitere-
 tur. Illa enim novum hominem ad summas
 dignitates et honores evexerat; illa amorem et
 auctoritatem ipsi apud cives, famam apud exte-
 ros, gloriam immortalem apud posteros pepe-
 rerat. Illa denique Reip. administrationem
 ip-

(1) *de Orat.* I. 8.

ipſi commendaverat; cui ſe plane ab ineunte adolescentia, devoverat, quanque animo certe non dimiſit ad extreum vitae ſpiritum: in qua proinde mirifice ſibi placebat, et ad quam, quandocumque fieri poterat, etiam in ſcriptis philosophicis, libenter sermonem dirigebat.

Nec tamen Cicero his cauſis induci potuit, ut coarctaret ſummi Oratoris ditionem, et forenſis dictionis limitibus circumſcriberet: ſed potius Oratorem maxime conſiderabat virum civilem; ad quem conformandum, praeter ipſam vim dicendi, concurrere debebant omnes fere artes et doctrinae, ſed ea ratione, ut has quidem non ita dedita opera (1) excoleret Orator atque tractaret, ſed earum uſum et fructum ad ſapientiam civilem, quae, tamquam incunabula et natale ſolum, Oratoris propria eſt, transferat, omnem illum ceterarum rerum ornatum confeſens ad virum civilem bene tuendum: ita tamen instru-
ctus et harum ceterarum copia rerum, ut ubertatem dicendi et ornamenta, ſi res ita ferat, ad eas quoque facile convertere poſſit, in iisque regnare. Nam extra curiam etiam et rostra, et tribunal, vult eum eſſe in omni genere sermonis et humanitatis perfectum. Quem Quintilia-
nus, qui egregie intellectam ſententiam Cicero-
nis,

(1) Vid. *de Orat.* III. 23. 31.

nis, suam plane fecerat, instituens, „ Roma-
„ num quemdam,” inquit (1), „ velim esse
„ sapientem, qui non secretis disputationibus,
„ sed rerum experimentis atque operibus vere
„ civilem virum exhibeat (2): auctorem pu-
„ blici consilii, et gerendae civitatis ducem,
„ et sententiae atque Eloquentiae principem in
„ senatu, in populo, in causis publicis”.

Hunc igitur ex mente Crassi et Ciceronis Oratorem constituamus, variasque eius partes et munera exponamus: quae scilicet pertineant ad rerum ditionem, viro civili subiectam: nam de orationis instrumento, non videtur mens quaestio[n]nis exigere, ut dicamus. Ceterum tenetebimus eam rationem, quae quaestio[n]nis menti maxime videatur consentanea, ut Libros *de Orat.* tamquam principem, ex quo hauriamus, fontem adhibeamus: et deinceps cetera Ciceronis opera consulamus; quo magis etiam de sententia eius constet, et satisfiat parti demonstrationis tertiae, quam relictam Cap. II. in hoc Caput distulimus. Denique in perfecto Oratore describendo eo breviores esse poterimus, quo plura iam ante in hac eadem re dicenda erant.

Cras-

(1) *I. O. XII. 2.*(2) describente Crasso *de Orat. III. 17.*

Crassus „ sic — statuo, inquit (1), „ per-
 „ fecti Oratoris moderatione et sapientia
 „ non solum ipsius dignitatem, sed et priva-
 „ torum plurimorum, et universae reip. fa-
 „ lutem maxime contineri”. Ex quo loco
 primum videmus, Ciceronem perfecti Orato-
 ris munus et scientiam, ad res civiles om-
 nem convertere, atque illas spatium iudicare,
 in quo vires exerceat: deinde non dicere, Reip.
 salutem contineri illius Oratoris *facundia* aut *vi-*
dicendi; sed ne male intelligatur, eam vult con-
 tineri Oratoris *sapientia* et *moderatione*; signifi-
 cans, se quaerere cum Quintiliano Romanum
 quemdam sapientem, qui rerum experimentis at-
 que operibus vere civilem virum exhibeat: qui-
 que non oratione modo regnet, et dein in otio
 et remotis recessibus delitescat, in declamatorio
 tantum opere se iactans, sed rebus ipsis intersit
 atque praesit; atque, ut Crassus (2), sit „ om-
 „ nium sapientissimus atque eloquentissimus,
 „ neque in libellis, sed in maximis causis, in
 „ hoc domicilio imperii et gloriae, consilio,
 „ linguaque princeps”. Cui responderet ille,
 quem Crassus definit *de Orat.* III. 17. (3):
cui

(1) *de Orat.* I. 8.

(2) *de Orat.* I. 23.

(3) cuius loci verba modo laudavimus. Conf. de-
 fini-

cui (1) „ subeundis usus omnium, et pericli-
 „ tanda vires ingenii! — Legendi Poëtae,
 „ cognoscenda historia, omnium bonarum ar-
 „ tium scriptores ac doctores et legendi, et
 „ pervolutandi, et exercitationis causa laudan-
 „ di, interpretandi, corrigendi, vituperandi,
 „ refellendi: disputandumque de omni re in
 „ contrarias partes; et quidquid erit in quaque
 „ re, quod probabile videri posse, eliciendam
 „ atque dicendum. Perdiscendum ius civile,
 „ cognoscendae leges, percipienda omnis anti-
 „ quitas, senatoria consuetudo, disciplina
 „ reip., iura sociorum, foedera, pactiones,
 „ causa imperii cognoscenda est: libandus etiam
 „ ex omni genere urbanitatis, facetiarum qui-
 „ dam lepos: quo, tamquam sale, perspergatur
 „ omnis oratio”. — Cuius loci ordinem, tam-
 quam ducem aliquem, sequamur.

Primo autem loco Oratori suo civili Cicero putavit *iuris civilis* cognitionem esse necessariam.

„ Quid enim (2) hoc fieri turpius, aut dici
 „ potest, quam eum, qui hanc personam susce-
 „ perit, ut amicorum controversias causasque
 „ finitio viri politici, quam dedit Antonius, *de
Orat.* I. 48.

(1) *de Orat.* I. 34.

(2) ait Crassus *de Orat.* I. 37.

„ tueatur, laborantibus succurrat, aegris me-
 „ deatur, afflictos excitet, hunc in minimis
 „ tenuissimisque rebus ita labi, ut aliis mise-
 „ randus, aliis irridendus esse videatur”. Iuris
 ergo civilis scientia nudatos „, non (1) dubita-
 „ bo primum inertiae condemnare, sententia-
 „ mea, post etiam impudentiae. Nam volitare
 „ in foro, haerere in iure ac praetorum tribu-
 „ nalibus, iudicia privata magnarum rerum
 „ obire, in quibus saepe non de facto, sed de
 „ aequitate ac iure certetur; iactare se in causis
 „ centumviralibus, in quibus usucaptionum,
 „ tutelarum, gentilitatum, agnationum, allu-
 „ vionum, circumluvionum, nexorum, man-
 „ cipiorum, parietum, luminum, stillicidio-
 „ rum, testamentorum ruptorum aut ratorum,
 „ ceterarumque rerum innumerabilium iura
 „ versentur, cum omnino quid suum, quid
 „ alienum, quare denique civis aut peregrin-
 „ nus, servus aut liber, quispiam sit, ignoret,
 „ insignis est impudentiae. Illa vero deridenda
 „ arrogantia est, in minoribus navigiis rudem
 „ esse se confiteri, quinqueremes, aut etiam
 „ maiores, gubernare didicisse”. Confirmat
 autem haec Crassus plurimis exemplis (2),
 quae

(1) ibidem c. 38.

(2) l. l. c. 36 — 45.

quae cum turpitudinem ignorati, tum praestantiam et necessitatem bene cogniti et percepti demonstrent: ad Catonem inter alios provocans, qui dicendi prudentiam cum iure civili coniunxerit (1). „ Haec igitur (2) iura suae „ civitatis ignorantem, erectum et celsum, „ alacri et prompto ore ac vultu, huc atque illuc „ intuentem, vagari magna cum caterva toto „ foro, praesidium clientibus, atque opem amici- „ cis, et prope cunctis civibus lucem ingenii et „ consilii sui porrigentem atque tendentem, „ nonne imprimis flagitiosum putandum est”?

Itaque „ si esset ista cognitio iuris magna ac „ difficilis, tamen utilitatis magnitudine deberet „ homines ad suscipiendum discendi laborem „ impellere” (3): sed cum et sibi, et Scae- volae nullius artis facilior cognitio videatur, castigat Crassus (4) segnitiem etiam homini- num atque inertiam: „ omnia (5) enim sunt „ posita ante oculos, collocata in usu quo- „ tidiano, in congresione hominum, atque „ in foro: neque ita multis literis aut volu- „ mi-

(1) Ibidem c. 37. Conf. Quinctil. I. O. XII. 3.

(2) *de Orat.* I. 40.

(3) I. l. c. 41.

(4) Ibidem.

(5) I. l. c. 43.

„ minibus magnis continentur. — Accedit ve-
 „ ro, quo facilius percipi cognoscique ius
 „ civile possit, (quod minime plerique arbitran-
 „ tur) mira quaedam in cognoscendo suavitas
 „ et delectatio". — Ait igitur Crassus (1) pa-
 triae nostrae „ primum nobis mens, mos, dis-
 „ ciplina, nota esse debet; vel quia est patria,
 „ parens omnium nostrum, vel quia tanta sa-
 „ pientia fuisse in iure constituendo putanda est,
 „ quanta fuit in his tantis opibus imperii com-
 „ parandis". Quam sentiam suam de facili et
 iucundo iuris civilis studio pluribus probat

Cap. 41 — 45:

His de causis dixerat Crassus iis, qui perfecti
 Oratores esse vellent, iuris cognitionem esse
 necessariam (2): quam sententiam, ex sua per-
 sona confirmat Cicero (3): Orator „ ius civi-
 „ le teneat, quo egent causae forense quoti-
 „ die. Quid est enim turpius, quam legitima-
 „ rum et civilium controversiarum patrocinia
 „ suscipere, cum sis legum, et iuris civilis
 „ ignarus? Itaque ius civile censet (4) esse
 „ rem,

(1) l. l. c. 44.

(2) *de Orat.* I. 44.

(3) *de Orat.* c. 34. conf. *ibidem* c. 41.

(4) *in Brut.* c. 39. Idem probat *Quinctilia-*
nus I. O. XII. 3.

„ rem , ad privatas causas , et ad Oratoris prudentiam maxime necessariam”.

Quae autem Crassus (1) disputat de dignitate et gratia respondendi de iure , id non pertinet ad ipsum Oratorem , cuius munus a iurisconsulto disiunctum est , sed ad senem , honoribus et Reip. administratione perfunctum : de quibus conferatur *de Legg.* I. 6. *de Off.* II. 19. Quintilianus I. O. XII. 11. Quod vero Cicero in Oratione pro L. Munera c. 9. seqq. iuris scientiam deprimere videtur , id ceteris locis non repugnat , ut vidiimus in Cap. II.

Praeter ius civile , ex Crassi sententia (2) , Oratori cognoscenda historia , ediscendae leges , percipienda omnis antiquitas , senatoria consuetudo , disciplina Reip. , iura sociorum , foedera , pactiones , causa imperii cognoscenda est.

„ Quaero (3) enim , num poscit aut contra Imperatorem , aut pro Imperatore dici , sine rei militaris usu , aut saepe etiam sine regionum terrestrium aut maritimarum scientia : num apud populum de legibus iubendis , aut vetandis : num in senatu de omni Reip. generere sine summa rerum civilium cognitione , et prudentia”?

Ex-

(1) *de Orat.* I. 45.

(2) I. l. I. 34.

(3) I. c. c. 14.

Explicat haec et confirmat Crassus (1):
 „ iam vero illa non longam orationem deside-
 „ rant, quamobrem existimem, publica quoque
 „ iura, quae sunt propria civitatis atque impe-
 „ rii, tum monumenta rerum gestarum, et ve-
 „ rustatis exempla, Oratori nota esse debere.
 „ Nam ut in rerum privatarum causis atque ju-
 „ diciis depromenda saepe oratio est ex iure ci-
 „ vili, et idcirco, ut ante diximus, Oratori
 „ iuris civilis scientia necessaria est: sic in cau-
 „ sis publicis iudiciorum, concionum, sena-
 „ tus, omnis haec et antiquitatis memoria, et
 „ publici iuris auctoritas, et regendae Reip.
 „ ratio ac scientia, tamquam alia materies, iis
 „ Oratoribus, qui versantur in Rep., subiecta
 „ esse debent. Non enim causidicum, nescio
 „ quem, neque proclamatorem aut rabulam, hoc
 „ sermone nostro conquerimus, sed eum vi-
 „ rum, — qui scelus fraudemque nocentis pos-
 „ sit dicendo subiicere odio civium, suppicio-
 „ que constringere: idemque ingenii praesidio
 „ innocentiam iudiciorum poena liberare: idem-
 „ que languentem labentemque populum aut ad
 „ decus excitare, aut ab errore deducere, aut
 „ inflammare in improbos, aut incitatum in bo-
 „ nos mitigare: qui denique, quemcunque in
 „ ani-

(1) de Orat. I. 46.

„ animis hominum motum res et causa postulet, eum dicendo vel excitare possit, vel sed dare". — Historiam commendans Cicero (1) : Orator, „ cognoscat, inquit, „ rerum gestarum, et memoriae veteris ordinem, maxime scilicet nostrae civitatis; sed et imperiosorum populorum, et regum illustrium. — Nescire autem quid antea quam natus sis, acciderit, id est semper esse puerum. Quid enim est aetas hominis, nisi memoria rerum veterum, cum superiorum aetate contexitur? Commemoratio autem antiquitatis exemplorumque prolatio, summa cum delectatione et auctoritatem orationi affert et fidem".

Quidni autem *Philosophiam* imprimis Oratori necessariam esse Cicero iudicaret, qui, ut antea vidimus, quae nunc a philosophis petuntur, ea omnia propria esse Oratorum affirmet?

„ Apparatu (2) nobis opus est, et rebus exquisitis undique et collectis, arcessitis, comportatis". „ Non (3) enim solum acuenda, neque procudenda lingua est, sed onerandum, complendumque pectus maximarum rerum et plurimarum suavitate, varietate, con-

(1) *Orat.* c. 34.

(2) Auctore Crasso *de Orat.* III. 24.

(3) l. 1- c. 30.

„ pia (1). Nostra est enim — omnis ista prudentialiae doctrinaeque possessio": — et sunt illa propria „ rhetorum, quae ab aliis de iustitia, de officio, de civitatibus instituendis et regendis, de omni vivendi, denique etiam de naturae ratione dicuntur. Quae quoniam iam aliunde non possumus, sumenda sunt nobis ab iis ipsis, a quibus expilati sumus; dummodo illa ad hanc civilem Scientiam, quo pertinent et quam intuentur, transferamus? Quo loco non tantum moralem Philosophiae partem, sed ea etiam, quae de naturae ratione dicuntur, comprehendenda esse Oratori arbitratur. Quae plane est Ciceronis sententia: qui, Orator „ habeat", inquit (2), „ omnes Philosophiae notos et tractatos locos. Nihil enim de religione, nihil de morte, nihil de pietate, nihil de caritate patriae, nihil de bonis rebus aut malis, nihil de virtutibus aut vitiis, nihil de officio, nihil de dolore, nihil de voluptate, nihil de perturbationibus animi et erroribus, quae saepe cadunt in causas, sed ieunius aguntur, nihil, inquam, sine ea scientia, quam dixi, graviter, ample, copiose, dici et explicari potest". — Oratorem

(1) I. l. c. 31.

(2) Orator c. 33.

rem (1) „ etiam, quo grandior sit, et quodam-
 „ modo excelsior (ut de Pericle dixi supra.) (2)
 „ ne Physicorum quidem esse ignarum volo.
 „ Omnia profecto, cum se a coelestibus refe-
 „ ret ad humanas, excelsius, magnisificentius-
 „ que et dicet, et sentiet". Vere igitur
 Theo (3): οἱ μὲν, inquit, παλαιοὶ τῶν ἥγιόρων,
 καὶ μάλιστα οἱ εὐδαιμονότες, οὐκ ὅμητο δεῖν ἐφί-
 κέσθαι τρόπον τινὰ τῆς ἥγιορικῆς. πρὶν ἀμωσγέ-
 πως ἀψασθαι φιλοσοφίας, καὶ τῆς ἐκεῖθεν ἐμ-
 πλισθῆναι μηγαλονίας (4).

Igitur (5) .., quid dicam de natura rerum,
 „ cuius cognitio magnam orationis suppeditat
 „ copiam: de vita, de officiis, de virtute, de
 „ moribus, sine multa earum ipsarum rerum
 „ disciplina, aut dici, aut intelligi potest. De
 „ virtute (6) enim, de officio, de aequo et
 „ bono, de dignitate, utilitate, honore, igno-
 „ minia, praemio, poena, similibusque de re-
 „ bus, in utramque partem dicendi, animos et
 „ vim, et artem habere debemus (7). Nam
 „ quis

(1) *Orat.* c. 34.

(2) Vid. *Orat.* c. 4. conf. in *Brut.* c. II.

(3) Init. *Progymnasm.*

(4) *Auct. Dial. de Orat.* c. 31.

(5) *Orat.* c. 4.

(6) inquit *Crassus de Orat.* III. 27.

(7) conf. *de Orat.* I. II.

„ quis (1) — nescit, maximam vim existere
 „ Oratoris in hominum mentibus vel ad iram,
 „ aut ad odium, aut dolorem incitandis, vel ab
 „ hisce iisdem permotionibus ad lenitatem, mi-
 „ sericordiamque revocandis? quare, nisi qui
 „ naturas hominum, viisque omnem humanita-
 „ tis, causasque eas, quibus mentes aut inci-
 „ tantur, aut reflectuntur, penitus perspexerit,
 „ dicendo, quod volet, perficere non potest.
 „ rit (2). — Quaero enim (3) — num admo-
 „ veri possit oratio ad sensus animorum atque
 „ motus vel inflammados, vel etiam extingui-
 „ endos, (quod unum in Oratore dominatur)
 „ sine diligentissima pervestigatione earum om-
 „ nium rationum, quae de naturis humani gene-
 „ ris ac moribus a philosophis explicantur". Et
 adeo coniunctam esse Crassus illam philosophiae
 partem, quae de vita et moribus agit, cum Ora-
 tore censuit, ut vel si relinquant, et inertiae
 suae largiantur, Oratores duas partes reliquas,
il-

(1) *de Orat.* I. 12.

(2) *Conf. de Orat.* I. 13. ubi philosophis relin-
 quit, ut de his rebus omnibus in angulis, consumen-
 di otii causa, tenui quodam exsanguique sermone
 disserant: Oratori autem tribuit, ut de iis cum omni
 gravitatere iucunditate explicet.

(3) I. l. c. 14.

illud, quod semper Oratoris fuit, nisi teneatur, nihil relictum putet Oratori, in quo magnus esse possit: „quare hic locus de vita et moribus totus est Oratori perdiscendus” (1). Iudice autem Cicerone (2), duo sunt, quae bene tractata ab Oratore, admirabilem Eloquentiam faciant, quorum alterum est, quod Graeci $\pi\alpha\theta\gamma\tau\kappa\delta\nu$ vocant, ad naturas et ad mores, et ad omnem vitae consuetudinem accommodatum; alterum, quod iidem $\pi\alpha\theta\gamma\tau\kappa\delta\nu$ nominant, quo perturbantur animi et concitantur, in quo una regnat oratio. Unde colligitur, ex sententia Ciceronis illam tertiam philosophiae partem cum Oratore quam maxime esse coniunctam: qui ei non minus disserendi rationem assignavit: ponit enim imprimis (3), sine philosophia non posse effici, quem quaerimus, Eloquentem: nam nec latius, nec copiosius, de magnis variisque rebus sine philosophia potest quisquam dicere. — Nec vero sine philosophorum disciplina genus et speciem cuiusque rei cernere, neque eam definiendo explicare, nec tribuere in partes possumus: nec iudicare, quae vera, quae falsa sint, neque cer-

(1) I. l. c. 15.

(2) *Orat.* c. 37.(3) *Orat.* c. 4.

cernere consequentia, repugnantia videre, ambigua distinguere (1). Cum a Socrate inde multiplex sententiarum diversitas orta sit, quaerit Crassus (2), quanam philosophia sit Oratori coniuncta maxime, Epicureos quidem et Stoicos ab Oratore dimovet (3); unice probat philosophiam Peripateticorum et Academicorum: cum ob ipsas sententias et philosophandi rationem egregie Oratori accommodatas; tum ob elegantem dicendi exercitationem (4).

Ceterum sententiam Ciceronis hac in re ita aperte nobis videamus effecisse in Cap. II. § 2., ut non opus sit, his diutius immorari.

Et universe iam eo perductam esse rem arbitramur, ut de sententia Ciceronis nullum dubium supersit, quin Cicero eam Crassi personae mandarit exponendam.

Igitur, quae in universa scriptione diximus de iudicio Crassi, ea nunc omnia in Ciceronem possunt transferri: quo facto et omnibus in unum

col-

(1) Vid. omnino ibidem c. 32. 33. 34. et de toto hoc loco M. Ant. Mureti *Oratio, de Philosophiae et Eloquentiae coniunctione Orat.* IV.

(2) *de Orat.* III. 17. 18.

(3) *Conf. in Brut.* c. 30. 31. 35. *de Finib.* IV. 9. *Quinctil.* I. O. XII. 2. p. 685.

(4) *Conf. de Orat.* III. 21. *in Brut.* c. 31. *Orator* c. 3. 4. 5. 6. quibus add. *Auct. Dial. de Orat.* c. 31.

collectis, ex mea virium tenuitate nihil addendum habeo, ut constituantur ea summi Oratoris imago, de qua quaesivisse Quaestionem putavi. Nam cum innumeris artis Rhetoricae, tamquam illius Oratoris instrumenti, praeceptis, rem mihi non esse ratus sum.

Restat, ut de capitibus quibusdam, quae, quoniam cum ipsis disputationis in libris *de Oratore* momentis minus coniuncta sunt, instituto ordine satis apte includi non poterant, sententiam Ciceronis paucis exponamus.

Tangunt autem haec capita ipsam Eloquentiae naturam et formam Oratoris: quam ob causam nobis, libros *de Oratore*, velut ducem sequentibus, non omittenda videbantur.

Primo loco memoranda quaestio, quis sit finis Eloquentiae, saepius tentata illa et agitata magnis virorum doctorum controversiis (1).

Ci-

(1) Plato in *Gorgia* (quem fecutus est Cicero in *Brut.* c. 15.) Rhetoricam ait esse παιδοῦς δημιουργὸν, καὶ τὴν πραγματείαν αὐτῆς ἄτασταν, καὶ τὸ πεφάλαιον τοῦτο τελευτᾶν et τὴν παιδῶν distinguit duplēm, alteram διδασκαλικὴν, quae sit docendo ἵπτημοντας, more scientiarum, alteram πιστικὴν, quae probat δι' ἐπέξεων, ex probabilibus argumentis, quibus fidem facit Orator non tam docendo, quam persuadendo. Conf. Sext. Emp. *adv. Math.* II. § 2 — 9. 61. 62. Aristoteles

(Rhet.

Cicero vero; ut vidimus, per L. Crassi personam, aut universam Eloquentiae vim, ad omnem quanicunque rem pertinentem, complectitur, aut vagam hanc dicendi facultatem ad virum imprimis civilem convertit.

Eloquentiae priore ratione consideratae finis, cuius causa omnia fiunt, patet latissime et pro diversis suis partibus ac muneribus, plurimos e varios fines alios sibi habet subiectos: quemadmodum enim Cicero statuit (1), quot officia

Ora-

(*Rhet.* I. 2.) Rhetoricae finem facit simpliciter τὸ τέλος: quam sententiam Aristotelis Vossius, ut solet, tuetur ac defendit (*de Nat. Rhet.* c. v. *Institut. Orat.* Lib. I. C. I. Sect. 1.) Alias veterum de fine Rhetorices opiniones exponit Quinctilianus *I. O.* II. 15, ex cuius sententia, sumnum et ultimum, τέλος, artis est ipsum bene dicere (conf. etiam II. 17. p. 135 seq.). Hanc Quinctilianis sententiam suam etiam facit princeps in nostratis Eloquentia Vir Cel. J. H. van der Palm, in *Oratione sua over den waren aard der Welsprekendheid* (*Redevoer. en Verhand.* door J. H. van der Palm 1810. p. 56 sq.) et quem nonnulli *persuadendi* tradunt finem Eloquentiae, exagitat, et ab Eloquentia dimovet (p. 49 seqq.) Aliam rursus rationem init. Fenelonius, *Gesprekk. over de Welsprekendheid*, vert. door Schrant p. 8 sqq. p. 15 seqq.

(1) in *Orat.* c. 21. conf. c. 29.

Oratoris, tot esse genera dicendi: ita aliis dicendi generibus et partibus aliud τέλος est propositum: nam sive loquitur, ut impellat homines, sive ut doceat, sive ut deterreat, sive ut concitet, sive ut reflectat, sive ut incendat, siue ut leniat (1), quamvis una eademque sit Eloquentia, tamē ad diversa consilia dirigitur. Alio proposito summus Orator dicendi facultatem confert ad historiam conscribendam; alio ad Philosophicas disputationes explicandas: alio ad causas forenses; alio ad alia. Huius igitur universae Eloquentiae finem disertis quidem verbis Cicero non expressit: sed tamen eo modo de ea est locutus, ut eius sententia hac in re exinde facile intelligatur. Quotiescumque autem de Eloquentia, hoc latissimo sensu, sermo est, statuit eius finem universe, ut ab eo ornate, et graviter et copiose dicatur: vim scilicet Oratoris professionemque ipsam bene dicendi hoc suscipere ac polliceri dixit (2), ut omni de re, quaecumque sit proposita, ab eo ornate copioseque dicatur (3): et multis in locis (4) asseverat, Oratoris imprimis propriam

(1) *de Orat.* III. 6.

(2) *de Orat.* I. 6.

(3) *Conf.* ibid. c. 11. 12. 15.

(4) *de quibus* diximus antea.

am esse orationem gravem et copiosam et ornatam: ex quibus ultro efficitur, Ciceronem Eloquentiae summum et ultimum constituisse, ipsum illud bene et ornate et copiose dicere.

Sed variat illud bene dicere, pro varia rerum et personarum ratione: nam alias tum bene diciatur, cum docetur; alias, cum delectatur: alias, cum movetur: igitur, simulac certis quibusdam officiis vel casibus Oratoris munus coarctatur, aut ad unam officii rationem obeundam praecipue convertitur ac dirigitur, vagum illud, *bene dicere*, describendum est fine subiecto quodam et accuratius et certius definito.

Igitur Cicero, quem ostendimus semper ferre virum civilem eximie commendasse, tamquam Eloquentiae antistitem et custodem, ad civilem scientiam omnem dicendi vim convertens et referens, vagam *bene dicendi* notionem consilio Oratoris civilis accommodavit. Ut enim (1) officium Oratoris dixit, dicere ad persuadendum accommodate (2), ita ultimum Eloquentiae illud tribuit, delectandi, docendi, movendi (3):

quod

(1) *de Orat.* I. 31.

(2) *Conf.* ibidem II. 10. 15. *de Invent.* I. 5.

(3) ut e. g. per Antonii personam *de Orat.* II. 77. quod confirmavit *in Brut.* c. 49. *Orat.* c. 21. *conf.* *in Brut.* c. 23.

quod intelligendum est de facultate viri civilis, cuius imago Ciceronis animo perpetuo obversabatur.

Itaque *huic Eloquentiae finem assignavit illum triplicem*, aut hunc, quo caetera continentur, et cuius non nisi sunt vehicula, simplicem, *persuadere ditione* (1): qui praecclare viro civili convenit.

Quodsi omnes, aequa diligentia ac Cicero, pro alia Eloquentiae subiecta ditione aut notione, alium finem distinxissent, non ea, ut videtur, sententiarum dissensione viri docti discrepant.

Altera quaestio, eaque maxime cum Oratore coniuncta, est, *utrum Orator vir bonus esse debeat* (2): quod ex definitione Catonis saepissime et vehementer urget Quintilianus (3). Attigit eam quaestionem Cicero nonnumquam, sed

nul-

(1) *de Invent. I. 5. in Brut. c. 15.*

(2) de qua vid. I. F. L. Schröder *Vir Cl. de redenkunstige voorschriften van Cicero*, getoetst aan die der Zedewet: *Werken der Holl. Maatsch. van fraaie Kunsten en Wetenschappen*, D. III. p. 475 seqq. Fenelon in *Libr. saepius laud*, p. 34 seqq.

(3) Vid. I. O. proœm. p. 3. Lib. I. c. 2. p. 15. 16. c. 15. p. 123. 128. c. 16. p. 131. c. 17. p. 136. 138. c. 21. p. 144. III. 7. p. 183. XII. II. p. 717. et praincipue Lib. XII. c. 11.

nullibi fuse tractavit (1). Verumtamen illud
sane aperte satis declaravit, se Oratorem, nisi
virum bonum, habere neminem. Professus est
hanc sententiam ex persona Crassi (2), Eloquen-
tiae dicens „ quo maior est vis, hoc est magis
„ probitate iungenda, summaque prudentia:
„ quarum virtutum expertibus, si dicendi copi-
„ am tradiderimus, non eos quidem Oratores
„ effecerimus, sed furentibus quaedam arma-
„ dederimus”. Idem quam maxime tuetur in
Lib. de Invent. I. c. 1 seqq. Atque hoc pae-
terea etiam sponte fluit ex munera et officio-
num ratione, quae Cicero ab Oratore vult obi-
ri: de quibus exposuimus antea. Quem enim,
nisi virum bonum, constituere potuisset, aucto-
rem et custodem legum ac iudiciorum, civibus
consilii fontem ac principem, totius Reip. con-
servandae et regendae ducem? Hanc igitur sen-
tentiam, quamvis disertis verbis aliquoties tan-
tum expesserit, tamen universae rationi et con-
stitutioni doctrinae de summo Oratore ita illiga-
vit et intexuit, ut Oratorem Ciceronianum nisi
virum bonum informare non possumus. At ma-
iorem Cicero Oratori licentiam concessisse vi-
de-

(2) cuius rei causas quasdam proposuit Vir Cl.
Schröder l. l. p. 478 seq.

(2) de Orat. III. 14. conf. I. 46.

detur in usu artificiorum et viarum, quibus consilia possit consequi: horum enim bonitas et praestantia et liberiorem rationum ineundarum optionem iure sibi sumere videbatur (1).

Cum hac quaestione arctissime cohaeret teritia: *utrum virtus sit Eloquentia*: orta illa ex Stoïcorum disputationibus (2). Quam quaestionem si cum Quintiliano (3) in eo verti definiamus, *utrum Eloquentia ex mediis sit artibus*, quae neque laudari per se, neque vituperari possunt, sed utiles aut secus secundum mores utensium fiunt, *an moralis quædam sit facultas*; non tam abhorrens et absurdâ eius institutio videbitur, atque quibusdam visa est, ratione habita veterum de Eloquentiae natura sententiae. Sed si, iudice Cicerone, Orator, nisi vir bonus, nemo esse posse, coniungitur Eloquentia cum disciplina morali: præsertim cum Eloquentia non cogitanda sit nuda dicendi facultas; sed intime coniuncta ea cum rerum scientia, omni sentiendi et agendi ratione; quae merito

(1) Vid. quae disseruit Quintil. I. O. XII. 1. imprimis p. 678 seqq. Ceterum ad hanc partem vid. quae plura disputavit Schröder Vir Cl. in dissert. laud.

(2) Vid. *de Orat.* III. 18. princip.

(3) I. O. II. 20.

et proprio *sapientia* dicitur. Illam igitur co-
gitandi faciendique vim et praestantiam, instru-
ctam et munitam eloquendi instrumento, com-
muni Eloquentiae nomine insignitam, veteres per-
fectionem aliquam moralem esse voluerunt (1).
Atque in hunc sensum per personam Crassi Ci-
cero censuit (2): „ est — Eloquentia una
„ quaedam de summis virtutibus, quamquam
„ sunt omnes virtutes aequales et pares, sed
„ tamen est species alia aliâ magis formosa et
„ illustris: sicut haec vis, quae scientiam com-
„ plexa rerum, sensa mentis et consilia sic ver-
„ bis explicat, ut eos, qui audiant, quocun-
„ que incubuerit, possit impellere; quae quo-
„ maior est vis, hoc est magis probitate iun-
„ genda, summaque prudentia: quarum virtu-
„ tum expertibus, si dicendi copiam tradideri-
„ mus, non eos quidem Oratores effecerimus,
„ sed furentibus quaedam arma dederimus”:
Ex quo loco facile colligitur, Ciceronem non
dicendi facultatem, quod quidam male putarunt,
inter virtutes retulisse; eam scilicet mali etiam
et scelesti homines sibi comparaverunt: sed eam
propriam mentis probitatem et agendi prudentiam,
quae ad summum Oratorem eximie requiri-
tur,

(1) Conf. definitio *virtutis* apud Cicer. Acad. I. 5.

(2) de Orat. III. 14.

tur: qua destituta Eloquentia, hoc tam gravi nomine non amplius digna est (1).

Porro quaeritur, utrum *ars sit dicendi*: de qua re paulo uberioris in Libris de Oratore expōnitur. Triplex in hac re iudicium distinguit Sulpicius (2), de Eloquentiae loquens sive *studio*, sive *artificio*, sive *facultate*: Cicero (3) *studio* substituit *exercitationem*, Eloquentiam faciens sive *artis*, sive *exercitationis*, sive *naturae*: utrumque ceteris adiungit, quadruplicem Eloquentiae fontem indicans (4), sive *studii*, sive *artis*, sive *exercitationis* cuiusdam, sive *facultatis* a natura profectae. Cicero autem sententiam suam per Crassi personam expositurus (5), ne sit tota res in verbi controversia posita, orditur ab *artis* definitione, quam in eo constare dicit, ut ea, quae observata sint in usu ac ratione dicendi, haec ab hominibus calidis ac peritis animadversa ac notata, verbis designata, generibus illustrata, partibus distri-

bu-

(1) *Conf. de Orat.* I. 18. *Quinctil.* II. 20. ex quo magis etiam de sententia Ciceronis constat. *Conf.* etiam *Acad.* I. 2. et II. II. a *Davif. ad h. l. not. 4. de Offic.* II. 14.

(2) *de Orat.* I. 21.

(3) *de Invent.* I. 1.

(4) *ibid.* I. 1.

(5) *de Orat.* I. 23.

buta sint (1). Quo sensu facile intelligimus esse artem quandam dicendi (2), quae Rhetorica vocatur. Huius autem artis ea est ratio, ut negligenda quidem non sit, sed tamen alia sint ad consequendam Eloquentiam maiora (3). Naturam enim primum atque ingenium censet Crassus (4), ad dicendum vim afferre maximam: et quae donavit atque inseruit natura, ea arte posse accendi aut commoveri; quae naturalem facultatem potest limare, acuere aliquomodo, et corrigeri; et habet quaedam, quasi ad commondum Oratorem, quo quidque referat, et quo intuens, ab eo, quodcunque sibi proposuerit, minus aberret (5). Quod igitur condidit natura, excitarunt et rexerunt artis praecpta, id, iudice Cicerone, cumulatur ac perficitur exercitatione et usu (6). Hanc vero sententiam Cicero plurimis locis explicatam, suo exemplo, quod descripsimus, praecclare confirmavit (7).

De-

(1) *de Orat.* I. l. conf. omnino. c. 32. 41. 42. et c. 20. II. 7. 8. 57. conf. c. 41.

(2) *Vid. de Orat.* I. 23. 24.

(3) *de Orat.* I. 23.

(4) I. l. c. 25. conf. c. 28.

(5) I. l. c. 32.

(6) *Vid. I. l. c. 32 — 35.*

(7) Ceterum de hac controversia vid. *Quinctil.* I. O. II. 17. *Voss. de Nat. Rhet.* c. VIII.

Denique in Libris *de Oratore* obiter attingitur quaestio: *quaenam affinitas Eloquentiae sit cum Poëtica?*, „Est sinitimus”, inquit Crassus (1), „Oratori poëta, numeris adstrictior „paulo, verborum autem licentia liberior, „multis vero ornandi generibus socius, ac pene par: in hoc quidem certe prope idem, „nullis ut terminis circumscribat aut desiniat „ius suum, quominus ei liceat, eadem illa facultate, et copia vagari, qua velit”. Antonius (2) in *Oratore* requirit *verba* prope *Poëtarum*: et Crassus (3) Oratori Poëtas commendat legēdos. Cicero ipse, „Poëtae”, inquit (4), „quaestionem attulerunt, quid ipsi differrent ab Oratoribus. Numero maxime videbantur antea et versu: nunc apud Oratores iam ipse numerus increbruit”. — Itaque video visum esse nonnullis, Platonis, et Democriti locutionem, et si absit a versu, tamen quod incitatius feratur, et clarissimis verborum luminibus utatur, potius poëma putandum, quam Comicorum Poëtarum, apud quos, nisi quod versiculi sunt, nihil est aliud „quo-

(1) *de Orat.* I. 16.

(2) I. I. c. 28.

(3) ibidem c. 34.

(4) *in Orat.* c. 20.

„ quotidiani dissimile sermonis. Nec tamen id
 „ est Poëtae *maximum*: etsi est eo laudabilius,
 „ quod virtutes Oratoris persequitur, cum versu
 „ sit adstrictior. Ego autem, etiamsi quorum-
 „ dam grandis et ornata vox est Poëtarum, ta-
 „ men in ea cum licentiam statuo maiorem esse,
 „ quam in nobis, faciendorum iungendorum-
 „ que verborum, tum etiam nonnullorum vo-
 „ luptati vocibus magis, quam rebus inservi-
 „ unt". Id autem est inter eos simile „ iudi-
 „ cium, electioque verborum". Cui loco ni-
 hil in ampliorem explicationem addendum, ut
 plenissime constet de sententia Ciceronis; cuius
 est de hac Poëtarum et Oratorum cognatione
 egregium plane et verissimum iudicium (1).

(1) Conf. van der Palm *in Orat.* laud. p. 57 seqq. Fenelon *in Lib.* saepius laud. p. 63 seqq. et Schrant *in Annot.* 26. Annot. p. 47. 48.

T A N T U M;



M U T H A T



